

Ўзбекистон ССР Фанлар академияси  
А. С. Пушкин номидаги Тил ва адабиёт институти  
Ҳ. С. Сулаймонов номидаги Қўлёзмалар институти

## АЛИШЕР НАВОИЙ

# МУҚАММАЛ АСАРЛАР ТЎПЛАМИ

Йигирма томлик

Бешинчи том

ХАЗОЙИН УЛ-МАОНӢ  
Бадоъе ул-васат

Ўзбекистон ССР «Фан» нашриёти  
Тошкент — 1990

Таҳрир ҳайъати:

К. ЯШИН, Э. ЮСУПОВ, УЙҒУН, ИЗЗАТ СУЛТОН, А. ҚАЮМОВ, Б.  
НАЗАРОВ, А. ҲАЙИТМЕТОВ, Ф. СУЛАЙМОНОВА, С. ФАНИЕВА, М.  
ҲАКИМОВ

Илмий-танқидий текст асосида нашрга тайёрловчи:  
ҲАМИД СУЛАЙМОН

Масъул муҳаррир:  
СОЛИҲ МУТАЛЛИБОВ

Мазкур томни қайта нашрга тайёрловчи:  
Ф. СУЛАЙМОНОВА

Тақризчилар:  
АЛИБЕК РУСТАМОВ, МАВЖУДА ҲАМИДОВА

## БАДОЕЪ УЛ-ВАСАТ

### АЛИФ ҲАРФИНИНГ ОФАТЛАРИНИНГ ИБТИДОСИ «БАДОЕЪ»ДИН

#### 1

Эй навбаҳори оразинг субҳифа жонпарвар ҳаво,  
Андин гулбул топиб юз барг бирла минг наво.

Тўбию шоҳи сидрадур кўюнг гиёҳи, негаким  
Ушшоқ ашқу оҳидин ҳар дам топар сую ҳаво.

Захри фироқингдин қаю ошиқки бўлди талхком,  
Нўши висолинг етмаса, Исо анга топмас даво.

Чун қозијул ҳожот сен даъвои маҳринг қилғали,  
Дарду фироқ андуҳидин келтурмишам икки гуво.

Қилмай қабул ижоднинг имкони йўқ, сўнгра яна  
Мақбулини рад айламак лутфунгдин ўлғайму раво.

Зоҳид, кўнгулнинг хилватин матлуб ғайридин орит,  
Сен сайр қилсанг қил, керак кўнглунгга бўлса инзиво.

Десанг Навоий жон аро маҳбуб бўлғай жилвагар,  
Аввал кўнгул кўзгусидин маҳв айла нақши мосиво.

#### 2

Не сунъунгдин ажаб юз минг жаҳон бўлмоқ яна пайдо,  
Не мулкунгга халал юз минг жаҳондек бўлса нопайдо.

Не поёни жалолу кибриёдурким тафовут йўқ,  
Агар юз минг жаҳондек бўлса нопайдо ва ё пайдо.

Азал ҳам сен, абад ҳам сен, не аввал бирла охирким,  
Анга йўқ ибтидо пайдо, мунга йўқ интиҳо пайдо.

Ироданг бирла тақдирингдин ўлғай икки кавн ичра,  
Агар бўлса фано зоҳир вагар бўлса бақо пайдо.

Фалак ҳам ожиз, ахтар ҳам забун, сайру сукун ичра  
Ки, сендиндур, не бўлса анжуму афлок аро пайдо.

Баҳона уммоҳот ўлдию обо йўқса сунъунгдин,  
Ато бирла аноға не атову не ано пайдо.

Нечаким баҳр ила кон бўлса, сендин тарбият етмай,  
Эмастур мумкин ўлмоқ дуррӯя лаъли бебаҳо пайдо.

Чу баҳри раҳматинг мавж урса, пайдо бўлмағай хасча,  
Неча журм аҳлидинким бўлса юз кўҳи хато пайдо.

Навоийнинг тилин шукрунгға гўё айлаким, бўлғай  
Анга ҳамдинг гулистонида ҳар дам юз наво пайдо.

### 3

Эй, қилиб лутфу ато бирла улус комираво,  
Эй, вужуду адам иккиси вужудингға гуво.

Сен солиб навъи башар хайли мизожи аро заъф,  
Сендин афлок тибоида қави барча қуво.

Офариниш сипаҳида бир эмас юз мингдин  
Мехрким, чекти фалак буржида зарбафт ливо.

Етмаса гарди раҳинг қўҳли бўлуб Рухуллоҳ  
Ожиз айлар чоғи хуфдош амосига даво.

Лутфунг оллида кириб равзаға аҳли исён,  
Қаҳринг ўлғанда тушуб вайлға аҳли тақво.

Шарқдин ғарбни бир дам бориб аҳли талабинг  
Ким, бўлуб ҳиммат аёғи била ул қавм рано.

Гулшани васлинга ҳар қушки ҳаво кўргузди,  
Етмади лек агар етти қилиб эрди ҳаво.

Зотинга ғайрни кимса начук этгай ташбих,  
Мосиваллоҳ чу саво келдию ул зот сиво.

Ё раб, ул барг насиб этки, Навоий топқай  
Боғи тавҳид гулу булбулдек баргу наво.

#### 4

Эй, жамолинг жилваси миръот инсу жон аро,  
Лек ўлуб ул жилва комил мазҳари инсон аро.

Топмаған бўлса лабингнинг шарбатидин чошни,  
Бас бу не жонбахшиликдур чашмаи ҳайвон аро.

Нега олам ўртади, ҳуснунг ўтидин ламъае,  
Тушмаган бўлса жамоли Юсуфи Канъон аро.

Тушмаган бўлса қуёшингдин қўлиға партаве,  
Бас не байзо эрди жайби Мусаи Умрон аро.

Эсмайин лутфунг риёзидин чаман сари насим,

Гулга булбул қайда вола бўлди бу бўстон аро.

Файз агар олмас вужудунг гулситони атридин,  
Шаммаи нақши вужуд имкон эмас имкон аро.

Тортибон солғил Навоийни карам дарёсиға  
Ким, бўлубтур ғарқа баҳри бодаи исён аро.

## 5

Ё раб, ўлғон чоғда жоним жисми вайрондин жудо  
Ул бўлуб мундин жудо, сен бўлмағил андин жудо,

Чун жудо бўлсан мени ғамнок йўқу бордин  
Не ғамим, сен бўлмасанг мен зори ҳайрондин жудо.

Нақди жон чиққанда имон гавҳарин кўнглумга сол,  
Айлагил жондин жудо, лек этма имондин жудо.

Хонумондин ойириб, қилғанда зиндан ичра ҳибс  
Қилма лутфунг мен алохону аломондин жудо.

Ҳашр ғавгоси аро осийлиғимға раҳм қил,  
Лутф ила илгим тутуб, қил аҳли исёндин жудо.

Гарчи ўлдум кофири ишқ аҳли ислом ичра қот,  
Ул замонким бўлғуси коfir мусулмондин жудо.

Элга махлас истасанг, етти тамуғни айла кул,  
Айлабон бир шуъла бу оҳи дурахшондин жудо.

Жаннат истаб айлаганларни ибодат қилмағил  
Кавсару тўбию қасру ҳуру ризвондин жудо.

Барчадин айру Навоийға қилиб васлинг насиб,  
Қилмағил, ё раб, ани мундин, муни андин жудо,

**6**

Эй гулшани рухсоринг ўлуб даҳрға оро,  
Рухсор уза сочинг гул уза анбари соро.

Гунг этти Масиҳонию тор этти қуёшни,  
Ул нутқи дилором ила ул ҳусни дилоро.

Гесуву юзунг сунбулию барги гулидин,  
Девона мену шифта лайлан ва наҳоро.

Ул ердаки рахшинг қилибон жилваи парвоз,  
Учмоққа фалак қушлариға анда не ёро.

Захм элдин ўлуб зоҳиру сендин бори марҳам,  
Эл унф аён айлабу сен барча мадоро.

Лаълингға етиб хора агарчи ушатибдур,  
Чун анда етиб лаъл бўлуб қадрда хоро.

Билди чу ҳадисингни Саҳиҳ эмди Навоий,  
Маскан чу тилар бўлса не Батҳо, не Бухоро.

**7**

Эй, санга муқтадолик ики кавн аро,  
Анта хайрул башар, анта хайрул варо.

Кимки фавқус сурайё эди манзили,  
Тобеъинг бўлмағач кирди тахтас-саро.

Зотинга фахр этиб етмиш икки фариқ,  
Оразинг шамъидин ёруб икки саро.

Нафсинга раҳмати ҳақ била иқтирон,  
Муъжиз отингға сихру фусун ифтиро.

Ҳашрға тегру меърожинг афсонаси,  
Хайли хайл малойик аро можаро.

Ҳам рафъатингға арши баринда макон,  
Ҳам Буроқингға хулди баринда чаро.

Ким касофат била қўйди юз наътингга,  
Гар қуёш эрдиким, бўлди юзи қаро.

Ё набийаллох, аҳволима қил назар,  
Журму исёну ожизлиғим мо таро.

То анинг бирла бўлғай, Навоий, сенинг  
Наъту ҳамдинг баёнига достон саро.

## 8

Улки ишқ аҳлини ўлтурмак эрур одат анга,  
Жон керак бўлса кўнгул айламагай рағбат анга.

Ҳажр муҳдлик эканин мундоқ агар билсан эди,  
Тутмағай эрдим агар ўлсан эди улфат анга.

Ул парий сувратиға телба кўнгул бўлди асир,  
Ишқ аро, войки, юзланди ажаб суврат анга.

Юзи кўзни ёритур, лек қуёш хира қилур,  
Билур улким кўзи борким, мунга йўқ нисбат анга.

Тош урарлар мени Мажнунғаки, қозмиш Фарҳод,  
Ишқ аро менча қачон эрди экин шиддат анга.

Улди Мажнун кўрубон дилбарину мен кўрмай,  
Менча йўқ эрди экин ўлганида ҳасрат анга.

Дийда побўсин аёғингға магар элтур ашқ,  
Йўқ эса мунча югурмакда недурур суръат анга.

Мени саргаштада ҳижрон ўқидин минг пайкон,  
Чархи гардонға мушобиҳ кўрунур ҳайъат анга.

Даҳрнинг гулшанидин бўйи вафо тутма тамаъ  
Ким, сабо машшотаси сепмади бу накҳат анга.

Эй хуш ул риндки, муғ дайрини қилди маскан,  
Етса ҳам муғбачалар ишқида юз офат анга.

Эй кўнгул, қўйма Навоийники, ҳушёр ўлғай,  
Кўп етардек эса даврон элидин меҳнат анга.

## 9

Килк эрур жисмимки, тил бўлмиш демақдин лол анга,  
Ичда печу тоблиғ ноламни англа, нол анга.

Сунъ килкидин ёзилди гўйи, ул гўйи зақан,  
Нуқталар янглиғ занахдонингда икки хол анга.

Кокулунг элга жаҳонни тийра қилғон дуд эрур,  
Ҳар сари зулфунг ики ёнида тушкан дол анга,

Кўйнда овора кўнглум хаста эрмиш, эй рафиқ,

Лутф этиб маълум қилсангким, не бўлмиш ҳол анга.

Эй мусаввир, топмасанг Лайлию Мажнун чеҳрасин,  
Дилбаримни бил мунга ўхшаш, мени тимсол анга.

Соқиё, кўнглумни даврон қилди кўптин-кўп малул,  
Бўлғали фориғ керак бир жоми моломол анга.

Эй Навоий, кимки қилди ҳажр бедодин қабул,  
Раҳбари сарманзили васл ўлди бу иқбол анга.

## 10

Лаъли лабингки, жоним эрур мубтало анга,  
Махлас демонки, истарам ўлғай фидо анга.

Ҳажринг балосиға не илож айлагай Масих,  
Ранжикур улки заҳр емақдур даво анга.

Васлинг қушики ашқ ила оҳимдин этти рам,  
Гўё ярашмади бу су бирла ҳаво анга.

Маръям кеби ано эди туққонда ул Масих,  
Тарсо эмон десамки, ким эрди ато анга.

Дашномим этса шод нечук бўлмайинки, мен  
Андоқ ҳақирменки, дей олмон дуо анга.

Соқий майики ёр лабу орази кеби  
Бўлғай назар ҳаримида рангу сафо анга.

То ичсам ани ул юзу лаб жилва айласа,  
Жон кўзгусида рафъ бўлуб мосиво анга.

Улким замона аҳлидин истар вафову меҳр  
Ким, нақши меҳр кўрди мунга ё вафо анга.

Айб этмангиз, Навоий агар бўлса бенаво,  
Кўйдиму давр чархи мухолиф наво анга.

## 11

Ҳажридин ҳар нечаким бўлди кўнгул зор манга,  
Ҳеч раҳм этмади ул шўхи жафокор манга.

Ғунчадекдурким, очарлар куч ила баргларин,  
Бўлғали ҳажрида қонлиғ кўнгул афгор манга.

Оташин лаълдек ахгар тўқадурлар ҳар дам,  
Лаби ҳажрида ики дийдаи хунбор манга.

Зулфидин шиддати куфрум эрур ул ҳадғачаким,  
Сабҳа торича эрур риштаи зуннор манга.

Яхшироқ равза саводидин, агар даст берур  
Ул қуёш кўйида бир сояи девор манга.

Чунки бу қуббаи ҳазро аро жуз ҳодиса йўқ,  
Эй кўнгул, авло эрур қулбай хаммор манга.

Эй Навоий, не маю мутрибу не ҳуону не ишқ  
Хонақаҳ тарки эрур, англаки, ночор манга.

## 12

Лабларингдин гарчи қон ютмоқ дамо-дамдур манга,  
Гар даме жоми висолинг йиқса, не ғамдур манга?!

Панд эшитмай, кўруб ани, юз балоға учрадим,  
Кўзларим чиқсанки, юз мунча сазо камдур манга?!

Қофи шавқум шарҳини таҳрир қилдим, ваҳ, не суд  
Ким, анга ирсол учун Семурғ маҳрамдур манга?!

Ёрким, мундоқ ниҳондур кўздину мен телбамен  
Ким, дегайким, фитна бўлған насли одамдур манга,

Қора чирмаб ёш тўкуб, афғон қилурмен хомадек,  
Эткали нолон кўнгул бу навъ мотамдур манга?!

Ўзга юзга боқма деб, бир-бир кўзумға бости муҳр,  
Ийнак-ийнак ҳар қора бир нақши хотамдур манга?

Даҳр аро тушкан ҳаводис ўтидин монеъ эмас,  
Кўз ёшимдин гарчи кўз тушкунча бир намдур манга?!

Соқиё, жоми жаҳонбин тутки, андин кашф этай  
Ким, кўп иш бу коргаҳ вазъида мубҳамдур манга?!

Дилбари оллида Мажнун нақди жон сарф этмади,  
Эй Навоий, ишқ атвори мусалламдур манга?!

## 13

То сенингдек қотили хунхорae бордур манга,  
Биллаҳ, ар ўлмақдин ўзга чорае бордур манга?!

Нўши жон ҳар бодаким аҳбоб ила нўш айладинг,  
Гарчи ҳаргиз демадинг оворае бордур манга?!

Васли иқболиу мен, ҳайҳот, басдур бу шараф  
Ким, йироқдин давлати наззорае бордур манга?!

Деб эмиш ҳар кимда бор захме, отай марҳам бир ўқ,  
Шуқр эрурким, ҳар саримў ёрае бордур манга?!

Борди ул хуршиду ашким оқти, вах, толеъ кўрунг  
Ким, не янглиғ ахтари сайёрае бордур манга?!

Сабр солдим кўнглума васлинг тилаб, вах, бот келиб  
Турфа кўрким, шиша ичра бордур манга?!

Дема кўп, эй нафским, дунё арусин иқд қил,  
Уйда баъзидек соғин маккорае бордур манга?!

Дев уруб ишқи мажозий ичра мажнун айлаган,  
Ёва дер, буким парий рухсорае бордур манга?!

Эй Навоий, куймакимни қилмағайсен манъ, агар  
Жон аро билсанг не оташпорае бордур манга?!

## 14

Лабинг сари токим назардур манга,  
Ёш ўрнида хуни жигардур манга.

Дема мендин айрил, доғи умр сур  
Ки, ул умр ўлумдин батардур манга.

Тугонлар дирам шаклидур зод учун,  
Адам сари чунким сафардур манга.

Қилур айб ошиқлиғим барча халқ,  
Улус айби, ваҳқим, хунардур манга.

Табибо, яна сабрдин дема сўз

Ки, бу шарбатингдин заарардур манга.

Дема майни тарқ этки, соқий юзи  
Бу кўзгу аро жилвагардур манга.

Навоий, ул ой ҳажрида туну кун  
Қотиқ шому тийра саҳардур манга.

## 15

Жавру зулмунг гарчи ўлмаклик нишонидур манга,  
Чунки сендиндур ҳаёти жовидонидур манга.

Ул париваш ишқидин, носих, мени манъ этмаким,  
Телбалик вақтию ошиқлиқ замонидур манга.

То ўқубмен ишқ ҳарфин дарсу тақрору сабақ  
Вомиқу Фарҳоду Мажнун достонидур манга.

Музтарибмен чарх янглиғким, нужуми тийрадин  
Танда ҳар кун юз туман доғи ниҳонидур манга.

Ҳеч ранже зоҳир ўлмай мен худ ўлдум, эй табиб,  
Лек билким, қасди жон эткан фалонидур манга.

Эйки, дерсен ишқ аро ўлмак зиёндур, умр суд,  
Ҳар не судидур санга, неким зиёнидур манга.

Кўрмишам вожиб бақосин равшан, андоқким қуёш  
Токи имкон соя янглиғ қўзда фонидур манга.

Бу фано дайрин бақосиз эрканин то англадим,  
Эл суруди ишрати мотам фифонидур манга.

Эй Навоий, воизу фирдавси аъло зикриким,  
Боғи хулд ул хури пайкар осто ни дур манга.

## 16

Қилди юз пора кўнгул бўлғали афгор санга,  
Юз кўнгул бирла мени ишқ гирифтор санга.

Йўқ бадан бирла кўнгулдин манга юз меҳнату дард  
Ким, бўлубтур бадан афгору кўнгул зор санга.

Фам туни субҳ тиларсен, кўнгул уз, захминг қўп,  
Воқиф ўлким, дамидин ет масун озор санга.

Эйки, дерсеп манга ошиқмусен, аҳволима боқ,  
Ваҳки, тил бирла нечук қилғамен изҳор санга.

Эйки, даврон ғамидин йўқ сенга бир лаҳза амон,  
Билки, хуш маъман эрур кулбай хаммор санга

Май ич, эи шайхки, матлуб юзи жилвасидин,  
Қилмади манъ бажуз пардаи пиндор санга.

Васл кўйида, Навоий, турубон истама ёр,  
Муддаи борида ул кўйда не бор санга.

## 17

Баҳона қатлимадур ишқдин фасона санга,  
Қилурға қатл не ҳожатдуур баҳона санга.

Ўқи ўтуналари ичра сен ўтсен, эй кўнглум,  
Бошоғлари учидан ҳар тараф забона санга.

Қуруқ таним ўқ учидин кўрунмас, эй чобук,  
Яқин кетур, керак эрса сўнгак нишона санга.

Иҳота айладинг, эй баҳри ашқ, ер куррасин,  
Ажаб эмастур, агар йўқтуурур карона санга,

Дам урма муғбачалар ишвасидин, эй зоҳид,  
Вужуд нақшин оқизмай майи муғона санга.

Замона таркини ком айлабон халос ўлғил,  
Десангки, солмаса нокомлиғ замона санга.

Навоиё, ғами чун жону кўнглунг олди, не суд,  
Суруди дилкаш ила жонфизо тарона санга.

## 18

Меҳнат ўқидин қабақдек қолмишам афғон аро  
Ким, букун чобуксуворим йўқтуур майдон аро.

Тийралиқдин кўр этибтур кўзларим ҳар қунги гард  
Ким, бор эрди тўтиё бу дийдаи гирён аро.

Сенки майдон ичра йўқсен, пайкаредур жони йўқ,  
Ҳар пари пайкарки маркаб секретур жавлон аро.

Гарчи ҳар шўхе сурар майдонға ўқ янглиғ саманд,  
Чун сенинг рахшинг эмас, биллаҳ, ўқидур жон аро.

Тер оқизған аблакингдектур сени келгайму деб,  
Ҳар сари тушкан кўзум юз минг дури ғалтон аро.

Онсиз урмиш ҳалқа чобуклар, не янглиғ этмайин  
Ким, кўрунмас зарра, хуршид ўлмаса даврон аро.

Меҳрдек гар тавсани гардунга мингилким, сипехр  
Паст этарда фарқ йўқ хуршид ила Кайвон аро,

Гар қуёш зангин фалакрафторлиғ рахшингга ос  
Ким, тузар ул занг навҳанг нағмасин афғон аро.

Эй Навоий, кет бу майдондин, гар ул ҳур ўлмаса,  
Биллаҳ, ўлсам турмағаймен равзаю ризвон аро.

## 19

Ваҳки, расвомен яна девонаву оқил аро,  
Бул-ажаб ҳолим бўлуб афсона ҳар маҳфил аро.

Музтар эрдим ҳажрдин, ёр эткан эрмиш тарки меҳр,  
Мушкуледур ишқдин ҳар дам манга мушкул аро.

Ақлу сабру хуш итиб, кўнглумда қолди доғлар,  
Корвон кўчса, қолур ўтлар ери манзил аро.

Ўқларинг мужгон кеби гирён кўзум атрофида,  
Рост бордур ул қамишлиқким бутар соҳил аро.

Кирпикинг тушкан кўнгул ичра хаёлинг, эй парий,  
Гўйиё Юсуф нузул этмиш чаҳи Бобил аро.

Қуллуғунг доғидин ўлсам, истамон озодлиқ  
Ким, бу тамғадур нишони Мудбиру Муқбил аро.

Масканинг истар Навоий, нася жаннат аҳли зуҳд,  
Мунча-йқ бўлур тафовут олиму жоҳил аро.

## 20

Эй алифдек рост қаддинг ҳасрати жонлар аро,  
Жисм ичинда жон кеби сен барча султонлар аро.

Кушқа ўхшарким, тикандур ошиёни, эй кўнгул,  
Тийри борони ғамингдин қолди пайконлар аро.

Ғам топар ҳажрингда ашким ичра кўнглум порасин,  
Иш куни топқан кеби эл ғойибин қонлар аро.

Чок кўнглум хўблар кўнгли аро топти шикаст,  
Ваҳ, бутун қолғайму ёруқ шиша сандонлар аро.

Доғлар ичра алифлар зор жисмим мулкида,  
Ғам сипоҳиға силичлар бўлди қолқонлар аро.

Элга кўюнгдур макон, мен қулни қавмоғлиғ недур,  
Булбул ўлса, зоғ ҳам бўлур гулистонлар аро.

Иста йиртуқ жанда кийганларда маъни маҳзанин  
Ким, бу янглиғ ганж ўлур ул навъ вайронлар аро.

Атласу зарбафт аро нодон анингдек ҳашв эрур  
Ким, хатойи сафҳада сабт ўлди афшонлар аро.

Бу эшикни чун тилаб келди Навоий тенгридин,  
Ул сабабдин гўйиёким қолди дарбонлар аро.

## 21

Демаки, кирди ўси қатл вақти қоним аро  
Ким, ул алиф кеби кирди ўларда жоним аро.

Улуб эдим ғами ҳажрингда, бўлмаса эрди

Лабинг тахайюли жон жисми нотавоним аро.

Гар айласам ватан ул кўй аро, мени қовманг  
Ки, ишқ шуъласи ўт солди хонумоним аро.

Кўзу кўнгул қурумиш, не тўкай аёғингға  
Ки, қолмамиш дурӯз лаъли ушбу баҳру коним аро.

Ажаб йўқ, оқса эриб мағзи устихонимким,  
Ўтун сўнгаклар эрур шуълаи ниҳоним аро.

Сабухи истаю еткач саҳар очилди эшик,  
Бу фатҳ дайрида ўтмас эди гумоним аро.

Навоий, истама жуз йиғламоқ, унумдинким  
Нашот замзамаси йўқтуур фифоним аро.

## 22

Сенингдек буте йўқтуур Чин аро,  
Бути чин сенинг банданг ойин аро.

Магар оби ҳайвонға кириш Масих,  
Каломинг лаби лаъли ширин аро.

Гуландомлар ичра, эй гулъузор,  
Қизил гул кебисен раёҳин аро.

Қадингдек десам сарвни, қилма айб,  
Агар тушмади рост тахмин аро.

Фироқ иҷраким ваъда қилдинг висол,  
Ажаб лутф қилдинг аён кин аро.

Кўнгулда сен ўлсанг, тафовут недур,  
Йўлум бўлса гар куфр, агар дин аро.

Навоий дуо айлар ул хур учун,  
Малойик, мадад айланг омин аро.

## 23

Багир хунобидин заъф ўлди ғолиб хаста жонимға,  
Оғир эрди ғизо, авд этти заҳмат нотавонимға.

Лабинг ҳажрида жисмим конидин бир пора лаъледур  
Кўнгул захмида, яхши боқсалар ҳар қатра қонимға.

Адам дуржики оғзинг ҳуққасидур, марҳаме андин  
Даводур ғунчадек кўнглумдаги доғи ниҳонимға.

Сариф юзумдин эл йиғлар, магарким ўлмаким етти  
Ки, мундоқ хосият баръакс бўлди заъфаронимға.

Салоҳим пардаси куйди ул ўтлуғ юз хаёлидин,  
Фигонким, ойни ёд этмак зарар қилди катонимға.

Ул ой кулбамға келди, жондуру хуноб ила оҳим,  
Бу тортиғлар мураттаб айламишмен меҳмонимға.

Қарору ақлу ҳушум ишқинг ўти бирла чурканди,  
Самум эсди бало даштида озған корвонимға.

Замон авроқию ишқим эди Фарҳоду Мажнундин,  
Фалак бир-икки фасл этти изофат достонимға.

Навоий, Зухра удин мотамим тутқонда куйдурди  
Фалак сари эришиб борған учқунлар фиғонимға.

## 24

Ўтға солғил сарвни, ул қадди мавзун бўлмаса,  
Елга бергил гулни, ул рухсори гулгун бўлмаса.

Сарсари оҳим эсар ғам шоми ҳижрон тоғифа,  
Яхшидур тонг отқуча бу тоғ ҳомун бўлмаса.

Телбалиқдин, ваҳки, ҳар дам дардим афзундур, агар  
Ул парий ишқида ҳар дам дардим афзун бўлмаса.

Гар кўнгул қатл истабон сен ваъда қилдинг тонгла деб,  
Ушбу дам ўлтур, бу эҳсон бирла мамнун бўлмаса.

Хирқа жинсин раҳн учун, эй шайх, олмас пири дайр,  
Бода бермас, токи ўзлук жинси марҳун бўлмаса.

Фоний ўл, васл истар ўлсанг, бенаволиғдин не ғам,  
Бўлмасун ҳаргиз матоъе дунёи дун бўлмаса.

Эй Навоий, тонма, гар дер ул парий мажнун сени,  
Ошиқ ўлғайму парийға, улки мажнун бўлмаса?!

## 25

Хотирим вайронлиғин билгай бирор ҳижронида,  
Улки ҳар соат бирорни йўқлағай вайронида.

Англағай бекаслигимни бир қуёш қилған гумон,  
Тебранурда соя ҳам тебранса ногаҳ ёнида.

Тийра шомим шиддатин андин сўрунгким, бўлмагай  
Нур бир шамъи шабистондин саро бўстонида.

Кулбам айвонин фалак йиққонни сўр ул зордин  
Ким, аниси йўқ, йиқилғур кулбаси айвонида.

Ҳажр Канъонида шаънимда ўқир сабр оягин  
Улки, ҳажр оятлари нозилдур анинг шонида.

Эйки, айтурсен фалак бедодидин кўрмай ситам,  
Давр аёғин солмағил қўлдин фалак давронида.

Раҳм этиб аҳбобқа гардун, Навоий кўрди зулм,  
Кўшмади гўё ани аҳли муҳаббат сонида.

## 26

Даҳрким, ёр йўқ манго анда,  
Бор эса доғи йўқ вафо анда.

Тоза доғедуур кўзум қондин  
Ким, бўлубтур ниҳон қоро анда.

Уйла зиндан дуур фироқки, йўқ  
Мен кеби кимса мубтало анда.

Захми қўп кўнглум ўлди ғам тоғи,  
Лолалар ҳар тараф яро анда.

Дардинга жону кўнглум ўлди ватан,  
Истаган топти мунда ё анда.

Каъбадин дайр сари чек мениким,  
Ринд ўлур кирса порсо анда.

Фурқат ичра Навоий ул гулсиз  
Булбуледурки, йўқ наво анда.

## 27

Тушта кўрдум ёрни хандон рақибин ўтруда,  
Рашқдин ҳар лаҳза тиш қирчиллатурмен уйқуда.

Ул парий васли аро ёдимға кирса фурқати,  
Телбалар янглиғ тўкармен ашк айни кулгуда.

Кўзгу жаннат равзанидурким, тамошо қилғали  
Хур келмиш гўйиё, аксинг эмастур кўзгуда.

Юлдуз иткандек қуёш ёғдусида, итти қуёш  
Оразинг хуршиди чун қилди тулуъ ул ёғдуда.

Соқиё, бир журъа тут, шоядки юзлангай нашот,  
Неча бўлғай ҳажрдин озурда кўнглум қайғуда.

Ўзлукумни ашк элтиб, ўздин андоқ ётмен  
Ким, ўзумни тонимон, аксимни ҳам кўрсам суда.

Чун Навоий ёр сари юзланур, қайғу қолур,  
Соя қолғандек кейин, хуршид бўлғач ўтруда.

## 28

Беҳи рангидек ўлмиш дарди ҳажрингдин манга сиймо,  
Димоғим ичра ҳар бир тухми янглиғ донаи савдо.

Мазаллат туфроғи сариф юзумда бордур андоқким,  
Беҳида гард ўлтурғон масаллик тук бўлур пайдо.

Оқартиб ишқ бошимни, инҳон бўлди сариф чеҳрам,  
Момуғ ичра беҳини чирмаған янглиғ киши амдо.

Юзумда тифи ҳажринг захми ҳар сари эрур беважҳ,  
Беҳини тиф илан чун қатъ қилмоқ расм эмас қатъо.

Юзум туфроқдадур ҳар дам қуруғон жисм ранжидин,  
Беҳига сарнигунилик шохи заъфидин бўлур гўё.

Бу гулшан ичра беҳбуд истаган доим беҳи янглиғ,  
Кийиб пашмина, тоатқа қадин ҳам асрармоқ авло.

Навоий гар қуёш норанжидин беҳрак кўрар, тонг йўқ,  
Беҳиким лутғ қилмиш маҳди улё исмат уд-дунё.

## 29

Жисми беморимға бор ул нарғиси шаҳло бало,  
Жони хунхоримға ҳам ул лаъли руҳафзо бало.

Даҳр ичинда оғият нетсунки, ичкач бир қадаҳ,  
Ёғдуурол оламға ул шўхи қадаҳ паймо бало.

Не балодурким, қутулмасмен балодин бир нафас  
Ким, манга етмас даме ул шўхдин илло бало.

Войким, жонимға кўзу қошу хатту холидин,  
Ё адамдур, ё малолат, ё суубат, ё бало.

Қасдима азм этти, ваҳ, ўлмактин ўзга чора не  
Ким, эрур ҳам жилва оғат, ҳам қади раъно бало.

Севгали ул шаҳни мен мунглуғ, бало ҳар дам ёғар,  
Бор эмиш бўлмоқ гадонинг дилбари мирзо бало.

Ул балоға ўрганибмен, ўйлаким жоним чиқар,  
Кўрмасам бошимда бир соат мени шайдо бало.

Жоми минойи илиқдин қўйма, бу даврондаким,  
Ёғдуур давр аҳли узра гунбади мино бало.

Эй Навоий, фарқ аро қил мосиваллоҳ дафъиким,  
Келди солик бошиға дунёву мофиҳо бало.

## 30

Тифи захр олудидин жисмимда сар-тосар яра,  
Чашмаи захри ғамидин ичмакимга ҳар яра.

Найлай ўлмай, эй кўзи қотилки, юз минг ярадии,  
Жисми афгорим уза муҳлиқдуур аксар яра.

Итларинг меҳмоним ўлса, тўъма ярам қонидур,  
Қотил ўлғач, турфа кўрким, бўлди жонпарвар яра.

Қон борурдин гарчи жисмим боғиға бўлмиш хазон,  
Турфароққим, қондин очмиш юз гули аҳмар яра.

Яраға қўйған момуғлардин бўлуб бошимға тож,  
Лаълу ёқут айламиш ул тожға зевар яра.

Ёғмаған бўлса танимға тийри борони фироқ,  
Бир бадандада кимга бўлғай бу қадар бовар яра.

Яра гар маҳбубдин юз мунча етса бок эмас,  
Чун етар аҳбобдин, айлар мени музтар яра.

Десанг, эй соқий, бадал бўлсун, қадаҳ тут беҳисоб,

Ким тўкар қонимни беҳад, ким эрур bemар яра.

Эй Навоий, қайси бир яранг ўнғалғай, негаким,  
Турғани бирла эрур бу нотавон пайкар яра.

## 31

Гулу гулзор сенинг боғи жамолингға фидо,  
Сарву шамшод доғи тоза ниҳолингға фидо.

Бутубон меҳригияҳ донаси ҳам сочилса,  
Оразинг гулшани ичра хату холингға фидо.

Йўқ менинг, балки Хизр бирла Масихо жони,  
Чашмаи нўш аро жонбахш зулолингға фидо.

Янги ой, балки тўлун ой демайин, балки қуёш,  
Тўлин ою қуёшинг узра ҳилолингға фидо.

Эй кўнгул, васли хаёlinи қилурсен доим  
Ки, менинг жону жаҳоним бу хаёлингға фидо.

Туттунг, эй ринди харобот, манга соғарким,  
Руҳ бодангғаву тан эски сафолингға фидо.

Эй Навоий, лабидин нукта сўрарсен, юз жон  
Бўйла ширин сўзу жонбахш мақолингға фидо.

## 32

Мажнун бошини саждадин олмас эди асло,  
Гар Лайли итининг жулидин топса мусалло.

Найлай қора нарғисни, бошимға урайинму

Ким, бошима офат кетуур ул қўзи шаҳло.

Ёзғанда юзунг мусҳафини котиби тақдир,  
Ишқ оягини қилди менинг шаънима имло.

Ул муғбача гўёки чиқибур яна усрук,  
Йўқса не учун дайрда бор элга алоло.

Дўзахни агар ишқ ўти бирла қизитурлар,  
Дард аҳлиға учмоқдин эрур бас тамуғ авло.

Мақсадни йигитлар ғами ишқи аро иста,  
Ёхуд қарилар ҳимматидин айла тавалло.

Васлиға етушкунг неча саъб эрса, Навоий,  
Гар қилса карам тенгри таборак ва таоло.

### 33

Дарди ҳажримға ул икки лаъли хандондур даво  
Ким, ўлар Исо дамию оби ҳайвондур даво.

Не даво Исо дамин фаҳм айла, не ҳайвон суйин,  
Ҳажр жонин олғон элга васли жонондур даво.

Ишқ аро заъфим давоси шарбат эрмас, эй ҳаким,  
Шарбати васл этмайин ҳосил, не имкондур даво.

Ҳажр аро дардим давосин ёр мушкул, деб эмиш,  
Раҳм агар қилса, анинг оллида осондур даво.

Дарддин ғамгин кўнгулда хона қилмиш юз мавод,  
Эй, қора кўз, дафъига бир ниши мужгондур даво.

Зулфи зуннориға чирманған узорин очти ёр,  
Зулмати куфр ичра элга нури имондур даво.

Гар менинг бедиллиғим дарди давосин истасанг,  
Эй Навоий, бу маразға кўнглум олғандур даво.

## 34

Гулбарг уза қилмишсен то сабзай тар пайдо,  
Кун кўзгусида гўё занг этти асар пайдо.

Лаълинг ғамидин суда гул яфроғи келгандек,  
Ашкимда келур ҳар дам парканди жигар пайдо.

Жисмимдин оқиб қони, пайкони аён бўлди,  
Шоҳ узра бўлур доим гул кетса, самар пайдо.

Жон риштасидек эрмас кўзларга белинг маръи,  
Чобуклик учун қилдинг бағларға камар пайдо.

Ул зулф саводида ўлдум юзини кўрмай,  
Ваҳқим, йўқ эди муҳлиқ шомимға сахар пайдо

Даврон ғамидин кўнглум мақбуз эрур, эй соқий,  
Басти учун эткайсен ҳам бода магар пайдо.

Килкида Навоийнинг жон шираси музмардур,  
Ҳар найда қачон бўлғай бу навъ шакар пайдо.

## 35

Қилур ишқ юз минг бало ошкоро,  
Вале борин айлар манго ошкоро.

Бало, кўрки, ағёрға кўргузур ёр  
Ниҳон меҳру бизга жафо ошкоро.

Дедим: ишқни ошкор этмай, аммо  
Ёшурдум мен, этти қазо ошкоро.

Нетиб мен ниҳон асрайнин, айтинг охир,  
Тилар бўлса дардим худо ошкоро.

Жунунум бу бўлса, ғамим бўлғусидур  
Нечаким ёшурсам яно ошкоро.

Қилур юз жафо ошкораву бир ҳам  
Вафо қилмас ул бевафо ошкоро.

Едим тийр борони ҳажрингда минг захм  
Ки, бўлди не ўқу не ё ошкоро.

Неча бода махфий, чу фош ўлди ишқим,,  
Тут эмди қадаҳ, соқиё, ошкоро

Ки, то маст ўлуб ишқ рамзида, тортай  
Навоий кеби бир наво ошкоро.

## 36

Эй, санга қомати дилжў раъно,  
Тавру тарзинг доғи асрӯ раъно.

Пайкару қаддинга волиҳменким,  
Ул бири нозук эрур, бу раъно.

Ул парий учқуси раънолиқдин,  
Одами мунча бўлурму раъно.

Қоматинг нозуку тўби нозук,  
Сарв раънову таронғу раъно.

Эй мусулмонлар, ўларменким, эрур  
Асру ул сарви суманбў раъно.

Бевафодур бу чаман, кўп бўлманг,  
Эй, сапидор ила ножў раъно.

Бил, Навоийки, ғизолингча эмас,  
Чин гулистонида оху раъно.

### 37

Зиҳи лаълинг майдин жонға яғмо,  
Кўзунгнунг куфридин имонға яғмо.

Бузуғ кўнглумга торожингни бас қил,  
Киши солмайдуур вайронға яғмо.

Юзунг кўз мардумининг нурин олди,  
Парий солған кеби инсонға яғмо.

Бўлур ҳар шўх яғмойи асири,  
Чу ул чобук солур майдонға яғмо.

Ажаб ҳайрон қолибменким, не олғай,  
Солиб ул кўз мени ҳайронға яғмо.

Юзунг кўргуз манга андин бурунким,  
Хазондин еткай ул бўстонға яғмо.

Кўзидин зулғ агар тўлғонди, тонг йўқ

Ки, солмиш турк Ҳинди斯顿ға яғмо.

Жунун даштида не ахз айлагай ишқ,  
Буким солғай мени урёнға яғмо.

Навоий, анда чекти давр аёғи  
Ки, солди жоми май давронға яғмо.

## 38

Ёр жавлонгахидин келди сабо,  
Пайкарим туфроғини қилди ҳабо.

Юз саманди аёғиға қўярим,  
Мисли қах баргдуур қаҳрабо.

Буки кўксумни ғаминг қилди шикоф,  
Хилқатим қўнглакини қилди қабо.

Бўлди бағрим яраси ила афан  
Ки, шамимидин эрур бийми вабо.

Бошима ёғса қилич ишқингда,  
Бўлмасун бошим, агар қилсан ибо.

Ваҳқи, жоним била ўйнар ул тифл,  
Шўхлуғ лозимаси келди сабо.

Панжа пашминаға урдумки, эрур,  
Эй Навоий, панаҳим олий або.

## 39

Эй, юзунг гулбаригига ошуфтаву ҳайрон сабо,  
Телбалардек гулшани кўюнгда саргардон сабо.

Қўпмоғи мумкин эмастур, балки тебранмаклиги,  
Топмаса жонбахш лаълинг нуктасидин жон сабо.

Сунбули зулфин агар ошуфта қилмайдур, недур  
Ким, шабистонға эсар ҳар дам абирафшон сабо.

Пора-пора жисм аро оҳим нетиб қолғай ниҳон,  
Бўлмоғ имкон йўқ хасу хошок аро пинҳон сабо.

Ёрдин келди сабо кеч келмакин айларга фош,  
Кўнглум ичра тез қилди шуълаи ҳижрон сабо.

Нотавонлар оҳи ул гул кўйида ҳар субҳидам,  
Уйладурким, гулситон ичра эсар ҳар ён сабо.

Субҳ чун эсти сабо, ичкил қадаҳким, бўлмоғунг  
Сену кўп эстургуси бу боғ аро даврон сабо.

Лоларухлар аҳдининг маҳкамлиги мумкин эмас,  
Собит ўлмоқ лаҳзасе бир ерда не имкон сабо.

Тонг эмас, солса Навоий оҳи кўюнгда ғирев,  
Чун гулистон сайрида зоҳир қилур афғон сабо.

## БЕ ХАРФИННИГ БАЛОЛАРИНИНГ БИДОЯТИ «БАДОЕЪ»ДИН

### 40

Ҳақ ўзин қилди муҳиб, сен ойни маҳбуб, эй ҳабиб,  
Ул муҳибқа сен кеби маҳбуб эрур хўб, эй ҳабиб.

Роғиб эрдинг ул муҳиб васлиға, чун шоми уруж  
Топтинг, улким хотирингға эрди марғуб, эй ҳабиб.

Бир саримӯ олам аҳли бўғзидин парвойи йўқ,  
Айлаган ўзни сенинг ҳуббунгға мансуб, эй ҳабиб.

Бўлсалар аҳли муҳаббат ҳар кишининг толиби,  
Бизга сендурусен ики оламда матлуб, эй ҳабиб.

Ҳар киши аҳбобинг ичраким ўзин айлар ҳисоб,  
Бермайин жон ул муҳибқа қайдга маҳсуб, эй ҳабиб.

Чун шафоат дафтари сендин тутармен кўз, не ғам,  
Ҳар қўлумға берсалар маҳшарда мактуб, эй ҳабиб.

Чун муҳаббат аҳлиға тоат ҳунардур, раҳм қил  
Ким, Навоий келди ул хайл ичра маъюб, эй ҳабиб.

## 41

Ёр гулгун тўн енгинму юзга айлабтур ҳижоб,  
Ё ёшурмиштур қуёш рухсорини гулгун саҳоб.

Йўқки, ишқ аҳлиға оламни қоронғу қилғали  
Ул шафақдин ёпти хуршид узра гулнори ниқоб.

То қизил тўн ичра бўлди жилвагар моҳим менинг,  
Мехр этар ҳар тун шафақ хуноби ичра изтироб.

Қон ёшим аксиму ол этмиш фалак миръотини  
Ким, бўлубтур лаългун атласда сойир офтоб.

Тўн кийиб гулранг, оламни гулистон айладинг,  
Бизга қисм айлаб ҳазони ҳажр аро хори азоб.

Соқийи гулчехра, гулгун бода беандоза тут  
Ким, бу гулшан ичрадур хори малолат беҳисоб.

Икки оламда, Навоий, сурхрўлуғ истасанг,  
Ҳам наби, ҳам олий ҳуббиға дуруст эт интисоб.

## 42

Ваҳки, ул муғбача, ҳар дамки чекар бодаи ноб,  
Қўзғалур арбадасидин бу кўҳан дайри хароб.

Ёқа чоку, ўзи бебоку белида зуннор,  
Бир иликида пичоқ, бир қўлида жоми шароб.

Кўзи ислом элининг жонин олурға қотил,  
Зулфи тақво элининг бўғзидин осмоққа таноб.

Юзида куфр ўтининг шуъласидин юз минг нур,  
Сочида дин халалидин тушубон юз минг тоб.

Ўлтуруб дайр эшики оллида туфроғ узра,  
Дурди жомики томиб, рух топиб аҳли туроб,

Жонларидин юб илик барча харобот аҳли,  
Ўзни қутқарғали ҳар қайсиға бир сари шитоб.

Буйла ҳолатда кўзи тушти мангаву кулибон  
Юз туман лутфу карам бирла бу навъ этти хитоб:

«Ким аё ринди вафо пешаву меҳр андиша,  
Келиб ич бир қадаҳу чекма хумор ичра азоб».

Югуруб туштум аёғиғаву туфроғ ўптум,

Берди май илгима ҳайвон суйи оллида сароб.

Чектиму ҳуш юзин кўрмадим, андин сўнгра  
Тушмишам кўйи харобот ичида масти хароб.

Эй Навоий, ангаким бор эса бу роҳ насиб,  
Рухуллоҳу таоло валаҳу ҳусни маоб.

### 43

Парийдек улки эрур хўблар аро маҳжуб,  
Ҳижоб сизу мен улдур бу телбага матлуб.

Ҳаёси бирла ҳижобида гарчи воламен,  
Қилибтуур мени оллида ноладин мажхуб.

Муҳаббат аҳлиға ноз эткучидин эрмиш саъб,  
Тариқи ҳилму адаб зоҳир эткучи маҳбуб.

Чу ишқ ғолиб эрур, эҳтиёж эмас Лайли  
Қилурға ишваки, Мажнунни айлагай мағлуб.

Кишики, даъвои ишқ ичра ўздин олди ҳисоб,  
Бу муддаода агар ўлмагай, эмас маҳсуб.

Фано йўлида сабукбор истасанг ўзни,  
Ўзунгдин айла бурун ўзлукунг юкин маслуб.

Навоий, асру муаддабдур ул маҳи мактаб,  
Адаб тариқи била ёзғасен анга мактуб.

### 44

Лабингдин хаста жонким бўлди бетоб,  
Эмас бетоб, анга эрур шакархоб.

Ёшимдин обрўюм борди, билдим  
Ки, равнақсиз қилур олтунни сиймоб.

Қошинг ҳажрида ҳар наълики кессам,  
Келур пайваста, жоно, шакли меҳроб.

Қилич боғи белинг қучқон ҳасаддин  
Кўзумга аждаредур шакли қуллоб.

Кўзум оллидадур лаълинг хаёли,  
Эмас кирпикларим остида хуноб.

Фироқ илги фифон жон риштасидин  
Чиқарур, тордин андоқки мизроб.

Фалак бошингға қоплаб ит терисин,  
Сен ани жаҳлдин деб кишу санжоб.

Ажаб йўқ, одамилиғни унутсанг,  
Ўзунгни буйла ит чармида асроб.

Навоий, ранж кўрма, оғзин истаб  
Ким, ул бир жавҳаредур — асрү ноёб.

## 45

Шаҳд аро оғушта гулбаргедуур ул икки лаб,  
Ҳар сўз андинким чиқар, ширин эса, йўқтур ажаб.

Жоним ичра кирпиги ниши тешук қилған кеби  
Билгуур оғзи, табассум айлагач ул икки лаб.

Ишқини жон риштаси бирла муқайяд айладим,  
Эй хирад, кетким, сени қайд эткали йўқтур сабаб.

Хоксорин ул қуёш юзлик парий малшун демиш,  
Тенгри бизга осмондин нозил этмиш бу лақаб.

Кўйида мақбул улус ҳажрида билмас куймаким,  
Дўзах аҳлидин не огаҳ равзада аҳли тараб.

Топти Лайли ноқаси Мажнун фиғонидин ҳуди,  
Мумкин эрмас пўядин таскини анинг, эй араб.

Дайр аро ҳар дам йиқилма важд этиб, эй шайхким,  
Пири дайр оллида мустаҳсан эмас ҳар беадаб.

Кўп ачиғланма, агар бўлсанг улустин талхком,  
Улча қисмингдур қазодин, кимга айларсен ғазаб.

Эй Навоий, олма ёр оллида юз туфроғдин  
Ким, бу шаръ ичра муҳаббат саждасидур мустаҳаб.

## 46

Бўлмайин ҳусн кўнгул топмади ишқ ичра тараб,  
Анга ҳақдин талаби ишқдуур ҳусн талаб.

Даҳр бўстонида бир ҳусн гули очилмас,  
Булбули ишқ агар бўлса навосиз, не ажаб.

Оташин юзга етиб, қайда кўнгул ўртангай,  
Бўлмаса зулф каманди анга бу ишда сабаб.

Талхлиқ бирла берурму киши ширин жонин,

Ноз ила талх ҳадис айламаса ширин лаб.

Бир қуёш машъалидин жонима ур ишқ ўти,  
Йўқ эса шамъи ҳаётимни ўчиргил, ё раб.

Соқиё, ишқ ўти гар йўқ, май ўтин равшан қил  
Ки, кул ўлсун нафаси хору хас, ранжу тааб.

Кўргач-ўқ ахтари ҳусн, ўлса Навоий, тонг йўқ  
Ким, ўтуб умр, тулувъ этти бу фаррух кавкаб.

## 47

Жамолин айла улус кўзидин ниҳон, ё раб,  
Ниҳон ўтумни анинг кўнглиға аён, ё раб.

Аёғи чунки етар остони туфроғиға,  
Бошимни айлагил ул хоки оston, ё раб.

Агарчи эмин эмон бир замон жафосидин,  
Чекардин ани манга бермагил амон, ё раб.

Демонки, лутфини, жаврини доғи мендин ўгун  
Бирор хаёлиға ўткарма, ногаҳон, ё раб.

Замон-замон чекибон ишқ ўти шуъласини,  
Ёрут кўнгулни ул ўт бирла ҳар замон, ё раб.

Агарчи айламасанг яхши, яхши кўргузгил  
Мени анга нечаким бор эсам ёмон, ё раб.

Навоий оҳини еткур анга, вале қўйма  
Анинг жамолида бу дуддин нишон, ё раб.

## 48

Эй, жамолинг гулшани хўбу висолинг боғи хўб,  
Элга лутфунг хўб эса, жонимға зулмунг доғи хўб.

Майдин ул рухсора гул-гул, бас мулойимдурки, бор  
Соф су узраки бир-бир тушса гул яфроғи, хўб.

Лаъли кўнглум ҳолини сўрғоч, тирилдим ҳажр аро,  
Не бало бор эрмиш анинг лаълининг сўрмоғи хўб.

Дема бу оламда ул ой хўб ё жаннатда хур,  
Кўрмамишмен андағин, бори эрур мундоғи хўб.

Мехриға кўкта шафақ хўб эрмас андоқким манга.  
Мовий терлик узра ул ойнинг қизил ширдоғи хўб.

Тут йигитликни ғаниматким, қариғач англадим  
Ким, йигитлар ишқи бор эрмиш, йигитлик чоғи хўб.

Зоҳидо, сен бўл риё авжи уза маснаднишин  
Ким, Навоийға эрур факру фано туфроғи хўб.

## 49

Эй, фироқингдин манга ғам рўзию меҳнат насиб,  
Оҳқим, ҳажрингда ўз шахримда бўлмишмен ғариб.

То ғариб эрдим, насибим ғам емак эрдию бас,  
Шахрим ичра доғи ғам бўлса насибим ё насиб.

Гурбат ичра истар эрдим кезибон ёру диёр,  
Чунки топтим, истамак ғурбат эрур беҳад ғариб.

Ўз диёrimда бузуғ кўнглум не янглиғ тўқтасун  
Ким, эрур бегона ҳам аҳбоб мендин, ҳам ҳабиб.

Ким рақибим бўлса, баским, ёр айлар илтифот,  
Оlam аҳлини соғинурменким, менга бўлмиш рақиб.

Даҳр аро, эйким, дединг: айлаб вафо, кўрдум жафо,  
Ким вафо аҳлидуур, бу сўз анга бордур ажиб.

Эй Навоий, ёр васлин топмасанг, йўқтур ажаб,  
Нўш йўқ, лекин кўрар юз ниш гулдин андалиб.

## 50

Юзунгда қиронинг эрур бас ажойиб  
Ки, ой даврида ҳалқа урмиш кавокиб.

Ажаб сафҳадур оразингким, эсиркаб,  
Ани хат била қилмади тийра котиб.

Юзунг оллида ҳар нафас тутма кўзгу,  
Қуёшни қамар ёпмоқ эрмас муносиб.

Эрур сувратинг зеби андоқки, бўлғай  
Рақам айлаган суврат ўпмакка роғиб.

Киши суҳбатидин қоч, эй лўъбати Чин  
Ки, лўъбатларинг-ўқ санга бас мусоҳиб.

Йигитлар иши пардадарлиғдир, эмди  
Бўладур кўнгул пардадарлиғларға роғиб.

Навоий, йигитликни қўй, чун қаридинг,  
Қилиб тавба, бўл зуҳду тақвоға толиб.

## 51

Ишқинг ихфосиға не янглиғ бўлайин муртакиб  
Ким, бўлурмен, ҳар киши отингни тутғоч музтариб.

Эйки, дерсен: бормасун ул юз сари кўнглунг қуши,  
Ким кўрубтур шамъдин парвона бўлмоғ мұjtаниб.

Кўрмаган мушкин саҳоб ичра паёпай соиқа,  
Дуди оҳимдин дамо-дам шуълалар кўр мултаҳиб.

Гаҳ кўзидин ўлтуур, гоҳи лабидин жон берур,  
Шўхлиғдиндур анга ҳар дам бурайи мунқалиб.

Ринdlар, ифлосдин ғам йўқ, тўкилган бодадин  
Айш этарсиз, чунки муғ дайриға кирди мухтасиб.

Итларингга нисбатимни рост қилсан, қаҳф ити  
Одамиларға ўзин қилған кебидур мунтасиб.

Маркабинг жавлонида бошин Навоий қилди гўй,  
Ишқ аро бўлди ажаб саргашталикка муртакиб.

## 52

Куйди кўнглум, шуъла ўтлуғ достонидин тушуб,  
Рост ул қушдекки куйгай, ўт фифонидин тушуб.

Борурам урён тушуб тан захмидин, нолон кўнгул  
Ул қаландардекки, қолғай занг ёнидин тушуб.

Кўйидин тушган йироқ кўнглум эрур оворае,  
Ким эрур девона, айру хонумонидин тушуб.

Тиғи бедодинг била борғон шаҳиди ишқнинг,  
Рустахези даҳр аро ҳар қатра қопидин тушуб.

Ғунчаси рангин бўлуб лаъли майдин, уйлаким,  
Ўт туташқай ошиқи кўнглига жонидин тушуб.

Руҳи исён туфроғидин авж топмас, уйлаким,  
Бир малак журм айлабон олий маконидин тушуб.

Холи ҳажридин Навоий кўнгли оғрир, негаким,  
Оғриғай элнинг қора доғи ниҳонидин тушуб.

## 53

Ишқ нобуд этти бизни волаю шайдо қилиб,  
Қатл учун ҳар лаҳза муҳлиқ боисе пайдо қилиб.

Эккали ғам тухми хайли дард ашким сайлидин  
Айлабон вайрон чу кўнглум кишварин, яғмо қилиб.

Хушу ақлу ному нангим шишасин синдуруғали  
Нозанин сийминбарим кўнглин қазо хоро қилиб.

Ишқ кимни қўрмасун деб одамилиғдин нишон,  
Дилбарин анинг парий пайкар, малаксиймо қилиб.

Ибтидо айлаб алифдин, муҳр айлаб доғдин,  
Ишқ маншурин чу даврон отима иншо қилиб.

Топибон Фарҳод ила Мажнун тариқи оғият,  
Ишқ бедоди аро ерда мени расво қилиб.

Соқиё, тут жоми руҳафзоки, муҳлиқ ҳажрдин

Ким, бўлуб маҳзун иложин соғари сахбо қилиб.

Эй, хуш ул ринди хароботики, маст ўлғон замон  
Даҳрға ҳукмин суруб, гардунға истиғно қилиб.

Ишқи кофир, чун Навоий телбани дин мулкидин  
Хориж айлаб, мойили дайру муғу тарсо қилиб.

## 54

Вах, не бало экинким, ул чиқти самандин ўйнатиб,  
Қошлари ёсини чекиб, ғамзаси ўқларин отиб.

Фитна қилурға отланиб, гоҳ чопиб, гаҳи ёниб,  
Ҳар тарафеким айланиб, ўзгача лаъб кўрсатиб.

Тизгиниб, уйлаким қуюн, айланиб уйлаким тутун,  
Рахши солиб чу дубдурун, хайли балони қўзғатиб.

Элга очиб узорини, гул кеби юз баҳорини,  
Дарду фироқ хорини кўкрагим ичра ўрнатиб.

Ишқи чу элга ўт ёқиб, икки кўзум суйи оқиб,  
Ҳар сариким кула боқиб, дард ила бизни йиғлатиб.

Муғбача ишқида мени тезрак итти пири дайр,  
Нечаки маст ташлади, кўйи бошиға судратиб.

Итти Навоий оҳ ила, нолаи умри коҳ ила,  
Чунки шаҳу сипоҳ ила сиррини элга англатиб.

## 55

Ул мени сурмакка ҳар дам ханжари ҳижрон чекиб,  
Мен аёғидин бошим олмай, йўлинда жон чекиб.

Ул ичиб эл бирла руҳафзо қадаҳлар ошкор,  
Мен бало жомида заҳри ғуссани пинҳон чекиб.

Васл не мумкинки, то ошиқмен, ул қатлим учун  
Ўқ чекиб қош ёйифа, мен захмдин пайкон чекиб.

Мен чекиб кўз қонидин юз узра хатлар бирга юз,  
Нилдин хатким баногўши аро жонон чекиб.

Зикрида оҳим дамо-дам уйладурким, аҳли зуҳд  
Ҳар замон бир мад ўқурда ояти Қуръон чекиб.

Давр базмида не майким халқ нўш айлар, мени  
Қон ютарға ул арода соқийи даврон чекиб.

Ул парий борғач, Навоий дашт сари қўйди юз,  
Телбалар янглиғ яқосин чок этиб, афғон чекиб.

## 56

Ишқ ўти ичра ҳар дам кул бўлурмен ўртаниб,  
Гаҳ-гаҳи ҳам телба итлардек чиқармен чурканиб.

Тоблиғ гисусиға чирмар мени саргаштани,  
Кўрмадук икки қуюн бир тор бирла чирманиб.

Маст бўлсам, остонинг бас манга бош қўйғали,  
Не ҳадимким, такя қилғаймен, тизингни ёстаниб.

Ишқдин кўп маърифат харж айлади Мажнун манга,  
Бўлмаса мажнун, қилурму харж, мендин ўрганиб.

Мен киму густоҳ ўпмак илгинг, эй султони хусн,  
Итларингнинг чун кафи пойин ўпармен ийманиб.

Ёрдин бўлмас жудо, жонға бало бўлған кўнгул,  
Қуш болосидекки, айрилмас кичикдин ўрганиб.

Ҳажр аро саргаштамен андоқки, то тутқум қарор:  
Иш йиқилмоқдур, бори олам бошимға айланиб.

Бевафодур чун жаҳон гулзори, эй кўнглум қуши,  
Бўлма бир гул волеҳи, булбулға ногоҳ ўтканиб.

Ёриға борса, юз иш бўлса, Навоий тарқ этиб,  
Лек қайтур вақти ҳар соат бир ишга куйманиб.

## 57

Ул парий кўнглум қушин сайд этти, зулфин дом этиб,  
Юзи бирла холи су донасидин ром этиб.

Солди ўт кўнглумғаву ором тутти ғайр ила,  
Шуъла янглиғ сўзлуғ кўнглумни беором этиб.

Кофириким диним олди, доғи кирди қаср аро,  
Қалъаи Хайбарға кирди, ғорати ислом этиб.

Базм аро мен ўлсам, ул жон топса, тонг йўқким, манга  
Тутти захри ҳажр, ўзи нўши тараф ошом этиб.

Эй кабутар, чун дамим ўртар малак болу парим,  
Сендин ўлмас ишқим ўтин ёрға пайғом этиб.

Ул қуёш ҳажринда, эй соқий, шафақгун май манга

Тут лаболаб, лек даври чарх зарфин жом этиб.

Яхши от бадномлиғ бирла чиқарғил ўлгуча,  
Эй Навоий, ўзни яхши от била бадном этиб.

## 58

Ичсангиз май суйидин, ишрат уйин обод этиб,  
Журъаे ҳам қуифасиз туфроққа, бизни ёд этиб.

Соз этинг аввал ғамимдин нағмаким, бир усл эрур  
Уй иморат айламак, хоро била бунёд этиб.

То ҳавоиймен ул ой ҳажрида андоқким, булут  
Тоққа ҳар дам юзланурмен, ёш тўкуб, фарёд этиб.

Ваъдаи васл этса ул Ширин санам, ғам тоғини  
Қозғамен, тирноғларимни тешай Фарҳод этиб.

Ул қуюнтурмен фано даштидаким, бўлдум адам,  
Ҳар не боримни бошимдин чуюриб, озод этиб.

Ҳар замон кўнглум қотиғ эрмас дема, эй сиймбар,  
Ёшурун қолмас биллур ичра ниҳон пўлод этиб.

Воқиф ўлким, даҳр дехқони сенинг қасдингдадур,  
Исмим анинг гул қилиб, отин муунунг шамшод этиб.

Майға тарғиб этмакинг коғидуур, эй пири дайр,  
Мундин ўзга ишни найларсен манга иршод этиб.

Истама лаълин, Навоийким, маразда эмганур,  
Табъини сиҳҳатлиқ эл шарбат била мұттод этиб.

## 59

Вафоны қилди кўп озурда ул ой, чун жафо айлаб,  
Адам даштида кўнглумни ватан қилмиш, жало айлаб

Вафо андоқки қочти ул жафогардин, агар мен ҳам  
Қоча олсан, яна ишқин ҳавас қилмай, хато айлаб.

Демон даврон аро йўқтур вафо айлаб вафо кўрган  
Ки, йўқтур минг жафо тортиб, кутулған, бир вафо айлаб

Йиқилған ишқ аро, сихҳат тамаъ қилма Масиҳодин  
Ки, бу bemорлиғдин кимса қўпқон йўқ, даво айлаб.

Сафоли факр ол, жону жаҳон нақдин бериб, гарчи  
Киши Жамшид жомин сотқин олмайдур, баҳо айлаб.

Қутулсанг бевафовашлар ғамидин, эй кўнгул, шукр эт,  
Яна чекма бало, ўзни бировга ошно айлаб.

Бизинг афсонамиздин нукта сўрманг, эй хирад аҳли,  
Нединким, бу жунун фасли туганмас, можаро айлаб.

Манга йўқ, ўзгага бори вафо қилғанни гар топсам,  
Бошиға эврулай, оллида жонимни фидо айлаб.

Кўнгулким, рўзгоримни қорартиб бўлди овора,  
Топилса, кездурай даврон аро, юзун қора айлаб.

Гадоларға гаҳе лутф эт, шаҳо, бу шукр учунким, ҳақ  
Сени лутф айлабон шоҳ айлади, бизни гадо айлаб.

Навоий, кимса йўқим, чарх зулмидин забун эрмас,  
Наво жовид кимга берди, бизни бенаво айлаб.

Ун чекармен ишқ аро, бир наргиси жоду кўруб,  
Бағлаған итдекки, фарёд айлагай, оху кўруб,

Вах, нетиб машшотани оллинда кўргайменки, ёр  
Аксидин ғайрат қилурмен, оллида кўзгу кўруб.

Оразу холинг хаёл эткач, етишти новакинг,  
Қилди ул қуш майл, гўё дона бирла су кўруб.

Чекти бош хаттинг лабу холинг қошида, вах, не тонг,  
Гар мулоим бўлса тўти шаккару ҳинду кўруб.

Лаблари хандон бўлур, кўргач кўзумда йиғламоқ,  
Кўзларим йиғлар, лаби жонбахшида кулгу кўруб.

Носихо, не навъ майи жомини оғзимдин олай  
Ким, ичармен, майдо соқий оразин ўтру кўруб.

Гар Навоий муфрит афғон этса, жоно, қилма айб,  
Сен ҳалок этган кўнгул сўнгида йиғлар ўкуруб.

## 61

Ўртанурмен, кўнглига андин асар бўлғайму деб,  
Бўлса таъсир, анга ҳолимдин хабар бўлғайму деб.

Телмуурмен мунграйиб ул бевафоға муттасил,  
Бир ҳам андин дарди ҳолимға назар бўлғайму деб.

Ўртанур, эй воиз, оҳимнинг шароридин сипеҳр,  
Не сўрай, дўзахқа мундоқ бир шаар бўлғайму деб.

Сурса майдон ичра ҳар чобук, югурмоқдур ишим  
Кейинича, ул чобуки заррин камар бўлғайму деб.

Телбалик кўрким, қучармен боғ аро ҳар сарвни,  
Бириси ул сарв қадди сиймбар бўлғайму деб.

Даҳр бўстони аро сўр боғбондин, эй рафиқ,  
Жуз балият меҳр нахлиға самар бўлғайму деб.

Эй Навоий, нечаким қилдим гадолиғ, сўрмади,  
Ё раб, ул мажнуни зор дарбадар бўлғайму деб.

## 62

Ул парий ишқида йўқким мени девона куюб,  
Ясағанлар ҳам ўзин, оқилу фарзона куюб.

Ишқ ўтидин киши бир қатла куюб бўлса халос,  
Чун яна қайтибон ул шуъла сари, ёна куюб.

Ишқ кўксумга чу ўт солди, кўнгул ҳам куйди,  
Чуғз ҳам ўртаниб, ул ўтқаки вайрона куюб.

Юзидин ўртанибон талпинур оллида кўнгул,  
Шамъ аёғида урунған кеби, парвона куюб.

Эйки сўрдунгки, қачон куйди бузуғ кўнглунг уйи,  
Оразинг барқи чақилғонда, бу кошона куюб.

Ўртаниб ақлу кўнгул, ишқ чу айлаб туғён,  
Андаким барқ тушуб, оқилу фарзона куюб.

Чун Навоий чекиб ул ой ғамидин шуълаи ох,  
Ошно кул бўлуб ул ўтдину бегона куюб.

## 63

Хорлар бир гул ғамидинким қўнгулга бутрашиб,  
Ҳар бири мужгонининг бир захми ичра ўрнашиб.

Ё раб, андин саъброқ ҳолат бўла олғаймуким,  
Икки ҳамдам бир-биридин айрилурда йиғлашиб?

Бу уқубатқа талофий ҳажр дафъ ўлғоч будур  
Ким, қучушқойлар алар бир-бирга ногаҳ учрашиб.

Истагайму ҳури жаннат ёнида кавсар суйин,  
Кимки ёри бирла бир кун бода ичти ёндашиб?

Сарв қаддим ишқидин кўп тўлғаниб, мен кўргали  
Боғ ароким чиқти сарву ишқи печон чирмашиб.

Ўлса ўлдумму дегай, улким севар ёри била  
Қолсалар хилват аро, ағёр ҳар ён тарқашиб.

Соқиё, май бирла сол жонимға андоқ шуълаким,  
Ранжу меҳнат дуди чиққайлар бошимдин тўлгashiб.

Ғам ҳазонида тўкармен ашклар, тортиб ғирев,  
Навбаҳор андоқки ёғқайлар булатлар кукрашиб.

Эй Навоий, бевафо давр аҳлига индурма бош  
Ким, алар қошида бош индурган эл бўйнин қашиб.

## 64

Куйсалар Фарҳоду Мажнун ишқидин афсона деб,  
Зоҳир этмаслар манга ул нуктани, девона деб.

Ишқ ичинда мунгларим деб, эйки, йиғлаттинг мени,  
Жон фидонг айлай, яна бир лаҳза йиғлат, ёна деб.

Бир йўли ишқ аҳли орименки, қўймаслар мени  
Жам аро бир йўли, ақлу ҳушдин бегона деб.

Сўнгғи уйқум шиддатин нақл этма, рови, зинхор,  
Келтуур бўлсанг анга уйқу кеча афсона деб.

Мен ҳамулменким, қовар мажнун деб эмди тифллар  
Ким, тилар эрди улуғлар оқилу фарзона деб.

Тушти зулфи домиға кўнглум қуши майл айлагач,  
Ул тараф рухсори кўзгусин су, холин дона деб.

Тонгла барча яхшилар бўлғуси кавсар даврида,  
Мен ёмонни маҳрам этманг сокини майхона деб.

Найлаб ул товус пайкарни тилай қулбамғаким,  
Чуғз қўнмас, дам-бадам емрулгудек вайрона деб.

Шоҳлиғдин ор этар, чунким Навоий кирса маст  
Дайр кўйига, суруду нағмаи мастона деб.

## 65

Май қуёшиму ичимда уёқиб,  
Ё фалак меҳр ўти кўнглумда ёқиб.

Ҳажр аро васли доғи ҳар ишин  
Айтиб аҳбобу менинг ашким оқиб.

Телбалик ҳуштур, агар судрасалар  
Зулфи занжирини бўйнумға тоқиб.

Тушубон юз тубан эл кўз ёшидек  
Кўз учи бирла чу ҳар сари боқиб.

Ҳажр тошию салосил темури  
Телбалик ўтини кўнглумга чоқиб.

Май бати дайрда учмоқ тилабон,  
Мастлар анда овуч, баски, қоқиб.

Дебки, марҳам ёқайин захмингға,  
Ул неким деса, Навоийға ёқиб.

## 66

Қотил кўзунгки ўлтуур элни боқиб туруб,  
Боқмас манга, кўзум нечаким турса телмуруб.

Ҳар қатла ит кеби тушарам ўзга рахнадин,  
Ҳар лаҳза чун мени чиқарур қўйидин суруб.

Синғон қадаҳ кебики, оқар ҳар тараф майи,  
Қонлар оқиб, чу ғам тоши бошимни синдуруб.

Ҳар бир бўлуб бир ахтари наҳсе чу шоми ҳажр,  
Чун дуди оҳим учқунини кўкка еткуруб.

Ишқинг бош урса зор танимдин, эмас ажаб,  
Хошок ичинда шульлани бўлғайму ёшуруб.

Андоқ латифдур таниким, ичса жоми май,  
Борур танида курсоғиға тегру билгуруб.

Булбул парин не гулки совурди бу боғ аро,  
Дай сарсари анинг доғи баргини совуруб.

Даврон элига кимки вафо нўши арз этиб,  
Ул ҳам муқобилида жафо ниши еткуруб.

Буким қовар жафо била, эй кош, кўйида  
Итларга тўъма қилса, Навоийни ўлтуруб.

## ПЕ ҲАРФИНИНГ ПАРИВАШЛАРИНИНГ ПАРВОЗИ «БАДОЕЪ»ДИН

67

Нечаким кўнглумда бор ул дилрабонинг ёди кўп,  
Бор анинг ёд этмаки озроқ, vale бедоди кўп.

Лайлию Ширинвашимнинг ишқ дашту тоғида  
Менча бир йўқ, гарчи бор Мажнун ила Фарҳоди кўп.

Хўблар водийсида топилмас эл кўнгли қуши,  
Не учунким, бордуур бу бешанинг сайёди кўп.

Топмағай нахли қадингдек бир ниҳоли хуш хиром,  
Гарчи бўлғай боғоннинг сарв ила шамшоди кўп.

Телба кўнглумдин эмон розики, ҳар тун кўйида  
Итларининг оғритур бошин анинг фарёди кўп.

Кирпигингга қатл таълимин ажал бермиш, валек  
Ўзидин устодроқ этмиш анинг устоди кўп.

Шайх ила аҳли риёву дайр пири бирла ринд  
Ким, фано ичра керактур пирнинг иршоди кўп.

Умр қасрин неча кун тутқил ғаниматким, дариғ  
Хуш бинодур — пойдор эрмас vale бунёди кўп.

Давр аёғидур иложи, кимки даврон аҳлининг  
Жавридин озурда бўлмиш хотири ношоди кўп.

Тарқанг, эй ушшоқким, сайд этти бизни муғбача,  
Дайр аро сиз ҳам кезинг, куфр аҳлининг авлоди кўп.

Тифллар ўйнар Навоий бирла мажнун деб, магар  
Тифл эканда ул доғи бу қавм ила ўйноди кўп.

## 68

Жавр ўқин хоки танимға урма кўп,  
Кўкка бу туфроғни совурма кўп.

Ишқдин бастур манга ўртамаким,  
Ҳажр барқи бирла ҳам қуидурма кўп.

Юзига, эй қўз, чу йўқ тоби назар,  
Бас, анинг сари боқиб, телмурма кўп.

Нўши лаълингдин агар жон истадим,  
Бу гуноҳ учун мени ўлтурма кўп.

Доимо расми муҳаббат бор эмиш,  
Бизни ушбу журм чун ёзғурма кўп.

Васлға чун йўқ ниҳоят жуз фироқ,  
Бас, вафо аҳлин қошингдин сурма кўп.

Ҳеч иш ўлмас айру холиқ амридин,  
Илтижо маҳлуққа келтурма кўп.

Эй гадо, чун шайалиллоҳ дединг, ўт,  
Айлабон ибром боқиб турма кўп.

Тут гадолигни, Навоий, муғтанам,  
Шоҳлар оллинда бош индурма кўп.

## ТЕ ҲАРФИНИНГ ТОРОЖГАРЛАРИНИНГ ТАМОШОСИ «БАДОЕЪ»ДИН

69

Тахту жоҳинг кишвари мулки Скандар бўлди, тут,  
Хизр умри ҳам бу мулк узра муюссар бўлди, тут.

Буйла мулку умрдин сўнг жину инсу ваҳшу тайр  
Ҳукму амрингға Сулаймондек мусаххар бўлди, тут.

Мунча ҳашмат топмоғингдин сўнгра биронни қулунг  
Жоҳила мукнатда Қорунча тавонгар бўлди, тут.

Поя етти зиналиғ тахтингға, етти чарх ўлуб,  
Тахтпўшунг зинати тарсисъ ахтар бўлди тут.

Буйла тахт узра бўлуб бошинг уза хуршиди тож,  
Мундоқ олтун тож уза Биржис гавҳар бўлди, тут.

Базми ишқинг бодасин кавсар дейин ё салсабил,  
Жоми Жам ул жонфизо саҳбоға соғар бўлди, тут.

Ҳар неким зикр ўлди, охир чун солиб кеткунгдуур,  
Тенгдуур, гар бўлмади тут, барчани гар бўлди тут.

Умрға чун йўқ вафо, тенгри неча бу даҳрча  
Ёна халқ айлаб, санга хукме муқаррар бўлди, тут.

Чун борурсен, авло улким, йўл яроғин айласанг,  
Қолибон аксар гуноҳинг, доғи аксар бўлди, тут.

Суст ҳимматлиғ била учмоғ не мумкин, эй ҳаким,  
Ҳикмат авроқи ики эгнинг уза пар бўлди, тут.

Деб эдинг, соқийки, вақт ўлғоч, тутай бир жоми май,  
Даврдин миръоти авқотим мукаддар бўлди, тут.

Ўлса деб эрдинг Навоий, тиргузай васлим била  
Билтур ўлганлар била ани баробар бўлди, тут.

## 70

Тутти кўк ферузагун жомини шингарфи булат,  
Соқиё, нилуфари жом ичра гулгун бода тут.

Чарх даври чун малолат боисидур, неча қун  
Чархдек жому шафақгун май била ўзни овут.

Топса қундуз кавн шуғлидин замиринг тийралик,  
Кеча бори май қуёшидин замирингни ёрут.

Чун унутқунгдур сен элни, эл сени, бори чекиб  
Айш жомин, бу унутмоғларни бир соат унут.

Носиҳо, чун умр ўтар, қўйким, бўлай ишрат била,  
Айш таркин ким буюрдунг, ўқтадур бу навъ ўгут.

Гар зулоли васл, эй солик, қилурсен орзу,  
Хотирингни орзулар ўтидин аввал совут.

Эй Навоий, чиқти чун рангин булат, рангин май ич  
Ким, сен ўлмай қилғуси кўп жилва бу рангин булат.

## 71

Жон фараҳ топти, лабинг жавҳари бўлғач анга қут,  
Оллоҳ-Оллоҳ, не муфарриҳ бўлур эрмиш ёқут.

Нола манъин қиласен, хотами лаъл оғзима қўй,  
Бу нигин нақши била қўйғил анга муҳри сукут.

Майи лаълинг не ажаб бодаки, кайфиятидин  
Рух лояъқилу андин хирад ўлмиш мабхут.

Ханжаринг тифида юз кўрдунгу ашким ёғди,  
Ёмғур эрмас ажаб, ўлғонда қуёш манзили Хут.

Хусн мулки уза, оё, не парий эркинсен  
Ки, бўлур садқа санга чарх уза хайли малакут.

Ўзлуки боқию зоҳид урадур лофи вусул,  
Фоний ўлмай киши топқайму бу даъвоға субут.

Жон ҳалок ўлди Навоийғаву тан зору наҳиф,  
Ул ўлукка ясамиш ушбу сўнгақдин тобут.

## 72

Ваҳки, лаълинг қилди бағрим таҳ-батаҳ қон оқибат,  
Қатра-қатра кўздин ул қон бўлди ғалтон оқибат.

Бордингу оғзимға қўйдунг муҳр, афғон чекма деб,  
Бу ишингнинг муҳри бўлди доғи ҳижрон оқибат.

Фурқатинг тифи бузуғ кўнглумни йиқти, оҳким,  
Сайли оғат бирла емрулди бу вайрон оқибат.

Кўнглума қошинг хаёли бўлди танвин нунидек,  
Уйла нунға нукта бўлди доғи пинҳон оқибат.

Ўлмиш эрдим ғам туни, лаълинг хаёли берди жон,  
Зулмат ичра бўлди пайдо оби ҳайвон оқибат.

Соқиё, жом айла доирким, ғаниматдур ҳаёт,  
Тутқусидур чун ажал косини даврон оқибат.

Эй Навоий, ёр васли гарчи бас душвор эди,  
Фоний ўлғач, буйла душвор ўлди осон оқибат.

## 73

Кўздин учти ул парий, ваҳқим, анга етмакка бот,  
Кош анингдек чиқса дермен икки эгнимдан қанот.

Новакинг кўнглумда гар итти ҳамул андоз ила,  
Ани топмоқ истасанг, жоно, яна бир новак от.

Кош сенсиз ўлсам эрди, эй париваш, қилма таън  
Ким, мени мажнунға ортуқтур ўлумдин бу уёт.

Соқиё, бехудмен андоқким, қилурмен касби ҳуш,  
Имтиҳонға доруиي бехуш агар жомимға қот.

Хонақаҳ шайхи ушатти соғарин, эй пири дайр,  
Сен каромат кўргузуб, рағмиға тавбамни ушот.

Эй тани хоки, ул ой оллида ҳукми бирдуур,  
Гарддек чиқ кўкка ё туфроғдек йўлинда ёт.

Бир дирамким қалб бўлғай, арзимассен, эй кўнгул,  
Ҳар неча меҳру вафо бозорида ўзунгни сот.

Телбалар юз пора кўнглидек ясабсен болу пар,  
Гарчи ғайбатда парийға ҳожат эрмастур қанот.

Чун Навоий жонига офат эрур лўливаше,  
Соғинур ғули биёбон, кўрса кўнгроту қиёт.

## 74

Бошим чу гарду кўзум кўр сенсиз ўлмади бот,  
Қошингда бош кўтариб, кўз очарға қўймас уёт.

Эрур малойикаи раҳмат ўқларинг жонға,  
Малак танида, ажаб йўқ, агар уч ўлса қанот.

Хизр суйики эрур зулмат ичра, tengmu бўлур  
Лабинг билаки қуёшдин чиқарди оби ҳаёт.

Ҳабиб ишқи аро буки ўлмадинг, эй Хизр,  
Ичиб ҳаёт суйи, зойеъ айладинг авқот.

Қуёшқа кимки юзунг борида қилур сажда,  
Парастиш айламак англа илоҳ оллида Лот.

Кириб қуёш кеби қўйма вужуд ғайрға ҳеч  
Ки, кўнглум ичра хавотирдур уйлаким заррот.

Навоий ўлди ўқунг ҳасратидин, эй чобук,  
Иноят айла бир ўқ, секретиб анинг сари от.

## 75

Ғаминг қаттиғлиғин қилсан ҳикоят,  
Эшитса тош, анга айлар сироят.

Кўнгул ғам шомидин чиқмоққа бўлди,  
Бошоғлиф новакинг шамъи ҳидоят.

Не навъ оллингда шавқумни қилай шарҳ  
Ки, хуснунгдек анга йўқтур наҳоят.

Ҳаёлинг кўнглум ичра музтарибдур

[www.ziyouz.com](http://www.ziyouz.com) kutubxonasi

Ким, ул вайрона иссиғдур бағоят.

Кўзунг қонимни ичмакка не ҳаддим  
Эрур, ани итинг ичса, кифоят.

Дема бир йўлдуур ишқ ичра, эй шайх  
Ки, мунда муҳталиф келди ривоят.

Навоий қонин ул кўз бирла тўқтунг,  
Тирик бўлким, будур айни иноят.

## 76

Танимни қилса ғамзанг юз жароҳат,  
Ётар ҳар захмдин жонимға роҳат.

Ҳаловат топмайин жоним лабингдин,  
Солур захмим аро туз ул малоҳат.

Жамолинг субҳи очиб эрди юз гул,  
Қуёш сарғарди, кўргач ул сабоҳат.

Супурдум кўз била қўюнг физосин  
Ки, жонлар жилвагоҳидур бу соҳат.

Бўлур зоҳир лабингдин қатл этар чоғ,  
Ўлукни тиргузурдек юз фасоҳат.

Чу сендин айру эрмас ёр, недур  
Уйин истаб жаҳон қилмоқ масоҳат.

Қабиҳ этти Навоий ҳақ жаҳонни,  
Элидин тутмағил кўз жуз қабоҳат.

## 77

Бошиға май чиқибон, бўлди ул ситамгар маст,  
Йўқ аҳли хусн аро бир уйла қотили сармаст.

Начукки сарв ниҳоли насимдин эгилур,  
Хиром вактида ул наҳли моҳи пайкар маст.

Кабутар ўйнамоғидин кўнгул қуши бехуд,  
Хуруж этар бўлубон уйлаким кабутар маст.

Не масти арбада гар сенки, чиқса базмингдин,  
Бузар замонани бадмастлиғ била ҳар маст.

Лабинг ҳалоки агар боданўш, агар тоиб,  
Кўзунг хароби агар хушёр эрур, гар маст.

Лабинг хаёлидан ар мастмен, не тонгки, эрур  
Бу май хаёли била олам аҳли аксар маст.

Навоий усрук агар қилса арбада, тонг йўқ  
Ки, шайн ўлур иши, мажнунни гар қилурлар маст.

## 78

Ё раб, ул ой ҳуснининг идрокин элга мубҳам эт,  
Кўз била кўнглумни ул сирри-хафиға маҳрам эт.

Кўйию қадду лаби ёдин манга қ0илғил фузун,  
Жаннату тўби била кавсар таманносин кам эт.

Дийда кўрмак истаса анинг юзидин ўзга юз,  
Қийрлар бирла бу икки суқба жавфин маҳкам эт.

Гар кўнгул васлидин ўзга васл сурин истаса,  
Қисм анга ҳижрон сияҳ чолида доим мотам эт.

Хотири савдои ар ул зулфдин ўзга ҳавас  
Қилса, ани зулфдек ошуфтаҳолу дарҳам эт.

Рух ул қад жилвасидин ўзга қилса орзу,  
Ҳажр ўти ичра анга дўзах азобин ҳар дам эт.

Кўнглум ўлди ҳажр ўтидин реш, эй соқий, манга  
Бодаи кофургун дурдидин олиб марҳам эт.

Йўқ чу олам боғида бўйи вафо, эй пири ишқ,  
Жилвагаҳ бир жом ила кўнглумга ўзга олам эт.

Ишқ журмиға Навоийни қоварсен, эй парий,  
Қовма, жавру зулм қил, девонаву расво ҳам эт.

## 79

Ҳарфи ишқ ўлди азалдин сафҳаи жонимда сабт,  
Ҳар не андин ўзга барча лавҳи нисёнимда сабт.

Дедим: эй кўнглумга ўқ урғон, недур оттинг, дегил,  
Деди: боқким, айламишлар ани пайконимда сабт.

Қайси шаҳлар боши қасринг даврида бормиш десам,  
Дерки: боққилким, эрур ул тоқи айвонимда сабт.

Бўлса тобеъ Вомиқу Мажнун, не тонгким, айламиш  
Ишқ туғросин қазо килки менинг шонимда сабт.

Ишқ авроқида, эйким, ўқидинг юз минг бало,  
Юз туман онча эрур авроқ ҳижронимда сабт.

Дарди ганжи шарҳини, эйким, тиларсен, қилмишам,  
Ғусса ниши нўғи бирла кунжи вайронимда сабт.

Не ўқирсен қиссада Яъқуб хузнинким, эрур  
Онча юз бир ой ғамидин байтул-эҳзонимда сабт.

Жувв-жузвимни айирибким паришон айладинг,  
Бордур анинг шарҳи ажзори паришонимда сабт.

Ишқ тифи ярасидин ўлганим тарихини,  
Эй Навоий, назм айлаб, айла девонимда сабт.

## 80

Ваҳки чиқди отланиб бир маст лояқил йигит,  
Сарвдек елдин от узра ҳар тараф мойил йигит.

Лаъли нўши бирла юз йиллиғ ўлукка рух бахш,  
Фамзае нишидин Масиҳу Хизирға қотил йигит.

Тифи хунрези ажалдек қатли ом айлаб валек,  
Сўрса ҳар жониб нечукким умр мустаъжил йигит.

Англамонким хурму эркин, малакму ё парий  
Ким, башар жинсида андоқ кўрмадук ҳосил йигит.

Кўнгли қотиғлиқдин элни ўлтуур, раҳм айламас,  
Оллоҳ-Оллоҳ ким кўрубтур буйла сангин дил йигит.

Захри чашму тифи қотил ғамзайи ҳунрез ила,  
Килғучи элга тириклиқ расмини мушкил йигит.

Форати дин қилдию кофириғир иршод айлабон,  
Аҳли қуфр алфози бирла ҳар замон қойил йигит.

Қарибон қилма йигитлар суҳбатин ҳар дам ҳавас  
Ким, қарини истамас базм ахлиға дохил йигит.

Эй Навоий, нега бўлдунг телба деб кўп сўрмаким,  
Ақлу ҳушум қолмади чиққач бу лояқил йигит.

## 81

Ваҳ қаён борди бузуқ кўнглумни зор этган йигит,  
Жавр тифи бирла кўксумни фигор этган йигит.

Оразин очқанда кўнглумни очиб гул-гул валек,  
Кирпикидин онда юзминг хор-хор этган йигит.

Неча кўнглум тоату тақвоким айлаб ихтиёр,  
Жилва қилғач масти ани беихтиёр этган йигит.

Бизни ишқ ойинида расвойи олам айлабон,  
Офият аҳли қошида шармисор этган йигит.

Ишқ таркидаки юз тадбир этиб кўнглум ниҳон,  
Дафъиға юз лабу афсун ошкор этган йигит.

Мени салоҳу офият ишқингда тарқ этган қари,  
Сен жафою зулм қатлимға шиор этган йигит.

Тавба айлаб эрдим, эй зоҳид, нетай тутти манга,  
Лолагун май бер, узорин лолазор этган йигит.

Билки не ажзу ниёз ойину расм этган қари,  
Қолғуси не нозу истигною сор этган йигит.

Носиҳо тарки жунун қилмас Навоий келмайин,  
Ишқ даштида ани девонавор этган йигит.

## 82

Олами ишқ ичра дардинг ўтдуур, ҳажринг ҳам ўт,  
Дарди ҳажринг сўзидин кўнглумда олам-олам ўт.

Доғи ишқинг уйладурким ҳирқатин ўксуткали,  
Ёқса бўлғай устига анинг начукким марҳам ўт.

Не ҳароратдур, майи ишқингда токим ичмишам,  
Кўкка дудимни чекар, кўнглумга солиб ҳар дам ўт.

Шуълае тушмиш фироқингдин ҳазин кўнглумдаким,  
Ашқдин тўқтим ети дарё суйин, бўлмас кам ўт.

Вах, не муҳлик ҳол эрур жонимға лаълинг ҳажрида  
Ким, солур дафъиға анфоси Масихи Маръям ўт.

Бу кеча воқиф бўлунг эвлардин, эй ҳамсоялар  
Ким, манга тушмиш фироқ оташгаҳидин маҳкам ўт.

Ҳажр кўнглум кишварин бир ўт била куйдурдиким,  
Килди ишқ аҳлиға дудидин саводи аъзам ўт.

Даҳр бўстони аро сунбул била гул демаким,  
Чарх зулми солмиш анда дуд бирла дарҳам ўт.

Эй қуёш, найлаб Навоий куймасинким, бор анга  
Ишқинг ўт, ҳуснунг ҳам ўт, лутфунг ҳам ўт, қаҳринг ҳам ўт.

## 83

Ёр бўлмоқ тонг эмас мен зори расво бирла дўст  
Ким, парий гоҳи бўлур мажнуни шайдо бирла дўсх.

Лаълини севдум, кўзининг қатлидин қайғурмоғум,  
Не ғам ўлмактин, киши бўлса Масихо бирла дўст.

Зулфи савдоси, бу савдойи бошинда қўптуур,  
Бўлса савдо аҳли, тонг йўқ, аҳли савдо бирла дўст.

Сарв қадлик, гулжабинлик дўстнинг ҳижронида  
Бўлмоғум не гул била, не сарви раъно бирла дўст.

Ҳажрдин олам қоронғудур вале, ғам йўқ, гаҳе  
Жилва қиласа ул жамоли оламоро бирла дўст.

Хизр юз меҳр ила тутқан жоми Жамдин яхшироқ  
Тутса май дурдини юз торожу яғмо бирла дўст.

Бўлма дунё дўст, гар истар эсанг осудалиқ,  
Лек ҳар не қилсалар, бўл аҳли дунё бирла дўст.

Эй Навоий, неча душман бўлса, ёнма дўстдин,  
Чун санга бўлмиштур ул юз минг таманно бирла дўст.

## 84

Чу қилди жилвагар ул шўхи нўшлаб суврат,  
Мени заифқа кўргузди юз ажаб суврат.

Жамоли сувратини сафҳада кўруб, иттим,  
Тушуб жаҳонни кезарга қилиб талаб суврат.

Не навъ сувратидин кўз олайки, маънидин  
Бўлурға бир хабар ўлмиш манга сабаб суврат.

Нишот сувратидин топқамен дедим, ваҳқим,  
Муяссар ўлмайин ул берди юз тааб суврат.

Фироқ андуҳида, соқиё, қадаҳ тутким,  
Бу кўзгу ичра манга кўргузур тараб суврат.

Ул ой жамоли аро зулфидин ажаб қолдим  
Ки, ой аросида қилмиш аён занаб суврат.

Навоий осо дарду фиғон илан менким,  
Булардуур манга зотию муктасиб суврат.

## 85

Кўйи гардидин кўзумни аввал, эй ҳамдам, ёрут,  
Сўнгра. марҳам айлабон кўксум шикофин доғи тут

Гар унутти ёр бу маҳзунни, ваҳким, кўнглума,  
Бор ани ҳар дам соғнидирмоқ десам, сен ҳам унут.

Қадду рухсоридин айру дуду ўтдур, эй рафиқ,  
Дема сарву гул била бир лаҳза кўнглунгни овут.

Захри ҳажринг бирла чун юз қатла қилдинг талхком  
Нўши лаълинг бирла ҳам бир қатла оғзимни чучут.

Зулфи занжири жунунум чорасидур, эй ҳаким,  
Ақлдинму эрди бу девонаға бермак ўгут.

Ваъдаи васл айлади ул ой, ҳамоно келгуси,  
Тифи ҳажридин шикоф ўлғон кўнгул бу сўзга бут.

Асру ваҳшийдур менинг мушкин ғизолим, эй кўнгул,  
Чин кийиги гўйиё бермиш анга тукқонда сут.

Эй кўнгул, даврон элининг тарки тут ё ҳар нафас  
Бағрингга бир ханжари бедод еб, хуноба ют.

Оlam аҳли, демангиз эмди Навоийким, мени  
Бир қуёш ҳажри ҳавони қилмиш андоқким булут..

## 86

Баҳор эл гулга мойил, бағрима юз хор ҳар соат,  
Етиб ҳар хоридин кўнглумга минг озор ҳар соат.

Бу ақшом нотавон кўнглумдин, эй аҳбоб, ўлунг воқиғ  
Ки, ҳолидин борур заъф айлаб ул бемор ҳар соат.

Бўлурмен уйлаким, кўрган замон вайрон бўлуб кўнгли  
Бошимда йиғлағай ҳам ёру ҳам ағёр ҳар соат.

Эмас вайронада ҳар дам ўлардек ҳолатим, ваҳқим,  
Турубтур бошима емрулгали девор ҳар соат.

Дамо-дам заъфим андиндурки, мужгонинг хаёлидин  
Жароҳатлиғ кўнгулга санчилур бир хор ҳар соат.

Жунунум ҳар дам афзун бўлса, эй хуш аҳли, тонг йўқким,  
Кўзумга жилва айлар ул парий руҳсор ҳар соат.

Майи лаълингға не кайфият эрдиким, насимидин  
Бўлурлар маству бехуд юз туман ҳушёр ҳар соат.

Бу базм ичра не амну айшким, ҳар давр аёғинда  
Йиқар бир нотавонни гунбади даввор ҳар соат.

Фано дайрида гар май важҳи йўқ, бас хирқаву дафтар,  
Мени майхонадин судратма, эй хаммор, ҳар соат.

Агар бошимға ёғса тош гардундин, тонг эрмаским,  
Борурмен ул парий кўйига Мажнунвор ҳар соат.

Навоий, то жаҳон аҳлиға сен вобаста, кўнгронма,  
Алар жавридин ўлса хотиринг афгор ҳар соат.

Танимға берди жон ул нахли қомат,  
Дема қомат ани, дегил қиёмат.

Вафоға майл қилмас нахли қаддннг  
Ки, топмиш жавр аро кўп истиқомат.

Юз очма, гарчи тутқай қўрса маъзур,  
Мени ишқингда арбоби маломат.

Не ғам гар юз менингдек ўлса, ё раб  
Ки, бўлсун ул масиҳодам саломат.

Абад умрича бор оллида ўлмак,  
Буюрма, эй насиҳатгўй, надомат.

Недур, эй шайх, ушатмоқ соғаримни,  
Бутун қил, бор эсанг аҳли каромат.

Навоийни дединг кўюмдин ўтма,  
Саломат бўй, десанг айлай иқомат.

Эй қошинг фитнаву ул наргиси шаҳло офат,  
Йўқтур ул иккида жуз фитнаву илло офат,

Не қаду, не кўзу не ғамзаки, ҳар дам андин  
Ё балодур манга, ё фитнадурур, ё офат.

Дема раъно қад ила жилвасидин холингни,  
Жилва жонимға бало, ул қади раъно офат.

Манга не оғият ўлғайки, хаёл этсам, эрур

Юзини юз саридин жонима пайдо офат.

Мунча офатки эрур даҳрда, сендин тушмиш,  
Йўқса оламда бурун йўқ эди мунча офат.

Соқиё, бодаки, тақвою риё офатидин  
Яхшироқ, бўлса манга соғару саҳбо офат.

Ваҳки, кирпикларининг офати кўнглумга кириб,  
Солмиш ул қулба аро бу кеча ғавғо офат.

Фоний ўлғил, тиласанг васлки, бу йўлда эрур  
Хирқаву дафтару тасбиху мусалло офат.

Асл улдурки, санамлар сори кўз солмағасен,  
Эй Навоий, тиласанг кўрмамак асло офат.

## СЕ ҲАРФИННИНГ САМИН ГАВҲАРЛАРИНИНГ САМАРАСИ «БАДОЕЪ»ДИН

89

Агар жаҳонға фалакдин ғаме бўлур ҳодис,  
Эрур бу хастани ғамнок айламак боис.

Магар ўлар куни Фарҳод бирла Мажнуннинг  
Балову дардиға ишқ айлади мени ворис.

Фироқ хирмани йиғдим, висол тухмин экиб,  
Замона мазраида борму мен кеби ҳорис.

Иёдатимдин ул ой гар қўпар, чиқар жоним,  
Тирикмен ар бўлур ул умр бир замон мокис.

Тариқи ишқу муҳаббат мангаю Мажнунға

Анингдек ўлдики, топмас сипеҳр анга солис.

Сен иста файзи фано дайр гунгу лолидин  
Ки, ишқ дарсини билмас мужодилу боҳис.

Эрур Навоию ишқ ичра минг бало, гўё  
Фалак ҳаводиси барча анга бўлур ҳодис.

## 90

Менинг мажнунлугумға ишқу савдо гар эрур боис,  
Ва лекин бу иккига бир пари пайкар эрур боис.

Дема боис недурким, талпинурсен ҳар кечада то субҳ,  
Тикилган кирпикингдин жонға юз ништар эрур боис.

Қўнгулда оташин лаълинг ғами, айб этма қуйсамким,  
Туташмоққа таним хошоки ул ахгар эрур боис.

Ўқунгдин пар чиқардим, кўюнга қилсан ҳаво, тонг йўқ  
Ки, учмоқ майли қилмоққа бу болу пар эрур боис.

Фироқинг биймидин юз қатла жон бергай эдим, лекин  
Ҳаётимға умиди лаъли жонпарвар эрур боис.

Чу мендин юз эвурдуңг, тонг эмас, бошингға эврулсам,  
Бу саргардонлиғимға гардиши ахтар эрур боис.

Агар раҳн ўлди тасбиху ридо майхонада, эй шайх,  
Ичарга дайр пири илгидин соғар эрур боис.

Фано баҳриға чўммоқдин ғараз толибқа васл ўлди  
Ки, ғаввос ўлмакига ғарқ ўлуб, гавҳар эрур боис.

Навоий жисмининг заъфиға боис бўлди бедиллик,  
Вале бедиллиғин сўрсанг, анга дилбар эрур боис.

## 91

Ваъдаи васлидин этса ул сўзи ширин ҳадис,  
Гарчи ёлғон айтур, ани соғинурмен чин ҳадис.

Истасам васлинини, дер ғам тоғи қоз тирноғ ила,  
Буйла ҳаргиз қилмади Фарҳод ила Ширин ҳадис.

Чунки ҳар бир нукта дерсен, сочилур ёқуту лаъл,  
Оллоҳ-Оллоҳ, ким деб эркин бу сифат рангин ҳадис.

Базми айшида ҳадисимни деманг, эй дўстлар  
Ким, эрур ғам мудиби неким қилур, ғамгин ҳадис.

Гар такаллумдин ўлукни тиргузурлар хўблар,  
Барчасиға маҳвашиб гўё қилур талқин ҳадис.

Ишқ сиррин шарҳ қилмоқдин чу қосирдур баён,  
Бас керак ошиқ демакни қилмаса ойин ҳадис.

Дарси ишқингни, Навоий, уйла дер ушшоқ аро  
Ким, дегай илм аҳлиға Сайд Жамолиддин ҳадис.

## ЖИМ ХАРФИНИНГ ЖАМИЛАЛАРИНИНГ ЖИЛВАСИ «БАДОЕЪ»ДИН

## 92

Эй жаҳон мулки хирожи санга бир гавҳари тож,  
Мулклар шоҳи қўюб даргаҳинга тожу хирож.

Тузубон адл, кўнгул мулкини обод эттинг,

Мулк маъмур бўлур, адлға шаҳ берса ривож.

Тенгрига гавҳари зотинг эди кулли мақсуд,  
Сунъ дарёсин азал субҳи қилурдин маввож.

Эҳтиёж айлабон изҳор қуёш раъйингға,  
Халқ андоқки қуёш нурига бўлғай муҳтож.

Пайкаринг туфроғиға хайли малойик ҳомил,  
Тахти иззу шарафингға тўқуз афлок даввож.

Чун чиқиб тахти хилофат уза ҳақдин, бўлубон  
Ҳукми гарданкашига мулқдин амри ихрож.

Буйла мардуд ҳадисин нега қилдинг мақбул  
Ким, таназзулға бадал бўлди санга ул меърож.

Не тағофул эдиким, уйла адув макр била  
Хоксор этти сени, мулкунга солиб торож.

Рўзғоринг қорариб зулмати исён ичра,  
Зор эдинг, афв илки тутмаса оллингга сирож.

Эътиroz этма, Навою фузул ўлмаки, ҳақ  
Халқ этиб севди, яна дард бериб қилди илож.

Эл не билсун не эди ҳаққа бу ишда ҳикмат,  
Мехр нурин не билур шаппараки тийра мизож.

## 93

Телба кўнглум пўясиға анбарин бандинг илож,  
Хаста жоним заъфиға лаъли шакархандинг илож.

Солиб эрди чоклар бағримға тифинг ҳар тараф,

Бўлди мужгон ўқиднн ҳар сори пайвандинг илож.

Муҳлик ўлди шавқ, ё сур тиф, ё қил жилваким,  
Бу икидин ўзга топмас орзумандинг илож.

Ҳажр қатлидин мени тиргузди лаъли, эй Масих,  
Ожиз эрдинг, сен нафас асра, гар ўргандинг илож.

Юзу лаъли ҳажридин бемор ўлубмен, эй ҳаким,  
Умр зоеъ қилма, қилмас чунки гулқандинг илож.

Дарди ҳажрим саъб эрур — кел, эй ажал, бошимғаким,  
Васлдин айру эмас маълум монандинг илож.

Кўнглунг, эй булбулки, юз парканд эрур, гар келса гул,  
Барг-баргидин топар парканд-паркандинг илож.

Муршидесен бас ажаб, эй ишқим, матлубнинг  
Васлидин ҳам истамас меҳнатқа хурсандинг илож.

Ул парий ҳижронида бўлғон Навоий носиҳе,  
Айлай олғайму жунун мағлубига пандинг илож.

## 94

Эй, сочинг ошуфтаси юз хайли савдоий мизож,  
Кўрмадук занжир ҳам савдоға боис, ҳам илож.

Васл ишида асру нозуклук тушубтур, эй қўнгул,  
Ким эрур ҳам нозук ул гулчехра, ҳам нозук мизож.

Дарди ҳажрим арз қилсан, дерки, сабр эт, войким,  
Захр ила муҳлик маразға кўрмадук ҳаргиз илож.

Тиф тортиб тожварлар, бошиға чун чопти рахш,

Тандин учти, ваҳки, ҳар ён бошу боштин учти тож.

Зулмунга бўлсан забун юз важҳ ила, не айбким,  
Сен ғанисен — мен гадо, сен шаҳ — мен аҳли эҳтиёж.

Туз бўюнг оқу қоралик, долу гул тундин эрур,  
Уйла ўқким, обнўс ўлғай анга пайванд ож.

Кишвари ишқ ичра золим шаҳдур ул султони хусн  
Ким, кўнгуллар мулкидин жон нақдини олур ҳирож.

Арш қандили гумон қил шишадек софий кўнгул,  
Урмағил дамким, топар елдин халал равшан зужож..

Оҳи муҳлиқдур, Навоий кўнгли захми исланиб,  
Эл ўлар, топса ҳавоға чун уфунат имтизож.

## 95

Эмас лаълинг қатили жонға муҳтоҷ,  
Кўзунгнунг кофири имонға муҳтоҷ.

Лабинг муҳтоjidур кўнглум, начукким,  
Скандар чашмаи ҳайвонға муҳтоҷ.

Чу майдон ичра сурдунг, бас бу офат,  
Эмас наззора гар жавлонға муҳтоҷ.

Тилар кўнглум ўзин ишқинг шаҳиди  
Ки, бор ул ғамзаи фаттонға муҳтоҷ.

Қочар кўнглум қуши тан кулбасидин,  
Агарчи чуғз эрур вайронға муҳтоҷ.

Юзунг курси қамар, муҳтоҷ анга мен,

Гадо андоқки бўлғай нонға муҳтож.

Фано майхонасида қил гадолиғ,  
Десангким, бўлмайин султонға муҳтож.

Анга муҳтожроқ менмен, агарчи  
Эрур кўп гар боқар ҳар ёнга муҳтож.

Навоий жонға муҳтож эрмас, аммо  
Эрур юз жон била жононға муҳтож.

**ЧИМ ҲАРФИНИНГ ЧОБУКЛАРИНИНГ ЧЕҲРАКУШОЙЛИГИ  
«БАДОЕЪ»ДИН**

**96**

Кўзи қатл этти, кўнглум ичра зулфи мубтало бўлғач  
Ки, куш бисмил учундур, бастаи доми бало бўлғач.

Етиб мунглуғ кўнгул васлиға ҳеч ўз ҳолини билмас,  
Ажаб эрмас гадо ўзни итурса, подшо кўргач.

Не сўрдунг бир йўли ногах қорарған рўзгоримни,  
Бу ҳол ўлди бир ой ҳижронидин шомим қора бўлғач.

Қачон бўлдунг деманг бегона ақлу, ҳушу тақводин,  
Муни сўрмоғ не ҳожат, ул париға ошно бўлғач,

Малойик хайли жонидин тўла бўлди фалак жавфи  
Жаҳонда ул пари васлиға жон нақди баҳо бўлғач.

Улусқа тийри борони балият ёғди, ул ойнинг  
Сипоҳи хусн аро мужгони новак, қоши ё бўлғач.

Хижолатлар келур Фарҳоду Мажнун руҳиға ҳар дам,

[www.ziyouz.com](http://www.ziyouz.com) kutubxonasi

Менинг ишқим сўзидин халқ ичинда можаро бўлғач.

Замон аҳли вафосизлиқ била гар қилдилар қатлим,  
Фараҳ топқай магар руҳум, алар даъби вафо бўлғач.

Чу кетти баргу гул, булбул наводин қолдн, кўргилким  
Навоийдек эмиш ул доғи бебаргу наво бўлғач.

## 97

Турра марғулин очиб рухсори маҳ сиймоға соч,  
Тун саводи анбарин меҳри жаҳон ороға соч.

Сарви гулрўйим қилур гулгашти гулзор, эй насим,  
Дам-бадам сариф, қизил гул, ул гули раъноға соч.

Йиғлама, эй қўзким, ул ой бўлғусидур меҳмон,  
Гар сочарсен юз гуҳар, ул гавҳари яктоға соч.

Ёрдур шамъи шабистоним бу ақшом, эй сипеҳр,  
Ахтарингнинг дурларин бу базми меҳросоға соч.

Ташнаға бер файз, эй абри карамким, йўқ осиғ,  
Гар суни юз қатла дарёдин олиб, дарёға соч.

Дайр аро дин аҳлиниңг кўнглига зулфи бўлди қайд,  
Булажаб зуннордур, ул дилбари тарсоға соч.

Зуҳд элин май бирла расво айладинг, эй муғбача,  
Журъаे ҳам нетти раҳм айлаб мени расвоға соч.

Йўқ у дунёда вафо, эй сарсари дашти фано,  
Гарди нисён совуруб, дунёву моғиҳоға соч.

Эй Навоий, умри жовид айлар эрсанг орзу,  
Бас ҳаёting нақдини ул лаъли руҳафзоға соч.

## 98

Тўлғади сабрим, қўлин зоҳир қилиб дилдор куч,  
Гарчи нозукдур ва лекин бор анга бисёр куч.

Ишқ уйларни йиқар, ошиққа кин қилмоқ недур,  
Мўр хайлиға қачон пил айламиш изҳор куч.

Қош агар будур, сенинг ёйингни чекмак саъб эрур,  
Кимса илгига чу мақдур эрмас ул миқдор куч.

Кўзларинг бедоди жон бирла кўнгулга тонг эмас,  
Не ажаб, дин аҳлиға гар кўргузур куффор куч.

Заъф аро ул кўйдин судраг қўлум тортиб рақиб,  
Банддин ойирғудекдур қилса ноҳанжор куч.

Соқиё, мен хастадин бадмастлиғ эрмас ажаб,  
Кўргузур кўпрак заиф элга майи хаммор куч.

Ишқ аро андоқ забундурменки, айларлар манга  
Ҳам гадо, ҳам шоҳ куч, ҳам ёру ҳам ағёр куч.

Соғ эканда ҳажр аро қуч бирла ўзни асрарам,  
Лек май ичканда айлар йиғламоқ бисёр куч.

Куч била ўлтурди ул золим Навоий хастани,  
Неча торта олғай охир бир заифи зор куч.

## 99

Чиқти боғлаб яна ул кофири хунрез қилич,

---

[www.ziyouz.com](http://www.ziyouz.com) kutubxonasi

Маст ҳар сари сурар рахш, чекиб тез қилич.

Қиличин кўрдуму жонимға тараб юзланди,  
Турфадур қон тўкуб ўлмоқ, тарабангез қилич.

Қатра қонларки, томар тифиднн, учмоқ гулидур  
Ки, шаҳидин қилур ул ғамзаға хунрез қилич.

Ҳар қаён тиф солур, кўнглум осиғлиғдур анга,  
Буйла қатл аҳлида ким кўрди диловез қилич.

Ламъайи тифи дема, барқ ҷоқилған кебиким,  
Гўйиё қескали илгидин этар хез қилич.

Ишқ аро ажзини кўргилки, ўларга Фарҳод  
Хасми фартут тилин айлади Парвез қилич.

Шаҳ Навоий тилидек тиф ила қўп мулк очти,  
Тортмиш очқали Бағдод ила Табриз қилич.

## 100

Чиқти жон, қошима жонон киргач,  
Ким ҳалок ўлғон экин жон киргач?

Келурингга ясадим кўнглум уйин,  
Ясалур кулба, чу меҳмон киргач.

Ўзни асрармену кўнглум чекар оҳ,  
Ногаҳ ул сарви хиромон киргач.

Оҳдин шуъла етишкандек эрур,  
Ўқидин кўнглума пайкон киргач.

Юз жунун шуъбаси айлар пайдо,

Ул парий кўнглума пинҳон киргач.

Даҳр уйи ичра иқомат тилама,  
Чиқмамоқ анда не имкон, киргач.

Борма кўйига, Навоийки, қочар  
Ёр, сен телбаи урён киргач.

## ҲЕ ҲАРФИНИНГ ҲАРОМИЛАРИНИНГ ҲУСН ОРОЙЛИГИ «БАДОЕЪ»ДИН

### 101

Зихи тақаддумунг одамға бас ҳадиси сахих,  
Бу нукта кунту набиян ишоратида сарих.

Азалда васлингу ҳажринг магар насиб ўлди  
Ки, жон топарни Хизир олди, жон берурни Масих.

Сўзунгни хони нубувватқа тенгри туз ясади,  
Зихи камоли малоҳат, зихи каломи малиҳ.

Чу сеп чекиб «ана афсаҳ» таронасин қочириб,  
Аларки даъво ила сўз очиб, деб ўзни фасиҳ.

Демак шариати байзони меҳрга рожих,  
Қуёшни зарраға қилған кебидуур таржих.

Юзунг сабуҳи азал бодасидин андоқким,  
Не субҳға бу сабоҳат, не меҳр мунча сабиҳ.

Навоий ўлди ниҳон ишКинг ичра, тиргуз ани,  
Неча ниҳон тутайин, айладим ўлуб тасриҳ.

## 102

Бу кўҳан дайрда ич шому сабоҳ,  
Роҳати руҳ тилар бўлсанг, роҳ.

Чун қуёш лоласи тонг гулшанидин  
Чиқти, тут лола масаллик ақдоҳ.

Анга тегруки шабистони сипеҳр,  
Еткиур руҳ димоғиға риёҳ.

Яна ул вақтқачаким, хуршид  
Кўк биёбонида бўлғай сайёҳ.

Кўйма муғ дайрида жом илгингдин,  
Дайр пири чун ани қилди мубоҳ.

Рўзгоринг бузуғ эткан эса чарх,  
Сен киму айламак ани ислоҳ.

Кўп гириҳ тушти Навоий ишига,  
Сен кушоде бер анга, ё фаттоҳ.

## 103

Эй, хату жонбахш лаълингдин нишон Хизру Масих,  
Балки бу икки уётидин ниҳон Хизру Масих.

Хат лабинг узра, лабинг юз узрадур қилғон кеби  
Оби ҳайвону қуёш узра макон Хизру Масих.

Ул ёшунғой зулмат ичра, бу фалакдин ёнмағай,  
Кўрсалар хатту лабингни ногаҳон Хизру Масих.

Гар Масиху Хизр кўздин ғойиб ўлмишлар, не тонг,

Сабзаву оби ҳаётингдур ҳамон Хизру Масих.

Гўйиё Рухул қудс яъни дамингдин етти файз  
Ким, муаббад топти умру берди жон Хизру Масих.

Йўқ даминг, балким насими гулшанинг айлар саҳи  
Бўлсалар муҳалик мараздин нотавон Хизру Масих.

Хаттидин лаълиға еттим, лаълидин топтим ҳаёт,  
Ул икав бўлди манга, эй хаста жон, Хизру Масих.

Солики фоний таважжуҳдин тараддуд айламас,  
Ётсалар маҳвий шуҳуд бўлған замон Хизру Масих.

Дайр пири қўлдабон, тиргузди майдин муғбача,  
Эй Навоий, бу икавни қил гумон Хизру Масих.

## 104

Бода келтур, чун қуёштин чекти махфий жом субҳ  
Ким, эрур жоми нишот ичмакка хуш ҳангом субҳ.

Ошкоро бодаи гулранг ичмак хуштуур,  
Чун ниҳон айлар кавокиб гулларин гулфом субҳ.

Сиймбарларким, сабоҳат бирла тутқайлар қадаҳ,  
Не бало хуштур тулувъ этканда сийм андом субҳ.

Сарғариб ашкин тўқуб, мендек яқо чок айламиш,  
Бир ниҳони меҳр ила то бўлди беором субҳ.

Ваҳки, ул субҳ узору шоми зулф андуҳидин  
Йиғларам то субҳ шом, афғон тузуб то шом, субҳ.

Даҳр гулзорида ҳар тун чеккали жоми сабух,

Еткуур тонг булбули фарёдидин пайғом субҳ.

Субҳи васл уммидидин ўлдн, Навоий шоми ҳажр,  
Анга не суд, ўзгаларга ҳосил этса ком субҳ.

## 105

Истамон май бўлса хуршиди жаҳоноро қадаҳ,  
Тутмаса базм ичра ул шўхи қадаҳпаймо қадаҳ.

Ёр чун тутти қадаҳ, ичмон демак бўлмас, валек  
То не ҳол ўлғум яна ичкач мени шайдо қадаҳ.

Ҳажр андуҳида оз май тутмас, эй соқий, мени  
Базм аҳлидин тўлароқ тут манга амдо қадаҳ.

Бир қуёш ҳажридин андоқ менки ичкүм сипқариб,  
Тутсалар, солиб шафақгун май, сипехросо қадаҳ.

Ҳажр дафъин чун табиби ишқдин сўрдум, деди:  
Ким эрур ё васл, ё жон тарки қилмоқ, ё қадаҳ.

Бу фано дайрида зоҳир бўлди анфоси Масих  
Ким, ичиб тутти манга ул дилбари тарсо қадаҳ.

Чун хумор илгимни қилди раъша, жоно, оғзима  
Нетти ўз илгинг била тутсанг солиб саҳбо қадаҳ.

Су хумор аҳли ичарлар, ул ҳам ўлғандин зарур,  
Ичмагум ҳайвон суйин, эй Хизр, топқум то қадаҳ.

Чун харобот ичра масти ўлдум ичиб, эй майфурууш,  
Риндалар бирла солиб ғавғо мени расво қадаҳ.

Шаҳна базмиға не ҳосил, гар кириб ошуб ила,

Чекмасам шоҳид била мутриб, қилиб яғмо қадаҳ.

Чексалар, тонгла тутуб Боғи жаҳоноро сари,  
Дайр аро топиб суроҳи, айлабон пайдо қадаҳ.

Ваҳ, не ҳол ўлғай аларғаким, Навоийдур дебон,  
Танибон чорлаб, манга лутф айласа мирзо қадаҳ.

Хусрави Гозийки, жоми Жам анга бўлсун насиб,  
То қуёштин кўргузур бу торами аъло қадаҳ.

## 106

Эй сенинг кўюнг ҳарими туфроғи юз пок рух,  
Солқинидин соврулуб ул навъким хошок рух.

Рух агар юз важҳ ила туфроғинг ўлса, не ажаб,  
Лутф аро жисминг била чун teng эмас юз пок рух.

Хилқатим боғида ул гул ҳайфким, бордур манга  
Зор тан, мажруҳ жон, маҳзун кўнгул, ғамнок рух.

Ул қуёш қасриға майл айлар танимдин чиқса жон,  
Кимса ўлгандекки, бўлғай озими афлок рух.

Жон фидо бўлсун сангаву рух садқангким, эмас  
Жон чучук лаълингдегу қаддинг кеби чолок рух.

Мўмин ўл ажсад ҳашриғаву даъво қилма қўп  
Ким, азобу неъматин тонгла қилур идрок рух.

Тифи ишқидин Навоийға не даҳшат, негаким  
Телбадур жону фидоидур кўнгул, бебок рух.

**ХЕ ҲАРФИННИНГ ХЎБЛАРИНИНГ ХИРОМИ «БАДОЕЪ»ДИН**

## 107

Жафо тариқида андин эрур жаҳонға русух  
Ки, қилди меҳру вафо расму ройини мансух.

Жаҳонға чунки вафо бўлмаса, ажаб эрмас  
Ки, бўлса аҳли жаҳонға доғи жафода русух.

Софинма барча пишиғ сўзни таъб этар ошом,  
Бўлур муқайнию ҳозим чу иккиси матбуҳ.

Камолдин неки ўтти, яна топар нуқсон  
Ки, кўп яшаб, кираг атфол чергасига шуюх.

Дурушт хўй қилур элни чирк дунёлик,  
Нечукки, қилғай ирик жамъ бўлса узвида шўх

Чу сифла ганж топар, мужиби ҳалоки эрур  
Ки, ҳайзадур мушук илгига чун тушар маслух.

Навоиё, тила фақру риёе элдин қоч  
Ки, одамилар эрур ўзга, доғи ўзга масух.

## 108

Қотилеким, анга эрмас киши асло густоҳ,  
Тўлди қонимки, бўлубмен мени шайдо густоҳ.

Эй кўнгул, ўзни ёстлаб маст тилармен ҳар кун,  
Айласам лаълидин ўпмакни таманно густоҳ.

Бу маҳол амредурур, чунки тахайюл бирла  
Қила олмон ики лаълини тамошо густоҳ.

Мен сияхрўз киму васлики, ҳаргиз кундуз  
Бўла олмасмен анинг кўйида пайдо густох.

Хатти давриға, не тонг, эврула гар олмас Хизр  
Ким, бу журъатда эмас гунбади хазро густох.

Ул пари даҳшати ишқидин эта олмон анга  
Телбалик бирла ҳам ўзни, мени расво густох.

Хонақоҳ ичра тутуб савм, су ичмак бўлмас,  
Бўл хароботию чек соғари саҳбо густох.

Файзи қудсий тиласанг кўнглунгга бўлғай зоҳир,  
Ахли ботин қошида сўз дема асло густох.

Эътидол иста, Навоийки, фано дайри аро  
Улки йўл топмади, ё коҳил эрур, ё густох.

## 109

Дилраболар гар кўнгул олмоқда дурлар асру шўя,  
Лек дилдорим эрур бу шўхлардин айру шўх.

Шўхлардин баъзи олса жону баъзи берса жон,  
Сен қилурсен иккисин, ваҳ, сен кеби бўлғайму шўх

Шўхлуқтин ҳар дам ул тифл айлар ўзга навъ ноз,  
Кўнгли истар не қилур хўбеки, бўлса тифл шўх.

Гаҳ кирап кўздин кўнгулга, гаҳ кўнгулдин жон аро,  
Тутмаса ором, тонг йўқ, нозанин, бўлди чу шўх.

Шўхлар ичра бири кўнглум олибдурвойким,  
Десалар, де қайси шўх олмиш, дей олмонким, бу шўх.

Гар намозим саҳв бўлса ҳар дам, эй зоҳид, не тонг  
Ким, эрур моҳимки, анг ўлтурубтур ўтру шўх.

Эй Навоий, бир замон кўнглунг эмас осуда, кош  
Кўнглунг олған бўлмағай эрди бу янглиғ асрү шўх

## 110

Гарчи ул шириналаб ичган май эрур бисёр талх,  
Лек мен ичган майи ҳажри юз онча бор талх.

Май неча талх эрса, ҳижрон шарбатича талх эмас,  
Захри қотил, онгламон, бўлғайму ул миқдор талх.

Аччиғ-аччиғ дам-бадам шўробам этманг айбким,  
Қилди айшим ҳажр ила бир шўхи шириңкор талх.

Ҳажри заҳри ичканимдинму экин, оё буқим,  
Набиз соқит бўлмишу оғзим эрур бисёр талх.

Найлай ўлмайким, ҳаётим шарбатин мен телбага  
Қилди ҳижрон заҳри бирла ул пари рухсор талх.

Кўп чучуклуктин очиғлиқ анфаъ ўлди ишқ аро,  
Шарбати аттор эрур ширин, майи хаммор талх.

Талх май бирла мени масти айла, эй соқийки, бор  
Ҳажр аро умрум, гар ўлсам лаҳзае ҳушёр, талх.

Диним аҳволиға очиғ йиғларамким, муғбача  
Нўш этар дайр ичра ҳар дам жоми муғкирдор талх,

Ёр ширин лаълидин ҳар лаҳза айлар нўшханд,  
Ишқидин ҳар дам Навоий гарчи йиғлар зор талх.

## 111

Мени ҳавосида девона айлади ул шўх,  
Жунуну ишқ ила афсона айлади ул шўх.

Парин кеби чиқибон ҳушу ақл ғорат этиб,  
Нихон ўлуб, мени девона айлади ул шўх.

Ушатти шишаву, жому қадаҳни базм ичра,  
Ўюн тариқини тифлона айлади ул шўх.

Қулоқ солингки, харобот ичра ғавғодур,  
Магар азимати манхона айлади ул шўх.

Қадаҳфа хирқам этиб раҳи, ваҳки, субҳамни  
Қимор айлагали дона айлади ул шўх.

Чу олди ўйнағали нақди ҳушу сабримни,  
Яна топилмадилар — то не айлади ул шўх.

Қилиб Навоийи оворани жалои ватан,  
Балову дардға ҳамхона айлади ул шўх.

## 112

Ҳар нечаким санга жафода русух,  
Мен жафокашгадур вафода русух.

Банди зулфунгни кимки қилса ҳавас,  
Анга вожибдур ибтилода русух.

Юзи миръотин орзу қилған  
Керак этса аён сафода русух.

Соқиё, бер қадаҳки, ҳижрондин

Жонғадур дард ила анода русух.

Сидқ аро пири дайр росихдур,  
Лек зоҳидғадур риёда русух.

Қилма ишқ ичра даъво, ар қилсанг,  
Зоҳир эткил бу можарода русух.

Эй Навоий вусул агар тиласанг,  
Ишқ аро фош қил фанода русух.

## 113

Сочингки, юр чоғида борди ҳар тараф бир шох,  
Су ичра сунбули тардур анга мукаррар шох.

Деманки сунбули тарким, суда эрур акси  
Ки, суда сунбули тар кўргузур муанбар шох.

Магарки сунбулунга чирмашур тахайюли бор  
Ки, зоҳир этти тароғ сандали саросар шох.

Чаманда қилғуси гулгашт гўйиё ул сарв  
Ки, очти соя учун ҳар тараф санавбар шох.

Ёшил енгингки сариғ дакладин кўрунди, не тонг,  
Хазон дарахти бўлур ҳам бирорта ахзар шох.

Карам қил, эл панаҳинг ичра кирсаким, хуштур  
Чаманда мева доғи берса соягустар шох.

Навоий, онгла яқинким, ҳаёт риштасидур,  
Қўлунгға кирса анинг иқди зулфидин ҳар шох.

## ДОЛ ҲАРФИНИНГ ДИЛОРОМЛАРИНИНГ ДАВРОНИ «БАДОЕЪ»ДИН

114

Қани сенинг кеби маҳбуби оқибат маҳмуд  
Ки, зилли отифатинг бўлсун эл уза мамдуд.

Жамол аро мутажалли юзунгда партави зот,  
Камол аро муталоло ўзунгда нуру жуд.

Вужудунг икки жаҳон хилқатидин ўлди мурод,  
Начукки зотинг ўлуб икки кавидин мақсад.

Не жуд эрур, не вужуд элга зотинг оллинда,  
Санга чу келди мусаллам вужуд бирлан жуд.

Нубувват авжида кўп толеъ ўлди кавкаби саъд,  
Бири сен ойдек эмас эрди ахтари масъуд.

Чу сен мушоҳада шоми шуҳуд қозғондек,  
Киши не билдики, шоҳид ким эрди — ким машҳуд.

Навоий, ўлса гунаҳ дуди бирла нома сиёҳ,  
Фами йўқ, ўттин эрур чун шафоатинг мавъуд.

115

Хўблар базмида жамъ ўлмоққа бор ул ой мужид,  
Хуснин изҳор айламакка истар атрофида зид.

Гар жамол аҳли жафо бобида бор аҳли камол,  
Лекижоди жафо қилмоққа сенсен мужтаҳид.

Эрни шавқида совуғ оҳу исиф кўнглумдин ашк

Гоҳ қон янглиғ равон, гаҳ лаъл янглиғ мунжамид.

Қаҳр ё лутф улча андин келса миннат жонима,  
Менким ўлдум бўлғали мункир анга ё мұнтақид.

Остонинг такягоҳимдурки, тахти жоҳ эрур,  
Лек дарбонинг мадоросига эрмон мустанид.

Дилбарим андоқки келди ҳусн мулки ичра фард,  
Шукрим, мен доғи аҳли ишқ аромен мунфариd.

Ишқи комил гулшани ичра гули раъно недур,  
Билҳақиқат бўлмаса маъшуқу ошиқ муттаҳид.

Дўстлуғ ким қилса, душманлиқ топардин даҳр аро,  
Бўлмамиш гўё муҳаббат аҳли ҳаргиз мунъақид.

Истарам, кўргач ани, афғонлар айлаб ўлгамен,  
Соқиё, бир жом ила бўлғил Навоийға мумид.

## 116

Ўзин шаккар деса лаълингға монанд,  
Килай тишлаб ани парканд-парканд.

Лабинг ўпмакка ҳаддим йўқ, бўлубмен  
Тахайюл бирла ўпмакликка хурсанд.

Мени чун ул париваш телбаратти,  
Не суд, эй носих, эмди телбага панд.

Магар тенгрига одам хилқатидин  
Мурод эрди сенингдек турфа фарзанд.

Лабингнинг шакカリ айлаб табассум,

Гули хандонға қўргузди шакарханд.

Жаҳон раъносига берма қўнгулким,  
Анга олдурмамиш қўнглин хирадманд.

Навоий найлабон сендин узулгай,  
Чу топтинг риштаи жонига пайванд.

## 117

Кўнгулнинг хонумонин берди барбод  
Фами ишқингки, хонумони обод.

Мени ёд айламакни чун унуттунг,  
Унутуб, неттн гоҳе анласанг ёд.

Фироқинг кунжида тун-кун эрурмен  
Гамингдин шоду мендин ҳам ғаминг шод.

Сенга сайд ўлғали урён бўлубмен,  
Қачон юлди тириклай қушни санёд.

Кўнгул жинси башардин асраб охир,  
Мени девона қилди бир паризод.

Сен ич маҳсуслар васлида майким,  
Мени ҳажр этти қон ютмоққа мутьод.

Вафолиғ туз бу гулшан ичра йўқтур,  
Агар насрину гул ё сарву шамшод.

Не шайхи хонақаҳ майдин қилур манъ  
Ки, қилмиш дайр пири бизга иршод.

Навоий, ёр фарёдингға етмас,  
Анинг фориғлиғидин айла фарёд.

## 118

Ёр васлидин узуб эрдим мени шайдо умид.  
Шоҳ лутфи қўймади шайдо кўнгулни ноумид.

Ўртар эрди ҳажр навмид эрканимда,войким,  
Шавқ ўти кул қилғудекдур бўлғали пайдо умид.

Бир назардин гар бўлур жоним гаҳе осуда, бас,  
Мундин ортуқ васлидин йўқтур манга қатъо умид.

Ҳайрат айларлар менинг ҳолим кўруб аҳли жунун,  
Ақлдин, ваҳ, қайда тутғаймен мени расво умид.

Йўқ ажаб, гар одамийлиғдин чиқиб девонамен,  
Чун манга бор ул пари пайкар, малаксиймо умид.

Ҳажр навмид эрканимда ўртар уммидимда шавқ,  
Ваҳки, ё навмидлиғ айлар ҳалоким, ё умид.

Ҳам жафо, ҳам жавр умиди бордуру ҳам лутфу меҳр,  
Ҳар жиҳатдин йўқтурур андин манга илло умид.

Ҳажр дардиға даво бехудлуғ эрмиш, соқиё,  
Бу бало ичра тутармен соғарн саҳбо умид.

Эй Навоий, ғарқи баҳри ваҳдат ўлсам, не ажаб,  
Менки кўз дарёсидин туттум дури якто умид.

## 119

Доми зулфу донаи холидин этса ёр сайд,

Йўқ халойиқим, малойик бўлғуси бисёр сайд.

Ул кўзи сайёд агар жон қасди айлар сайдга,  
Оллида ўлгай бўлуб жон бирла миннатдор сайд.

Оллоҳ-Оллоҳ, не бало ул хусн эрур мардум фириб  
Ким, ани қўргач бўлур ҳам ёру ҳам ағёр сайд.

Сайдгаҳда қочмас андин сайдким, жон бергалн  
Секребу ўйнаб, нишоту завқ этар изҳор сайд.

Сайди гулранг олди хирман-хирман ул гул хирмани,  
Лолазори даҳраро ким қўрди бу миқдор сайд.

Хуштур ўлсам итларига тўъма, не имкони бор,  
Шоҳ фитрокига етмак бир заифи зор сайд.

Ҳар киши нафс итлигидин айласа ўзни халос,  
Ваҳш хайлин айлар ул дашт узра Мажнунвор сайд.

Жоми заррин тутки, бўлмас меҳр қўргузмак била,  
Кимсага заррин ғизоли чархи кажрафтор сайд.

Эй Навоий, гар десанг минг зулм бирла ўлмайин,  
Бевафолар макри бирла бўлмағил зинҳор сайд.

## 120

Буки ҳар ёндин кўкартибдур юзумни кожи дард,  
Жисм уйи тоқини олтун бирла қилдим ложувард.

Май юзунгда гуллар очти, қилма фарёдимни манъ,  
Булбул афғони не тонг, очилди чун гулшанда вард.

Бул-ажаблиғлардуур ишқ ичраким, зоҳир қилур,

Мехрдек ўтлуқ қўнгулдин дай елидек оҳи сард.

Ғам тоши хоки танимдин ҳар сари элтур ғубор  
Бошима туфроғ совурмоғдин эмас теграмда гард,

Ул қуёш зулфи хамидин чиқса оҳим тўлғаниб,  
Бир қуюн бил аниким, даври эрур гардун навард

Эйки, истарсен ўзунгни фард ул ой ишқида,  
Аввал анинг ғайри ёдидин ўзунгни айла фард.

Эй Навоий, дардлиғ назмингни дард аҳли билур,  
Дардсиз доғи бўлур, ани ўқуғоч, аҳли дард.

## 121

Эй жамолинг қошида лол хирад,  
Ишқинг ошубиға помол хирад.

Андаким сен қилибон жилваи ҳусн,  
Хуш ўлуб зойилу бадҳол хирад.

Ишқ Масих айлади, гарчи бор эди  
Илм ашколиға ҳаллол хирад.

Чиқмади туз йўлидин ишқ аҳли,  
Нечаким айлади излол хирад.

Ишққа ақл залил ўлмаса, кўр,  
Не қолур, чунки кетар дол хирад.

Ич майи ишқу Навоий, маст ўл,  
Келтуур бўлса кўп ашкол хирад.

## 122

Унла хижрон тошларин ёғдурди чархи тезгард  
Ким сипехр авжиғача хоки танимдин чиқти гард.

Ёр ила аҳбоб мендин анрюю мен барчадин,  
Йўқ ажаб, гар барчанинг дардича бўлса менда дард.

Ҳажр тошидин кўкарди пайкарим ёхуд бу ранг  
Айлади урён танимни, баски чектим оҳи сард.

Кахқашоидин чекма саф анжум сипоҳин шоми ҳажр,  
Мен ўлубмен, эй фалак, ҳожат эмас қилмоқ набард.

Ашку оҳимдии натижа бўлди қонлиғ тоза доғ,  
Гўйи ул сую ҳаводин очилур бу навъ вард.

Эй кўнгул, гар худ хазон фасли эмас, хижрон куни,  
Нега боғ аҳлиғадур титратмаву рухсори зард.

Халқнинг қайди Навоийни паришио айлади,  
Кимки жамъият тилар, қилмоқ керактур ўзни фард.

## 123

Қадинг деб сарвни жон бўлса хурсанд,  
Ажаб ёлғондур, аммо ростмонанд.

Шакар чун қилди ширинликни даъво,  
Эшиккач лабларинг қилди шакарханд

Кўнгул жонимға етмиш эрди, юз шукр  
Ки, қилди итларинг парканд-парканд.

Ити бағрим егандин ўлса, айланг,  
Кесиб бағрин, кесук бағримға пайванд.

Бу навъ ар зулфи савдоси олур хуш,  
Эрур саъб, эй ҳаким, ўлмоқ хирадманд.

Талаб йўлинда аввал фоний ўлғил  
Ки, йўқ бу йўлда ўзлукдин оғир банд.

Навоийға яна кўп панд берма,  
Кел, эй носих, эшит сен доғи бир панд.

## 124

Ишқ ўзлук нафий айлар, зухд ила тақво не суд,  
Чун вужудунг манфи ўлди, кибру истиғно не суд.

Суду сармоянг нечун нобуд қилди бир йўли,  
Сен пишурмак ҳар замон бир ўзгача савдо не суд.

Телбараб элдин чиқиб, йўлинда жон бердинг валек  
Рахм қилмас ул пари панкар малаксиймо, не суд.

Ошиқ ўлдунг васлидин суд истабон, оё фироқ  
Қўймади нақши вужудунгдин асар пайдо, не суд.

Ишқ дарёсиға суд уммидидин кирдинг валек  
Бўлмади охир насибинг ул дурри якто, не суд.

Ёр эрур жон ичра, сен ғофил vale истаб ани,  
Кеча-кундуз ел кеби бўлмоқ жаҳонпаймо не суд.

Суд қилди улки ичти васл базми ичра май,  
Бизга соқий тутмади бу соғари сахбо, не суд.

Истасанг фақр, ўрта олам суд ила сармоясин,  
Кўнглунга то эвурулур дунёву моғиҳо, не суд.

То Навоий ишқ бозорида савдоий эрур.  
Жуз зиён не топти бир сармоя ул расво, не суд.

## 125

Гарчи ёр этмади ҳаргиз мени ношодни ёд,  
Лек анинг ёди била кўнглум эрур ҳар дам шод.

Зулфидин сурди кўнгулларни кўзи арбадаси,  
Домдин кўрмадн эл сайдни сурмак сайёд.

Қоматинг бандасидур сарв vale хидмат аро  
Кўрубон ростлиғин ани қилибсен озод.

Қатлима чиқти этак белга уруб, тиф чекиб,  
Қон тегардин аяб эркин этагин ул жаллод?

Чунки Ширин кўзи беҳад қорадур, бас неча мил  
Тошни сурма недин айлади оё Фарҳод.

Ўзгаларга ичур, эй соқийи даврон, майи васл  
Ким, манга заҳри фироқ ичмак ўлубтур мутьод.

Мунча фарёд Навоийдин эмас ҳажр туни  
Ким, қилур ҳар кеча фарёдидин эл ҳам фарёд.

## 126

Рухсори жонибida ул холи анбаролуд,  
Ўт гўшасида гўё анбар тушуб қилур дуд.

Баҳри ғам ичра ашким кўнглига раҳм солди,  
Дарё мусофиримен — гардундин айлаган суд.

Базми ғамида шаҳмен, сариғ юзумда қон ёш,  
Бу лаълранг бода, ул соғари зарандуд.

Кўнглум гадолиғ айлар, оғзингни гарчи топмас,  
Йўқ ваъда бирла ани қилсанг не бўлди хушнуд.

Келким, йўлунгда туфроқ, бошингға садқа бўлсун  
Ҳам жисми дардпарвар, ҳам жони ранж фарсад.

Нобуду буд фикрин маҳв эт замирдинким,  
Не буд қолғусидур охир санга, не нобуд.

Сархуш таронагустар бўлмишсен, эй Навоий,  
Соқий, сен эмди тут май, мутриб, сен эмди туз уд.

## 127

Тўш-тўшумдин душману йўқ дўстдин қатъо умид,  
Килма, ё раб, дўстдин душманни мендек ноумид.

Ушбу муҳлик варта ичра гарчи элдин қолмамиш  
Ҳеч умидим, қатъ қилмон дўстдин аммо умид.

Ула гирдоби бало ичра тушубтурменки, бор  
Неча дерсен бийм, аммо йўқтурур пайдо умид.

Жон фидо қилдим — мени навмид қилди васлидин,  
Лаълидин жон истар элга йўқтурур илло умид.

Соқиё, муҳлик ғамимға шодлиғ имкони йўқ,  
Не тутай сендин яна жоми нишот афзо умид.

Ёр васлидин вафо кўз тутмасам, айб этмаким,  
Умру давлатдин вафо тутмайдурур доно умид.

Не висолу не умиди васл, ваҳ, ўлмай нетай,  
Эй Навоий, кошки ё васл бўлса ё умид.

## 128

Ҳам аёғида ўтуқ, ҳам бошида дастори тунд,  
Ошиқ ўлтурмак учун боштин аёғи бори тунд.

Тундлик манъин не навъ айлай ангаким, ўзганинг  
Бир иши бор эрса, бор анинг бари атвори тунд.

Даҳрни рахши агар зеру забар истар, не тонг  
Ким, эрур ҳам ўйнамоғи тунду ҳам рафтори тунд.

Ул киши ҳар лаҳза билгай ўлмаким кайфиятин  
Ким, бўлур ҳар дам анга бир кофири хунхори тунд.

Эй сабо, тунд эрди бадмастим кеча бўстон аро,  
Субҳидам уйқуға бормиш — эсмагил ул сори тунд.

Дайр пирин тунд агар қилмиш хумор, эй муғбача,  
Жомини қуйғил тўло, анда майи хаммори тунд.

Эй Навоий, даҳр коми йўқ эса, тунд ўтмағил,  
Анда юз ком арзимас бир дам бўлурға бори тунд.

## ЗОЛ ҲАРФИНИНГ ЗАВИЛ ҲАЁТЛАРИНИНГ ЗУФУНУНЛУГИ «БАДОЕЪ»ДИН

## 129

Жунун дафъиға қилдим юзда қон ёштиҳ аён таъвиз  
Ки, ёзғонда керак шингарф бирла заъфарон таъвиз.

Бўлубтур тоза қонлиғ доғу тирноғ хатлари бирла

Таним ул навъким, кўрган киши қилғай гумон таъвиз.

Дема таъвизким, афсуни савдо эрди кўнглумга  
Ки, ошти шуълаи ишқу жунун ёзған замон таъвиз.

Манга ёзинг дуоким, ул парини кўргамен ногах,  
Ёзарлар чун парий кўзга аён бўлған замон таъвиз.

Жунунумдин парирўйумға ҳам савдо асар қилса,  
Битидиклар кўзи кўнглум қушидин тўкса қон таъвиз.

Мени ишқ айламиш девона, эйроқий, не суд эткай,  
Нечакилсанг баён афсун, неча қилсанг аён таъвиз.

Навоий ишқ асрорин ёзнб, бўйниға осибдур,  
Тасаввур қилмағайсен, эй рафиқи меҳрибон, таъвиз.

## 130

Лабинг ҳукми эрур қонимға ноғиз,  
Демай қонимғаким, жонимға ноғиз.

Неким коғир кўзунг фармони бўлғай,  
Эрур ул дину имонимға ноғиз.

Эрур, ҳар зулмким амр айлагунгдур,  
Ўқунгдек жисми урёнимға ноғиз.

Кўнгул маҳқуми амрингдурки, ҳукмунг  
Эрур бу мулки вайронимға ноғиз.

Шаҳ ўлсам, бандамен оллида ҳошо  
Ки, бўлғай ҳукм жононимға ноғиз.

Кўнгул иттики, зулмунг бор эди ул

Алохону аломонимға нофиз.

Навоийни лабинг қатл этса, тонг йўқ  
Ки, анинг ҳукмидур қонимға нофиз.

## 131

Эй, лабинг бодасиға руху равон ичра нуфуз,  
Қайси руху не равон, жавҳари жон ичра нуфуз.

Майи ишқ уйладурур тезки, ичканга қилур  
Жузви-жузви аро ҳар қатраи қон ичра нуфуз.

Қўйди ўлмакка кўнгул жисм ила жоним, гўё  
Захри ҳажр айлади пайдову ниҳон ичра нуфуз.

Даҳр боғидин эсар ройихаи ишқ, магар  
Айлади оҳим ўти табъ замон ичра нуфуз.

Оташин невчун эрур лаълу муфарриҳ ёқут,  
Бодаи ишқ агар қилмади кон ичра нуфуз.

Ичтилар кўп маю фош айламади, қилғандек  
Мени овораи беному нишон ичра нуфуз.

Гар Навоийға эрур руху равон маст, не тонг  
Ки, майи ишқ қилур руху равон ичра нуфуз.

## РЕ ҲАРФИННИГ РАЪНОЛАРИНИНГ РУСТАҲЕЗИ «БАДОЕЪ»ДИН

## 132

Сипеҳр осебидин солим қутулмоғлиқ не имкондур  
Ки, меҳре дашту тифу кулгуси барқи дурахшондур.

Мунунгдек меҳр кўргач, шод ўлуб қулган зиҳи ғофил,  
Бу янглиғ қулгу сари меҳр солған асрү нодондур.

Тенгиз қўнглида андоқ меҳрдин юз шуъладур пайдо,  
Қиё бағрида мундоқ қулгудин минг дашна пинхондур.

Ҳижоридин қиёдур анга юз минг тиф ила ожиз,  
Хубобидин тенгиз юз минг кўз илан анга ҳайрондур.

Чекиб қавси қузаҳдин ё қўнгуллар қасдиға, анинг  
Ёғин ҳадди хадангу қатра сулар анда пайкондур.

Бу ёй бирла анингдек ўқни ёғдурғоч, халойиқнинг  
Ҳаёти қасрида ҳар сари қилмоқ рахна осондур.

Ҳаёт ичра бақо чун мумкин эрмас Нуҳ бўлсинким,  
Ўлар ҳолатда туғмай ўлган ўғли бирла яқсондур.

Бақо сарчашмаси зулматда дерлар, йўқки, ул зулмат  
Скандар оҳи ўтидин йигилғон дуди ҳирмондур.

Навоий, ўртабон ўзлук қадам бу йўлға қўй, яъни  
Ки, ҳар ҳамроҳким бўлғай тажарруд мониъи ёндор.

## 133

Менки ҳижрон даштиға кирдим қуюндеқ беқарор,  
Оҳу вовайлеки, ҳам саргаштамен, ҳам хоксор.

Санчилиб урён танимға ҳар тараф юз минг тикан,  
Ҳар тиканни куйдурууб кўнглум ўтидин бир шарор.

Қайдадур Мажнунки, бергай панду чун фаҳм этмасам,  
Йиғлағай ҳолимға бағри оғриғандин зор-зор.

Ё қани Фарҳодким, ғам тоғини тирноғ ила  
Қозғанимдин, тешаву тоғидин ўлғай шармисор.

Билсам эрди бир замонлиғ ҳажр дарди шиддатин,  
Юз йил ўлса васл даври, қилмас эрдим ихтиёр.

Дўстлар, меҳру муҳаббатнинг ниҳолин экмангиз  
Ким, бўлур эрмиш анга андухи ҳижрон баргу бор.

Эй сабо, келмиш Навоий хаста жонидин батанг,  
Элтибон ёр итларининг оллида қилғил нисор.

## 134

Ҳар кишиким, ер юзинда бир сенингдек моҳи бор,  
Тонг эмас, ер-кўқни гар тутқунча ашку оҳи бор.

Не ажаб, кўнглум адам кўйи сари азм айласа,  
Хоссаким оғзинг хаёлидек анинг ҳамроҳи бор.

Поку огаҳ бўлса кўнглум халқ жавридан, не ғам,  
Ёрнинг чун табъи поку хотири огоҳи бор.

Ёрни кўнглумда жон янглиғ ниҳон қилғай эдим,  
Айби кўнглумнинг будурким, нолай жонкоҳи бор.

Ишқ кўйида қора туфроқча йўқ жон қиймати,  
Йўл яроғин доғи топмас, улки молу жоҳи бор.

Мен кеби ҳижронда жон бермактин ўзга найлагай,  
Дилбаримдек кимки бир бегонаваш дилхоҳи бор.

Ишқ водийсидин анруким эрур мўр аждаҳо,  
Кўрмадук шаҳқим, гадо оллинда шайаллоҳи бор.

Эй мусулмонлар, эрур кўнглумда бир кофир ғами  
Ким, эрур боиски, тақво жониби икроҳи бор.

Эй Навоий, ҳажр бедоду жафосидин не ғам,  
Ҳар гадоким, хусрави Ғозийдек анинг шоҳи бор.

## 135

Буким, кўнгулнинг ул ойсиз не саъб ҳолати бор,  
Ул англағайки, бирав ҳажридин малолати бор.

Қуйига тушмиш анинг зулми тифидин бошим,  
Ҳануз тифи юзидин магар хижолати бор.

Қулоқ дурию юзи икки ахтар этти қирон  
Ки, олам ичра басе фитнаға далолати бор.

Сабо дебон хабар ул гулдин, элни тиргузди,  
Масиҳча деса бўлғай анинг рисолати бор.

Кўнгулни зулм ила буздунг, бале бўлур маъмур  
Шаҳеки, мулкида эҳсон билан адолати бор.

Қадаҳ қуёши била равшан айла хотирни,  
Чу англасангки, фалак зулмидин залолати бор.

Навоий истамас эл ишқин англағай, буким  
Ўз-ўзи бирла жунун аҳлидек мақолати бор.

## 136

Бу тийраи қотилки, оти ҳажр тунидур,  
Оҳим тутунидур дема, доғим тутунидур.

Жисм ичра юзунг ҳажрида минг дард хаданги,

Гўё кўнгул оташкадасининг ўтунидур.

Сўнгакдин эмас риштаи жисмимда бўғунлар  
Ул торда ранжим ададининг тугунидур.

Ул шўх симоъ ичра учурмоққа кўнгулдин  
Хушу хираду сабрни офат қуюнидур.

Уйқу кетуурур су уни, лек уйқуни олғон  
Элнинг кўзидин сайли сирискимнинг унидур.

Ўйнай-ўйнай тўкса ул ой қоним, эмас тонг  
Ким, барча булар чархи муроид ўюнидур.

Юз пора бошимни ити рад қилди, Навоий  
Билмаски, сўнгакларда борининг бутунидур.

## 137

Ул қуёшким, кўнглум ичра ҳажрининг озоридур,  
Жоним олса ҳам, кўнгул жон бирла миннатдоридур.

Найлаб ул қотилдин ўлғаймен халос, эй ишқим,  
Жоним афгори, таним бемори, кўнглум зоридур.

Ҳажр ўти пайкони захмин мен кеби билмас киши  
Ким, ичим боштин-аёқ ул нишнинг афгоридур.

Ҳажрато жонинг олай дер, кўр не бўлғай жаврким,  
Бу манга ул шўхдин меҳру вафо изҳоридур.

Қоф агар юздур ададда, Қоф тоғи меҳнатим  
Шиддати аъдодининг юздин бири миқдоридур.

Телба кўнглум истаса Фарҳоду Мажнун сиҳҳатин,

[www.ziyouz.com](http://www.ziyouz.com) kutubxonasi

Оқил эл рағми анга ҳушу хирад осоридур.

Кир харобот ичра, эй зоҳид, тилар бўлсанг биҳишт  
Ким, майи кавсар зулоли қулбай хамморидур.

Не ажаб гулшан эрур давронки, дуди оҳдин  
Сунбулию ашк қони сайлидин гулзоридур.

Гар Навоийдек сўзунг фаҳм этмадим, эй порсо,  
Афв қил, бир дам хаёлим боданўшум соридур.

## 138

Ишқдин, ваҳқим, манга ҳар лаҳза ҳоле юзланур  
Ким, бузулғон кўнглума андин малоле юзланур.

Ёрга ўзни тахайюл бирла маҳсус айлабон,  
Ул хусусият аро ҳар дам хаёле юзланур.

Чун хаёл илгида бўлди нотавон кўнглум асир,  
Бошиға ҳар лаҳза савдои муҳоле юзланур.

Васл савдосидин ўткарсам эмас мумкин дебон,  
Хотири ичра анинг ҳам эҳтимоле юзланур.

Маҳвашимни сўзга тортармен тахайюл кунжида,  
Ҳар сўзумга ким жавоб айттур, саволе юзланур.

Истамон анинг хаёлин доғи қилғаймен малул,  
Бас қилурмен, гарчи ҳар дам қилу қоле юзланур.

Васлини анинг хаёли бирла қилмасмен бадал,  
Гарчи ҳар соат манга соҳиб жамоле юзланур.

Чиқ бу гулшандинки, паст истар бошингни ер кеби,

[www.ziyouz.com](http://www.ziyouz.com) kutubxonasi

Онда ҳар дамким санга саркаш ниҳоле юзланур.

Эй Навоий, ёр зулфу қоматидин бўлғуси,  
Гар паришон хотирингға эътидоле юзланур.

## 139

Заъфлиқ жисмим қачон нозук белингга чирманур,  
Зулфунг икки тори гўё бир-бирига тўлғанур.

Қоматингға сарв тақлид айлабон топти шикаст,  
Бу сазодур, гар гияҳ сарви сиҳифа ўтканур.

Зулфунга ҳамсарлиқ этмак ўзда топмас, нечаким  
Сунбули мушкин қуюндин ўз-ўзига айланур.

Воқиф эркин ишқ ўтининг сўзидин ҳусн аҳликим,  
Шамъ агар парвонани ўрттар, ўзи ҳам ўртанур.

Ўйнамоқ бирла солур давронға рахши қўзғалон,  
Ҳар қачонким базмдин ул шўх сархуш отланур.

Бу чаманда тортибон булбул тонг отқунча фифон,  
Ишқ дарсин гўйиё гул дафтаридин ўрганур.

Дема сарғарди Навоийнинг юзи ишқ ичраким,  
Буйла олтунни қилурға поймолинг қозғанур.

## 140

Ёрдин ҳижрон чекар ушшоқи зор, эй дўстлар,  
Неча тортай ҳажр, чун йўқ менда ёр, эй дўстлар.

Ёр ишқин асрағил пинҳон, дебон саъй этмангиз,  
Вах, не навъ этгум йўқ ншни ошкор, эй дўстлар,

Ишқ бирла гар бирор лофи вафову аҳд урар,  
Ишвагарлар аҳдиға йўқ эътибор, эй дўстлар.

Айламанг бекаслигимни таън, бир кун бор эди  
Менда ҳам бир нозанин чобуксувор, эй дўстлар.

Ёрсиз вайронда қон йиғлармен охир, сиз қилинг  
Ёр бирла гашти боғу лолазор, эй дўстлар.

Ёрсиз ифрат ила гар йиғласам, айб этмангиз  
Ким, эрур бу иш манга беихтиёр, эй дўстлар.

Дўстлуқ айлаб тутунг гаҳ-гаҳ лаболаб жомким,  
Қасди жон қилмиш манга дарди хумор, эй дўстлар.

Май ичингким, даҳр эли ичра кўп истаб топмадуқ  
Аҳду паймонида бўлғон устувор, эй дўстлар.

Ёрингиз васлин ғанимат англабон шукр айлангиз  
Ким, Навоий ўлди бекасликда зор, эй дўстлар.

## 141

Васлдин, ваҳким, дамо-дам элга жоминўш баҳр,  
Бизга соғар-соғар анинг фурқати базмида заҳр.

Ул кўзу қошдин агар қўзғолса олам, тонг эмас  
Ким, биридур офати даврон, бири ошуви даҳр.

Ваҳ, нетиб сабру шикебим мулки вайрон бўлмасун,  
Икки кўздин Дажлаю Жайхундек оқиб икки наҳр.

Хосларға лутфунг ўлди ом, юз афғонки, мен  
Омдинменким, менинг жонимға қилдинг хос қаҳр.

Отланиб чиқти магар ул маст золимким, яна  
Тушти олам кишвариға фитнаву қўзғолди шаҳр.

Меҳрдин юз қилсаким, гардун аруси Золдур,  
Рустам ани ақд қилса, нақди жон бергуси маҳр.

Эй Навоий, ёр ёдинда малак маҳрам эмас,  
Фақр одоби аро тажвиз қилма зикри жаҳр.

## 142

Ваҳки, золим ишқ жонимға яна бедод этар,  
Қатл умиди бирла ғамгин хотиримни шод этар.

Зуҳду тақво бузди обод айламак бирла мени,  
Шукрким, ишқу жунун бузмоқ била обод этар.

Базми айши ичра ғавғо уйладурким, ташқари  
Ким, қулоқ солур агар, девонае фарёд этар.

Неча тартиб айласам сабру салоҳ авроқини,  
Сарсари ишқу жунун еткач, борин барбод этар.

Ишқ кўйида кўнгул ҳоли паришонроқ бўлур,  
Офият мулкидаги жамъиятин чун ёд этар.

Ул қуёш хижронида бу зарраи саргаштаға  
Ишқ зулми бас эмаским, чарҳ ҳам имдод этар.

Ишқ аро ёлғуз менинг ҳолим қўруб ҳар дам сипехр,  
Вомиқу Фарҳоду Мажнун ҳолин истишҳод этар.

Ваҳ, нетиб, эй хонақаҳ шайхи, тутай зуҳду риё,  
Дайр пири чун манга фақру фано иршод этар.

Эй Навоий, ани бил озода олам аҳлидин  
Ким, ўзин олам эли ғавғосидин озод этар.

## 143

Лабки хандон қилибон қошу кўзин ўйнатадур,  
Ўйнай-ўйнай мени бечорани қон йиғлатадур.

Кўргач ул ойни, яқиндурки фиғонлар қилғай,  
Лек бехудлуғ ила кўнглум ўзин тўхтатадур.

Тортмоқ мумкин эмас ўқини кўнглумдинким,  
Яна ўқ ҳар нафас анинг ёниға ўрнатадур.

Бахтим уйғонмас агарчи фазаъим дард аҳлин  
Ўлум уйқусиға борғонлар эса уйғотадур.

Кўзум ашкин бу жиҳатдин деса бўлғай хуноб  
Ким, бу су оқса, бағир ҳам анга қотадур.

Сабру ором сипоҳин нечаким йиғсам, ишқ  
Гаҳ ани синдирадур, гоҳ муни бутратадур.

Фарази буки, ҳабибимға қул ўлғай Юсуф,  
Хусн бозорида ҳар нечаки ўзин сотадур.

Ўхшамайдур менинг оллимда, агарчи дехқон  
Сарви гулрўюма сарву гулинини ўхшатадур.

Ишқ ани келтурадур хаста Навоий тарафи,  
Новаки ғамзани ул шўх қаёнким отадур.

## 144

Чиқиб ишқ ўти кўксум чокидин, бошимдин ошибдур,  
Бу эскирган ёғочқа ўз ичидин ўт тутолишибдур.

Жунун аҳлиға ул ой тори зулфи орзусидин  
Басе, сарриштаи савдоки бир-бирга улошибдур.

Қамар юзинда мушту кочдин кўрдум асар ҳар ён,  
Ҳамоно ул қуёш бадмаст бўлғонда талолишибдур.

Кўнгул чокига ғам тухмин хатинг фикри тўла қилмиш,  
Захира, кўрки, хайли мўр маскан ичра тошибдур.

Сабо машшотаси, лутф айлабон гулгун тўнин кийдур  
Ки, раъно сарвиға гулбаргдин хилъат ярошибдур.

Фалакнинг пардаи зайларин буким қилди шафақ гулранг,  
Магарким ер юзидин кўз ёшим хуноби тошибдур.

Мени Мажнун танин тирноғларнинг захмидин кўрган  
Дегай Лайли ити ҳар ён қўтур жисмини қошибдур.

Кўнгулким, асру тавсан эрди зуҳд ойинида, кўргил  
Ки, ишқинг роизидин не забунлардек ювошибдур.

Навоий туркларнинг тарки тутса, айб қилмангким,  
Анга бир туркмон маҳваш ғами маҳкам дўлошибдур.

## 145

Кимки олам боғида бир сарви гулрухсори бор,  
Боғ сайридин фароғи, сарву гулдин ори бор.

Гул била майни нетар девонаеким, кўнглида  
Бир париваш лаълидин май, хуснидин гулзори бор.

Гул насиму атридин мумкин эмас топмоқ илож,  
Кимки бир гулчехра хори ҳажридин озори бор.

Жон етиб оғзимға ўлгум, бир нафас тенгри учун,  
Эй Масиҳим, кел бери, эй муддаи, сен нори бор.

Кўзларига хори меҳнатдур гул, улким гул чоғи  
Гулжабинлар кўзлари янглиғ ики бемори бор.

Дема булбул зулмиға гул боғламиш бел, гўйиё  
Чарх зулмидин анинг ҳам боғлаған зуннори бор.

Қолди хуррамлиқ фалақдин ташқари, кўр, эй рафиқ  
Ким, қазо наққошининг не гардиши паргори бор.

Факр йўлинда оғирроқ юқ эрур вобасталиқ,  
Эй кўнгул, тарки тааллуқ айлабон ул сори бор.

Эй Навоий, ўзни мақбул истасанг, туфроқ бўл  
Ким, эрур мардуд, улким бошида пиндори бор.

## 146

Туррангки, тоби юзда ўтумға василадур,  
Ул шамъ шуъласи аро мушкин фатиладур.

Олса кўзунг ҳиял била кўнглумни, айб эмас,  
Бор ул фусунгареки, иши макру ҳийладур.

Ашҳабларингки, риштаға тортилди даҳр аро,  
Солмоққа рустахез ажойиб тавиладур.

Лайли қабиласи ўти қайдин кўрунса шом,  
Мажнунни куйдурур, бу не ўтлуқ қабиладур.

Кирсанг фано тариқиға, девонавор кир,  
Ул важҳдинки, ақл бу йўлда ақиладур.

Эйким, жаҳон салитасини айладинг никох,  
Билгилки, хасмкушдур, агарчи жамиладур.

Лаълингға жонин этса Навоий фидо, не тонг  
Андин олурға ком бу ишлар василадур.

## 147

Бинафша атри била эл тарабни ёд этадур,  
Қадаҳ кетурки, эгиб қадни хайрбод этадур.

Чаман саҳифасида сабза демаким, гардун  
Тараб сўзини яшил хат била завод этадур.

Кишики ғунча аро жола кўрса ишратдин,  
Ҳабиб оғзида кулмакни эътиқод этадур.

Сабуҳ май чекиб олтун пиёлада, наргис  
Кўзининг уйқусиға мужиби кушод этадур.

Хуш улки, лола кеби лаълу жом аро манни  
Зиёда қўймоқ ила ишратин зиёд этадур.

Замона боиси ғамдур, замоне аҳли хирад  
Қадаҳ кучи била ғамгин кўнгулни шод этадур,

Пиёла даврини хуш тутки, жуз надомат эмас  
Анга натижаки, давронға эътимод этадур.

Не келса оллинга, тут саҳлким, жафо қўрар ул,  
Биравки даҳр инодин кўрууб инод этадур.

Анинг муроди муродимдуур, агарчи мурод  
Анга будурки, Навоийни номурод этадур.

## 148

Ғамзанг ул сайёдким, гулшан аро ороми бор,  
Хол бирла зулғдин ҳам донаси, ҳам доми бор.

Хаттининг навраста жаннат сабзасидек ҳолати,  
Қаддининг наврас ниҳоли умрдек андоми бор.

Сарв уза гул бутмади ҳаргиз, қани ул шўхким,  
Сарви раънодек қад узра орази гулфоми бор.

Пора-пора бағрим узра тинмаса, тонг йўқ, кўнгул,  
Шуъланинг ахгар уза бир дам қачон ороми бор.

Васл субҳин то абад кўз тутмасун ушшоқ аро,  
Кимки ҳижроним тунидек бир қоронғу шоми бор.

Шукрлар қилдик, манга боқиб бирорким ёридин  
Кунда бир қатла назар солғунча чоғлиқ коми бор.

Қатл қилса, йўқ ажаб, дин аҳлини коғир қўзунг,  
Мунча ислом олибон элдин қачон исломи бор.

Субҳ ичарга бода ранги уйлаким тожи хурус,  
Гафлат аҳлиға хурус ағонидин пайғоми бор.

Итларинг синғон сафолидин Навоий ичса дурд,  
Ўлдуур Ҷамшиду илгинда жаҳонбин жоми бор.

## 149

Улки солғай шуъла аъзосиға ўтлуғ оҳлар,  
Қайдা билгай куймакин зарбафт кийган шоҳлар.

Бағридин қон томғучи ушшоқ захмин билмагай,  
Тифидин қон томғучи бераҳм олий жоҳлар.

Шиддатин Фарҳод қилғай фаҳм, йўқ Парвезким,  
Дардни хокилар англар, йўқ фалак даргоҳлар.

Жону кўнглум кирдилар ғам даштиға гум бўлғали,  
Мен ҳам эттим азм, чун азм эттилар ҳамроҳлар.

Бўлсалар огаҳки, бир ғамгинни ҳижрон ўлтуур,  
Фикр этар ҳолиға ҳижрон дардидин огоҳлар.

Вах, не билгай ҳажр занжирида дилҳоҳим недур,  
Ҳалқа урғон базм айши даврида дилҳоҳлар.

Эй Навоий, шоҳларға чун гадолар фикри йўқ,  
Элткил ҳам тенгри даргоҳига шайаллоҳлар.

## 150

Хатти то бош чекти, кўнглин май била хушҳол этар,  
Хусни хат истаб, юз авроқин ҳамоно ол этар.

Лекин эл ўтни аёғ бирла ўчургондек босиб,  
Хаттиннинг хайли юзининг шуъласин помол этар.

Хат чиқарди ул парий юзига йўқким эгнига,  
Вах, не пардур буки, андин элни фориғбол этар.

Хат эмаским, қилди хусни кишварин зеру забар  
Ким, бу янглиғ юзни машқ авроқидин тимсол этар.

Хусни хаттин сабзи пўш ўлмоққа норози эдим,  
Кўр: не ҳол ўлғайки, ул кисватни эмди шол этар.

Хусни зохирдин не ҳосил, эй хуш улким, ҳар нафас  
Шоҳиди маъни юзидин ўзни фаррухфол этар.

То саводи хаттини кўрмиш Навоий, заъфдин  
Жисмини килк анда меҳнат ўқларидин нол этар.

## 151

Шоми ҳижроним аро жисми чу нолим чирмашур,  
Зулфи савдосида андоқким хаёлим чирмашур.

Ишқ дарси ичра сурсам нукта савдо аҳлидин,  
Турраси тобиға чун есам, саволим чирмашур.

Чирмашай деб зулфиға юз печ урармен ҳар кеча,  
Чун димоғ ичра бу савдои муҳолим чирмашур.

Мен қуюн мисли эмон саргашта савдо даштида,  
Балки тақлидимни айлай деб мисолим чирмашур.

Зулфию қаддини кўр, эй боғбон, кўп демаким,  
Ишқи печоним била раъно ниҳолим чирмашур.

Мушкул ар қолғай асар меҳру муҳаббат аҳлидин,  
Буйлаким, ул хайлға бу ҷархи золим чирмашур.

Эй Навоий, кўнглум истар зулфи торин, зулфидек  
Ҳар дам ул савдоийи ошуфта ҳолим чирмашур.

## 152

Ўлмасам бу кеча, ранжу дарди ғавфоси недур!  
Итларингнинг ҳам бошим узра алолоси недур!

Ҳажр шоми тийраганлик бирла мени девонани  
Чун ҳалок этти, яна бошинда савдоси недур!

Ғам туни жоним уқубатлар била гар олмаса,  
Ўрнидин тебранмай анжумнинг тамошоси недур!

Жисм уйи вайрон бўлуб, сабру қарору ақлу ҳуш  
Қолмади бир, эмди аҳли ишқ яғмоси недур!

Телба кўнглим иттингу жонимни барбод айладинг,  
Ёна келдинг, эй маломат, дашти расвоси недур!

Хилқатимни ишқ нобуд эттию чекмас илик,  
Эмди билмонким, анинг оё таманноси недур!

Савту ҳарф ичра чу сиғмас ишқ сирри, эй фақих,  
Қилу қол аҳлининг оё лову иллоси недур!

Чун азалда ҳар не қисмат бўлди, кўрмай чора йўқ,  
Халқ ўз комин ўзидаекдин таваллоси недур!

Эй Навоий, ишқ аро чун йўқтур имкони висол,  
Телба кўнглум хотирида мунча васвоси недур!

## 153

Ҳар қачонким хотиримға ул қўзу қош эврулур,  
Ҳам қошимға чин тушар, ҳам кўзума ёш эврулур.

Ул ой отқон тошни кўксумга солдим, чокидин  
Суртсам ҳар ён илик, кўксумга ул тош эврулур.

Мен ниҳонмен, заъф бирла ваҳмдин ўлтурди рашк,  
Гулшани кўйидаким боди сабо фош эврулур.

Эй жунун арбоби, саргардонлиғим афсонасин  
Гўш қилмангким, эшиткандин ани бош эврулур.

Бас улуғ тоатдур ул бут сувратин қилмоқ назар,  
Чун анинг нақшин кўруб, хотирға наққош эврулур.

Келки, бу дайри қўҳан вазъиға ҳайрондур басе  
Ким, тун анда сиймгун юз нақш хуффош эврулур.

Нақди жон бирла Навоий азм этар майхонаға,  
Ҳар қачонким кўнглига ул шўхи қаллош эврулур.

## 154

Шиканжи туррасидинким гириҳ ёзилмайдур,  
Бинафшаедуур, аммо ҳануз очилмайдур.

Кўзунг жафо аро андоқдууркни, билмас ўзин,  
Фариб усрук эрурким, ўзини билмайдур.

Чу хур хуснин этар васф ҳозини жаннат,  
Сенинг жамолинга гўё наззора қилмайдур.

Дамим баҳори булутида дард кожидин  
Кўзумга ҳеч нафас йўқки, ўт чоқилмайдур.

Эрур мулк аро ишқим сўзи, тутунг маъзур  
Ки, бу фасона ҳануз эл аро ёйилмайдур.

Такаббур айлама, деҳқон, деким, бу гулшанда  
Қачон гуле очилибтурким, ул сочилмайдур.

Ўлар Навоийи бедилки, халқнинг кўнгли  
Топилди, лек анинг овораси топилмайдур.

## 155

Бу кеча шамъу субҳ ёқо чок қилдилар,  
Гўёки ўлмакимни фироқингда билдилар.

Ишқим зуҳури Вомиқу Мажнунға урди хат,  
Гар ишқ дафтарида бурунроқ битилдилар.

Кўйида иттилар яна жону кўнгул қочиб,  
Ҳар қатлаким кўп истаб аларни топилдилар.

Ушшоқи ҳажр чоҳидин ўлғон замон халос,  
Кўйида мўр хайли масаллик ёйилдилар.

Тавҳид нуктасида хамуш ўлди пири дайр,  
Жамъики шарҳ қилдилар ани, ёнгилдилар.

Шаҳдур гадойи майкада, йўқ-йўқ, ғалат дедим,  
Шаҳни гадолар анда қачон кўзга илдилар.

Туз қўй, Навоиё, оёғинг ишқ кўйида  
Ким, анда ашқ суйидин эл кўп тойилдилар.

## 156

Ўн сакиз минг олам ошуби агар бошиндадур,  
Не ажаб, чун сарвинозим ўн сакиз ёшиндадур.

Деса бўлғайким, яна ҳам ўн сакиз йил хусни бор,  
Ўн сакиз ёшинда мунча фитнаким бошиндадур.

Ўн сакиз йил дема, юз саксон йил ўлса, улдуур  
Хусн шоҳи, ул балоларким кўзу қошиндадур.

Ҳайрат этмон ҳусни нақшидаки, ҳар ҳайратки бор,  
Барчаси эзид таоло сунъ наққошиндадур.

Тан анга сийму ичинда тош музмар кўнглидин,  
Ақлға юз ҳайрат ул ойнинг ичу тошиндадур.

Май кетур, эй муғки, юз ҳайрат аро қолмиш  
Масих, Бул-ажабларким, бу эски дайр хуффишиндадур.

То Навоий тўкти ул ой фурқатидин баҳри ашк,  
Ҳар қачон боқсанг, қуёш акси аниңг ёшиндадур.

## 157

Неча тортай васл учун мен зори маҳзун интизор,  
Ваҳки, кўздин тўкти селоби жигаргун интизор.

Демаким, ул ойға кўп муштоқсен ё мунтазир,  
Иштиёқим бениҳоят, андин афзун интизор.

Эл мушаввашдур сени кўзларда андоқким вухуш,  
Дашт аро тортар замон Лайлиға Мажнун интизор.

Ё қуёшимни етур бошимға, ёхуд жоним ол,  
Кўп манга еткурма, эй бемеҳр гардун, интизор.

Эй саҳоби ҳажр, қилма субҳи умрум тийраким,  
Ул қуёштин айру тортибмен узун тун интизор.

Бошима бир қатла ет, гар худ эрур ўлтургали,  
Ўлди тортардин чу бу зори жигархун интизор.

Ишқ шаҳри мунтазирдурлар Навоий қатлиға,  
Ул икига тортқондек тоғу ҳомун интизор.

## 158

Дўстлар, мен телба аҳволиға йиғланг зор-зор,  
Ким соладур гаҳ-гаҳ ўт кўнглумга тушкан хор-хор.

Истамас бўлса сабо бир-бир қўнгул жамъ айламак,  
Нега зулфунгни паришонлиғдин айлар тор-тор.

Сен қуёш бирла муносибсен ўюнда, хўблар  
Икки-икки чунки киргайлар, отошиб ёр-ёр.

Қўрқарамким, бўлмағай озурда нозук қоматинг,  
Эгнинга хуш-хушки солмиш чуғди анбарбор бор.

Ҳалқа-ҳалқа бўйнума солмиш таноби зулфини,  
Журми ишқимға магар ҳукм айлади дилдор дор.

Ишқ эрур андоқ мураббийким, қилур еткач асар,  
Булбул ўлғай, очса юз бир сарви гулрухсор-сор.

Эй Навоий, бўлди ул бут кофири оташпараст,  
Не ажаб, ваҳ-ваҳ, гар урса жонинга зуннор нор.

## 159

Ул не раъно қомату рухсори фаррухфолдур  
Ким, ҳавас идрокидин лолу хирад бехолдур.

Жон ўлардин, доғи ғамзанг ўлтуурурдин тўймади,  
Оллоҳ-Оллоҳ, ул не мақтулу бу не қаттолдур.

Ақл пириким малак хайлиға эрди муқтадо,

Ул пари ишқи аро бозичаи атфолдур.

Хуру тўби келмаса оллингфа, эрмас айбким,  
Не бу ҳам қаддингдуур, не ул санга тимсолдур.

Чун нишиман қилди хуснунг боғида кўнглум қуши,  
Ўзга гулшанфа қилурдин майл форнғболдур.

Ваҳки, чиқти шаҳсуворим секретиб майдонға масти,  
То не динлар нақди рахши оллида помолдур.

Бас манга мунча шарафким, бергамен нисбат анга  
Ҳолима андин агар идбор, агар иқболдур.

Кир харобот ичра, эй ҳамдамки, даврон аҳлидин  
Ранжи гуногун давоси жоми моломолдур.

Дединг, ўлтургум Навоийниу айларсан ҳиял,  
Ул худ ўлди интизор ичра, бу не иҳмолдур.

## 160

Яна бу оқшом бузуғ кўнглум, басе, бадҳолдур,  
Тан бузуғ зиндонида жон ҳам хароб аҳволдур.

Рўзгорим тийралиқдин юзу холинг ҳажрида,  
Рўзгори хиракаш рухсори узра холдур.

Ахтари идборим анинг барча наҳсият била  
Толиъимнинг авжи узра кавкаби иқболдур.

Пири ақлимким, манга манъи жунун айлар эди,  
Бир париваш кўйида бозичаи атфолдур.

Нотавон жисмим жунун даштидаким бўлмиш хаёл,

Дема Мажнун жисмидинким, руҳидин тимсолдур.

Жаннати кўюнгда тан сойирдуур, кўнглум итиб,  
Шукр, ул учмоғда жисмим эмди фориғболдур.

Кўнглум олди ишқу итти ақлу сабру дин, бу дам  
Ул бузуғ мулк ичра золим шаҳфа истиқлолдур.

Бевафолар ўт, вафо аҳли эрур туфроғким.  
Чархдин ул саркаш ўлди, бу доғи помолдур.

Эй Навоий, ёр ҳажри дардида ўлмақдур иш,  
Чун тирилгунг йўқтур, истарга бу не иҳмолдур.

## 161

Тушумга кирди жаннат ичра ҳуру тўбию кавсар,  
Магар кўйида топқум оразу, қадду лабидин бар.

Мен эттим ишқи таркин ҳам ул этти васлиднн ваъда,  
Не андиндур манга бовар, не мендиндур анга бовар.

Юзи кўзгуга, хатти юзга зийнат берди ким кўрмиш  
Қамарға субҳдин равнақ, қуёшқа шомдин зевар.

Юзинда хаймудур ё манглайидин қатра, вах, кўргил  
Ки, гулдинму оқар шабнам, қуёшдинму томар ахтар?!

Лабида нутқу нутқида латофат кўрки, не янглиғ  
Судур ёқут аро мудғам, ҳаёт ул су аро музмар.

Юзинда партаву ул партав ичра лаълини кўрким,  
Ўт узра шуъла кўргузди ва лекин шуълада ахгар.

Хумори ҳажру дарди ишқдин музтармен, эй соқий,  
[www.ziyouz.com](http://www.ziyouz.com) kutubxonasi

Карам айлаб, ўтумға су қуй, аммо жонима озар.

Замондин аҳли ё аҳли замондин истаган эҳсон,  
Ёнар ўтдин тиларким су чиқарғай, хордин гавҳар.

Тилар Лайлини Мажнун, дилбарин мискин Навоий, вах,  
Керак булбулға гул, девонаға ёри парий пайкар.

## 162

Ваҳки, мен бедилға не ул номусулмондин хабар,  
Ул мусулмонким хабарға борди, не андин хабар.

Қосиду жононадин йўқким хабарсизмен буқун  
Ким, не қосиддин, не жонон, балки не жондин хабар.

Йўқ манга андин хабар, доим сўруб аҳволини,  
Қайда бир сўрмай анга мен зори ҳайрондин хабар.

Масти ноз ул, нотавонменким кетургай, элткай  
Ё анга мендин хабар, ёхуд манга андин хабар.

Вах, не кун бўлғайки, ул ғойиб сафардин келди деб,  
Истабон мендин севинчи, етса ҳар ёндин хабар.

Ҳажр агарчи жондин итти бехабар, коши ўлғамен  
Бехудеким, бўлмағай жонимға ҳижрондин хабар.

Давр аёғин, соқиё, андоқ тўла тутким манга,  
Қолмағай не аҳли даврондин, не даврондин хабар.

Эй хуш улким, келди андоқ мастиур борди мастиум,  
Топмади мутлоқ не келгандин, не борғондин хабар.

Эй Навоий, ким сўрар бўлса мени оворани,  
Дашт уза сўрғай магар ғули биёбондин хабар.

## 163

Эй фалак, ҳижрон ғамидин хотирим ношод эрур,  
Файри васл ар салтанат берсанг, манга бедод эрур.

Бас неча мужримға бир жаллоди ғамзанг хайлидин,  
Бир ёзуғлуқ зор кўнглумга неча жаллод эрур.

Ноз ила гулшанға чун кирдинг — ниҳоли қаддинга  
Банда бўлғон сарвинозу савсани озод эрур.

Дам-бадам етмайдур эрса ишқ зулми кўнглума,  
Ҳар дам ул мазлуми меҳнаткашка не фарёд эрур.

Неча йигсан сабр авроқиу тоат хирманин,  
Сарсари ишқинг етишкакч, сарбасар барбод эрур.

Нўш этиб жоми фано, қўйсам риё, айб этмаким,  
Дайр пиридин манга, эй шайх, бу иршод эрур.

Дард мулки, ғам сипоҳи ғусса нақдин арз этиб,  
Эй Навоий, ишқ элига арз истиъдод эрур.

## 164

Оҳим ғамингда гунбади ахзарни куйдуур,  
Ҳар учқуни фалакда бир ахтарни куйдуур.

Оташкада ўтида самандар топар ҳаёт,  
Кўнглум ўти валек самандарни куйдуур.

То қоматингға не учун ўхшатти боғбон,

Оҳим самуми сарву сановбарни куйдуур.

Бир ўтдуур танимдаким, анинг ҳарорати  
Кўнглакни кул қилур, доғи бистарни куйдуур.

Дерларки, оғиз ўт деса куймас, vale бу оҳ  
Чун сабт бўлса, хомаю дафтарни куйдуур.

Лаълинг хаёли кўнглума ўт солди, вах, кўрунг,  
Не тез эрур бу бодаки, соғарни куйдуур.

Соқий, ғам ичра ўлди Навоий — пиёла тут  
Ким, ғуссалардин ушбу ўт аксарни куйдуур.

## 165

Кўнглум ўтин зоҳир этсам, барча олам ўртанур,  
Шуъласин гар тортсан, тўққуз фалак ҳам ўртанур.

Момуғ узра ёйибон кофур қўйманг доғима  
Ким, момуғ доғи тутушур ҳам бу марҳам ўртанур.

Гар ғаминг сўзокидин куяр кўнгул, эрмас ажаб,  
Ҳар кўнгул ичраки тушти шуълаи ғам, ўртанур.

Айб эмас, ҳар лаҳза оҳим шуъла чексаким, кўнгул  
Бир юзи ўтлуқ фироқи ичра ҳар дам ўртанур.

Ишқинг ўти учқунидин жисмим андоқ куйдиким,  
Барқ хошок узра тушса, бу сифат кам ўртанур.

Қайнабон кўз чашмасидин ашқ, жисмим ўртади,  
Етса жўшон су қаю узв узра, маҳкам ўрнатур.

Эй Навоий, кўнглум ўти узра су қуй бодадин  
Ким, кўнгул ул ўтқа етмас бўлса бу нам, ўртанур.

## 166

Зулфунг очилиб, орази дилжў била ўйнар,  
Хинду бачае шўхдуур, су била ўйнар.

Ул шўх кўнгул лавҳин этиб тийра нафасдин,  
Бир тифлдур алқиссаки, кўзгу била ўйнар.

Ўйнай-ўйнай боғлади уйқумни фусундин,  
То ғамзаси ул нарғиси жоду била ўйнар.

Тонг йўқки, кўзунг бўлса кўнгул бирла мулоиб,  
Мажнунға ажаб йўқ, агар оҳу била ўйнар.

Бир лўлийи бозигар эрур чамбар ичинда,  
Холингки, ўшул ҳалқаи гесу била ўйнар.

Зоҳид била нафс этса тамасхур, не ажабким,  
Ит сайд қилур вақтда тулқу била ўйнар.

Муғ дайрида маст ўлса Навоийни кўрунгким,  
Бир олма кеби гунбади мину била ўйнар.

## 167

Тилаб юзунгни кўнгул ҳажрдин фароғ истар,  
Қоронғу тунда начукким киши чароғ истар.

Бихишт борида дўзах сори қилур оҳанг,  
Ҳабиб қўйи турууб, улки гашти боғ истар.

Салоҳ кўнглакини йиртиб, оҳ ўтин ёрутуб,

Кўнгул фироқим аро кўксум узра доғ истар.

Сочингни ислабон ошуфтамен, зиҳи савдо,  
Бирокки мушкдин осойиши димоғ истар.

Ҳаёт бодасидин нашъя доғи ҳайф анга  
Ки, лабларинг майи даврида ўзни соғ истар.

Бу нақд жаннат ародур, бирокки дайр ичида  
Май ичса, муғбачалар илгидин аёғ истар.

Кўюнг Навоийи бедилни, қилса кўйига азм  
Ки, кўнгли итмиш анинг — айламак сўроғ истар.

Не тонг, агар ўқи вайрон кўнгулга роғибдур:  
Қуруғ ниҳол бузуғ боғ аро муносибдур.

Сиришк қатралари тийра кулбам ичра, магар  
Бало сипеҳри аро наҳсваш кавокибдур.

Қошингдағи гириҳ ул юзни кўргали қўймас,  
Жамол мулкида султон улу бу ҳожибдур.

Кўнгул уйи чу санамлардин ўлди бутхона,  
Магарки, ишқ бу бутхона ичра роҳибдур.

Талабда шевану ғавғо эрур менинг айбим,  
Йўқ эрса барча улус хўбларға толибдур.

Не ихтиёр улус бози ерга мундоқким,  
Нужум луъбати бирла фалак мулоибдур.

Навоий иттию қўйида кимса демадиким,  
Бу қўй итлари ичра бириси ғойибдур.

## 169

Фориғу озода бйлмас мубталолардин хабар,  
Шоҳ кўнглида қачон бўлғай гадолардин хабар.

Ҳажр водийсинда ким топқай мени оворани,  
Дам-бадам сўргай магар дарду балолардин хабар.

Ул вафосиз олди кўнглумни юз кўргузмади,  
Истасам ани, сўрармен бевафолардин хабар.

Ғунчадек қонлиғ кўнгул гум бўлди ул гул кўйида,  
Эй сабо, тут гоҳ-гоҳе ул аролардин хабар.

Чун хабар йўқтур қорарған рўзгоримдин манга,  
Қайда топқаймен кўзу қоши қоралардин хабар.

Улки масти бехабар дер, ишқи жомидин мени,  
Гўйиёқим, англамайдур порсолардин хабар.

Тут Навоий ҳолидин гоҳе хабарким, айб эмас,  
Гар навозиш аҳли тутса бенаволардин хабар.

## 170

Шоми ҳижрон субҳидек бағримни чок этти сипеҳр,  
Субҳфа етқунча жонимни ҳалок этти сипеҳр.

Субҳдек бир чок йўқ, кўнглумни балким ғунчадек  
Ишқи муҳлиқ тифи бирла чок-чок этти сипеҳр.

Ғам туни ҳар кавқабинким жилвагар қилди, мени  
Маҳвашим ҳижронидин андуҳнок этти сипеҳр.

Гарчи куйдурди мени, хуштурки, кўнглум кўзгусин

Ғайр нақшидин ҳамул қул бирла пок этти сипеҳр.

То бало тошини ёғдурди манга ҳажр илгидин,  
Демайинким, хоксор эттики, хок этти сипеҳр.

Шукрким, жонимни ҳам муҳтоҷ қилди зулмиға,  
Қотилимни нечаким беваҳму бок этти сипеҳр.

Фам захира қўйғали эрди магар ишқ аҳлиға  
Ким, Навоий қўнглини юз минг мағок этти сипеҳр.

## 171

Кечак қўймак расмини парвона мендин ўрганур,  
Шамъ куйдурмак ишида маҳвашимға ўтканур.

Ул парий ҳажринда мен девона чексам ўтлуқ оҳ,  
Эй малак, гар бўлмасанг воқиф, қанотинг чурканур.

Анжум эрмас, қатралар кўк сақфида айлар аён,  
Дуди оҳимким, фалак тоқиға ҳар тун чирманур.

Салтанат тахти уза ётқон уюмас рашиқдин,  
Кўрса бошимники, ҳар тун остонинг ястанур.

Бахтим уйқудин кўз очмас, йўқса чун чексам фиғон,  
Сўнгги уйқу масти бўлғонлар ул ундин уйғанур.

Ўз-ўзумга тўлғанурмен, қадду зулфин ёд этиб,  
Сарвға гулшандаги сунбул шохи чунким тўлғанур.

Деввашлардин қочиб тутти Навоий бодия,  
Бу жиҳатдин теграсига дашти ваҳший айланур.

## 172

Кўзда су — кўнгул аро ўт, не кўрарсен, охир?!  
Яна аҳволин аларнинг не сўрарсен охир?<sup>1</sup>

Риштаи васл ила бир захмини тик, раҳм айлаб,  
Ҳажр тифи неча бағриға урарсен охир.

Ул ой ошуфталарин айлар эмиш дилжўлик,  
Мунда, эй шефта кўнглум, не туарарсен охир.

Тушта ҳажрини кўруб мен санга шарҳин айтай,  
Эй ҳаким, ани агар акс йўрарсен охир.

Тийри боронки, отар чархи муқаввас — басдур,  
Неча қош ёсини қасдимға қуарарсен охир.

Мазраи даҳр аро соч лутф ила эҳсон тухми,  
Ҳар не эксанг, ани-ўқ чунки ўрарсен охир.

Гар Навоийға даводур унунг, эй ёр ити,  
Хординг эркинки, тонг отқунча ҳуарарсен охир.

## 173

Қасрнинг ҳар қунгури узра бало тошимудур?  
Йўқса ботил ишқ даъво қилған эл бошимудур?

Ғам туни, билмон, шафақдур ё фалак миръотида,  
Акс кўргузган кўзумнинг лаългун ёшимудур?

Кофирему қатл айлар Каъба тоқи ичра маст,  
Йўқса ул хунрезнинг усрук кўзу қошимудур?

Бир ҳумоюн қуш кеча садқанг бўлур, эй муғбача,  
Қоф анқосимудур ё дайр хуффошимудур?

Боғонким сарв узра айламиш пайванд гул,  
Сарв бўйлук гулрухумдур, йўқса бўйдошимудур?

Илгода жому кўрар май ичра олам ҳолини,  
Ё раб, ул Жамшид ё майхона қаллошимудур?

Тонглоғи кавсар учун, дерсен, буқун май ичмагил,  
Тек тур, эй зоҳид, Навоий сен кеби ношимудур.

## 174

Кеча ҳар кавкаб кўрунгач, ёдима ойим келур,  
Ой чу толеъ бўлди — меҳри оламоройим келур.

Зухду тақво, бутрашингким, бу кеча май ичкали  
Байтул эҳзонимға шўхи бода паймоним келур.

Бу сариғ юзунгни кўрмаски, Килғай кўнгли раҳм,  
Баски, юзга қонлиғ ашки чехра олойим келур.

Ваҳ, не ҳижрондур буким, айлай десам зикри висол,  
Дам-бадам оғзимга оҳи меҳнататфозийим келур.

Шайху ибриқу ридосин чун кўрармен — ёдима  
Дайр аро паймона бирла бодаполойим келур.

Озими дашти фано бўлдум, келур Мажнун доғи,  
Гар қадам тез урмон андиндурки, ҳампойим келур.

Кўзлару, жону кўнгулда манзил эт орастা,  
Эй Навоийким, буқун маҳбуби худройим келур.

## 175

Музтариб кўнглум аро ул юз хаёли айланур,  
Мавжлуқ суда қуёш акси начукким чайқанур.

То узори жилва айлар — жилвагардур зулфи ҳам,  
Мехр то айлар таҳарруқ — соя доғи тебранур.

Чун улусқа ишқи ўт солди ажаб йўқ куймаким,  
Бешаға чун тушти ҳар ён шуъла, хас ҳам ўртанур.

Эгма қад бирла мени саргаштадурмен музтариб,  
Токи чавгон азмиға, билдимки, ул шўх отланур.

Шўхлик расмин анга таслим этарлар хўблар,  
Секрамакта уйлаким учқун чақинға ўтканур.

Айлай олмас оразингдин ўзга ён кўнглум ҳаво,  
Қуш ўзин машъалға чун урди — қаноти чурканур.

Соқиё, бер майки, ғам шоми хумори ҳажрдин  
Бир паришон туш кўруб, бу хаста ҳар дам сесканур.

Кимки жон айлаб фидо, қозғонса даҳр аҳлида дўст,  
Англағил, эй дўстким, ул душмани жон қозғанур.

Эй хуш улким, бошининг остидадур дилбар қўли  
Ким, Навоий кечалар бори ўз илгин ёстанур.

## 176

Май лабингға етса, жонимға ҳарорат еткуур,  
Ўт агар Исо дами бирла ёрурким, куйдуур.

Дарди ҳижрон мендадурким, умр ўтуб кўрмон юзин,  
Васл комилдур, буқим Лайлиға Мажнун телмуур.

Ҳар қўлумни тоза қонлиғ доғ ила узган итинг  
Ул кишидекдурки, гул бирла ёғочни синдирур.

Келтирур кўз боғидин ашким бағир парголасин,  
Бўстондин уйлаким гул яфроғин су келтирур.

Ер юзин баҳр этти ашким, эйки, айтурсен мени,  
Тоғлар узра недин аҳли жунун янглиғ юрур.

Ўйғай эрдим кўзни тирноғ бирла, билсан эрдиким,  
Бир назардин бошима мунча балолар келтирур.

Соқиё, соғарни айлантурки, ҳар соат хумор  
Зъфдин бошимни соғар давридек айландуур.

Қўй тараддудким, фано дайриға кирсанг, муғбача  
Икки соғар бирла кўнглунгни ўзунгдин тиндирур.

Эй Навоий, олам аҳлидин қироқ тут зинҳор  
Ким, мулоқоти аларнинг кўп малолат еткуур.

## 177

Не ажаб, ҳар ён мени мажнун бошида ёралар,  
Баски, ёғди устига атфол элидин хоралар.

Оразинг атрофида гулдур кўрунган, эй парий,  
Ё қамар даврида саф тортибдуур сайдералар.

Ҳар қуюн гўёки бир саргашта ошиқ гардибур,  
Баски, туфроғ ўлди ишқинг даштида оворалар.

Англаким, аҳбобни кўнглумда меҳмон этмишам,  
Итлари оғзида гар кўрсанг бағирдин поралар.

Анда Мажнун — мен, буён Лайли — сен эткач ижтимоъ,  
Бир тараф девоналар, бир ён парий рухсоралар.

Хонақаҳ вақфи суйин ичмаслар, эй шайх, англағил,  
Гар хумор ўлса фано дайридағи майхоралар.

Эй Навоий, ишқ аро ўлмактин ўзга чора йўқ,  
Бас, ғалат бўлғай, демак ушшоқни бечоралар.

## 178

Турфа кўрким, фурқатидин юз малол оллимдадур,  
Гарчи кўз ҳар сари солсам, ул жамол оллимдадур.

Ул Масиҳодинки бир дам айру туштум, ўлмадим,  
Оҳқим, ўлгунча ушбу инфиол оллимдадур.

Тузгамен, ҳар неча бўлса тийра ҳижрон тунлари,  
Гар яқин билсанки, айёми висол оллимдадур.

Англамон: оллимдадур лаълинг хаёли муттасил,  
Ё анинг шавқидин оққан ашки ол оллимдадур.

Жон бериб, лаълин бир ўпмакни таманно айладим,  
Эй кўнгул, билким, ажаб фикри маҳол оллимдадур.

Давр жавридин тинармен, эй кўнгул, ҳар лаҳзаким,  
Соқийи маҳваш била жоми зилол оллимдадур.

Эй Навоий, деб эди васлимға етсанг — жон олай,  
Бўлмоғум навмид, то ул эҳтимол оллимдадур.

## 179

Мену ғариблиғу ҳажру бенаволиғлар,  
Диёру ёр фироқиға мубталолиғлар.

Шикибу сабр ила бегоналиғлар айлаб кўп,  
Балову дард била беҳад ошнолиғлар.

Не кўзгу тутмоқ эрур дам-бадамки, ҳожат эмас  
Сенинг жамолинга бу навъ худнамолиғлар.

Сени кўнгул била жон кишварида шоҳ айлаб,  
Хаёл бирла қилурмен ажаб гадолиғлар.

Қадаҳ кетурки, неча даҳр элига қўргузсанг  
Вафо, натижа эмас ғайри бевафолиғлар.

Салоҳ сувратида юз фасоду воқиф ёр,  
Бошимға то не кетургай бу беҳаёлиғлар.

Навоий, эмдики муғ дайри ичра сен қадаҳ ич  
Ки, кўп совуғ кўрунур мунда порсолиғлар.

## 180

Осиљмамиш қулоғингдин юз узра гавҳарлар  
Ки, айрилибтур ул ўт шуъласидин ахгарлар.

Отинг аёғини ўпмакка наълу мих эрмас,  
Сипеҳр раҳшидин инмиш ҳилолу ахтарлар.

Юзунгда хўй эмас, оби ҳаёт қатрасидин  
Қуёш жамолиға сунъ илги тақти зеварлар.

Бошоғларинг учи эрмаски, чиқти жисмимдин,  
Чиқармишам учубон еткали сенга парлар.

Узор сафҳасида хўблар хати демаким,  
Туз этти ишқ мени ўлтуургга маҳзарлар.

Баҳор фаслида маҳмур бўлма, даштқа чик  
Ки, лола тутти басе лаълранг соғарлар.

Навоий олдирибон кўнглини агар топмас,  
Бирордууркни, қулидур жаҳонда дилбарлар.

## 181

Холу хаттидинки, ҳар бирининг бир ўзга ҳоли бор,  
Хат юзинда нуқтадек мушкин хат узра ҳоли бор.

Чарх уза заррин ғазол ўлди шафақдин жилвагар,  
Ё менинг мушкин ғазолимнинг ҳарири оли бор.

Баҳри ашким ичраким топмас зарап кўз мардуми,  
Гўйиё кирпик найистонидин анинг соли бор.

Гарчи ҳинду бўлса, маскан айлагай хуршид уза,  
Холдек улким жамолингдин ҳумоюн фоли бор.

Не учун ўлмайки, эл қатлиға айлаб эҳтимом,  
Қотилимнинг чун манга навбат етар ихмоли бор.

Кон ила дарё матоин найласун ул кимсаким,  
Дайр аро лаъли равондин жоми моломоли бор.

Ўзни маст истар харобот ичра важду ҳол ила,  
Гар Навоийнинг бу дам дарс ичра қийлу қоли бор.

## 182

Кофириеким, сен кеби рухсори оташноки бор,  
Ўт солурдин лашқари ислом аро не боки бор.

Ишқ ўтин кўнглум ёрутмоқ истаса, йўқтур ажиб  
Ким, чурук бўлғон сўнгаклардин қуруқ хошоки бор.

Кўнглаким чокин тикарга майл қилдинг, эй рафиқ,  
Билмадинг гўёки, кўнглак ичра кўксум чоки бор.

Эйки, дерсен пок ҳуснумдек жамол аҳлида йўқ,  
Мен кеби ишқ аҳлининг ҳам қайдга ишқи поки бор.

Қатра-қатра ашку дафъа-дафъа оҳим дудидия  
Ишқ мулкининг ажойиб анжуму афлоки бор.

Сол янги ой заврақиға атласинг, эй чархким,  
Оҳдин бу шом ашким баҳрининг кўлоки бор.

Эй Навоий, қўйма бошим ўзхлар гўй эткали  
Ким, ани осмоққа бўлсун чобуким фитроки бор.

## 183

Ҳар гадоеким, жаҳонда бир мувофиқ ёри бор,  
Хизр умрию Скандар ҳашматидин ори бор.

Кимки ул бир кўнгли севган нахл қаддин бар еди,  
Оллоҳ-Оллоҳ, умридин не баҳти бархўрдори бор.

Билса кўнглум ҳолатин, шоядки келгай сўрғали  
Улки, кўнгли ичра бир бадхўйдин озори бор.

Кўзларидин кеча тонг отқунча уйқум йўқтуур,  
Кечадан алар анда уйқуким, ики бемори бор.

Шуълалиқ юз пора қўнглум хайли мужгонинг аро  
Оташин гулдурки, атрофида ҳадсиз хори бор.

Истасанг даврон жафосидин қутулмоқ, эй қўнгул,  
Хонақаҳ таркин қилиб, майхона қўйи сори бор.

Ҳеч янглиғ топмасанг дайр ичра май олмоққа важҳ,  
Раҳн учун бўлсун Навоий хирқаву дастори бор.

## 184

Икки гул вақтидуру икки қуёш давронидур  
Ким, қўнгулда ул ики ораз ғами ҳижронидур.

То латофатдин лабинг шавқи тушубтур жон аро,  
Гўйиёқим ул мунга тандур, бу анинг жонидур.

Кўзда ҳар сари қизил раглар демаким, мардумин  
Ғамзанг урди, захмлар ҳар ён юргурган қонидур.

Мултафит бўл ҳолатим шарҳиғаким, бу достон  
Шаҳр аро ҳар кўйнинг бошида эл достонидур.

Ҳар қуюн ғам дашти ичра кўрса Лайли соғинур  
Ким, хасу туфроғ аро Мажнуни саргардонидур.

Улки то мумкиндуур, кўрмиш фалакдин эътибор,  
Бас, мазаллат ҳам керак, қўз тутса то имконидур.

Асрангиз ўзни Навоий шуълаи афғонидин  
Ким, бу ақшом фурқати ошубининг туғёнидур.

## 185

Лўливашимдин айруки, қабримда лоладур,  
Ул ўйнағон кеби ёғоч узра пиёладур.

Гулзор ораму лўли этар лаъб тўлғаниб,  
Ё гул кеби узорида мушкин кулоладур.

Ул турфа чеҳра доиранинг чамбари аро,  
Хуршид даврасида анингдекки ҳоладур.

Таблу нафир маъракаси ичра демангиз  
Ким, ишқида улус иши фарёду ноладур.

Борму ўюн ҳароратидин чеҳрасида тер  
Ё равза гулистонида ҳар сари жоладур.

Гулишанда ғунчадур демаким, чарх чирмаған,  
Булбул ғизоси ҳар сари қонлиғ наволадур.

Пинҳону ошкор Навоийдин ўлмоғи  
Гоҳе жафо қилиб, яна гоҳе ўёладур.

## 186

Сарв уза гул бутмаса, қад узра рухсори недур?  
Жон агар ширин эмас — лаъли шакар бори недур?

Номан ҳажрим кабутар парларин гар ўртамас,  
Ул қора хатлар қаноти узра ҳар сори недур?

Оразу зулфунгда кўнглум кофири ишқ ўлмаса,  
Бас, анинг бир сари бут, бир сари зуннори недур?

Риштайи зулфиға боғлиқдур кўнгул ул шўхнинг,  
Тифл қуш судрар кеби ҳар сари рафтори недур?

Ишқ даштида кўрунган ерда тушмиш эрди ўт,  
Билдим — анда ўтдур, андин билмадим нори недур?'

Сабз хатлар васли ҳоло муфтанамдур, эй кўнгул  
Ким, билурким, иқтизи чархи зангори недур?

Гар иting дебдур Навоий қилмади меҳмонлиғим,  
Кеча тишлаб-тишлаб олғон жисми афгори недур?!

## 187

Мен кеби парвона ишқ ўтида беоромдур,  
Ким, ани ҳам ўртаган бир сарви сийм андомдур.

Ком ила исломсиз ўлмак, мусулмонлар, не тонг,  
Мендек улким қотили бир кофири худкомдур.

Туну қун оқу қорасин найлайин менким, манга  
Орзу бир хатти сабзу орази гулфомдур.

Холу зулфунг сайди бўлмоққа магар ҳам жон қуши»  
Ким, анингдек қушқа лойик дона бирла домдур.

Айшдиндур, анда нарғисдек ул олғай баҳраким,  
Оллида беш курси кофур ичра олтун жомдур.

Чун замон аҳли замона ранги тутмоқдур зарур,  
Даҳр нофаржом учун эл ҳоли нофаржомдур.

Эй Навоий, чун замона аҳлида йўқтур вафо,  
Ҳар неким йўқтур, тамаъ тутсанг, хаёли хомдур.

## 188

Париваше, дедилар, пардаи ҳижобдадур,  
Кўярга телба кўнгул ани изтиробдадур.

Ити учун тилар эшкай таноб ул чобук  
Ки, элга риштаи жон барча печу тобдадур.

Ҳамул таноб, не тонг, чекса ит кеби мени ҳам,  
Менинг чу риштаи жоним ҳамул танобдадур.

Хиром вақтида ул ганжи ҳусн эрур ғофил  
Ки, иштиёқи не ҷоғлиқ мени харобдадур.

Манга вафо қилур эрсанг, шитоб қил, эй умр,  
Нединки, умр деган бевафо шитобдадур.

Фасона ҳар киши ул ҳусндин деди, лекин  
Жамоли шоҳиди мақсаднинг ниқобдадур.

Ҳисоб айлама умрунгниким, неча ўтмиш  
Ки, умр ғафлат ила ўтса, не ҳисобдадур.

Парию ёр Навоийға қилдилар жилва,  
Бу бирга роғибу ул бирдин ижтинобдадур.

## 189

Кулбамға, баски, гардун ғам тоши ёғдурубтур,  
Сабрим уйидек ул ҳам емрулгали турубтур.

Не лоладур, не жолаким, умр уйин бузарға  
Кўк раъдлар қазонин тог устидин қурубтур.

Фурқат туни эмаским, ҳижронда куйган элнинг  
Куйган қулини даврони гардунга совурубтур.

Мен оҳ ўқиу гардун зулм ўқи ёғдуур, вах  
Ким, ул ўқин урарни бу ўқтин ошурубтур.

Гардун қүёшни ўртабким, ерга кўмди гўё  
Ким, меҳр журми бирла бу навъ ёзғурубтур.

Соқий, қадаҳ суйидин шуъламни паст қилким,  
Бу коргаҳда ҳайрат жонимни қуидурубтур.

Синғон сафол аро май ичсам, не тонгки, даврон  
Фам тошидин нишотим жомини синдурубтур.

Муғ дайрию маю бут, хушвақт ўлки, қўнглин  
Майдин чу маст ўлубтур — бир бутқа олдурубтур.

Дунёдин ўт, Навоий, осойиш истар эрсанг  
Ким, шуғл, ҳар неча кўп юз онча ғам турубтур.

## 190

Йўлида кош мени пора-пора қилғайлар  
Ки, халқ ҳолима бир-бир наззора қилғайлар.

Бу ҳолатимни кўруб бори ишқ асиrlари  
Вафосиз элни севардин канора қилғайлар.

Васиятим буки, кўнглумни кўргач-ўқ аҳбоб,  
Тутуб юзини ҳамул лаҳза қора қилғайлар.

Бу дард илаки ўлармен, мараз чу зоҳир эмас,  
Табиблар бу балога не чора қилғайлар.

Тамуғни равза соғинғайлар аҳли ҳашр ул кун  
Ки, телба кўнглум ўтин ошкора қилғайлар.

Май ички, англамағайлар бу дайрдин рамзе,  
Гар аҳли зуҳд юз ил истихора қилғайлар.

Сабо, дегилки, Навоийға тортсунлар хат,  
Аларки аҳли вафони шумора қилғайлар.

## 191

Холи ҳижронида кўнглум дарди беандозадур,  
Доғдин борғач қора ташвиши аниңг тозадур.

Тушта Юсуф ҳайъатин кўрдум ҳабибим ёдидин  
Гўйи ул қолип, бу рухи маҳз учун андозадур.

Захмим оғзи бутмасидин уйқум ўчмиш, эй рафиқ,  
Гўйиё бу ўзга уйқу келтуур ҳамёзадур.

Ғамзаси жаллодида ҳолин кўнгулнинг билмадим,  
Эй сабо, тенгри учун кўйида не овозадур.

Лаъли васфин ёзмишам жон сафҳасидин дафтаре,  
Ҳар тараф жон риштаси бирла анга шерозадур.

Захмидин қон кўп оқиб ёхуд жунундиндур буким,  
Ул парий кўйида ҳар дам телба кўнглим озадур.

Итлари қут этсун ўлтургач Навоий қонини,  
Барча гар ҳар қатра бир жаннат гулига ғозадур.

Воқиф ўлким, бешаи жаҳл ичра жисминг хужраси  
Нафс сайёди ҳаво сайдин тутарға козадур.

## 192

Лолагун тўн ичра, ё раб, ул ғазоли Чин эрур  
Ё кўзумнинг мардуми қон ёш ила рангин эрур.

Билмон оёким шафақ ичра эрур заррин ғазол,  
Лолагун тўн ичра ёхуд ул ғазоли Чин эрур.

Айламиш гулдаста банди сунъ тўну жисмидин,  
Санъатеким арғувон барги аро насрин эрур.

Қадмудур бу ё эрур шингарф ила ёзғон алиф,  
Белму ё тореки, лаъл ичра анга таскин эрур.

Кўнглум ичра солди ул тўн акс ёхуд бўлди қон,  
Халқ кўнглини қон этарга, вах, бу не ойин эрур.

Бир қадаҳ гулгун май, эй соқий, тўла тутким, кўнгул  
Ул бути гулгун қабо бедодидин ғамгин эрур.

Эй Навоий, қатл учун гар худ қизил тўн кийди ёр,  
Басдур ул тўн ранги не муҳтожи қатлу кин эрур.

Дема тоғу лола даҳр ичра — ажал қаплони бил  
Ким, кийиклар қонидин боштин аёғ рангин эрур.

## 193

Борди улким, сендин айрилғай кўнгул то жони бор,  
Жавринга қўйдум кўнгул, қил ончаким, имкони бор.

Эй Масиҳим, мен қатили ишқмен, тиргуз мени,  
Бир нафас, дедим, қабул этким, нафаснинг жони бор.

Новакинг еткач, ики нов очти ашким суйидин,  
Гўйи ул новакнинг икки новлиқ пайкони бор.

Хозини жаннат сену учмоғ гули бастур манга,  
Буки ҳар ён тифининг жисмимда томған қони бор.

Ёрса кўксумни, фифон зохир қилур жон риштаси,  
Кўнглак ўлса чок, узулган торнинг афғони бор.

Жон қуши учқоч, тузатти жисм уйин сайли фано,  
Эй ҳумоюнфол, ўшул чуғзики, бир вайрони бор.

Шайху, бир бодому қон ютмоқки, пири дайрнинг  
Нуқл ила майдин фано аҳлиға кўп эҳсони бор.

Даҳр шўхи макриға берма кўнгул — йўл баргин эт,  
Сен кеби ҳар гўшада невчунки бир меҳмони бор.

Лаъли ҳажрида Навоий қони қайнар демангиз,  
Янги майдек руҳидурким, нолай пинҳони бор.

## 194

Оташин гул баргидин хилъатки жононимдадур,  
Хилъат эрмас, ул бир ўтдурким, менинг жонимдадур.

Оташин лаълидуурким, анда музмар бўлди жон,  
Оташин гулбаргидан хилъатки жононимдадур.

Жон қуши хунобидин тутмиш малоҳат нахли ранг,  
Ё либоси лолагун сарви хиромонимдадур.

Қатл биймидур, тараҳхумнинг доғи уммиди бор.  
Бу либоси олким ул номусулмонимдадур.

Васл шоми куймаган парвона шояд қолмағай,  
Бу шафақгун ҳуллаким шамъи шабистонимдадур.

Тутмасун гул сухбатидин сарв ўзин кўп сарфароз,  
Эй сабоким, ул тўни гулгун менинг ёнимдадур.

Соқиё, гулранг май солиб кетур паймонаким,  
Зуҳд биймидин халал ишқ ичра паймонимдадур.

Эй Навоий, истама жон булбулин ҳар гулдаким,  
Ул тўни гулгун, лаби гулбарги хандонимдадур.

## 195

Ҳаёт боғида то сарву лола бўлғусидур,  
Менинг муммиди ҳаётим пиёла бўлғусидур.

Суроҳи ўлғусидур манга сиймтан маҳбуб,  
Бошида қил анга мушкин қулола бўлғусидур.

Ҳаёт гулшани, муғ қулбасио, муғбачанинг  
Юзио қадди манга сарву лола бўлғусидур.

Не айб базмим ичинда ҳазин фигонки, суруд,  
Ангаки қон ютар, албатта, нола бўлғусидур.

Қадаҳки ҳолима қон йиғлар, эмди оҳимдин  
Сиришки қатраси гулранг жола бўлғусидур.

Қачон май ичра юзунг акси тушса, эй соқий,  
Пиёла даври ўшул ойға ҳола бўлғусидур.

Дединг, фано недурур, муҳтасар дейин ўлмак  
Ки, шарҳини тиласанг, юз рисола бўлғусидур.

Навоий, истама кавсар майини зуҳд била  
Ки, бода ичкучи элга ҳавола бўлғусидур.

## 196

Юзи гулчехра соқийнинг тараб хукмиға туғродур,  
Юзинда май гули ул ёрлиғ узра оли тамғодур.

Лаби лаъли ҳалокимен агарчи жон физолиғда  
Масиҳо бирла ул гўё ўлук бирла Масиҳодур.

Дамим дуди хирад аҳлин қилур ҳар лаҳза савдои,  
Димоғимда, кўрунг, ул зулф мушкидин не савдодур.

Синонин кўксума то чекти ул чобук, бу хам қаддим  
Ҳамоно ғам сипоҳи қалбида ул ўқ учун ёдур.

Лабинг акси кўзум шўробаси баҳрида гўёким,  
Чучук судурки, атрофида анинг талх дарёдур.

Жаҳонни чун кўзумга ҳажр шоми айламиш тийра,  
Не суд андин мангаким, васл субҳи оламородур.

Бошим қуш ошиёни, тан жунун торожидин урён,  
Не тонг, ёшлар югурмак ҳар тарафдинким, тамошодур.

Фидоси нақд исломимки, муғ дайридаги соқий  
Улус қонин тўкардин ваҳм қилмас, гарчи тарсадур.

Навоий дайр пири гўйиёким шаҳр шайхиға  
Фано жомин ичурдиким, харбот ичра ғавғодур.

## 197

Кўнгул уйига ғаму ғусса сайлидин не қусур  
Ки, бода лойи била қилмишам ани маъмур,

Бирони мумкин эмас тийра айламак қайғу

Ки, солмиш ўлғай анга жоми бода ламъаси нур.

Хуш ул майеки, эмастур сафову лавн ичра  
Тамуғ ўти била жаннат суйиға ул мақдур.

Десам бу ўт кул этар ғусса хирманин, не ажаб,  
Десам бу су тузатур фикр қасрини, не қусур.

Жаҳон ғамию узум бодаси гумон қилманг  
Ки, зоҳир аҳлиға бу маъни этти буйла зуҳур.

Ва лек аҳли ҳақиқатқа май эрур ваҳдат,  
Фам ушбу касрат эрурким, қилур кўнгулга хутур.

Ичилса соқийи тавфиқ илгидин ул май,  
Кўнгул бу ғамдин эмас шубҳаким, бўлур маҳжур.

Манга бу май била бир жом келтур, эй соқий  
Ки, кўнглум ул ғам аро бўлмиш асрү кўп ранжур.

Маломат аҳлига, эй пири дайр, аёғ тутсанг,  
Бу навъ қўйма Навоийни бир йўли мастур.

## 198

Висол аҳли, сизу, жоми муроду комронлиғлар,  
Бизу ғам қунжию хуноби ҳажру нотавонлиғлар.

Танимда ҳар тараф қонлиғ яра, гўёки қилди ишқ  
Қасосим ҳукминиким, туттилар теграмни қонлиғлар.

Эрур Фарҳоду Мажнун хонумони тоғ ила водий,  
Халос этмиш мени ул қайддин бехонумонлиғлар.

Басе диққат эди кўнглумда қилғач ул парий жилва,

Жунун бирла мубаддал бўлди барча хурдадонлиғлар.

Асар йўқ қўнглида ул шўхнинг ному нишонимдин,  
Натижа акс берди бизга беному нишонлиғлар.

Мен ўлдум меҳридин, юз мендек ўлса, йўқ аниңг раҳми,  
Бўлур эрмиш бирорга мунча ҳам номеҳрибонлиғлар.

Кўҳан пире йўлингда ўлди, бир ҳам боқмадинг, ё раб  
Ки, ўткай хайр бирла бу ғурури навжувонлиғлар.

Яна зуҳдум тариқин афв қил, эй пири дайр, охир  
Ки, сендин яхшилиқдур, неча биз қилсақ ёмонлиғлар.

Навоийни деб эрмишсенки, мендии ўзгани севмиш,  
Кам ўлмас, Оллоҳ-Оллоҳ, сендин ушбу бадгумонлиғлар.

## ЗЕ ҲАРФИННИГ ЗЕБОЛАРИНИНГ ЗИЙНАТИ «БАДОЕЪ»ДИН

199

Замона боғики, гулбаргидур нишотангез,  
Не барги гулки, туташмиш тиканга шуълаи тез.

Тааммул эткурубон ранг-ранг гулларни  
Ки, очти қатлиға булбулнинг ушбу рангомез.

Чу нўши васли аро захри ҳажр эзилмишдур,  
Аниңг бу шарбатидин авло айламак парҳез.

Не барги гулки, анга шаҳд қилди оғушта,  
Санамлар эрни кеби қилди ани шўрангез.

Замона аҳлиға ўт солғали эрур ҳар тун  
Сипехриким, қилур анжум шароридин гулрез.

Агарчи тифи жафоси қатилидур Фарҳод,  
Бу тиф қотилидин ҳам қутулмади Парвез.

Фано йўлиға қадам қўй, бошингни овучлаб  
Ки, йўқ бу йўлда кишига бу навъ дастовез.

Муроди субҳи висолингни тийра қилмоқ эрур  
Ки, ҳажр шомин этар мушкпошу анбарбез.

Навоий истаса тардоман элдин ўлмоқ фард,  
Фифондин ўт сочибон барқ янглиғ эткай хез.

## 200

Истаганлар бизни, сахрои балода истангиз,  
Водийи ҳижрон ила дашти анода истангиз.

Вомиқу Фарҳоду Мажнундеклар ул водий аро  
Бўлсалар пайдо, мени ҳам ул арода истангиз.

Юз аларнинг ишқича дарду балову ғуссаға  
Толиб эл бошиға келган можарода истангиз.

Эйки, истарсиз саводул важҳ фиддорайиндин,  
Боҳабар бўлмоқ мени юзи қорода истангиз.

Қўнглум ул зулф ичрадур, зинҳор ишқим шарҳини  
Истаманг мен телбада, ул мубталода истангиз.

Нуқта янглиғким, вафо узра қилур котиб рақам,  
Ишқ ўтининг доғини аҳли вафода истангиз.

Оғзи шавқидин Навоий итти, ани истар эл  
Ё адам даштида, ё мулки фанода истангиз.

## 201

Жонима қасд айлару бор уйлаким жоним азиз,  
Мен анга хору манга ул моҳи Канъоним азиз.

Қон ютармен, лаъли гулбаргига эssa тонг ели,  
Тонг эмас, эй дўстлар, бўлса менга жоним азиз.

Келди кўнглумга хаёли жону кўнглум нақдини,  
Айладим исорким, бор эрди меҳмоним азиз.

Кўргач-ўқ ушшоқ аро жонимға сурди тифи қатл,  
Эл аро бу хор қулни қилди султоним азиз.

Гарчи хор эттинг мени дайри фано аҳли аро,  
Бўл мусулмонлар аро, эй номусулмоним, азиз.

Бодаи лаълинг учун азми харобот этгали  
Риндлар ичра эрур қадрим бийик, шоним азиз.

Дема ҳар соат Навоийғаки, тарк эт ишқини  
Ким, менга беҳад эрур ул кўнглум олғоним азиз.

## 202

Гар ўлмасам эди ул ойға ошно ҳаргиз,  
Бошимға ёғмас эди чархдин бало ҳаргиз.

Тариқи ишқ аро беэътидол эсам, йўқ айб  
Нединки, тушмамиш эрди бу иш манго ҳаргиз.

Жафосидин, демаким, ишқ таркини тутқил,  
Бу иш бўлурму вафо аҳлидин раво ҳаргиз.

Балои ишқиға мен мубталою истамагай  
Кутулмақ ила балодин бу мубтало ҳаргиз.

Даво чу мумкин эмас ишқ дардиға, ваҳқим,  
Илож топмади бу дарди бедаво ҳаргиз.

Ёйилди Вомиқу Фарҳод ишқи, йўқ эди лек  
Менинг ишим кеби ҳар ён бу можаро ҳаргиз.

Кўнгулни даҳрдин ошуфта қилмаким, хуштур  
Ки, тийра бўлмаса жоми жаҳоннамо ҳаргиз.

Санга замон элидин етса кўп жафо муни дей  
Ки, ким кўруб эди бу хайлдин вафо ҳаргиз.

Не келса, хуш тут ўзунгники, халқ қўнгли учун  
Рақам ҳак айламади котиби қазо ҳаргиз.

Десангки, хом тамаъ бирла бўлмайин ранжур,  
Висол айлама ишқ ичра муддао ҳаргиз.

Навоий, истама кўп ишқ аро наво, негаким  
Бу боғ булбулиға етмади наво ҳаргиз.

## 203

Ўтинг, ишрат аҳлики, биз зорларбиз,  
Туман минг балоға гирифткорларбиз.

Кўнгулни қилиб юз яра ишқ ўқи,  
Тараҳҳум қилингким, дилафгорларбиз.

Тиларбиз шифо бир Масихо нафасдин  
Ки, бу кўхна дайр ичра bemорларбиз.

Ёрутқой дебон кўзни бир саъд кавкаб,  
Ҳар ақшом тонг отқунча бедорларбиз.

Сабукруҳ соқий, фано жоми тутқил  
Ки, ўзлук юкидин гаронборларбиз,

Муяссар эса дўстнинг васли бир дам,  
Бериб икки олам, харидорларбиз.

Навоий кеби ичгали ишқ жомин  
Харобот кўйида хумморларбиз.

## 204

Маозаллоҳ сиз, эй ишқу муҳаббат, не балодурсиз  
Ки, кўнглумдин олиб сабру шикеб, ўтлар солодурсиз.

Сени кўр айлаб, эй кўз, эй кўнгул, солсам сени ўтқа,  
Муҳиқменким, манга сиз боиси дарду балодурсиз.

Гар аҳбоб этсалар гулгашт, эй жону кўнгул, борманг,  
Нединким, сиз бирав ҳажри ғамиға мубталодурсиз.

Насиҳат аҳли, ўлтурманг дамо-дам ишқу дард аҳлин,  
Демай бедардсиз, биллаҳки, дарди бедаводурсиз.

Ишингиз жону дин олмоқдур, эй муғ дайри атфоли,  
Агар куффори хайбарсиз ва гар турки хитодурсиз.

Мени бир жом ила ўзлук хуморидин халос айланг,  
Гуруҳи риндларким, сокини дайри фанодурсиз.

Танаъум аҳлию базми висол, эй дарди ҳажр аҳли,  
Навоийдин сиз айрилмангкн, зору бенаводурсиз.

## 205

Не айб, ишқقا бу мўри мубтало ожиз  
Ки, ишқагар будурур, бўлғай аждаҳо ожиз.

Рафиқлар бошима йиғлашурлар, ўлди магар  
Табиб қилғали бу дардима даво ожиз.

Риёға ажз кетурсам тонгирғама, эй шайх,  
Ул ишда чун ёратибдур мени худо ожиз.

Нечаки тавсану тунд эрса халқ кўнгли бўлур,  
Чу бўлди ишқу муҳаббатқа мубтало ожиз.

Фироқ илгига ожизмен, эй кўнгул, не ажаб,  
Кишини айласа минг меҳнату бало ожиз.

Жамол мулкида сен ҳусн шоҳи, мен мунглуғ,  
Шаҳэтса раҳм не тонг, чун эрур гадо ожиз.

Навоий ар қила олмас гадолиғ, эткил раҳм  
Ки, бўлди бир йўли ул зори бенаво ожиз.

## 206

Тўкти қонимни — менинг сари чу очти ёр кўз,  
Тўқмайин қон найласун ул қотили хунхор кўз.

Кўзу кўнглумдин балоларға йўлуктум, кошки  
Итса бесомон кўнгул, кўр ўлса йиғлаб зор кўз.

Ҳажр тифи бирла урма ончаким, кўрсун сени,  
Ҳар не қилсанг қил, чу топти давлати дийдор кўз.

Ваҳ, нелар бўлғай яна тушса кўзум ул кўзгаким

Ул бири хунрез кўздор, бу бири хунбор кўз.

Кўз учидин ваъдаи васл айлаб имо олди жон,  
Гўйиё бози бериб жон олди ул айёр кўз.

Бир юз очиб, чок этиб кўнглумни, кўзунг урди ниш,  
Бўлди бу иштин кўнгул мамнуну миннатдор кўз.

Истасангким, сурмаи мақсад ила кўз ёруғай,  
Сурма кун тунларда ҳижрон шоми тут бедор кўз.

Кўзу кўнглунгга десанг ул еткач офат етмасун,  
Саъй этиб тўхтат кўнгулни, асрагил зинҳор кўз.

Эй Навоий, тўтиёйи васлға қобил бўлур,  
Фам ема, гар бўлса ҳижрон хоридин афгор кўз.

## 207

Ишқ журмиға мени, эй дўстлар, ёзғурмангиз,  
Бегунаҳ мен худ куярмен, сиз дағи куйдурмангиз.

Ҳар замон чун ёғдуур бедод ўқин жонимға дўст,  
Сиз дағи таъну маломат тошини ёғдурмангиз.

Мен чу ўлдум ёшуруб ишқин, гар эмди сўрса ёр,  
Холатимни сиз не билганни денгиз, ёшурмангиз.

Сўрманг, эй ушшоқ, мендин найлоли деб ишқ ора,  
Гар қила олурсиз, аввалдин кўнгул олдурмангиз.

Ишқ оташгоҳида кул бўлмишам, эй дўстлар,  
Кўкка ҳар соат кулумни сиз дағи совурмангиз.

Чунки ишқ ошуబидин ҳар дам ишим ўлмакдуур,

[www.ziyouz.com](http://www.ziyouz.com) kutubxonasi

Сиз ҳам, эй аҳли насиҳат, таън ила ўлтурмангиз.

Ишқ оламидин суруб солди Навоийдек мени,  
Кўйига, эй ашқ хайли, сиз ҳам андин сурмангиз.

## 208

Кўксумни тифи меҳнат ила яра айлангиз,  
Тортиб узунг кўнгулнию юз пора айлангиз.

Ҳар порасини қўйдурубон кул қилиб сочиб,  
Ҳар заррасини бир сори овора айлангиз.

Ул қулдин айлабон фалак оҳим шарорасин,  
Ҳар жонибида кавкаби сайёра айлангиз.

Ҳар навъ мумкин ўлса, ани фоний айлабон,  
Бедодидин бу шефтаға чора айлангиз.

Ул шўх ишқин истаган эл, солмангиз назар  
Анинг сорики, кўнглума наззора айлангиз.

Чарх ўлди золи ҳийлагар — анинг тариқи макр,  
Тажрид эли, талоқи бу маккора айлангиз.

Овора кўнгли келса Навоийнинг озибон,  
Эй хайли дуди оқ юзин қора айлангиз.

## 209

Киши кўрмайдуур иқш ичра зоре мен кеби ҳаргиз,  
Фами ҳижронда бесабру қароре мен кеби ҳаргиз.

Ҳаданги ғамзаву ошуфта зулфунгдин йўқ эркантур  
Дил афгоре, паришон рўзгоре мен кеби ҳаргиз.

Десанг ушшоқнинг хоки тани узра сурай маркаб,  
Кўп истаб топмоғунгдур хоксоре мен кеби ҳаргиз.

Сенингдек суст паймон даҳр аро ҳаргиз йўқ эркандек,  
Вафоға ҳам йўқ эрмиш устуворе мен кеби ҳаргиз.

Жафогарликда йўқ эрмиш сенингдек, дерга йўқ ҳаддим,  
Йўқ эркандур жафокашлиқда боре мен кеби ҳаргиз.

Дедимким: даҳр боғида йўқ эрмиш мен кеби булбул,  
Дедиким: борму эрмиш гул узоре мен кеби ҳаргиз.

Магарким ёр соқий бўлса, дафъ ўлғайки, етмайдур  
Кишига васли жомидин хуморе мен кеби ҳаргиз.

Фироқи жаврида навмид ҳам йўқ мен кеби, гарчи  
Йўқ эрди васлдин уммидворе мен кеби ҳаргиз.

Навоий, демаким, ҳижронида сабр ихтиёр этгил,  
Бу ишда йўқ эмиш беихтиёре мен кеби ҳаргиз.

## 210

Васл уммидидин бошимға ёрни келтурдунгуз,  
Оқибат юз ҳажр тоши бошима ёғдурдунгуз.

Синди бошим косаси андоқки кўнглум шишаси,  
Муҳтасибдек ишратим асбобини синдурдунгуз.

Юз тамуғча ўт не ҳожат эрди, эй ҳажру фироқ  
Ким, ёқарда эмганиб хасдек таним куйдурдунгуз.

Тинмағур ағёр зоҳир айлабон кўп изтироб,  
Дажр аро қатлим учун мендин кўнгул тиндурдунгуз.

Майға афюн солиб, эй дарду бало соқийлари,  
Турфа буким, маст бўлдунг деб мени ёзғурдунгуз.

Чун вафо йўқ даҳр гулзорида, эй тонг қушлари,  
Саҳвдурким, бесамар ашжорида ўлтурдунгуз.

Сизга ҳам, эй ишрат аҳли, қолмағай жовиди васл,  
Буки зулм айлаб, Навоийни ародин сурдунгуз.

## 211

Йўқ ҳадим қўймоққа анинг рахши туйноғиға юз,  
Басдурур, гар сурта олсан йўли туфроғиға юз.

Тўнунгга юз сурта гар олмон, чаманда ҳар шажар  
Ўхшаса қаддингға, суртай барча яфроғиға юз.

Рахшининг доғиға мумкин бўлмаса юз суртарим,  
Суртайин жисмимда ишқи ўтининг доғиға юз.

Кўйига йўл топмасам, дўзах сари борғанча бор,  
Кому осойиш учун қўймоқ Эрам боғиға юз.

Дўстлар, қатлимға андоқ келди ул султони ҳусн  
Ким, салотин қўймағайлар қатл учун ёғиға юз.

Ишқдин Фарҳод или Мажнунча мен қўймоқ била  
Гаҳ жунун даштиға гому гаҳ бало тоғиға юз.

Эй Навоий, васл осон эрдию ҳижрон қотиғ,  
Кўрки, осонлик тилаб, қўйдум қатикроғиға юз.

## 212

Кўзу кўнглумга то бўлди аён ул зулф бирлан юз,  
Кўзумдин уйқу учти тун, кўнгулдин сабр ҳам кундуз

Югурмактин сиришким ҳажр шоми юзда хатлардур,  
Тулуъ эткач югурмак одат эрмиш ғам туни юлдуз.

Хаёлинг бирла мен то бодаи ишқинг била сархуш,  
Эмасмен ишқинг иқболидин, эй жон, бир нафас ёлғуз.

Янги ой ботти, наргис итти, барбод ўлди сарву гул,  
Таололлох, не қошу кўз экин, ё раб, не қадду юз.

Тонг эрмас, соядек оллингда сарви рост бош кўйса,  
Тушар чун ҳар кишининг қадди туздур, сояси ҳам туз.

Чаманда сарву гулнинг ишваси кўнглумга ёқмайдур,  
Фидо жоним санга, қаддингға бергил жилва, юз кўргуз.

Келурмен хонаقاҳдин дайр сари, базм туз, эй муғ,  
Муғона тут суруд, эй мутрибу эй муғбача, май суз.

Чу муғ дайрида зикрим дўст оти бўлди, эй соқий,  
Манга-ўқ тут қадаҳни, гар эрур тўқсону гар тўққуз.

Санамлар ҳуснидин мақсад ёр ўлмиш Навоийға,  
Агар барлос, агар тархон, агар арлот, агар сулдуз.

## 213

Қачон бўлғай манга васлида имкони тараф ҳаргиз,  
Хаёлинда чу айлай олмадим тарки адаб ҳаргиз.

Агарчи халқ жон топмиш лаби оби ҳаётидин,  
Манга жуз ҳажр захми бермади ул нўшлаб ҳаргиз.

Висол аҳли сизу ишратким, анинг завқини билмас,  
Биравким кўрмади умрида жуз ранжу тааб ҳаргиз.

Табибо, қиласа кўнглум ўтин афзун шарбатинг, тонг йўқ,  
Су бирла шуъла табъидин кетарму тобу тоб ҳаргиз.

Чу Лайли қилди Мажнун кўнглининг сарманзилин хилват,  
Не суд ар қўймаса Ҳай гирдида ани араб ҳаргиз.

Ялинсам ўлтуур, қиласам ниёз, оғози ноз айлар,  
Киши кўрганму эркин буйла хўйи бул-ажаб ҳаргиз.

Қачон равшан кўнгулни нафс ўти дуди қилур тийра,  
Нубувват шамъини не навъ ўчургай Булаҳаб ҳаргиз.

Нечаким саъй бирла топмаса матлубини солик  
Керакким, жонидин кам бўлмаса ранжу талаб ҳаргиз.

Навоийдин киши ошиқлиқ отин маҳв эта олмас,  
Қачон кетгай, киши салб айламак бирла лақаб ҳаргиз.

## 214

Эмди ғами йўқ, солди чу кўнглум ар минг сўз,  
Оҳим ўтидин ўчса ҳамул шамъи дилафрўз.

Кўнглум яросин тикти ва лекин ўқи бирла,  
Жонимға алифдек дуурур ул новаки дилдўз.

Васли аро, кўрдум, тенг эмиш бўйиу сочи,  
Тун-кун тенг экан зоҳир ўлур бўлди чу наврўз.

Ишқ айлади расво мени, эмди бошинг ол, кет  
Юз хижлат ила, эй, хиради маслаҳатомуз.

Жоним эвида онча ғаминг нақдини йиғдим  
Ким, бўлди кўнгул маҳзани бу жони ғамандўз.

Бир субҳангаким толеъ ўлур бода қуёши,  
Хуш баҳти ҳумоюн била хуш толеи феруз.

Дерларки, Навоийму экин дашти фанода,  
Чун сарсари ҳижрон совурур бир соридин тўз.

## 215

Эй юзунг боғи насимида ҳавойи наврўз,  
Лаъли тожинг бўлуб ул боғда бўстонафрўз.

Зулфу рухсор ила комимға мени еткурсанг,  
Ҳар тунунг қадр ўлубон, ҳар қунунг ўлсун наврўз.

Кўнглум ул луъбат илигида гирифтор ўлмиш,  
Қушни ул навъики лаъб аҳли қилур дастомуз.

Дарди ҳажрингда куяр кўнглуму ўз ҳолимға  
Кишилизлиқдин ўзумдурмен ўзумга дилсўз.

Даҳр золиға кўнгул бермаки, Рустамларни  
Макр ила айлади ожиз бу ситамгора ажуз.

Кўк жафосидин ўлур хобгаҳинг бўз туфроғ,  
Бўлса остингда сипеҳр ашҳаби янглиғ қўк бўз.

Эй Навоий, сену Хусрав била Жомий таври  
Санъату рангни қўй, сўзда керак дард ила сўз.

## 216

Дўстлар, маҳрам деб элга роз ифшо қилмангиз,  
Бошингизға юз бало куч бирла пайдо қилмангиз.

Фош қилманг роз, чунким асрай олмай қилдингиз  
Ўзгалардин асрамоқ боре таманно қилмангиз.

Ишқ асрориға тил маҳрам эмастур зинҳор  
Ким, кўнгулдин тилга ани ошкора қилмангиз.

Чун кўнгулдур қалбу тил ғаммоз, маҳфий розни  
Жон ҳаримидин бу иккига ҳувайдо қилмангиз.

Чун кўнгул тил бирла маҳрам бўлмади, ҳожат эмас  
Айтмоқким, элга андин нукта имло қилмангиз.

Саҳв этиб, чун роз дуррин сочтингиз, нозим бўлуб,  
Оҳнинг дудин саҳобу кўзни дарё қилмангиз.

Чок-чок айлаб кўнгулни, тилни айлаб юз тилим,  
Ташлаб итларга аларнинг ёди қатъо қилмангиз.

Менда ҳижрон дардию йўқ сабр, бори дўстлар,  
Чорае гар қилсангиз, жуз жоми саҳбо қилмангиз.

Чун Навоий ишқ розин асрай олмай қилди фош,  
Отини роз аҳли туморинда инжо қилмангиз.

## 217

Нозанинлар, бенаволарға тараҳхум айлангиз,  
Лутф агар йўқтур, ғазаб бирла такаллум айлангиз.

Гаҳ бийик, гаҳ паст гирён кўрсангиз ушшоқни,  
Фош кулмассиз, ниҳон боре табассум айлангиз.

Ҳажр зулмидин қотиқ ҳолимни, эй жону кўнгул,  
Билдингиз, ёр оллида бориб тазаллум айлангиз.

Эй балову дард, ўтлар худ солибсиз жонима,  
Лек сиз ҳам гах-гах ул ўттин таваҳҳум айлангиз.

Қон агар ютсан қарориб ахтарим, эй хатту хол,  
Сиз майи лаъли била боре танаъум айлангиз.

Биз фано туфроғи бўлдуқ дайр аро, эй аҳли зуҳд,  
Хонақаҳ саҳнида сиз баҳси тақаддум айлангиз.

Эй муғанийлар, Навоий маст эди — кеч уйфонур,  
Ани уйғотмоққа бир дилкаш тараннум айлангиз.

## 218

Мени бир нома бирла дилбарим ёд этмади ҳаргиз,  
Қулин қайғудин ул хат бирла озод этмади ҳаргиз.

Сиришким сайли йиқмай қўймади худ сабр бунёдин,  
Бузуғ кўнглумда тарҳи васл бунёд этмади ҳаргиз.

Балолар тоғини ҳажринда тирноғим била қоздим,  
Мен эткан ишни ошиқлиқда Фарҳод этмади ҳаргиз.

Чу нақди сабр торож айладинг, кўнглумга ўт солдинг,  
Бу навъ ўз кишварига шоҳ бедод этмади ҳаргиз.

Фироқ айёмида кўп нафъ еткурди буким, кўнглум  
Ўзин ул шўхнинг васлиға муътод этмади ҳаргиз.

Не тонг девона кўнглум итларингга таън қилмоқим,  
Ебон юз дарду меҳнат тоши, фарёд этмади ҳаргиз.

Эрур, ишқ оллида жоним фидо қилсан, ҳануз озким,  
Ул ойдин ўзгани қатлимға жаллод этмади ҳаргиз.

Не тонг, эй муғбача, ишқингда маст ўлсанки, пири дайр  
Бу икки ишдин ўзга бизга иршод этмади ҳаргиз.

Агар бузди Навоий кўнглини ул бевафо, тонг йўқ,  
Вафо аҳли уйин чун ишқ обод этмади ҳаргиз.

## 219

Бор анингдекким керак ул кўзу қошу қадду юз,  
Оллоҳ-Оллоҳ, ким кўрубтур ҳусн бу янглиғ тўкуз.

Зулфунг эгрилик, қадинг тузлуктадурлар уйлаким,  
Сунбул эрмас мунча эгри, сарв эрмас онча туз.

Сен эрурсен ҳусн шоҳи, меҳри сойир тожири  
Ким, чекибтур оллинга афлок жинсидин тўқуз.

Ҳажр заъфидинки жон бир риштаға боғлиқдуур,  
Жонға раҳм эт, эй ажал, бу риштани ҳам тортиб уз.

Неча кўнглум кишваридин сабр тарҳин бузғасен,  
Бир доғи бу хаттидин зулму ситам тарҳини буз.

Кўз аёғингға етар уммид бирланdur буким,  
Оллинга юз қатла ҳар соат қўярмен ерга юз.

Соқиё, даврон ишида йўқтуур жуз тийралиқ,  
Дафъиға анларға доир давр аёғин бода сўз.

Фақр кўйи туфроғиким, улдур иксирни ҳаёт,  
Жон бериб кўз ёритурча олсанг — олмишсен учуз.

Эй қаландарваш муғаний, гар Навоий қўнглини  
Истасанг ҳар лаҳза беҳол айламак, тузгил қўбуз.

## 220

Эй муғаний, чун ниҳон розим билурсен — соз туз,  
Тортибон мунглуғ наво созинг била, овоз туз.

Навҳа оҳанги тузуб, оғоз қил маҳзун суруд,  
Ул суруд ичра ҳазин кўнглумга маҳфий роз туз.

Тузма оғоз айлабон Фарҳоду Мажнун қиссасин,  
Десанг эл қуйсун, менинг дардим қилиб оғоз туз.

Истасангким, нағманг ичра кўп халойиқ ўлмагай,  
Ул икавдин кўп, vale мендин тарона оз туз.

Гар менинг ҳолим десанг туз барча достони ниёз,  
Дилбаримдин нағмасоз этсанг, суруди ноз туз.

Чун бу гулшанда нишиман қилғали қўймас ҳазон,  
Гул фироқи савтин, эй булбул, қилиб парвоз туз.

Базм аро ўртар Навоийни ниҳон мунглуғ суруд,  
Эй муғаний, чун ниҳон розим билурсен — соз туз.

## 221

Бормаким, бир дам ўзумни била олмон сенсиз,  
Келки, бир лаҳза таҳаммул қила олмон сенсиз.

Чиқма кўнглумдин, ўлар вақтким ул ғурбатда,  
Жону тан кишваридин айрила олмон сенсиз.

Бода базмида нишотим тиласенг, соқий бўл  
Ки, майи кавсар ичиб, очила олмон сенсиз.

Майи ишқинг била бехудмен, агар ҳуш манга  
Истасанг, кел бериким, ойила олмон сенсиз.

Гулу булбулдек отим сенсиз эмас эл тилида,  
Шукрим, сўзда доғи айтила олмон сенсиз.

Не ғам оворалиғим, жоним аро чун сенсен,  
Истаган элга доғи топила олмон сенсиз.

Чун Навоий сени кўрмай нафасе билмас ўзин,  
Бормаким, бир дам ўзумни била олмон сенсиз.

## 222

Йигитлигинда қилур қадни бенаволар кўж,  
Магарки фоқа юкидин бўлур гадолар кўж.

Не рост қад била мағурсиз, йигитларким,  
Сипеҳр айлар ул ўқларни мисли ёлар кўж.

Ҳавас қорилиғ этиб, гўйиёки айларлар  
Кўнгул камини учун қадни дилраболар кўж.

Не шўх туз қад ила жилва қилдиким, қилди  
Фаму бало юкидин қадни порсолар кўж.

Асо тутуб не илож айлагай гадоки, бўлур  
Чу вақти етти — фалакқадр подшолар кўж.

Аларки кўж қадим бирла ҳазл этарлар, ҳайф  
Ки, бўлмағумдурур ул дамки, бўлғайолар кўж.

Навоий итти йигитлик, магар вафосизлик  
Қилдилар қарибон қадни бенаволар кўж.

**СИН ҲАРФИНИНГ СИЙМИНБАРЛАРИНИНГ САВДОСИ  
«БАДОЕЪ»ДИН**

**223**

Даврон гулию гулшани хориға арзимас,  
Гулгун майи балойи хумориға арзимас.

Минг йил киши жаҳон элига қилса шоҳлиқ,  
Бир дам алар иҳонату ориға арзимас.

Манқалда уду сандал агар айласанг ўтун,  
Бир лаҳза дуд бирла шарориға арзимас.

Офоқ мулки фатҳи учун тортмоқ сипаҳ  
Билким, сипоҳ гарду ғубориға арзимас,

Юз қари олам аҳли аро айламак нашот,  
Бир дам алар нифоку ниқориға арзимас.

Йиллар ҳабиб васли муюссар эса, гаҳе  
Майли рақиб жониби бориға арзимас.

Киргил фано йўлиға, Навоийки, даҳри дун  
Бу умри бесаботу мадориға арзимас.

**224**

Эй, қуёшдек оламоро ҳуснунга ҳайрон улус,  
Зарра янглиғ ул қуёш даврида саргардон улус.

Уйла расвоменки, борсам ҳар тараф беихтиёр,  
Тортар ийнак, келди ул девона деб, афғон улус.

Жилвагоҳи ҳуснида бир дам тамошо истарам,  
Нетти бир дам бўлса олам даштидин пинҳон улус.

Дўзах ўтидин улус тенгрига элтурлар паноҳ,  
Не учунким, кўрмамишлар шуълаи ҳижрон улус.

Ҳажрдин юз саъб ҳолат ичрамен, эрмас ажаб,  
Гар тамошоға қилурлар бошима туғён улус.

Гар улус изҳори ишқ айларлар, аммо чекса тиф,  
Мен қолурмен тиф остида, қочиб ҳар ён улус.

Тийр боронким ғаминг қилди, туганмас қарнлар,  
Терсалар анда бошоқ терган кеби пайкон улус.

Чун фалак жавфин қазо қилмиш ҳаводис хуққаси,  
Буйла ерда фитнадин қочмоқ зихи нодон улус.

Гар улус аҳду вафосида Навоий ўлди, лек  
Йўқтуурур бу аҳд аро қилмоқ вафо имкон улус.

## 225

Ҳар ниёз этсам аён, жуз ноз ойин айламас,  
Неча аччиғ йиғласам, бир лабни ширин айламас.

Истаса ҳар кимни ўлтурмак учун жаллоди даҳр,  
Ваҳки, мендин ўзгани ул ғамза таъянин айламас.

Кимгаким бир оразу рухсору хатту зулфнинг  
Шавқи бўлса, хотири майли раёҳин айламас.

Жилваким қонлиғ қўнгулда айлар ул қад бирла юз,  
Соҳати гулзор аро шамшоду насрин айламас.

Ашк ўткунча юзумдин қаҳрабо ранги тутар,  
Суни ҳаргиз заъфарон бу навъ рангин айламас.

Ваҳ, не ҳолатдурки, ул ҳусн айласа ҳар кимни шод,  
Ишқ мендин ўзгани бу ишда ғамгин айламас.

Эй Навоий, сўз деким, давронни гардундек қазо  
Жуз бу дурри кавкаб ойин бирла тазин айламас.

## 226

Йўқ дамеким, фурқати жонимға бедод айламас,  
Ғайрни шод эткали қўнглумни ношод айламас.

Ўлмакимни билмайин гўё дер эрмиш ул парий  
Ким, неча тундурким, ул девона фарёд айламас.

Улча бағримға қилур ғам нишидин ҳижрон ғами,  
Тоғнинг бағриға метин бирла Фарҳод айламас.

Солди қўнглум ўтиға пайконларин ҳижрон, ажаб  
Ким, манинг қатлимға боштин тифи пўлод айламас.

Қайси бир дамдурки солмон сабр авроқиға кўз  
Ким, борин оҳим ели бир дамда барбод айламас.

Бевафолар рағмиға севдим парини, эй кўнгул  
Ким, вафо изҳори жинси одамизод айламас.

Оқибат чун айрулукдур, ул киши айлар ғалат,  
Ким висол ичра ўзин ҳижронға муътод айламас.

Муғбача қурбони бўлсак йўқ ажабким, пири дайр  
Бизга ойини фанодин ўзга иршод айламас.

Эй Навоий, бўлма анинг ёдидин ғофил даме,  
Сен ким ўлдунг дегаликим, ул мени ёд айламас.

## 227

Йўқ манга ҳад айламак бошингға эвоулмак ҳавас,  
Итларики бошиға эврулмак мұяссар бўлса бас.

Чун ҳаддим йўқ эткали жавру жафосин илтимос,  
Қайда мумкні айламак меҳру вафосин мултамас.

Эй Масиҳим, чун ўлармен — бир васият айлагум,  
Халқдин махфий қулоқ оғзимға қўйғил бир нафас.

Кечалар ҳажрингда фарёдим ўтар афлоқдин,  
Маҳвашим, фарёдким, бўлмас манга фарёдрас.

Гулмудур қўйғон қафас устида, эй булбул, санга  
Ёхуд ағонинг ўтидинму туташибтур қафас.

Гулшани ишқ ила олийшон эрурким, анда бор  
Сидра шохи бирла тўби бир-ики хошоку хас

Гар Навоий ёрнинг васлин таманно қилса бор,  
Уйлаким, бўлғай гадо кўнглида шоҳ ўлмоқ ҳавас.

## 228

Менга, соғинмаким, ул дилрабо эрур мунис  
Ки, дарди ҳажрида юз минг бало эрур мунис.

Ниёзу ажзидин ар ўлса дам-бадам, не ажаб,

Гадовашеки, анга подшо эрур мунис.

Чу ишқ бодияси келди дашти истиғно,  
Шаҳ ўлди зор анга, гар гадо эрур мунис.

Вафосиз англаса ўз умри-ўқ гумон қилдик,  
Ангаки умрида бир бевафо эрур мунис.

Хаёл бўлди таним заъфдин таносиб учун,  
Бу дамки ёр хаёли манга эрур мунис.

Бу дашт қатъида ҳамроҳ эрур қадам урмай,  
Ангаки сокини дайри фано эрур мунис.

Навоий унски булбул била тутар, тонг йўқ,  
Бу бенавоға гар ул бенаво эрур мунис.

## 229

Бир ойни тилаб, хаста кўнгул зорму эрмас,  
Ҳажри ғамидин юз туман афгорму эрмас.

Сўрмaston анга қатл тилар, йўқ эса кўнглум  
Ошиқму эмас, бекасу bemormu эрмас.

Ишқида ситамлар била ўлсам, ке ажаб, ёр  
Қотилиму эмас, шўху ситаморму эрмас.

Диним бошиға титрар эсам, тонг эмас, ул кўз  
Кофирум эмас, маству дилозорму эрмас.

Чун сурди самандин нега ўлдунг дема, эй шўх,  
Сархушму эмас, чобуку айёрму эрмас.

Гар даҳр арусиға дедим берма кўнгул, бок:

Мухтоламу пурҳийламу маккорму эрмас.

Гар бўлса харошида Навоий уни, тонг йўқ  
Бир гул ғамидин кўнглида юз хорму эрмас.

## 230

Айлаган қадду юзунг боринда сарву гул ҳавас,  
Даҳр бўстонида андоқ бўлмағай бир булҳавас.

Нозанин қаддинг ниҳоли бирла рухсоринг гулин  
Кўргали не сарв қилдим орзу, не гул ҳавас.

Сарвинозим бошида то кўрди мушкин кокилин,  
Шамъ айлабтур муанбар дудидин кокил ҳавас.

Кўрди то сарв қаду гулдек юзунгни боғбон,  
Гулшан ичра қилмади шамшод ила сунбул ҳавас.

Куллию жузвий йўку борим санга бўлди фидо,  
Сен керак бўлсанг, манга йўқ эмди жузву кул ҳавас.

Шоми савм ифториға, эй шайх, шарбатни нетай,  
Айласам бир шўх илгидин сабуҳий мул ҳавас.

Айлади бир холи ҳиндурўзгоримни қора,  
Эй Навоий, тонг йўқ, этсам Ҳинд ила Кобул ҳавас.

## 231

Кимгаким бўлса насиб ул офати жондек ани,  
Бебаҳо бўлғай қошинда моҳи Канъондек ани.

Қайда бу гулшанда унс ўлғай мангаким, истарам  
Орази гул, қомати сарви хиромондек ани.

Кофириким нақди диним олдию ёшурди юз,  
Топмоғум юз саъй ила ул номусулмондек анис.

Унс тутқоч, ваъдаи васл эттию қилди хилоф,  
Ҳеч кимга бўлмасун ул аҳди ёлғондек анис.

Ул пари мен телба бирла унс агар тутмас, не тонг,  
Дашт аро Мажнунға бас ғули биёбондек анис.

Не ажаб даврон аро ошуబ тушмак ҳар замон,  
Менки истар бўлсан ул ошуби даврондек анис.

Қилғай инсоният ар кўз мардумиға тутса унс,  
Эй Навоий, яхшидур инсонға инсондек анис.

## 232

Қилса бўлғай меҳрни нуринда ёшунған қиёс,  
Жилва қилған чоғда ул хуршиди кофури либос.

Йўқ кўнгул султони ҳифзиғаким, ул ой йўлида  
Уйқусиз кўзлар тонг отқунча тутар ҳар кеча пос.

Ул қуёш чиқмай солур чарх узра юз тарҳи жафо,  
Вах, бор эрмиш ҳусн шоҳи, не бало олий асос.

Пойбўсунг ваъдасиға жон олиб, дерсен манга,  
Ҳожатингни илтимос эт, вах, не ҳожат илтимос.

Кирпикимдин реш бўлғай деб таҳайюл ичра ҳам,  
Кўзни қилмон барги гул янглиғ табонингға мумос.

Эй висол аҳли, сизу иқбол ташрифики, чарх  
Тикти қаддимға менинг идбор торидин палос.

Халқдин навмидлик етқурди роҳат кўнглума,  
Эй Навоий, билдим ихдар-роҳатайн эрканни яъс.

## 233

Мен киму меҳру вафо — зулму итоб айласа бас,  
Жаврини лутфча жонимға ҳисоб айласа бас.

Қайда ул ҳад мангаким, лутфидин обод ўлсам,  
Зулм ила кишвари жонимни хароб айласа бас.

Эмон ул итки, рикобин тамаъ этсам ўпмокъ,  
Қатл учун зулфини бўйнумға таноб айласа бас.

Ўн қуёшча юзида нуру анга тўрт ниқоб,  
Етти гардунча жамолиға ниқоб айласа бас.

Минг балокашни қилиб қатл гунаҳ қозғонди,  
Мени тиргузгучча умрида савоб айласа бас.

Мен киму лаъли умидики, хаёл ичра гадо  
Шаҳ била майли нишоти майи ноб айласа бас.

Чарх зулм этса, Навоий тиламас дод андин,  
Азм даргоҳи шаҳи арши жаноб айласа бас.

## 234

Уйла бўлмиш нотавон кўнглумга жонон бирла унс  
Ким, баданға ҳаргиз андоқ бўлмағай жон бирла унс.

Кўнглума киргач анисим бўлди, тутқонму экин  
Бир замонда ҳеч ким бу навъ меҳмон бирла унс.

Одамийлардин чу кўп ваҳшатқа қолдим, истарам  
Тутмоқ элни тарқ этиб, ваҳши биёбон бирла унс.

Кўздин учқунг, унс тут бир дам бу шайдо бирлаким,  
Йўқ ажаб, тутмоқ парий мажнуни ҳайрон бирла унс.

Лаъли жонбахшингға маънус ўлса рухсоринг, не тонг  
Ким, Масихоға бўлур хуршиди раҳшон бирла унс.

Дайр аро бўлмиш анисим пири дайру муғбача,  
Тутмишам ҳоло бир-икки номусулмон бирла унс.

Нотавон кўнглунгга муnis кимни истарсен, деманг  
Ким, мени шайдоға йўқ жуз кўнглум олғон бирла унс.

Даҳр боғи гулларида йўқ вафо, эй андалиб,  
Зийрак эрсанг, тутмағил бу турфа бўстон бирла унс.

Чун итимен, итлари хайли била хўй этмишам,  
Эй Навоий, не ажаб ҳайвонға ҳайвон бирла унс.

## 235

Гар манга бор эрса ул дилдори зебо бирла унс,  
Ул муҳиқдур, тутмаса мен зори шайдо бирла унс.

Оlam аҳли муттафиқдурлар мени ўлтургали,  
То тутубмен ул жамоли оламоро бирла унс.

Лаъли маънусумдурур, ўлтурса ўлтурсун кўзи,  
Не ғами жаллоддин тутқай Масихо бирла унс.

Мен киму ул хўблар шоҳи била улфат, магар  
Ваҳш тутқай дашт аро Мажнуни шайдо бирла унс.

Тўлғаниб зулфунг бу мажнунға не саркашлиқ қилур,  
Чунки савдо аҳлига бор аҳли савдо бирла унс.

Эй мусулмонлар, чу бир кофир асиримен, не тонг,  
Бор эса кўнглумга зуннору чалипо бирла унс.

Сарви нозим кийгали сариқ, қизил бўлмиш манга  
Ҳам гули раъно била, ҳам сарви зебо бирла унс.

Гар десанг дунёда ҳар дам юз балият кўрмайин,  
Эй кўнгул, зинҳор тутма аҳли дунё бирла унс.

Эй Навоий, гар десанг соқийлиғ этсун муғбача,  
Тут кириб муғ дайри ичра жоми саҳбо бирла унс.

## 236

Йўқ тамаъ ағёрдин, гар душман зрмас ёр, бас,  
Ёрдин нўш истамон, ниш урмаса ағёр бас.

Васли боғидин, демонким, муддаи гул термасун,  
Терса терсун, урмаса бағримға юз минг хор бас.

Кимга қилдим бир вафоким, кўрмадим юз минг жафо?!

Эй кўнгул, гар худ ҳавасдур ишқ бу миқдор бас.

Бўлмаса оғзимда май ёхуд кўз ул гулдин қизил,  
Охи оташнок бирла дийдаи хунбор бас.

Қасдима чекма ҳалокинг тиғини кўп, эй сипеҳр  
Ким, ул ойнинг тиғи зулмидин кўнгул афгор бас.

Даҳр бўстонида гулгун хона Қилсанг орзу,  
Бодаи гулранг қуйғон кулбаи хаммор бас.

Эй Навоий, сўзда маъни йўқтуур, маънийда сўз,  
Дурри маъни истар ўлсанг, айлагил гуфтор бас.

## 237

Гамингдин, эй парий, девоиа бўлмас,  
Кишиким хуш топқоч, ёна бўлмас.

Жамолинг шамъиға кўнглум қушидек  
Малойик хайли ҳам парвона бўлмас.

Анга йўқ ишқ бирла ошнолиқ  
Ки, ақлу хуштин бегона бўлмас.

Кишига васл иқболи не мумкин,  
Агар ҳижрон аро мардона бўлмас.

Керакмас май, агар худ жон бағишлар,  
Манга соқий агар жонона бўлмас.

Хирад муғ дайри сари истамангким,  
Бу йўлда оқилу фарзона бўлмас.

Навоийға бузуқ, булбулға гулшан  
Ки, хузну айш эли ҳамхона бўлмас.

## 238

Мени мен истаган ўз сухбатиға аржуманд этмас,  
Мени истар кишининг сухбатин кўнглум писанд этмас

Не баҳра топқамен андинки, мендин истагай баҳра,  
Чу улким, баҳраи андин тилармен, баҳраманд этмас.

Нетай хуру пари базминки, қатлим ё ҳаётимға

Аён ул заҳр чашм айлаб, ниҳон бу нўшханд этмас.

Керакмас ой ила қун шакликим, хусну малоҳатдин  
Ичим ул чок-чок этмас, таним бу банд-банд этмас.

Керак ўз чобуки қотилваши мажнун шиоримким,  
Бузуғ кўнглумдин ўзга ерда жавлони саманд этмас.

Кўнгул уз чархи золидин, фирибин емаким, охир  
Ажал сарриштасидин ўзга бўйнунгға каманд этмас.

Ул ой ўтлуғ юзин очса, Навоий, тегмасин деб кўз,  
Муҳаббат тухмидин ўзга ул ўт узра сипанд этмас.

## 239

Лабингдин айру бағир лаҳт-лаҳт қонму эмас,  
Бу қон назар йўлидин дам-бадам равонму эмас.

Юзунгни пардада десам, парий, тонгирғомоғил,  
Мениму қилмади мажнун, ўзи ниҳонму эмас.

Жаҳону жон ҳазар этса, не айб ғамзангдин,  
Балойи жонму эмас, офати жаҳонму эмас.

Кўнгулга қўйунг аро раҳм невчун айламадинг,  
Фарив телбаму ё зори нотавонму эмас.

Не айб, лаъли лабинг ҳасратида жон берсам,  
Ҳаёт чашмаси ё умри жовидонму эмас.

Қадаҳни яхши тўла айламайсен, эй соқий,  
Хумор меҳнатидин ҳолатим ёмонму эмас.

Қадам Навоий маҳзун бошиға қўймас ёр,  
Ғубори раҳму эмас, хоки остоңму эмас.

## 240

Оlam ичра манга ул хури малак снймо бас,  
Ул қачон бўлса мұяссар, қадаҳи саҳбо бас.

Гар шабистон ичидаги ҳожат эса шамъ ила нуқл,  
Ҳам ўшул маҳжабину лаби шаккархо бас.

Нақди жон берсаму лаъли лабидин қут олсам,  
Умр бозорида мен хастаға бу савдо бас.

Кимга бу даст берибтурки, санга бергай даст,  
Айла бу фикри мұхолотни, эй шайдо, бас.

Гар будур ҳодисаи давр ҳаробот ичра,  
Хирқаи чок била дурди қадаҳполо бас.

Ҳашмат аҳли хазу хорода ёшунсунки, манга  
Нотавон жисм фано гардида нопайдо бас.

Эй Навоий, етаринг ёрға эрмас мумкин,  
Қилмасанг кўнглунг аро ғайри хаёлин то бас.

## 241

Бирор анинг лаби жонбахшидин нишон бермас  
Ки, ҳар кишики қилур истимоъ, жон бермас.

Адам тариқиға туштум, тилаб анинг оғзин,  
Сўруб киши манга ул роздин нишон бермас.

Абад ҳаёти кеби васлиға етишкунча,

Фироқ маҳлакаси ичра умр омон бермас.

Лабингдин ўлди таним риштае табиби хирад  
Иложин эткали шарбат бағир қон бермас.

Ганимат англа қўзу кўнглум ашк ила қонин  
Ки, мунча инжую лаъл элга баҳру кон бермас.

Замона қилди мени гоҳ масту, гаҳ маҳмур  
Ки, бир замон май агар берса, бир замон бермас.

Навоиё, ғами жоним олурда саъй этти,  
Софиндиким, тилагач ушбу нотавон, бермас.

## ШИН ҲАРФИНИНГ ШЎХЛАРИНИНГ ШАМОИИЛИ «БАДОЕЪ»ДИН

242

Зиҳи отинг била хайли малойик ичра хуруш,  
Фалак сенга янги ой наъли бирла ҳалқабагўш.

Гаҳики фикрати зотингни ақли кул айлаб,  
Бурунғи жомда ҳайрат ани қилиб бехуш.

Сипеҳр жомида қаҳринг ҳароратидин заҳр,  
Қуёш замирида меҳринг ҳароратидин жўш.

Ҳам этти нофай мушкунг қамарни мушки давож,  
Ҳам этти гулшани лутфунг шафақни гулгунпўш.

Не қаҳринг ўтидин эмин фақиҳи сойими даҳр,  
Не раҳматингдин новмид ринди дурднўш.

Навои ҳамдинга булбул тили бўлуб гўё  
Ва лек ҳайрати васфингда ғунча оғзи хамуш.

Навоий ўзни сотар қуллуғунг била, юз шукур  
Ки, худфуруш эмастур, йўқ эрса зухдфуруш.

## 243

Келки, ҳижронинг мени маҳзунни бадҳол айламиш,  
Юз туман дарду бало хайлиға помол айламиш.

Оразингдин ўзга юз кўрмактин айлаб кўзни кўр,  
Дарди ишқинг элга айтурдин тилим лол айламиш.

Ҳам бошимни гард ила манкуби ҳижрон айлабон,  
Ҳам танимни бош ила мажруҳи атфол айламиш.

Сен гули раъно фироқидин сариғ чеҳрамни ашк —  
Қатра-қатра қон ила тим-тим томиб ол айламиш.

Хотирим озурда айлаб ёр ила ағёрдин,  
Ёру ағёrimни мендин фориғулбол айламиш.

Фироқингдин ўлмаган бўлсан, эмас мендин гунах,  
Чарх ани комим кўруб саъйида ихмол айламиш.

Тушканим Мажнун била Фарҳод аёғиға кўруб,  
Гаҳ танимни нун қилиб, гоҳе қадим дол айламиш.

Эй кўнгул, дин аҳли зарқидин малул эрсанг, сипехр  
Дайр пирин буйла мушкилларга ҳаллол айламиш.

Ҳажр аро маст ўл, Навоийким, фараҳ касбига ишқ  
Майни ёқути музобу лаъли сайёл айламиш.

## 244

Қайси ишрат меваси нахли ҳаётим қилди фош  
Ким, париваш тифллар ёғдорғай ул ён мунча тош.

Оlam ичра ул қуёш зоҳир vale мендин ниҳон,  
Эй ибодат аҳли, қўйсам, тонг эмас, оламға бош.

Оқ уқор ўтоғаси чобуксуворим бошида,  
Уйлаким, хатти шиои айлагай зоҳир қуёш.

Ғам туни саргашта бошим, ҳам сипехредурмудир,  
Анда кавкаб зоҳир ўлғон юз уза ҳар қатра ёш.

Кўз ани кўргач, кўнгул севди, бу иш бўлған замон  
Кўзларим кўру кўнгул нобуд бўлғай эрди кош.

Гар десанг қаттиқ балоға қолмағайсен чарҳдин,  
Оlam аҳли бирла юмшоғлиғ била қилғил маош.

Чун Навоий ўлди, итлар дардпарвар жисмини  
Тўъма қилмоқ йўқки, рад айларда айларлар талош

## 245

Авжи ҳусн узра юзунг хуршиди фарруҳбол эмиш,  
Холинг ул ҳиндуи муқбил, кавкаби иқбол эмиш.

Дедим: айтай ҳусни васфи бирла ишқим ҳирқатин,  
Билмадимким, тил булар васфин демакта лол эмиш,

Ҳусн хаттин пар чиқариб учмоғи эрмиш сазо,  
Ишқ ила дард аҳлидин хўбеки фориғбол эмиш.

Манъи ишқ айлар эдим кўнглумга, кўрдум ҳолини,

Шиддати шавқ изтиробидин басе бадҳол эмиш.

Кўз юмуб очқунча юз қон айлар эрмиш ғамзаси,  
Мен ёмон баҳтига етканда иши иҳмол эмиш.

Ул париваш сувратин сизғач мусаввир, англадим  
Ким, хирадни айлаган девона бу тимсол эмиш.

Хонақаҳ шайхи қошинда қолди кўп мубҳам ишим,  
Буйла мушкилларга пири майкада ҳаллол эмиш.

Соқиё, жоми висолинг нўшидин тиргуз мени  
Ким, хумори соғари ҳижрон ажаб қаттол эмиш.

Гар Навоий пирларға муршид эрди, киргали  
Ишқу савдо кўйига бозичаи атфол эмиш.

## 246

Шамъ учини олмоғ учун, эй маҳвashi фаррош,  
Парвона қанотларидин эт сифраи минқош.

Йўқ-йўқки, юзунг шамъиға парвонадур анжум,  
Ким, бир-бир алар шоми висолингда бўлар фош.

Ой шамъиға минқош муносиб янги ойдур,  
Андоғки, юзунг шамъиға минқошдур ул қош.

Бошимдур аёғингға фидо, ҳар не керак — қил,  
Тўқмоққа муносибдур, агар истар эсанг бош.

Ул ой агар илгига супургу олур, эй чарх,  
Хуршид шиои хатидин қилсанг ани кош.

Ҳар тун чу фалак боргахи вазъи нигундур,

Гардун кўзи гўё бу жиҳатдин тўкадур ёш.

Кўнгли уйидин сабр матоъини супурди  
Бечора Навоийким, эрур дилбари фаррош.

## 247

Мен гадоға ҳар неча кўйи сари бормоқдур иш,  
Тўъма солмоқ итгаю дарбонға ёлбормоқдур иш.

Қон бўлуб итган қўнгулни истаю ул равзада  
Ғунчалар хайлини гулбунларда ахтармоқдур иш.

Ул сари борурда жон бирла қўнгулни раşқдин  
Ҳар бирисин юз баҳона бирла қайтармоқдур иш.

Тийра қўнглумда хаёлиға малолат ваҳмидин  
Нотавон жисмимни ҳар ёндин тутуб ёрмоқдур иш.

Тушса илгимга ити, азбас ниёзу меҳрдин,  
Ани мен Мажнун қўлидин элга қутқармоқдур иш.

Май тағорин тут десам, соқий, тожонмаким, санга  
Иш ани тутмоқ ва лекин бизга сипқармоқдур иш.

Телбараб ҳар дам бўлур ғойиб Навоин, нечаким,  
Бизга ани ақл кўйи сари бошқармоқдур иш.

## 248

Оҳқим, ул шўх эрур ҳам моҳваш, ҳам шоҳваш,  
Балки ҳам қулдур анга юз шоҳваш, минг моҳваш.

Гар қуёш эрмас юзунг, невчун нишотим мазранн  
Тобидин айлаб қуруқ, рангимни қилди коҳваш.

Кўнглум олиб будуур мақсад ангаким ўртагай,  
Буким ўзни дилситоним кўргузур дилхоҳваш.

Васл аро ўзни хаёл айлаб нишотим бордур,  
Сойил андоқким ясағай ўзни аҳли жоҳваш.

Эй қуёш, оҳим не тонг оламға солса рустахез,  
Ҳар дамим гардунға чунким шуъла тортар оҳваш.

Ўздин огаҳ эрмон, огоҳе керак сарвақтима,  
То ул огаҳ давлатидин бўлғамен огоҳваш.

Эй Навоий, гар ҳидоят етса йўлға киргамен,  
Гарчи муғ дайрида ҳоло бор эсам гумроҳваш.

## 249

Базми васл ичра манга тутти қадаҳ ул маҳваш.,  
Бода хуш, базм хуш — ул иккисидин соқий хуш.

Бир-бир оғоқ элин ўлтурди, не бир-бир — минг-минг,  
Оллоҳ-Оллоҳ, не бало қотил эмиш ул маҳваш.

Лаъли кўнглумни чекиб, ғамзаси қоним ичти,  
Нечаким бу бири хунхор эрур, ул дилкаш.

Тавсани чарх уза гўёки қуёшдур сойир,  
Шаҳсуворим чу қилур жилва, миниб қўк абраш.

Лаби ҳайвон суйидин гар мени қилди фориғ,  
Не ажаб, бода эрур хору қилур дафъи аташ.

Хусн чун жилва қилур, оқу қорада нўқ фарқ,  
Кишига келса бало — хоҳи хито, хоҳи ҳабаш.

Сарви нозим қошида келди Навоий тўби  
Ламским, суврати хатти ўқидим ани ламаш.

## 250

Қадинг ниҳолики боғи ҳаёт тарфини тутмиш,  
Магарки Хизру Масиҳо сую ҳавосида бутмиш.

Кўнгулнн гавҳари ишқингки равshan айлади, гардун  
Магар бу упни дурри шабчароғ бирла ёрутмиш.

Кўнгулни қон ёшу гоҳи юзум била овутурмен.  
Сариф-қизил била андоқки халқ тифлин овутмиш.

Дедингки, ҳажр аро бер ишқ сўзу тобиға таскин,  
Киши тамуғда қачон қўнглининг ўтини совутмиш.

Кўнгулга ҳар неча сабру қарор панди берурмен,  
Бирини, войки, бишқармайин, бирини унутмиш.

Умнд нахлини ашким била не тоза қиласайким,  
Самуми ҳажр ани кул айламиш деманки, қурутмиш.

Навоий, эмгак ила дема тарки ишқим этибдур,  
Қачон замири уйи гирдиға бу ишни ёвутмиш.

## 251

Неким қилур, кўрунур ул бути ситамгар хуш,  
Чу нозу ишза била базмдин чиқар сархуш.

Юзунгда хуш кўрунур жоми лаълинг, ул янглиғ  
Ки, тоза гулшан аро лаълранг соғар хуш.

Қамарнинг икки ёнида Суҳайлу Зухра кеби.  
Кўрунди ики қулоғинда дурру гавҳар хуш.

Кўзунгки ораз уза ётти — хуш кўрундики, бор  
Ғазола ётмоқ учун лола барги бистар хуш.

Не навъ жинси башар сухбатини хуш кўргай,  
Бираавга бўлса паризоди хур пайкар хуш.

Мену жамолин анинг бир кўрарга бермак жон,  
Агар бу нохуш эрур аҳли давр аро, гар хуш.

Навоиё, санга гар ёрдин фараздур, ёр  
Жафову лутфини кўрсанг керак баробар хуш.

## 252

Юзу энгида мунча латофат бўлур эрмиш,  
Қошу кўзида мунча ҳам офат бўлур эрмиш.

Хуснидин анинг ҳур итиб қочди, парий ҳам,  
Бир одамида мунча латофат бўлур эрмиш.

Моҳим юзини чунки қуёш кўрди — тутулди,  
Мунча фалаки элда касофат бўлур эрмиш.

Лаълинг майиға чашмаи ҳайвонни қилиб зам,  
Усрукрак эрур мунча сарофат бўлур эрмиш.

Жавр этганида ўлмас эдим, гар анга сўнgra,  
Билсам эдиким, лутфи изофат бўлур эрмиш.

Кирганда бало даштиға фикр эткай эдим гар,  
Юздин бири, билсамки, маҳофат бўлур эрмиш.

Дебтурки: Навоий сўзининг бандасидурмен,  
Бу лутф ила ул шаҳда зарофат бўлур эрмиш.

## 253

Эй мусаввир, лутф этиб сизғил мени жононға тўш,  
Уйлаким, тушкай юзи бу дийдаи ҳайронға тўш.

Юзи бўлсан юзума тўш, қадди ҳам тўш қаддима,  
Лек жонпарвар лаби лаълини тарҳ эт жонға тўш.

Рўбарў ҳар узви ҳар узвумға тўшдек тушмагай,  
Юзи кўзгуси vale бу дудлиғ афонға тўш.

Кўксини кўксумга тўш сизғил демонким, тушмагай  
Нозанин жисми анинг бағримдағи пайконға тўш.

Оллоҳ-Оллоҳ, телбалик солди хаёлоти муҳол  
Кўнглума, йўқса не лойикдур гадо султонға тўш.

Қайси ёнким итларин тарҳ айлагунгдур базм аро,  
Сиз мени туфроққа юз қўйғон vale ул ёнға тўш.

Чекти чун ҳар кимсани бир ишга тўш килки қазо,  
Оҳқим, бу телбани қилди рақам ҳижронга тўш.

Айш жомин тутманг, эй даври тараф соқийлари,  
Бизгаким, чарх этти бизни меҳнати давронға тўш.

Эй Навоий, телба кўнглум зор танға келмади,  
Токи эл мажнунни бир кўрсатсалар вайронға тўш.

## 254

Чекиб жон риштасин чобуксуворимким, каманд этмиш,

Кўнгул сайдин ҳамоно ул каманди бирла банд этмиш.

Фироқ ичра ажал захрин тут, эй соқийки, ишқ андоқ  
Ачиғ шарбатни бу қотиқ маразға судманд этмиш.

Тўкулмак қонингиз кўйида, ушшоқ, орзу қилманг  
Ки тифи ишқ бу давлатқа бизни аржуманд этмиш.

Бул оҳимдин фалакка етсанг охир ишқи Мажнунким,  
Бу ел имдод ила ул шуълани андоқ баланд этмиш.

Бу ҳам хуштурки, мониъ бўлғай эл наззора айларга,  
Буким майдонида хоки таним гарди саманд этмиш.

Аниким севдиму юз минг балоға учрадим, йўқким  
Манга ёлғузки, юз минг мен кеби бедилға панд этмиш.

Ризо берким, қазоға йўқ тафовут, кимса юз қатла  
Не келса оллиға хурсанд ёхуд бад писанд этмиш.

Сиёsat айларам мужгон синони бирла мундоқким,  
Кўзум ул юзга густохона боқиб баҳраманд этмиш.

Навоий тарки зуҳду илм қилди, токи дилдори  
Ичиб май туну кун худройлиқ бирла лаванд этмиш.

## 255

Нечакнм қатл била ноз эрур ёрға иш,  
Ўлмаку арзи ниёз ўлди мени зорға иш.

Хаста кўнглум тиласа васли шифосин, не ажаб,  
Ғайри сихҳат не ҳавас бўлғуси bemorға иш.

Банди зулфида тилар кўнглум ўзин маҳкамроқ,

[www.ziyouz.com](http://www.ziyouz.com) kutubxonasi

Гарчи маҳлас талаби бўлди гирифторға иш.

Қони тўлған неча дин аҳлин асир этти кўзи,  
Бўлди пайдо яна ул кофири хунхорға иш.

Марҳам ўрниға кўнгул захмини тирмар ул шўх,  
Дўстлар, саъб тушубтур бу дили афгорға иш.

Ўлтуурур ўткану қолған бошоғи кўнглумда,  
Эй фалак, қатлим эрур собиту сайёрга иш.

Жуз зафо аҳлиға саргашталик этмак ойин,  
Гўйиё қисмат эмас гунбади давворға иш.

Оlam аҳлида чу йўқ ёрки, меҳр ўлғай иши,  
Сен қиёс айлаки, не бўлғуси ағёрға иш.

Эй Навоий, ўзунгга олам ишин осон тут,  
Гар десанг тортмасун эл буйла душворға иш.

## 256

Ул ой гар айни усруклуктин уйқу майлиға ётмиш,  
Вале бир кўз юмуб очқунча юз минг фитна уйғотмиш.

Висолинг байъида суд этмиш ул тожирки, Юсуфдек  
Агар минг бандаси бўлса, барин бу важҳ учун сотмиш,

Тўла гавҳар ақиқинг ҳуққасидин баҳри ашким кўр  
Ки, кўк анжум била дурлук садафдек қаърига ботмиш.

Сочинг савдосидин хайли малак мажнувшаш ўлмиш бил,  
Магарким олами арвоҳқа атрини бутратмиш.

Чаманда нақш банди номия кўп сарву гул нақшин

Чиқармиш, қайси бирни сарви гулрўюмға ўхшатмиш.

Ўқидин пар чиқармишменким, ул турки хаданг афган,  
Қаёнким ғамзасининг новакин чекмиш, манга отмиш.

Қадаҳдин жон топибмен, гўйиёким нўшлаб соқий  
Ани мамзуж этарда оби ҳайвонднн анга қотмиш.

Замон аҳли замона ранги бирла бевафодурлар,  
Замона аҳлиға гўё замон ўз феълин ўргатмиш.

Навоий хасталиғдин дам урарға қуввати йўқтур,  
Ани гўё вафосизлар жафоси асрү эмгатмиш.

## 257

Эй жамолингннинг хаёли хотири вайронда нақш,  
Шамсадин қолған асар янглиғ бузуғ айвонда нақш.

Тегди бир новакки, сахмидин ўлуб эрдим, валек  
Янги жон топтим аниңг отин кўруб панконда нақш.

Кечакул фурқатидин, кундуз атфол илгидин  
Хору хора заҳмини кўр бу тани урёнда нақш.

Оразинг нақшичи чиқмас тийра қўнглумдин даме,  
Қилдилар гўёки Юсуф сувратин зинданда нақш.

Эй мусаввир, сизмағил Мажнуну Лайли сувратин,  
Бас мену ёрим ҳадиси сафҳаи давронда нақш.

Нақш судин чун бўлур зойил, ажабдурким, эрур  
Йифлаған сойи хаёлинг дийдаи гирёнда нақш.

Даҳр элидин гар вафо Қилдинг тамаъ, эй соддадил,

Истадинг амреки, тутмас, ҳайнизи имконда нақш.

Қилди кўп девонни эл нақши нигор, аммо эмас  
Уйлаким, қилдим нигорим васфини девонда нақш.

Боғламас нақш улки бўлғай сендин ўзга ёр учун,  
Базми дард ичра Навоий боғласа ҳижронда нақш.

## 258

Шафақ жинсин қуёш зарриштасидин чорқаб қилмиш,  
Шафақгун қилғали меҳр аҳлининг ашкин сабаб қилмиш.

Санга тақлид қилмиш гулки, осиб қўза бўйнидин,  
Тикан устига ани турғузуб гардун адаб қилмиш.

Фалак жавфи тўла захр ўлса, мунча қатл эмас мумкин  
Ки, анфоси Масиҳ ойин била ул нўшлаб қилмиш.

Замонда бул-ажаб осеблар солмиш, фалак токим  
Бу янглиғ ул замон ошуби таврин бул-ажаб қилмиш.

Не умр ўлғай мангаким, маст бебоким мени ногах  
Тирик кўрганда ўлтурмиш ва гар ўлсам, ғазаб қилмиш.

Жамол авроқида ҳар нукта бор ул юзда зоҳирдур,  
Магар ул сафҳани даврон боридин мунтахаб қилмиш.

Мени девонаға юз шиква бор ўз қавму хайлымдин  
Ки, Мажнунға не турлик зулмким қилмиш, араб қилмиш.

Сен ани истамақдин тинмағил бир лаҳзаким, солик  
Агар матлуб топмиш, андин эрмишким, талаб қилмиш.

Висол аҳли, сизу айшу фароғатким, Навоийға

Азал қассоми рўзи ишқ аро ранжу тааб қилмиш.

## 259

Менга номеҳрибон ёр ўзгаларга меҳрибон эрмиш,  
Менинг жоним олиб, ағёрға оромижон эрмиш.

Тан узра эмди фаҳм эттим ададсиз тоза доғимни  
Ки, ҳар бир-бир қорарған шоми ҳажримдин нишон эрмиш.

Бузулған қўнглум атрофиндағи захм ичра новаклар  
Балият қушларию захм аларға ошён эрмиш.

Рақиби синдуруб қўнглину мен йиғлаб анга, лекин  
Су келтирмак ҳамону кўза синдумоқ ҳамон эрмиш.

Балият даштида зоре кўруб Мажнун соғинғайлар,  
Кўнгул отлиғ бизинг овораи бехонумон эрмиш.

Хаёлинг хайли қўнглум даштида чун қилдилар манзил,  
Ҳар ўт ёққан ер ул манзилда бир доғи ниҳон эрмиш.

Замон ошубидин қўнглумга юз шиддат етар эрди,  
Чу фаҳм эттим — мунга боис ул ошуби замон эрмиш.

Агарчи мен ёмонмен, яхшидурким мұтариғдурмен,  
Ўзин яхши тасаввур айлаган мендин ёмон эрмиш.

Навоий назмини кўрдум қуёш лавҳиға сабт эткан,  
Буюрган ани олий қадр шоҳи хурдадон эрмиш.

## 260

Лабинг бу хастаға невчун такаллум этмади иш

Ки, бир сукунж била ҳосил этса юз олқиши.

Отар ҳамиша қоши ёси бирла ғамза ўқин,  
Агарчи бўлмас ўқ отмоқ, йўқ эрса ёда кериш.

Бошоғларингму экин бағрим ичра ё қолди  
Итинг чу туъма учун анда маҳкам айлади тиш.

Тариқи ишқ аро комилдуур кўнгул, не ажаб,  
Камол топмоқ этиб ишни ишқ ила варзиш.

Заиф жисмни то тифи ёрди — нолонмен,  
Нечаки чиқмас уни, неча чок бўлса қамиш.

Чекар гул оллида булбул фифон, магар билди  
Ки, ўтса васл баҳори, хазони фурқат эмиш.

Навоий, асра ниҳон ишқ нуктасин зинҳор  
Ки, ишқ пири манга ёшурун бу нукта демиш.

## 261

Манга бор ул санами раъно хуш,  
Кўрунур ўзга санамлар нохуш.

Ёлғуз ани севарамким, манга бор  
Ул хуш, ўзга киши йўқ асло хуш.

Халқ нохушлиғидин қайдада ғамим,  
Бор эса ул санами зебо хуш.

Юзунгга юз қўяйин хат ораким,  
Сабзада келди гули раъно хуш.

Кечаки жаронида май тортар эдим,

Кирди гул гулрухи маҳ сиймо хуш.

Менда юз биймки, тутқач олибон,  
Чекти ул шўхи қадаҳпаймо хуш.

Дайр аро ўзни, Навоий, хуш тут,  
Чун келибтур санга ул тарсо хуш.

## 262

Невчун юзида қаҳр ила чин зоҳир айламиш,  
Хуршид чашмасида киши мавж кўрмамиш.

Васлинг сўзин эшиткач этар кўнглум изтироб,  
Софинмағил аники, фироқингда тўхтамиш.

Лаълингни истамонки оғиздин чиқарғамен,  
Бир хаstadекки, жонини оғзинда асрамиш.

Бўлдим ҳалок—чун белига боғлади камар,  
Қатлимға гўйиё белин ул шўх боғламиш.

Беморлиғда жон итига қилмишам нисор,  
Кўйи сари келибки сўнгакимни судрамиш.

Соқий, кетур қадаҳки, чу ғам айламиш ҳужум,  
Бу етмайин кўнгулдин алар барча бутрамиш.

Юз пора кўнглиники Навоий йигиб эди,  
Ул шўх кирмишу яна борини қўзғамиш.

## 263

Не хам қошлардуурким, ҳасрати қаддимни ё қилмиш,  
Не кирпиклар ўқиким, рўзгоримни қора қилмиш.

Не печу тоби ҳадсиз доми зулф эркинким, очилғач,  
Демай кўнглум қушиким, уйла юзни мубтало қилмиш.

Не кўзлардурки, олмиш кўз юмуб очқунча кўнглумни,  
Қилиб ҳар гўшада bemору қисми юз бало қилмиш.

Не ораз лоласидурким, кўнгулни қон этиб дарди,  
Тугон қўйған била дафъиға ул қоннинг даво қилмиш.

Не нозук хўй эрурким, айламиш ўтруда юз дашном,  
Гадоеким анинг зулфу кўзу қаддин дуо қилмиш.

Биравким, жаннату дўзах сўзин шарх айламиш, гўё,  
Киноят важҳи бирла васлу ҳижронни адо қилмиш.

Ажаб кўр ишқ ароким, мўр этарга аждаҳоларни,  
Фусундин мўрхатлар қайди зулфин аждаҳо қилмиш.

Қазодинdur манга ишқ ўйнамоқ, эй носихи нодон,  
Кўрубсенму киши ҳаргизки, тағири қазо қилмиш.

Навоийдек халосим йўқ эди ул ғамза қуфридин,  
Хусусан зулфи зуннори доғи бўйнумға тоқилмиш.

## 264

Латофатда юзунг ҳам гул эмиш, ҳам гулситон эрмиш,  
Ҳаловатда лабинг ҳам жону ҳам оромижон эрмиш.

Бу маънидинки доим чун ниҳондур ул парий кўздин,  
Иши жону кўнгулга ўртамак доғи ниҳон эрмиш.

Ити бағримни ер чоғда аёғи қонға булғанди,  
Кўзум боғида гул анинг табонидин нишон эрмиш.

Шаарлар бирла оҳим дудини сахрои ишқ ичра  
Киши кўрса, гумон қилғай: минг ўтлуғ корвон эрмиш.

Чаманда ҳар сари қилдим гули раъно гумон, ул худ  
Сариф гул жомида гулгун сиришким бирла қон эрмиш.

Соғиндим кўйида ҳар кеча итлар ноласи, лекин  
Начукким телба ит ушшоқ қўнглидин фиғон эрмиш.

Тўкуб май муҳтасиб, мен йиғладим, лекин ул усрукка  
Су келтирмоқ ҳамону кўза синдумроқ ҳамон эрмиш.

Фано дайрики гардун ҳиснидин маҳкамдуур, билдим  
Ки, гардун зулмидин факр аҳлиға доруламон эрмиш.

Навоийни дедим ишқ ичра сомоне топиб эркин,  
Вале кўрдум — ҳамул девонаи бехонумон эрмиш.

## 265

Ишқ кўнглунгга солиб дард, ани қон этмиш,  
Ол кисват била коғирни мусулмон этмиш.

Кўзларинг шўхлуғидинки эл эрди гирён,  
Ани бир шўх кўзи ишваси гирён этмиш.

Эмди аҳволима шоядки ичинг куйгайким,  
Шарари кўнглунг аро ишқ ўти пинҳон этмиш.

Билгасен тиғи фироқинг била кўнглум чокин,  
Эмдиким ҳажр санга чоки гирибон этмиш.

Хори ҳижрон танига чун тикилур англағасен,  
Улча жонимға менинг ханжари ҳижрон этмиш.

Сенча кимдур боқибон қўзгуга ошиқлиқ қил,  
Кўнглунг ар чошни ишқ ила туғён этмиш.

Эй Навоий, магар оҳинг ани тутмишки, кеча  
Нечаким сен чекибон оҳ, ул афғон этмиш.

## 266

Септи тун мушкига сийми судадин кофур қиши,  
Айш учун оқу қорани айлади масрур қиши.

Гарчи Ҳиндистонда қор ўлмас, vale оқ раҳтини  
Ёйди Ҳиндистон кеби бу тунда номақдур қиши.

Гар эрур занг аҳли зулмони ва лекин қор ила  
Қилди тун зангисини аҳли сафову нур қиши.

Бода оқ уй ичра ичмак расм эрур қиши бўлғали,  
Ҳақ юзин оқ айласунким, кўйди хуш дастур қиши.

Базмни ўтдин қизитти, базм аҳлин бодадин,  
Саҳв эмишким, бўлди совуғлуғ била машхур қиши.

Қиши эмиш май боиси, зоти бурудатдин бирав  
Зуҳд этиб совуққа гар тўнгса, эрур маъзур қиши.

Уйи вайронларға қаттиғдур, vale бил муғтанам,  
Бўлса кулбанг май била асбобидин маъмур қиши.

Мулки Жам истар эсанг, албатта чек жоми сабоҳ,  
Кечаги майдин сени субҳ айласа маҳмур қиши.

Эй Навоий, дўзах эрмиш гард ила иссиғ булут,  
Қору муз бирла совуғдин бор эса маҳжур қиши.

## 267

Хуши йўқ кўнглум жунун даштида бир шайдо эмиш  
Ким, анинг қошида Мажнун асрү-кўп доно эмиш.

Тутти сариф лолалар рухсори ашким бирла ранг,  
Дема, эй раънои гулрухким, гули раъно эмиш.

Ҳар бир оҳим дудининг мадду саводин кўрган эл  
Зулфи ҳажринда, соғинғайларки, бир ялдо эмиш.

Телба кўнглум ҳолини билмак таманно айладим,  
Йиллар эрмишким, жунун даштида нопайдо эмиш.

Дедим: ислай анбарин зулфунгни ол, бошим эваз,  
Дедиким: сен телба бошинда ажаб савдо эмиш.

Эй ғаний, ушшоқдин мустағний ўлдунг, билмадинг  
Ким, фано аҳлиға сultonлиғдин истиғно эмиш.

Англамас эрдим Навоий ҳолин ул ой кўйида,  
Ҳар кеча то субҳ иши фарёду вовайло эмиш.

## 268

Жавзо кунидин доғи ул чехра жамил эрмиш,  
Ялдо тунидин доғи ул зулф тавил эрмиш.

Ҳар қатра кўнгул қони жон берди ўлук танға,  
Ҳосиятини сўрдуқ— лаълингға қатил эрмиш.

Гулзор аро нилуфар очилди, гумон эттим —  
Хол ўрнига ҳар юзда бир нуқтаи нил эрмиш.

Ҳижрон туни дафъ ўлғач, билдимки, юз очибсен,

[www.ziyouz.com](http://www.ziyouz.com) kutubxonasi

Хуршид вужудиға тонг нури далил эрмиш.

Овора кўнгул истаб жон тандин олур ишқинг,  
Ул телбагаким итмиш гўё бу кафил эрмиш.

Ойини қаноат тут, иззат тилар эрсангким,  
Эрмиш тамаъ аҳлидин ҳар кимки залил эрмиш.

Кўнглини Навоийнинг олсанг, назар айлаб кўр  
Ким, дард ила доғ ичра жони не қатил эрмиш.

## 269

Сувратингдур уйла кўнглум байтулэҳсонида нақш,  
Ким, парий тимсоли шаҳнинг қасри айвонида нақш.

Анга ёндошмоқ менинг ҳаддим йўқ, эй суврат нигор,  
Чексанг анинг нақшини, қилма мени ёнида нақш.

Гўй қилғанда бошимни юқти ҳар ёниға қон,  
Лайлию шингарф ила соғинма чавгонида нақш.

Жисми урёнимки, кўп толпинди тоғу дашт аро,  
Хору хородин, тамошо айла, ҳар ёнида нақш.

Зор кўнглум ё мусаввир бўлди, ё сувратпараст,  
Ҳар тарафким сувратингни қилди вайронида нақш.

Зухд аро йўқ жуз малолат, негаким, килки қазо  
Айш тарҳин қилди жоми бода давронида нақш.

Ул парийким, ҳажридин ўлди Навоий, эй рафиқ,  
Сувратин қилдурғасен зинҳор девонида нақш.

## 270

Сарви раъно қаддидин раъно қадинг чолок эмиш,  
Оташин гулдин гули рухсоринг оташнок эмиш.

Улки айтур кўнглакинг ул гул ғамидин чок эмас,  
Англамайдур беғами ғофилки, кўксум чок эмиш.

Базмдин усрук чиқиб тўкти улуснинг қонини,  
Аҳли дин, қочингким, ул кофир ажаб бебок эмиш.

Ишқим ўтин шоҳай тўби уруб паст истаган,  
Билмадинг, ул шоҳ бу ўт оллида хошок эмиш.

Тушта Мажнунни ҳазину зор кўрдум, англадим  
Ким, бир ой ҳажридин ул ҳам мен кеби ғамнок эмиш.

Бир қуёш ҳажри мени ҳолимға қўймас заррае,  
Демангиз бу ишга боис анжуму афлок эмиш.

Воиз айтур хур уммиди бирла ул ой таркин эт,  
Эй Навоий, кўрки, ул пургўйи беидрок эмиш.

## СОД ҲАРФИННИНГ САНАМЛАРИНИНГ СИЙТИ «БАДОЕЪ»ДИН

271

Бир киши ўзни қилур аҳли фано базмида хос  
Ким, қилур ўзлуки бирла ўзидин ўзни халос.

Дарду ғам хосларидинмену ўлмақдур ишим,  
Бўлур эрмиш ғам ила дардға бу навъ хавос.

Бўлмайин ғарқи фано, истамағил гавҳари васл,  
Дур топилмас, киши то баҳрда бўлмас ғаввос.

Қилмай ул Зухра жабин базмда бир даври симоъ,  
Не учун бўлди экин шефта кўнглум раққос.

Менки кўз қонин оқиздим, оқизур ҳажр доғи,  
Қоним ул қон учун ийнак қилиб изҳор қасос.

Фатҳ толибға етишмас, агар эрмас мухлис  
Ким, ўшул фотиҳанинг лозимасидур ихлос.

Файзи ом истар эсанг, айла Навоий ўзни  
Бу фано дайри аро муғбачалар базмиға хос.

## 272

Эй кўнгул, зоҳир этиб ишқинг ўти доғиға ҳирс,  
Булбул ул навъки гулшан гули яфроғиға ҳирс.

Үйлаким, кўр гадо қуҳли басират тилагай,  
Кўзума рахшинг аёғи изи туфроғиға ҳирс.

Бўлди Фарҳод ила Мажнунча кўнгул мундоқким,  
Кўргузур дашти жунун бирла тоғиға ҳирс.

Ёр бедиллариға қайдা кўнгул берсунким,  
Иш анга бўлди улустин кўнгул олмоғиға ҳирс.

Гар ҳарис ўлсам анинг кўйи тавоғиға не айб,  
Бўлур эл табъида фирдавси жинон боғиға ҳирс.

Даҳр аро маст ила ҳушёр тамаъ зоридуур,  
Негаким ғолиб эрур усрук ила соғиға ҳирс.

Қуллуғи доғидин озодалиғ иқболи етар,  
Не ажаб, бўлса Навоийда ғаминг доғиға ҳирс.

**273**

Гар этти ишқини аҳли жаҳон учун тахсис  
Валек ҳажрини бу нотавон учун тахсис.

Висол айшини маҳсусларға қилди рақам,  
Нечукки, ҳажр ғамин мен ёмон учун тахсис.

Демангки, қатлиға маҳсусменки, айлабдур  
Қиличи кесмакида имтиҳон учун тахсис.

Чу боғ эрур ватанинг, шодмон бўл, эй булбул  
Ки, ғамғадур мени бехонумон учун тахсис.

Бошимни туфроғ эт, эй муддаию ташламағил  
Ки, ани қилмишам ул остон учун тахсис.

Агарчи даҳр элида меҳр йўқ, сипеҳр этмиш  
Бу ишни ул маҳи номеҳрибон учун тахсис.

Хуш улки, ёр Навоийни қилмайин мазкур  
Деди, жафони қилибмен фалон учун тахсис.

**274**

Эй доғи меҳнатингға мени мубталоға ҳирс,  
Ул навъким, дирам сари бўлғай гадоға ҳирс.

Ҳажрида васлин истабон айлармен изтироб,  
Кўргузган эл кеби мараз ичра давоға ҳирс.

Мен даври рўзгор қоралиғин истарам,  
Қатлимға тонг йўқ ул кўзи қоши қороға ҳирс.

Маҳруммен висолидин, ушбу эмиш асар,

[www.ziyouz.com](http://www.ziyouz.com) kutubxonasi

Ҳар кимки зоҳир айласа бир муддаоға ҳирс.

Атфол ғунча узгали онча ҳарис эмас  
Ким, бор қўнгуллар олғали ул дилрабоға ҳирс.

Мен чеккали жафосини ҳирс айларам аён,  
Не тонг, агар ул айласа зоҳир жафоға ҳирс.

Соликка ҳеч мазҳаб аро ҳирс хўб эмас,  
Илло бу эски дайрда жоми фаноға ҳирс.

Махрумлуқ ҳарисқа ойин эрур валек  
Васли ишида кирмайин ўтмас ароға ҳирс.

Дарду ғамин қўп истаю бўлди Навоийға  
Мунча керакмас эрди бизинг бенавоға ҳирс.

## 275

Эрур ишқинг мени маҳзунға маҳсус  
Ки, Лайли дардидур Мажнунға маҳсус.

Қўюнг, эй сарву савсан, жилваким, бор  
Бу иш ул қомати мавзунға маҳсус.

Кўруб маст айламак лофин қўй, эй май  
Ки, бу бор ул лаби майгунға маҳсус.

Кўзум гирдоби жисмимни чўмурди,  
Эмас бу Дажлаву Жайхунға маҳсус.

Манга бемеҳр сенсен ҳам, фалак ҳам,

Бу иш бор ой ила гардунға маҳсус.

Навоий, оташин гул ғунчасидек  
Эрур қуймак сени дилхунға маҳсус.

## **ЗОД ҲАРФИНИНГ ЗАМИРОН БЎЙЛАРИНИНГ ЗИЁСИ «БАДОЕЪ»ДИН**

**276**

Файз тақвида чу нўқ бил ким эрур, эй муртоз,  
Мабдаи файз кўпу майкада пири файёз.

Ботину зоҳиринг аҳволини кўр ким қилмиш  
Зойиъ ул бирни хавотир, бу бирисин ағроз.

Пир нутқи кетарур ужбу риё бирла ҳасад,  
Исо ўлди чу муолиж, нетар этмай амроз.

Фард бўл динию уқбодин, агар васл керак,  
Истаган ёрни кавнайидин этсун эъроз.

Кирғовул қорда ёшунған кебидур айбларинг,  
Элга бас зоҳир, агарчи сен этарсен иғмоз.

Кўзунг оллида хатинг мушки чу кофур ўлди,  
Кўр ани, гар кўзунга кирмади эрса бу баёз.

Кимки иллаллоҳ ила кўнглига истар пайванд,  
Нафъи лосидурур элдин кесилурга миқроз.

Қилма кўнглунгни савол аҳли каду кажкули,  
Солма бир зарфқа юз навъ мухолиф ағроз.

Дўст ёди тирик асрар чу Навоий кўнглин  
Файр зикри била доим нега бўлғай ҳамроуз.

## 277

Баслиға жон истар ул ҳури малаксиймо эваз,  
Мунча билмаским, эмас юз жон анга асло эваз.

Ул парий побўсин айлар ваъда, ваҳқим, топмағум  
Бўлса юз минг жон мени девонаи шайдо эваз.

Жон лабиға бердиму еткурса басдур қатрае,  
Лаъли теккан майдин ул шўхи қадаҳ паймо эваз.

Тўбию кавсар санга, эй воизу бўлсун, манга  
Ул лаби гўё била ул қомати раъно эваз.

Риштаи динимни узди, лек басдур қилса лутф,  
Риштаи зунноридин ул маҳвashi тарсо эваз.

Фофил ўлма ёрдинким, бир нафаслик ёдиға,  
Солик оллинда эмас дунёю моғихо эваз.

Йўлида ўлсанг, Навоий, еткура олур санга  
Юз туман жон рахши гардидин бизинг мирзо эваз.

## 278

Қилған эрмиш нотавон сарвиравонимни мараз,  
Зор ўларменким, қилибтур зор жонимни мараз.

Чу топар озор жононим мараздин, йўқ ажаб,  
Айласа озурда жони нотавонимни мараз.

Гар маразнинг лозими дард ўлди, билмон, эй кўнгул,

Дардманд этгайму, оё дилситонимни мараз.

Садқаси айланг мени мардудни, эй дўстлар  
Ким, заиф этмиш улустин тонлағонимни мараз.

Дардлиғ кўнглум ҳалокин истарамким кўйида,  
Йикмиш ул овораи бехонумонимни мараз.

Юз туман мендек куҳан пир ўлса анинг садқаси,  
Қилмасун озурда, ё раб, навжувонимни мараз.

То мариз ўлмиш нигорим — қон тўкар гирён кўзум,  
Эй Навоий, дей олурмен — тўкти қонимни мараз.

## 279

Эй, қуёш васфин демактин, моҳи рухсоринг ғараз,  
Оби ҳайвон зикридин лаъли шакарборинг ғараз.

Улки, дебтурлар бадан бўстонида руҳу равон,  
Аҳли маъни оллида қад бирла рафторинг ғараз.

Жилвагар кавсар зулолида қуёшнинг ламъаси,  
Кўзгу ичра чеҳра аксидин намудоринг ғараз.

Сайл мавжидин рақиби хона пардозинг мурод,  
Абр сайридин саманди барқирдоринг ғараз.

Эй кўнгул, Фарҳод тоғи бирла метин захмидин  
Дарду меҳнат шиддатидин жисми афгоринг ғараз.

Ул қуёшқа, эй фалак, ҳар заррани зор этмакинг,  
Зарраи мақсад йўқ жуз бизга озоринг ғараз.

Эй Навоий, умр бобида вафосизлиқ сўзи  
Ким, бўлур мазкур, эрур ўши жафокоринг ғараз.

## ТЕ ҲАРФИНИНГ ТАННОЗЛАРИНИНГ ТАРОВАТИ «БАДОЕЙ»ДИН

**280**

Дайр пири хидматида қилса ҳар хаммор шарт,  
Ким белин руст айлагай, аввал эрур зуннор шарт.

Шарт қилдимким, вафосизларни эмди севмайин,  
Ишқ зўр эткач vale ботил бўлур бисёр шарт.

Тавба қилмоқ истар эрсанг, қилма даъво ошкор,  
Тенгрига топшур ўзунгни, қилмағил изҳор шарт.

Ишқни жабборлар фаҳм айламаслар, негаким,  
Бордур анда жон решу хотири афгор шарт.

Бўлмағил озурдаву озурда қилма кимсани,  
Фақр ойинида невчунким эмас озор шарт.

Шарт ила даъво фано ичра эмас шарти адаб,  
Беадаблиғдиндур, этса шайхи даъвивор шарт.

Солик эрсанг, ишга машғул ўл, vale дам урмағил,  
Ким, бу йўлда шарт эрур кирдор, эмас гуфтор шарт.

Истар эрсанг тенгрини, бутларни синдурким, эрур  
Ушбу йўлда динию уқбодин истиғфор шарт.

Эй Навоий, чархдин жуз эгрилик кўз тутмаким,  
Хожат эрмас қилмоқ ани чархи кашрафтор шарт.

## 281

Гул уза анбар ёйилди, зохир эткач ёр хат,  
Орази гулнор уза ким кўрди анбарбор хат.

Хаттини кўрдик лаб узра, гар зумуррат хат киши  
Кўрмади лаъл узра ё шингарф уза зангор хат.

Демаким, хат ёзмадинг ҳажримдаким, элтур киши  
Йўқтурур, лекин ётур хужрамда юз тумор хат.

Ул парий қасрида хомам нўгидин, ох, ўқ келур,  
Оҳ ўқи бирла ёзар ҳолатда мажнуунвор хат.

Қонима ҳижрон агар хат олмамиш, не важҳдин  
Ашки гулгундин аён қилмиш сариф руҳсор хат.

Ул қуёштин айру сариф чехрам устурлобдек,  
Кўргузур тирноғ ила беҳад рақам, бисёр хат.

Жоми Жам даврида шавкат аҳлининг тарихидур  
Ким, аён айлабтуур ул соғари заркор хат.

Даври гардун сайридин тузлук таваққуъ қилмаким,  
Мумкин эрмас мустақим этмак рақам паргор хат.

Ёр хаттидин Навоий хаста кўнгли заъф этар,  
Заъфқа мујиб бўлур, чун кўп ўқур бемор хат.

## 282

Хат чиқардинг, қилма ҳусну ноз аро эмди ғалат  
Ким, яна бедод қилман деб юзунг кўргузди хат.

Кўйки, мовий ёғлиғингни юздин олмай бир замон,

[www.ziyouz.com](http://www.ziyouz.com) kutubxonasi

Не учунким, хуш кўрунур зарварақ узра шамат.

Боқмади ҳолимға айни ноздин усрук кўзунг,  
Нечаким оллинда ёлбордим, боқардим ҳар намат.

Хомадек гарчи қурубмен қатл учун шақ қилғали,  
Кўксум ул шўх истамайдур тифким, истар миқат.

Асру беандом эрур тўбию шамшод асру паст,  
Қоматингдур муътадил, мен толиби ҳадди васат.

Шоми ҳижримға агар йўқ субҳ, хуштур интиқом  
Ким, фалак бўлди фироқим тоғи оллинда сақат.

Эй Навоий, ул паридин одамилиғ кўрмадинг,  
Улки соғиндинг парини одами қилдинг ғалат.

## 283

Юзу лаълингдин топар ҳар лаҳза кўнглум инбисот,  
Уйлаким, хотирға юзлангай гулу мулдин нишот.

Оразингни ой десам йўқ айб, чун кўргузмадинг,  
Эй қуёш, чехрангни очким, яхши айлай эҳтиёт.

Айласам зоҳир анинг меҳрин маҳалли рашқ эмас,  
Зарраға не бўлғуси хуршид бирла ихтилот.

Дилбаро, базминг бисоти нотавон ушшоқдин  
Чун тўлубтур, ғофил ўлмаким, эмас холи бисот.

Ҳажрдин етмак висол ичра не мумкин сабрсиз  
Ким, тамуғднн ўтти учмоғ сари қатъ этмай сирот.

Боғлама кўнглунгни бу манзилға, невчунким, эрур

Бир янги меҳмон ери ҳар лаҳза бу эски работ.

Эй Навоий, даҳр аро не келса, бўлғил мунбасит,  
Гарчи лаззатсиз бўлур куч бирла қилмоқ инбисот.

## **ЗЕ ҲАРФИНИНГ ЗАРИФЛАРИНИНГ ЗУҲУРИ «БАДОЕЪ»ДИН**

### **284**

Уйла қилдим дафтари ишқингда ҳар дастонни ҳифз  
Ким, қилур атфол сурा-сурай қуръонни ҳифз.

Телбалиқдин гарчи йўқтур хотиридамда ҳеч ҳарф,  
Лек бас хўб этмишам афсонай ҳижронни ҳифз.

Оразу кўюнгни васф айларни қилған орзу,  
Айламак авло баҳористон билан бўстонни ҳифз.

Юз балоға учраса жоним ғамидин, ғам емон,  
Ҳар балиятдин керак ҳақ айласа жононни ҳифз.

Ёр дерлар айламиш кулбамға келмак ихтиёр,  
Ваҳки, айлай олмоғум беихтиёр афғонни ҳифз.

Шоми зулфи қайдиу меҳри узорин кўргали  
Айламишмен сурай валлайлу вал-раҳмонни ҳифз.

Эй Навоий, ишқ атворини ҳифз айлай деган,  
Барча ишни тарқ этиб, қилсун бизинг девонни ҳифз.

### **285**

Эй, ўлукни тиргузур чоғда суруб дурбор лафз,  
Дам-бадам зоҳир қилиб лутфунг Масиҳ осор лафз,

Қаддинг ул нахлики, бори гавҳари алфоз эрур,  
Оллоҳ-Оллоҳ, не қад раънову гавҳарбор лафз.

Лаъли ҳар лафзида маъни кўптуур, йўқ тифлдек,  
Бир адое маъни айларда дегай бисёр лафз.

Оразинг васфида кўп сўрсам қуёш лафzin, не тонг,  
Ажз эса маъни адосида топар такрор лафз.

Ҳажр аро андоқ топибдур ноладин бўғзум хирош  
Ким, бўлур дарди дилим айтур замон афгор лафз.

Бемалоҳат хўбким дебо киёр бор уйлаким,  
Маъни ўлғай чошнисизлик анга паргор лафз.

Эй Навоий, кўнглунгга берсанг сафо, ёр оллида  
Фош ўлур сирринг, не ҳожат айламак изҳор лафз.

## 286

Тонг эмастур, тоби ишқингдин кўнгул гар топса ҳаз,  
Не ажаб, ўт шуъласи бирла самандар топса ҳаз.

Хаста кўнглум бир лабинг қандидин, эй оби ҳаёт,  
Топти ҳаз, шарбат ичиб нетти мукаррар топса ҳаз.

Жоми лаълингдин кўнгул маҳзуз бўлди, вах, не тонг,  
Тушса махмур илгига бу навъ соғар, топса ҳаз.

Тун-кун ул бебок май ичкандин ар ғамгин эсам,  
Бок йўқ, майдин керакким ул ситамгар топса ҳаз.

Мен ютуб қон йиғларам, лаълинг ичиб соғар кулар,  
Тенг қадаҳ ичкан керак эрди баробар топса ҳаз.

Ишқи комил кўрки, юз минг зуҳд бирла бодадин,  
Гўйиё мен ҳаз топармен, ул саманбар топса ҳаз.

Не ажаб, ахли хирад хушдил Навоий назмидин,  
Жавҳари топқанд, тонг йўқ, яхши гавҳар топса ҳаз.

## 287

Кўнгулки ишқини жон ичра айлади маҳфуз,  
Гуҳарни нақди ниҳон ичра айлади маҳфуз.

Кўнгулки кўйида эрди ғариф, дарду ғамин  
Не бас, ғарифи макон ичра айлади маҳфуз.

Начукки руҳу равон тандадур ниҳон, ишқин  
Кўрингки, руҳу равон ичра айлади маҳфуз.

Юзию оғзида асраб қўнгул била жонни,  
Яқинда доғи гумон ичра айлади маҳфуз.

Ёшурди доғини қонлиғ қўнгулда, ваҳ, кўрким,  
Тугонни лоласитон ичра айлади маҳфуз.

Лабида асрари жонимни, ишқи жон фарсой  
Курутти қонину қон ичра айлади маҳфуз.

Навоий ўлди фифондин, бу турфароқки, анинг  
Чу жонин олди, фифон ичра айлади маҳфуз.

## АЙН ҲАРФИНИНГ ИЁРЛАРИНИНГ АЛОМАТИ «БАДОЕЪ»ДИН

## 288

Ҳақдин азизлиқ тиласанг, элдин уз тамаъ,  
Ким халқнинг ааззи деди азза манқанаъ.

Мазмумдур қаноатидин қонеъ этса фахр,  
Томеъ хисолидин киши не айлагай тамаъ.

Ким тўъма топмас эткали ифтору рўзадур,  
Эрмас вараъ бир очқа ғизо базлидур вараъ.

Мотам ўзунгга тутки, ўларсен гуноҳ ила,  
Бе журм тифлинг ўлганига недурур жазаъ.

Бир дардманд кўнглида кўрсанг важаъ, анга  
Гар кўнглинг оғримас, ул эмас, будурур важаъ.

Нафс ўлса тобиъинг кишисен, йўқса бўлмағунг  
Ҳаргиз киши, бўлуб санга юз минг киши табаъ.

Қоққил, Навоий, ушбу эшикни лажож ила  
Ким, событ ўлди фақрда мазмуни манқанаъ.

## 289

Улки, айлармен ғами ҳажринда жон бирлан видоъ,  
Қош жондек айласа бу нотавон бирлан видоъ.

Гар жаҳону жон ила қилмоқ видоъ осон эрур,  
Лек бас мушкулдур ул жону жаҳон бирлан видоъ.

Гар видоъ этсам замону юз минг ошуви била,  
Найлаб эткаймен ул ошуви замон бирлан видоъ.

Хонумонимға видоъ эттим ғамидин, вах, анга  
Ким, дей олғайким, қил ул бехонумон бирлан видоъ.

Мен ўлуб ул яхшилар султонининг хижронида,  
Ул топиб жон айлаганда мен ёмон бирлан видоъ.

Айладим кўп меҳрибон бирла видою ўлмадим,  
Вах, ўлармен, қилсам ул номеҳрибон бирлан видоъ.

Даҳр бўстонига мағрур ўлма кўп, эй боғбон,  
Охир эткунг, чун гулу сарви равон бирлан видоъ.

Гар видоъинг вақти ўлсам бориб ўздин, не ажаб  
Ким, эрур кўп саъб сендеқ дилситон бирлан видоъ.

Эй Навоий, хайрбоди вақти хилват истаким,  
Айлагунг ошубу фарёду фифон бирлан видоъ.

## 290

Қилур қайғу қўнглумга ул нозанин жамъ,  
Жароҳатқа андоқки бўлғай чибин жамъ.

Лабингда ҳаловат бўлур муфрит андоқ  
Ки, гул яфроғида бўлур ангубин жамъ.

Йиғар қатл учун элни ул коғир, аммо  
Дуосиға анинг бўлур аҳли дин жамъ.

Иши дашт уза ғайри расволиғ эрмас,  
Неча бўлса кўюнгда хилватнишин жамъ.

Танингча эмас, кўнглакинг ичра қилса  
Киши ҳулла ичра гулу ёсмин жамъ.

Юзинг даврида зулфу машшоталар кўр  
Ки, гул хирманида эрур хўшачин жамъ.

Гирифторлар уйладур зулфунг ичра  
Ки, ҳижрон туни бўлса хайли ҳазин жамъ.

Сўзунг номабарқуш йиғар айлагандек  
Наби нуктасин Жабраили амин жамъ.

Навоий хаёли не махзанки, йўқтур  
Басе баҳр аро онча дурри самин жамъ.

## 291

Минг жавр ила биравки қилур ишқдин ружуъ,  
Қилмоқ ружуъдур иш аро қилмайин шуруъ.

Берганда пири дайр май илгимга деб эди,  
Оллимға ҳар не муғбачалардин топар вуқуъ.

Қутқарғай эрди куфрдин ўлса ҳақ оллида,  
Бут саждасида мунчаки мен айладим хушуъ.

Ишқ эрмиш асли илм фано дарсгоҳида,  
Ахли усул ҳар неки дер сар-басар фуруъ.

Айлар хумор шомида юз тийралиши дафъ,  
Соғар қуёши қилди чу кўп чархидин тулувъ.

Ишқ ичра сурхрў бўла олманг, чу сепмасанг  
Рұксори заъфарони уза лолагун думуъ.

Гар ишқдин ружуъ Навоий қилур эди,  
Эмди ружуъ қилғанидин айлади ружуъ.

## 292

Ул парий ҳар дам қилур мажнуналарин шод ўзга навъ,  
Лек этар мен телбага ҳар лаҳза бедод ўзга вавъ.

Ёрни мен кўрмай ўлдум, ул кўруб ҳам ўлмади,  
Ишқ аро мен бормен ўзга навъу Фарҳод ўзга навъ.

Зикр этар базм ичра лутфу меҳр ила ошиқларин,  
Лек мен бадрўз расвони қилур ёд ўзга навъ.

Ишқ аро ўзни манга ўхшатма, эй булбулки, бор  
Лаҳну оҳанг ўзга навъу оху фарёд ўзга навъ.

Шайху талқини риёким, солики дайри фано  
Бизга қилмиш дарду ишқ ойинин иршод ўзга навъ.

Сиз чекинг нўши висол, эй аҳли айшу нозким,  
Биз бўлуббиз заҳри ҳажр ичмакка мутьод ўзга навъ.

Кўнглидек сўрма Навоийники, қилмағлиғ эрур  
Кушни озод ўзга навъу қулни озод ўзга навъ.

## 293

Ул қуёштин топти бу ақшом бизинг кошона шамъ,  
Қилмасун бу уйни дудидин қоронғу ёна шамъ.

Банд аёғида лагандин, бошида соч дудидин,  
Ул парий ҳажринда мендекдур магар девона шамъ.

Йўл шабистон ичра топмас, ҳар кеча келтурмаса,  
Ул қуёш девони хуснидин неча парвона шамъ.

Иста гоҳи бизни доғи, эй маҳи хиргаҳнишин  
Ким, бўлур фонус аро парвонаға ҳамхона шамъ.

Нола қилмас тил чекибким, уйқу истаб ёрға,  
Саргузаштидин кеча дер гўйиё афсона шамъ.

Нетти бир кун ёруса сендин йиқилған кулбамиз,  
Чун топар ой партавидин доимо вайрона шамъ.

Тонг эмастур, ҳар бири гар бўлса дурри шабчароғ,  
Оразинг ҳажрида тўқса ашқидин ҳар дона шамъ.

Бу шабистон ичра келди фарқиға тиғ узра тиғ,  
Боши узра чунки қўйди тожи зар шоҳона шамъ.

Эй Навоий, ўртагил жону кўнгул парвонасин  
Ким, бу ақшом оразидин айлади жонона шамъ.

## 294

Истамассен хотири ушшоқи ҳайронингни жамъ,  
Йўқса невчун қилмадинг зулфи паришонингни жамъ.

Ишқинг ўтиға кўнгул ичра дедим таскин берай,  
Буки қилдим зор жисмим ичра пайконингни жамъ.

Асрамоққа ер ики кўздин муносиб топмадим,  
Оритиб юзники, қилдим гарди майдонингни жамъ.

Яхши эрди, эй кўнгул, қатлинг худ анинг тифидин,  
Итларига берсалар кош, айлабон қонингни жамъ.

Ул парий мажнуналариға садъяқ ўлғай, эй қуёш,  
Чунки қилсанг зарраи беҳадду поёнингни жамъ.

Гар табассум вақтида кўрсанг лабин, эй боғбон,  
Елга бергайсен, қилиб гулбарги хандонингни жамъ.

Эй Навоий, назминг эл қўнглин паришон айлади,  
Қилдинг эл қўнгли учун гўёки девонингни жамъ.

## ҒАЙН ҲАРФИНИНГ ФАЗОЛАЛАРИНИНГ ФАВГОСИ «БАДОЕЪ»ДИН

### 295

Ул ой равшан қилур қўзларни меҳри ховари янглиғ,  
Нетиб девона бўлмайким, қочар мендин парий янглиғ.

Саодатлиғ биравким, ғам туни нахсияти дафъин  
Қилурға чиқса оллидин жамолинг Муштарий янглиғ.

Нечук такорида то субҳ булбулдек наво чекмай,  
Юзунгким, сабзаи хатдин эрур гул дафтари янглиғ.

Жабинингдурмуким, икки муамбар тоқи кенидин  
Чиқибдур ярими субҳи саодат ахтари янглиғ.

Не янглиғ турфа қушсен, ваҳки, товусу тазарв эрмас  
Жамолингча, начук жилвангни дей кабки дари янглиғ.

Ул ўтлуғ чехра давринда муанбар зулф эрур ҳар ён,  
Тажалли барқидин куйган малойик шахпари янглиғ.

Хушо, дайри фаноким, муғбача атрофидин чиққай,  
Қилурға нақди дин торож Хайбар кофири янглиғ.

Киши ҳижронда ўлман васл отин тутмоқ эрур андоқ  
Ки, ғофил равза туш кўргай риё танпарвари янглиғ.

Навоий, айш учун дайру риёзат чеккали Каъба  
Гар истарсен, бу икки ишга йўқтур ер Ҳири янглиғ.

## 296

Келди ёру бўлмас оллинда муюссар фошлиғ,  
Ул қуёштин топтуқ охир мансаби хуффошлиғ.

Англамас булбул ичим пайконларинким, гул эмас,  
Новакосо тез мужгонлиғ, муқаввас қошлиғ.

Кўздор ул тифл ўрнию истар югурмак ашқ ила,  
Гўйиёқим бор анга боис, бу ишга ёшлиғ.

Ишқ даштида ёғар оворалар бошиға тош,  
Бу жиҳатдин бўлмиш ул сахро ҳамоно тошлиғ.

Оразинг нақшида Чин сувратгари бўлди забун,  
Чин будурким, килки сунъ этмиш ани наққошлиғ.

Шўх майнўшимға Қорун ганжи тўксам қадри йўқ,  
Бизни майхона гадойи қилди ул қаллошлиғ.

Бошларидин кечтилар ишқ аҳли ҳижрон даштида,  
Вомиқу Фарҳод ила Мажнун Навоий бошлиғ.

## 297

Ярақондин манга гар бор эса рухсор сариф,  
Турфа кўнгилки, эрур дийдаи хунбор сариф.

Кўзки, қон ёш оқибон бўлмаса сарифлиғи дафъ,  
Ранги гўёки сариф лола кеби бор сариф.

Хилъатин дема сариф рангки, рухсору кўзум  
Айлади ойинагун тўнида изҳор сариф.

Ярақон дафъи сариф жинс қилур, турфа кўрунг

Ким, бўлур тегса юзум тўниға бисёр сариғ.

Ўзга суфрат манга юз қўйди, йўқ эрса тонг эмас,  
Заъфарон рангича ўн бор эса бемор сариғ.

Мен кеби субху қуёш ошиқинг ўлмиш, негаким  
Сидқу меҳр аҳли юзи қилди намудор сариғ.

Хас кеби бўлса Навоийға сариғ юз, кулма,  
Кўргузур гулни доғи боғда гулзор сариғ.

## 298

Онча ёр алтофидин ҳар кун етар шармандалиғ  
Ким, эрур кам, ҳар бирига юз йил этсам бандалиғ.

Ҳам жунун, ҳам хасталиғ кўюнгда чун ниқти мени,  
Сарбаланд ўлмоқдин ортуқдур манга афкандалиғ.

Зулмунг идбори аро туфроғ ила тонг бўлғаним  
Яхшироқким, ўзгаларнинг лутфидин фархундалиғ.

Қадду оғзинг ҳажрида гулшанға майл этмонки, йўқ  
Сарв дилкаш жилвалиғ ё ғунча шаккархандалиғ.

Не фаришта покликда ҳуснунга келди шабих,  
Не парийға одамилиғда санга монандалиғ.

Ишқ қўйининг гадойименким, анда тенгдуур  
Шоҳ эса зарбафтлиғ ё сойил ўлса жандалиғ.

Дема менсиз ўлмадинг, васлимда кўп ер ўпмагил  
Ким, қуий солмиш Навоий бошин — ул шармандалиғ.

## 299

Бил ани дайрда масти мудом мен янглиғ  
Ки, май гадолиғ этар субху шом мен янглиғ.

Биравни ринди харобот англаким, бўлғай  
Бир илгига кадую бирда жом мен янглиғ.

Анга ҳалол маю ишқ дайр аро билким,  
Ўзига зуҳдни қилмиш ҳаром мен янглиғ.

Банақди жаннат аро нўш этар майи кавсар,  
Ангаки, майқада бўлмиш мақом мен янглиғ.

Ҳаёт софини нокомдин бирав ичкай  
Ки, дайр дурди била топса ком мен янглиғ.

Абири жаннат исин айламас писанд улким,  
Муаттар айласа майдин машом мен янглиғ.

Ёмон эмас эди Мажнунда ишқ таври валек  
Сумурса май бўлур эрди тамом, мен янглиғ.

Биравки жон бериб, элдин вафо тамаъ тутти,  
Пишурди кўнглида савдои хом мен янглиғ.

Навоий ўзлукидин тинди, улки дайр ичра  
Ушатти шишаи номусу ном мен янглиғ.

## 300

Шўхи чароғчи ёқибон ҳуснидин чароғ,  
Машъал фатиласи била қўксумга қўйди доғ.

Базм аҳлин ўртамакка ёқар кеча зулм ўтин,  
Эл базмини ёрутғали эрмастур ул чароғ.

Кўнглумдуур фатила эмас машъал ичраким,  
Ул шўх ўт солиб, қуяр анинг ўтиға ёғ.

Бўлди қуруқ ёғоч кеби жисму бошимда ўт,  
То бўлғай анга машъаланинг харжидин фароғ.

Машъални кош тутмаса, ўтлуқ юзи етар,  
Гар сайд этарга қўйса шабистон сари аёғ.

Не тонг, кўзинки шамъи ҳидоят ёрутмаса,  
Хабт ўлған элга машъала дуди била димоғ.

Ушшоқ базми машъали бас оҳ шуъласи,  
Фам шоми қилма машъалачи ҳар сари сўроғ.

## 301

Кўзунгки, куфр ила юз динға солди вайронлиғ,  
Худой учун тий ани — йўқмудур мусулмонлиғ.

Қадингки жилва уза жилва кўргузур ҳар дам,  
Ажаб эмас манга ҳайронлиғ узра ҳайронлиғ.

Лабингни сўрсам, эмас тонгки, тўкти қонимни,  
Сўрарлар аники, бўлғай бирав била қонлиғ.

Демишсен ўлтурайин ишқ аҳлин айлаб жамъ,  
Магар билибсен алар ичра кўп паришонлиғ.

Не ҳукм айлар эсанг, айла ҳусн мулкидаким,  
Санга мусаллам эрур хўбларға султонлиғ.

Жунунни тарқ этибон оқил ўл, деди зоҳид,

Бўлур эмиш бани одамға мунча нодонлиғ.

Дединг, Навоий агар васл топса, ўлтурайин,  
Фироқинг ичра гумон айладинг ани жонлиғ.

## 302

Эй лабинг хосияти чашмаи ҳайвон янглиғ,  
Қуйию юқориги холи била жон янглиғ.

Аёғимнинг қалами заъфдин андоқки қалам,  
Қотақолған тери даврида қаламдон янглиғ.

Нуни танвин кеби хам ҳажрида нобуд таним,  
Доғи пинҳоним анга нуқтаи пинҳон янглиғ.

Қадди жавшан аро қўнглумда анингдекким ўқ,  
Чаркаси дулуға ул ўқ уза пайкон янглиғ.

Одам ўрниға парий ошиқи бўлдумким, ул  
Одамисизлиғ аро бўлмағай инсон янглиғ.

Юзи наззораси ҳайронлиғи ўлтурди мени,  
Бир назардин ким ўлубтур мени ҳайрон янглиғ.

Кўйма бу манзилу масканга қўнгулким зинҳор,  
Англа йўл ўткучидек ўзнию меҳмон янглиғ.

Жоҳнинг зебиғаким ҳусн тилаб, билдиқким,  
Зийнати келмади жоҳ аҳлиға эҳсон янглиғ.

Шайх дер ишқни тарқ эт, санга ақл ўргатайин,  
Эй Навоий, киши бўлғайму бу нодон янглиғ!

## ФЕ ҲАРФИНИНГ ФИТНАЛАРИНИНГ ФУСУНИ «БАДОЕЬ»ДИН

### 303

Дашти фаноки мўрча йўқ шерларга саф,  
Гарчи маҳуф йўлдуур, эт азму лотахаф.

Гар шердурки, мўрча йўқтур ҳисоб анга,  
Ким топмади кўзи бу ёбон гардидин шараф.

Ўзни кўнгул саҳифасидин маҳв қилмаған  
Топмас вуқуф нуктаи асрори манъараф.

Табъингға фақр нуктаси гар зода бўлмаса,  
Бўлған недур халифаи даврон санга халаф.

Гар сочса ул халифа сўзидин дури самин,  
Дур ҳар неча самин эса, бекадрдур садаф.

Баҳри фанода ғўта садафвор урмасанг,  
Сендин етишмагай дури мақсад ҳар тараф.

Соқий, хароби жоми хароботи ишқмен,  
Тутқил қадаҳ, муғаний этиб соз чангудаф.

То нашъа етса кўнглума ул бода завқидин,  
Ганжи хаёлдин сочайин ҳар тараф тухаф.

Шояд Навоий айлагай ул тухфалар била  
Тартиб назм манқабати шаххатун нажаф.

### 304

Ҳажрдин ҳар дам қилур бу хотири афгор хавф,

Зоҳир эткандек ўлумдин ҳар замон бемор хавф.

Эйки, коминг дўст васлидин эрур топмоқ ҳаёт,  
Қатл тифи сурса душман, қилмағил зинҳор хавф.

Васл бўстонида гар эмин эмасмен, эй рафиқ,  
Найлайинким, хори ҳижрондин ичимда бор хавф.

Ҳажр шомидур маҳуфу қотил, эй маҳваш, не тонг,  
Уйла муҳлиқ тийра тунда айласам изҳор хавф.

Нечаким дўзахдин ўлса хавф маҳшар аҳлиға,  
Менда ҳажринг шуъласидиндур юз ул миқдор хавф.

Солмай ўзлук нақдин ўздин тутмағил дашти фано  
Ким, оғир юклукка бу йўлда етар бисёр хавф.

Эй Навоий, ҳушунг ўлса, кўзларидин хавф эрур  
Ул сифатким, мастрлардин айлагай ҳушёр хавф.

## 305

Оҳким, кўнглум бузулди топмайин жонон вуқуф,  
Мулк вайрон бўлди, ҳосил қилмайин султон вуқуф.

Жонни комимдур адам кунжида пинҳон айламак,  
Оғзи рамзиғаки ҳосил қилмишам пинҳон вуқуф.

Васл аро ҳижрон ёшурди ишқ кўнглум қатлиға,  
Мезбок заҳр эзди суға, топмайин меҳмон вуқуф.

Телба кўнглум ғофил андинким улусқа васл эрур,  
Лайли этти айшу Мажнун топмади чандон вуқуф.

Оғзи рамзиға агар йўл топмадим, эрмас ажаб,  
Ғайб сирриға не тонг эл топмамақ осон вуқуф.

Ишқим аҳволиға мутлақ воқиф эрмастур хирад,  
Қайда топқай аҳли маъни ҳолидин нодон вуқуф.

Лаъли хушум зойил этти, топмади кўнглум хабар,  
Ваҳки, май аҳволидин усрукка не имкон вуқуф.

Васл уммиди бирла ҳажрин қилмиш эрдим ихтиёр,  
Қатлдин кўнглумга аввал бермади ҳижрон вуқуф.

Эй Навоий, буки даврондин юз офатдур санга,  
Эрмас эркин топмайин ул офати даврон вуқуф.

## 306

Ишқ тобидин ўлубмен мени бемор заиф,  
Тоб кўп кўрса анингдекки бўлур тор заиф.

Васлида эврулубон бошиға дерменки ўлай,  
Ваҳки, бўлмишмен аннинг ҳажрида бисёр заиф.

Заъф аро зорлиғ озурда қилур кўнглумни,  
Топар озор, бале, чунки бўлур зор заиф.

Хасталиғ тортса йиллар киши, маълум эрмас,  
Мен кеби кўргузга олғайму намудор заиф.

Бўлмиш ўн йилғи ўлуктин манга заъф афзунроқ,  
Ваҳки, жонлиқ киши ким кўрди бу миқдор заиф.

Заъфдин шайх қутулғунг деди, тарк этсанг ишқ,  
Пири дайр оллида бу қавли анинг бор заиф.

Заъф аро қилма Навоийға ситам, эй ойким,  
Буйла айлабтур ани чархи ситамкор заиф.

### 307

Қотил кўзунг атрофида мужгон чекибдур уйла саф  
Ким, қатл этар ҳангомада қилғай ҳужум эл ҳар тараф.

Ой, кун ато бирла ано, фарзанд сен бўлсанг не тонг  
Ким, сен саминдуурсен, валек ул икки андоқким садаф.

Ғам зулматида истаю лаъли лабинг ўлдум, валек  
Ҳайвон суйи топсам «е ғам, гар бўлса ҳам умрум талаф.

Васлингға муҳлик ҳажрдин дедим мушарраф бўлғамен,  
Лекин сенинг ишқинг аро ўлсам, эрур ул ҳам шараф.

Жон нақдини овучлабон келмиш эдим васлинг тилай,  
Муҳлик фироқ ул нақдни олди, уруб илгимга каф.

Гар бебасарлиқ айнидин наргис кўзунгдин лоф урар,  
Ахли назар англарким, ул ҳам кўр эрур, ҳам бад алаф.

Эй мутриби Зухражабин, бу нағмаким, чектинг ҳазин  
Камдур жаложил гар нужум ўлса, санга хуршид — даф.

Бўлмас ниқоб очсанг доғи чун ҳалли сирри лавкашаф,  
Толибға недур айламак таҳсили ганжи манъараф.

Ул новакафкан қилмаса кўксин Навоийнинг нишон,  
Тонг йўқ, чу айлабтур анга хуршидни гардун ҳадаф.

### 308

Гар танимда зохир ўлмиш доғи ҳижрон ҳар тараф,  
Жонда худ юз онча бордур доғи пинҳон ҳар тараф.

Ишқ саҳросида менмен сойир андоқким қуюн,  
Дема саргардон кезар Мажнуни ҳайрон ҳар тараф.

Кўйига пинҳон бориб, захмим не янглиғ ёшурай  
Ким, қаён борсам яралардин борур қон ҳар тараф.

Кўксум ичра тушти бир хори хасак, яъни кўнгул  
Токи андин чиққали бир нўги пайкон ҳар тараф.

Ҳиндуедур бул-ажаб бозигар ул кўз даврида,  
Ҳинд эли аҳли тамошо хайли мужгон ҳар тараф.

Тоза бўлсун ул баҳори хуснким, онсиз кўзум  
Дурфишон ўлмиш начукким абри найсон ҳар тараф.

Ҳар тараф майдон аро юз фитна тушти, раҳм этиб,  
Тавсанингни чопмағил қилғанда жавлон ҳар тараф.

Дайр ичинда нетти тиргузсанг мени, эй муғбача,  
Жоми даврингдин томар чун оби ҳайвон ҳар тараф.

Чун Навоийдек ҳавоий бўлдум ул ой ҳажридин,  
Не ажаб, елдек юз урсам, тортиб афғон ҳар тараф.

## ҚОФ ҲАРФИННИНГ КИЙМАТЛАРИНИНГ ҚИРОНИ «БАДОЕЪ»ДИН

309

Чарх дард аҳлиға ҳар дам ёғдуур гарди фироқ,

[www.ziyouz.com](http://www.ziyouz.com) kutubxonasi

230

Ўт равонроқим, хатарлиқдур, басе, бу эски тоқ.

Аждаредур ҳалқа урған пеша кавкаб холидин,  
Жуз ажал захрини ком андин топа олмас мазоқ.

Ҳазм этар фикрин ҳам этгил, фарз этай нонинг учун,  
Қилди чарх анжумни дона, ою кунни ёргучоқ.

Чарх бир эвдур, иши бўлмоқ анинг ҳар дам нигун,  
Тушмаган яхши иқомат мундоқ уйда иттифоқ.

Сунъ баҳридин ҳубобе англағил қўк гунбадин,  
Сиймгун гунбад деб ўлмас айламак ани висоқ.

Истасанг беш кун фароғат, гарчи кобин умр эрур,  
Даҳр золин тўрт мазҳаб бирла қилғил уч талоқ.

Эл нифоқин кўрмайин десанг, Навоий, фоний бўл,  
Чунки сен чиқсанг ародин, кимга қилғайлар нифоқ.

## 310

Ёр келса бас маҳалдурким, ичим қон этти шавқ,  
Сабру оромим бериб барбод, туғён этти шавқ.

Озу кўп ҳар не деди қосид висолинг муждасин,  
Сабрим озу изтиробимни фаровон этти шавқ.

Шавқ ҳижрондин батар ошуб солди кўнглума,  
Кўнглум ошубини қўйким, ғорати жон этти шавқ.

Не ажаб кечрак муюссар бўлса — ўлсам, эй рафиқ,  
Буйлаким, уммидвори васли жонон этти шавқ.

Ҳажр бўлсун ё висол уммиди чун муҳлиқдуур,

[www.ziyouz.com](http://www.ziyouz.com) kutubxonasi

Бас ҳаёту қатлини қўксумга яксон этти шавқ.

Гар жунунумнинг ҳаду поёни йўқтур, йўқ ажаб  
Ким кўнгул бехудлуғин беҳадду поён этти шавқ.

Эй Навоий, ҳажр зулмин ёд қилсан, қилма айб  
Ким, манга бедоди номақдуру имкон этти шавқ.

### 311

Ҳар кун ўткан кечадин ошуфта қўнглум зорроқ,  
Ҳар тун ўткан қундин ашқафшон қўзум хунборроқ.

Ўлмакимни қилғил осонроқ висолингдинки, бор  
Фурқатингдин лаҳза-лаҳза ҳолатим душворроқ.

Шиддати ҳолимдур андоқим, ажалдин жон эрур  
Ҳар неча бошимға ботроқ келса миннатдорроқ.

Ғам туни тулу саводин кўз била қўнглум билур  
Ким, алардин йўқ эди музтарроқу бедорроқ.

Ҳажр даштин сайли ашким онча қозди ҳар тараф  
Ким, бу сахро тоғлардин бўлди ноҳамворроқ.

Мен анинг ҳуснини кўрсам юз қуёш миқдорича,  
Заррадин мен оллида юз қатла бемиқдорроқ.

Неча лайливашроқ ул ой жилва кўргузди манга,  
Кўрди мен шайдони ҳам ишқида мажнунворроқ.

Каъба шайхию риёдур, дайр пирию фано,  
Эй Навоий, дема мундин ани файзосорроқ.

Дурдкашлар ичра мендин фориғи гар йўқ, не тонг,  
Чун харобот ичра йўқ мендин киши хумморроқ,

### 312

Эл дарди ёрдин кам ўлур, менда ёр йўқ,  
Кўнглумда юз туман ғаму бир ғамгусор йўқ.

Жон риштасини чирмадим ўқунгға, войким,  
Тифинг бағирни ёрдию тикмакка тор йўқ.

Деманг ғамида йиғлама кўп ихтиёrsиз,  
Беихтиёрлиқда манга ихтиёр йўқ.

Тутса қарор бир нафас олимда, вах, не суд  
Ким, ул нафас рамида кўнгулга қарор йўқ.

Десамки, тарки ишқинг этай бутма, эй парий  
Ким, телбалар ҳадисиға кўп эътибор йўқ.

Чиқ рўзгор аҳлидин осойиш истасанг  
Ким, мунда ғайри тафриқаи рўзгор йўқ.

Ўзни Навоий айлама усрук бу базм аро  
Ким, дахр айши бодасида жуз хумор йўқ.

### 313

Ўқларингдинким кўзум ҳам равшан ўлмиш, ҳам очуқ,  
Машъаледурким, бўлубтур кавламоқ бирла ёруқ.

Эйки, бўйнумға ёзуқ деб қатл тиғин сурмадинг,  
Сен не қилсанг қил, менинг бўйнумға бўлсун ул ёзуқ.

Манглайимдин келтуурмэн кўзга саждам гардини,

Кўрган ул бутни гумон айларки, айлармен тобуқ.

Даъвои меҳримга мендин икки тонуқ истама,  
Халқдин чун ёшурубмен, йўқ манга жуз бир тонуқ.

Гармрав ашку совуғ оҳ эттилар ожиз мени,  
Ваҳки, ишқингдин юзумга келди қўп иссиқ-совуқ.

Эйки, азм эттинг ҳарам матлуб ҳамраҳдур санга,  
Сен йироқсен андин, аммо ул санга беҳад ёвуқ.

Дайрға кирди Навоий куфри не пинҳон, не фош,  
Тавба чун синди — ичарга не суроҳи, не ётуқ.

### 314

Эй, жамолу нозу ишванг бир-биридан хўброк,  
Қоматинг марғубу андин пайкаринг марғуброқ.

Менда бўлса минг ҳунар, чун ёрнинг мардудимен,  
Оlam аҳли ичра йўқ мендин киши маъюброқ.

Ишқ аро Фарҳоду Мажнун доғи бехуд эрдилар,  
Кимса мендин ғолибо бу ишда йўқ мағлуброқ.

Ҳар не қилсанг, нотавон кўнглум севар жондин сени,  
Ҳақ яратмайдур экан сендин киши маҳбуброқ.

Толиб эрсанг қатлима, жоно, санга жоним фидо,  
Не санга матлуброқ, улдур манга матлуброқ.

Ким тилар дайри фано азмини услуб айлаган,  
Ўзлукидин иш керакмас кўнглига маслуброқ.

Гар Навоий бор эди мақбулунг, эткил раҳмким,  
Андим эмди йўқтурур ушшоқ аро манкуброқ,

### 315

Мени айлаптуур бир қотили паймоншикан ошиқ  
Ки, тифи зулмидин ўлмиш менингдек юз туман ошиқ

Сўрарким, ошиқим сенму, муқир бўлсам, ҳалок айлар,  
Эрур бу турфаким, ёлғон дейолмонким, эман ошиқ.

Агар ишқ этти вайрон хонумоним, бок эмас, невчун  
Ки, чун азми фано кўйигадур, найлар ватан ошиқ.

Гар ўлсам ишқ тоғи тифи захмидин яланг, ғам йўқ  
Ки, бас ҳам лолалардин айласа қонлиғ кафан ошиқ.

Қозиб ғам тоғи тош остида ўлмак не эди мендек,  
Гар эрмас эрди бир Ширин санамға Кўҳкан ошиқ.

Висол имкон эмас то бўлса ўзлуктин саримёе,  
Бас ўлғай фарзким, қилғай фано таврини фан ошиқ.

Навоий, шодсенким, ўлтурур ушшоқин, аммо кўр  
Ки, сендекларни дерму боре ул сийминбадан ошиқ.

### 316

Солур диним уйига кофире ҳар лаҳза вайронлиқ,  
Мусулмонлар, бу шаҳр ичра магар йўқтур мусулмонлиқ.

Жамоли жилва қилғач, найлаб идрок айлайн ҳуснин,  
Чу ҳайронлиқ уза ортар манга ҳар лаҳза ҳайронлиқ.

Лаби лаълинг эрур оғишта қонимдин, ажаб эрмас,

Ани тутсамким, ул майхорадур бу дам манга қонлиқ.

Кўнгул то айлади зулфунг саводи аъзамин маскан,  
Қорариб рўзгори, кўрди юз турлук паришонлиқ.

Ёшурдум доғи ишқинг, ҳажр ўти жисмимни куйдурди,  
Кўнгулни доғи чок эт, қолмади чун анда пинҳонлиқ.

Лабингдур жоми Жамшиду юзунг миръоти Искандар,  
Мусалламдур санга ҳусну жамол аҳлиға сultonлиқ.

Агар йўқ одамилик мендаю ёримда, тонг эрмас  
Ки, мажнунда кишилик ё парида бўлмас инсонлиқ.

Жаҳон базмида меҳмонсен, ики-уч соғар ичкач, қўп  
Ки, мунжар бўлмағай ногаҳ малолатқа бу меҳмонлиқ.

Бори душворлиқларни ўзунгга айласанг осон,  
Бори душворлиқлар доғи бўлғай шояд осонлиқ.

Кел, эй соқий, мени бир жом ила қил масти лояқил  
Ки, даҳр ичра эрур ғофил тирилмак маҳзи нодонлиқ.

Навой, чунки муғ дайрида тутти муғбача соғар,  
Ичиб май, кофири ишқ ўлмасанг, кўргунг пушаймонлиқ.

### 317

Боғ ичра санга сочти гул оқу қизил яфроқ,  
Шаҳ бошиға андоқким эл оқу қизил ёрмоқ.

Не ёрлиғ ўлғайким, ҳар кеча тонг отқунча  
Сен айш ила уйқуда, мен ранж била уйғоқ.

Кўз мардуми қўюнгнинг гардин тилабон борди,

[www.ziyouz.com](http://www.ziyouz.com) kutubxonasi

Қоники оқар, ани қон тортти ё туфроқ.

Кўргач ани ҳайратдин илгимники тишлабмен,  
Бармоққа ботибтур тиш, тилни кесибон тирноқ.

Жон нақдин ажал бирла ҳажринг ики бўлмишлар,  
Андоқки, топиб суде айирғай икки ўртоқ.

Кўюнг керак, учмоқ йўқким, учмоқу қўюнгда,  
Ул навъ тафовутдурким, томуғ ила учмоқ.

Ҳам даҳр бақосиздур, ҳам умр вафосиздур,  
Хуштур нафасе ўзи аҳбоб ила хуш тутмоқ.

Етмаклик эрур мушкил мақсадға, нединким бор  
Кўз хираву тун тийра, от оқсоғу йўл буртоқ.

Дебсенки, Навоийни келгум доғи ўлтургум,  
Ул ўлди бу ҳасратдин, кел тенгри учун ботроқ.

### 318

Бинафшанинг нега бўлмиш димоғи мунча улуқ  
Ки, ул сенинг хатинса ҳиндуйидур майруқ.

Малоҳат оғзинга гар писта сотса ким олсун  
Ки, борғусидуру шўра пушту оғзи очуқ.

Қадинг қошинда нечук сарф ўзин дегай озод  
Ки, сабз ранг қулингдур, анинг аёғи ёруқ.

Эрур чаманда юзунгнинг гадойи оқ гулким,  
Кўрунди барча ямоғлиқ чапони узра момуқ.

Танингға маскаву қаддингға нахл ўхшашмас

Ки, будур асру семиз, лек улдур асру оруқ.

Сенabraш узра vale гул ёғоч уза даста,  
Йўл ўз аёғи била борғай, улки минди суруқ.

Хироми лофида ҳар мокиённи дейки не ер,  
Не навъ жилвагар ўлғай тазарв бирла товуқ.

Май ичсанг ўлмағил оқсумки, пири дайр деди  
Ки, бу иш ўлди бизинг дайр аро камина ёзуқ.

Хуш улки, базмда онлар тепарда арғуштак,  
Шаҳ анда тамбура чолиб, Навоий деса қўшуқ.

### 319

Солса партав том уза чиққанда рухсори очуқ,  
Бир қуёшдур, тушса ҳар уй ичра тунглукдин ёруқ.

Совуғ оҳеким чекармен, гарм ўлур оқмоққа ашк,  
Чашмаларда су бўлур иссиғ, ҳаво бўлғач совуқ.

Тенгри оллинда тонуқдемаки ўткар кимсани,  
Менча севмассен, бу ишга худ эрур тенгри тонуқ.

Лабларингким учук тутмиш ҳамул ҳайъат била,  
Оғзинг андоқ ғунчадурким, тушмамиш андин қобуқ.

Доғ ўртарга чапоним ичу тоши қолмади,  
Боғладим марҳам чапондин, қолди гар эски момуқ.

Гар ёзуқсиз ўлтуурурсен, ғам емон, лекин ғамим  
Мунчадурким, бўлмағай ногаҳ санга андин ёзуқ.

Ёр дилхоҳин чу топтинг, тенгдуур васлу фироқ,

[www.ziyouz.com](http://www.ziyouz.com) kutubxonasi

Ҳақ ризосин чунки қозғандинг, не учмоқ, не томуқ.

Соқиё, май тутқали қўпмоқ басе таклиф эрур,  
Қўй тақаллуғни ўз, лекин манга ўлтур ёвуқ.

Зъфи кўплуктин Навоийнинг кам ўлмас ноласи,  
Не муноғидур фифон булбулға бўлмоғлиқ оруқ.

## 320

Кўнглум бўлур ғаминг туни ҳар лаҳза қайғулук,  
Чун шом бўлди, ҳар нафас ортар қоронғулук.

Ул кўзки олам аҳлидин олмишдур уйқуни,  
Бахтим кеби, не айб, агар бўлса уйқулук.

Сабру қарору ҳушни олмоғлиғинг недур,  
Эй жонлар оғати, санга жонимдур оғулук.

Дашти фироқ ичра тирик йўқ чу ваҳшу тайр,  
Гўё ели самуму гиёҳидур оғулук.

Муғ кўйи азмидин мени манъ этма, эй рафик,  
Бу йўл эрур чу аҳли маломатқа борғулук.

Андин фалакни илмас экан кўзгу пири дайр  
Ким, бу эрур ҳақири жаноби анинг улук.

То ғамдадур Навоий, анга даҳр тийрадур,  
Шод англамас улусни, бирав бўлса қайғулук.

## 321

Ҳар кишиким ғайри ишқинг ҳарфи ёзғай бир варақ,  
Илгини айлаб қалам, бошин қаламдек айла шақ.

Парда ёпқач юзга, тутти қон ёшим оғоқни,  
Мехр уёққанда, уфуқ сари ёйилғандек шафақ.

Гўйиё хуршид ҳар сари югуртур кавкабе,  
Чунки суръат вақти ул юздин томар ҳар ён арақ.

Ваҳки, ашким жоласидин топти оғат бир неча,  
Сабр тухмин мазраъи жон ичраким қилдим насақ.

Бир-бир устида қўюбмен фурқатингдин неча доғ  
Ишқ хони ичра қўйғандек табақ узра табақ.

Нўш этармен бода то лаълинг хаёли бирла мен  
Қон ютармен, токи бўлғай танда жонимдин рамақ,

Шайх кавсар шарбати — мен талх май мадҳин дедим,  
Очиғи келса не тонг, невчунки оччиғ келди ҳақ.

Бода васфин дарс агар дер эрса пири майфуруш,  
Жоми хатти давридин олмоқ муносибдур сабақ.

Истама кавсар, Навоий, топ фароғат бодадин  
Ким, эрур ул муҳталиф, лекин бу бирдур муттафиқ.

## КОФ ҲАРФИННИГ КОФИРЛАРИНИНГ КАМОЛИ «БАДОЕЬ»ДИН

### 322

Десангки, дашти фано аҳлиға бўлай ҳамтак,  
Не дўст ғайри эса, барчасиға силк этак.

Қил ўзлукунг кесагин поймол бирла ғубор,  
Йўқ эрса балчиғ ўлур фисқ суйи бирла кесак.

Чу руҳ хайлиға нафс истар ўлса ортуғлуқ,  
Етур иложиға тақво сипоҳи бирла қўмак.

Юракни сол демагил ишқ кўйининг итига,  
Муни анга деса бўлғайки, анда бўлса юрак.

Хуш улки, ишқ гулистону боғида йиқилиб,  
Ўларда остида хорову хор бўлса тўшак.

Бало ғубори вафо аҳлиға ёғар гўё,  
Сипеҳр чанбари парвез недин ўлди элак.

Гадову хирқада кўймак начукки парвона,  
Йўқ улки, ҳулла аро шоҳид уйлаким қўпалак.

Анга бу дайри фано ичра тутти муғбача май  
Ки, тишни бағриға беркитмакини қилди газак.

Навоий ўлса, не тонг базм ичинда ботроқ маст  
Ки, ғусса жоминн даврон анга тутар қўпрак.

### 323

Бу кеча оҳим эрур давронни барҳам урғудек,  
Чарх гулзоридин анжум гулларин совурғудек.

Сўрғали келди эвурунг бошиға қўлдоб мени  
Ким, эмастур лаҳзае бошим уза ўлтурғудек.

Эй кўнгул, дерсенки, ёшу ишқини, не ёшурай  
Ким, эрур жисмим фано туфроғида ёшурғудек.

Синса кўнглум, не ажабким, санги борони фироқ  
Бўлди хамлиқ жисм уйин ҳар саридин синдурғудек.

Ҳажр зулмиға чидармен, ўлгали йўқ, англасам  
Ким, эрур қатлимға ул жону жаҳон қайғурғудек.

Айш вақтини бил ғаниматким, эрур дам ушбу дам,  
Чарх эрмас фавт бўлған вақтни ёндургудек.

Сен кўнгул берсанг Навоийға гаҳе минг жавр ила,  
Эрмас ул ҳар дилрабоға кўнглини олдурғудек.

### 324

Фалак зарфи тўла май бўлсаю топсам ани хумдек,  
Чекайким, қатралар ҳам қолмағай жавфига анжумдек.

Ҳавоий ишқ барқи гарчи муҳриқдур, vale эрмас  
Бу ишда оташин лаълинг аён қилған табассумдек.

Қувонурмен иting эски сафоли ичра май ичсам  
Ки, Жамъ қилған эмастур жоми бирла ул танаъумдек.

Ҳалок ўлғанда қилған навҳа гар таъсир этар, лекин  
Эшият ноламниким, муҳлиқ эмастур бу таранумдек.

Масиҳо нуктаси гар жон берур эрди, vale билгил  
Ки, жон олмоққа эрмас эрди ул ширин такаллумдек.

Чиқиб қатлимға ўзга сари сурди рахшин ул қотил,  
Манга юзланмамиш умрумда ваҳме ул тавақҳумдек.

Ажал ҳажрингда жоним олди шафқат айлабон зоҳир,  
Киши раҳм аҳлидин кўрмайдур эркин бу тараҳҳумдек.

Май ичра чунки соқий акси муҳлиқдур, бу соғарни  
Кишиким ичса, уммиди ҳаётидин кўзин юмдек.

Навоий ҳажр даштидин танаъум бистари топқай,  
Бу водийда ирик қум чун ёнида бўлди қоқумдек.

### 325

Тиғи ишқингдин кўнгул ҳар ён оғиздек бўлди чок,  
Бу оғизлардин не тонг чекса фигони дарднок.

Шарбати ҳижрон била қатл айладинг аҳбобни,  
Кимса ҳаргиз дўстларни захр ила қилмас ҳалок.

Жон қуши ўртсанмасун деб ёпма ўтлуқ чеҳраким,  
Шамъ ўтин кўргач куярдин айламас парвона бок.

Мехрдек ёр эврулур, бошиға ҳар саргаштаким,  
Заррадек қилса ҳавоий ишқи ичра ўзни пок.

Оразингдин, йўқ ажаб, тушса кўнгул захмиға ўт,  
Мехрдин кўпроқ бўлур маҳрур, ҳар ерким мағок.

Истасанг еткач фано ели санга, бўлғай уруж,  
Фақр кўйида бурун қилмоқ керак сен ўзни хок.

Эй Навоий, ёр агар кўнглумга кирмак истади,  
Захмима марҳамча бордур қилғани кўксумни чок.

### 326

Оғзиқим сўзда Масиҳодек қилур элни тирик,  
Бас улуғ сўзлукдуур, гарчи эрур асру кичик.

Қадди қўпқоч, сарв агар тушса аёғин ўпкали,  
Йўқ ажабким, паст ўлур соя, қуёш бўлғач бийик.

Ҳам ўшул туфроғдин сочиб қурутунг номани,

Ёзсангиз ул ойға жисмим туфроғ ўлғандин битик.

Тифи захмин боғласа аҳбоб, ғам йўқ, эй кўнгул,  
Бир эшик боғланса ишқ ичра, очилғай юз эшик.

Ҳажр тошин бошима, меҳнат палосин жисмима,  
Қайда билгай ишқ анга кўргузмаган қотиғ ирик.

Учқил, эй булбул, бу гулшандин, нединким ҳар неча  
Гул вафода кунд эрур, жавр ичрадур хори итиқ.

Гар Навоий қатлиға келмайдур ул усрук, нега  
Бас этак санчиб, қилич тортиб шимолибдур илик.

## 327

Хони васлингдин агар бўлмас мұяссар бар емак,  
Ҳам ғаниматдур талашмоқ итларинг бирла сўнгак.

Не либоси оғият киймак мени мажнунғаким,  
Англамон, гар бўйнума тушса яқо янглиғ этак.

Ишқ «ақди кисасининг ҳифзиға бодома муҳр  
Гар тилар бўлсанг, муносибдур бу чок ўлған юрак.

Зулфдур ёхуд узори ўтиға чирмашти дуд,  
Ё беногӯшиға тўш, бўркига сончибтур гажак.

Сурткандек кўзини сарпанжаси нақшиға юз,  
Кўз ёрутсам илгидин, панжамда бўлса ул билак.

Ишқ агар бўлса ҳавойи нафсдин пок, эй кўнгул,  
Йўқ тафовут, дилбаринг гар бека бўлсун, гар мирак.

Қоши меҳробида васлин истаб айлармен дуо,  
Эй Навоий, тонг йўқ, андоқ қиблада мундоқ тилак.

## 328

Баски, кўксум чоки тиккан игнадин бўлди тешуқ,  
Кўнглаким чокидек ўлмишдур vale андин чурук.

Жонфизо лаълинг била қотил кўзунг ҳижронида,  
Уйла ҳолим борким, билмон, тирикмен ё ўлук.

Хотами лаълинг агар оғзимға еткач, тишлагум,  
Мухр этарда мўм ёпишқон кеби босқач узук.

Фурқатингдин лоладекдур чок-чок ўлған кўнгул,  
Негаким, ҳам қон аро бўлмиш бўёғлиқ, ҳам куюқ.

Оташин лаълинг агар жонимни ўртар, тонг эмас  
Ким, эрур асру исиф, неким эрур асру чучук.

Дема, дашти ишқ аро минг хайли ишқ аҳли қони  
Итти бу поёни йўқ сахрода ҳар ён бир сурук.

Эй Навоий, фақр йўлида бурун ўзлукни сол  
Ким, бу йўлда пўяға монеъдур ул ортуқси юк.

## 329

Эй тани хоки хадангингга нишон бўлған кесак,  
Ҳам бу маъниға қуруғ бошим кесак узра сўнгак

Бир яқони қўймадинг қилмай этакка тегру чок,  
Рахш то сурдунг ёқонгни синдурууб, санчиб этак.

Зоҳир айларда ядигайзо қилурсен элни қатл,

Тиф уарда енг шимолибким, аён этсанг билак.

Гул била номардум эл андоқки узгай ғунчани,  
Еб иting юз пора бағримни, тамаъ қилди юрак.

Риштаи жон янглиғ асрай тушса илгимга даме,  
Ким, хилол ўрниға ширин лаълинга еткай ипак.

Ҳажр шоми дарду ғамни бошима ёғдурғали  
Бўлди анжум бирла чархи чамбари гўё элак.

Ул парий ишқида чун ўлди Навоий англангиз  
Ким, мужанниндур Исо, қабриға бутса ҳар чечак.

### 330

Ўт урди жонима, чун очти лаъли оташнок,  
Ҳаёт чашмасидин, ваҳки, жоним ўлди ҳалок.

Заиф жисмим ўтидин жаҳонни куйдурдунг,  
Улуғ ўт урмоқ учун ўртадинг магар хошок.

Дединг — кўнгул ўти дудин чиқарма оҳ била,  
Агар чин эрса сўзунг, нега кўксум эттинг чок!

Наззора ҳоилидур дуди оҳу қатраи ашқ,  
Фифонки, мониъ комимдур анжуму афлок.

Кўнгул шикофи дема, анда сабр дафни учун  
Ки, ҳажр қотили ўлтурди, қозди ишқи мағок.

Чу маст ўлдум эса, май била юнгиз баданим,  
Тонгинг ушолған наъшим белига риштаи ток.

Навоий истаса лўливаше, ажаб эрмас,  
Бу важҳ илаки, вафо тарки эттилар атрок.

### 331

Меники муғбача дайр ичра айлагай усрук,  
Не тонг, кўзумга қуёш бўлса заррадин ўксук.

Сўзумни ёр эшитмай юзумни чуркади оҳ,  
Бу важҳдиндур ул ой оллида юзум чуркук.

Фироқи ўқидин ўлмиш тешук-тешук бағрим,  
Бу турфароқки, бир ўқдиндурур ҳар икки тешук.

Фамида турлук-турлук балоға учрабмен  
Ки, ҳар бириси мени куйдурур неча турлук.

Танимда раглар узулди фироқ шиддатидин,  
Начукки, ришта чубўлғай, ипак тўн ўлса чурук.

Тутай жаҳонда Сулаймон сени ва ё Жамшид,  
Не мунга жом вафо айлади, не анга узук.

Навоий, ўртади ширин ҳадисинг эл кўнглин,  
Начукки куйдурур ични, чу шарбат ўлди чучук.

### 332

Гулшан ичра йўқтур оромим—дилоромим керак,  
Сарву гулни найлайн, сарви гуландомим керак.

Гар парийлар қуш кеби рам қилсалар мен телбадин,  
Фам йўқ, ул шўхи парий пайкар менинг ромим керак.

Офият кўйида маҳвашларға йўқтур нисбатим,

Ул муқаммир шева шўхи бодашомим керак.

Каъбада ноком ила дин аҳлиға йўқ жуз нифоқ,  
Дайр ичинда кофири бебок худ комим керак.

Гул била савсан керакмастур манга, эй боғбон,  
Зулфи сунбул атрлик рухсори гулфомим керак.

Эй харобот аҳли, расво кўнглум итмиш бу тараф,  
Келмишам топиб суроғ — ул ринди бадномим керак.

Эй Навоий, хонаقاҳда топмадим жуз тафриқа,  
Хум кеби майхонанинг кунжида оромим керак.

### 333

Айтмонким, лаъли жонбахшинг эрур жондин чучук  
Ким, эрур ҳар неки йўқ андин чучук, андин чучук.

Нечаким бўлсун чучук ширин такаллумлар сўзи,  
Лекин эрмас ул каломи шаккарафшондин чучук.

Нўши лаълингдин манга чун заҳри ҳажр ўлди насиб,  
Не осиғ, гар бўлса ул ортуғроқ имкондин чучук.

Най ўқунг беҳад чучуктур жонға, гўё чиқмамиш  
Бир қамиш мундоқ шакар буткан найистондин чучук.

Новакинг узра бошоқ гўё эрур ҳабби набот,  
Ким, кўнглум коми бўлур ул шакли пайкондин чучук.

Соқиё, жомимда эзгил заҳрким, ҳар неча ул  
Бўлса оччиғ, бўлғусидур заҳри ҳижрондин чучук.

Эй Навоий, жонфизо назминг лаби васфида бор,  
Шираи жондин эзилган оби ҳайвондин чучук.

### 334

Сарвнинг соясида бодаи гулфом керак,  
Бўлди чун иккиси бир, сарви гуландом керак.

Кимгаким бўлди булар кофир эрур деса манга,  
Хуру тўби била кавсар майдин ком керак.

Гарчи рухсори эрур субҳи дилафрўз, валек  
Васл айёми қора зулфи кеби шом керак.

Улки Жамшид дегай ўзини хуршид кеби,  
Соқий илгидин анинг базми аро жом керак.

Кўзларим донаю сўйиға келур вasl қуши,  
Лек тутмоққа ул ой туррасидин дом керак.

Кაъба тавфида басе тафриқадур билки, ўзин  
Жамъ истарга фано дайрида ором керак.

Дайр пириға мурид ўлди Навоий, негаким,  
Шайхул-ислом деган кимсага ислом керак.

### 335

Пили гавҳаркашдуур хар ён саҳоби пилранг,  
Бошида чангак ҳилолу ёнида хуршид занг.

Асрุ изҳори тажаммул қилди сultonи баҳор  
Ким, бу янглиғ пил юз минг жилва айлар бедаранг.

Айлади найсон зулоли ер юзин ойинагун,

Анжу́му кўк акси́дур анда раёхину ўланг.

Дафъа-дафъа бир-бири узра булат оғоқ уза,  
Гўйиёқим тожире терди руҳутин танг-танг.

Чанг уни бирла май ич, кўргузди чун қавси қазах,  
Давр ила андоми чангу лавн аро автори чанг.

Буйла мавсумда керактур айш базмин тузгали  
Ҳам зумуррад ранг ер, ҳам бодаи ёқут ранг.

Бу бори бир ёну ул бир ёнки, ичмак боиси,  
Соқиё, бўлғай бу давр ичра бағоят шўху шанг.

Ҳам нигитлик, ҳам баҳор айёмини тут муғтанам,  
Бодаву соқий учун қилмаққа тарки ному нанг.

Эй Навоий, дам бу дамдир — тут ғанимат, бода ич,  
Ўзга бир дамга етар-етмаска чун воқиф эманг.

## 336

Айласа муғбача дайр ичра мени масти маланг,  
Уштатай соғари номус била шишаи нанг.

Эй хуш улким, қилибон зуҳд тунидин урён,  
Дайр аро тифллар ўйнатса ани маст яланг.

Ишқ базмиға нетиб бормагамен, чунки мени  
Тортадур ул сари юз тор била нағмаю чанг.

Манга, зоҳид, яна май таркини қил деб таклиф  
Қилмағайсен, кўзунга учраса ул соқийи шанг.

Соф май ламъасию соқийи маҳваш ҳусни,

Тийра зоҳидқа асар қилмадиким, бор эди данг.

Ишқи бебок уза ким зуҳд хаёлин қилса,  
Эрур андоқки, егай бодаи ноб устида банг.

Майкада аҳлиға юз тоқу тараб, эй соқий,  
Хонақаҳда бўла олғайму Навоийға даранг.

### 337

Раҳмсиз бўлғай кўнгул қуффори Хайбар кўнглидек,  
Мумкин эрмас бўлмоқ ул шўхи ситамгар кўнглидек.

Кести атфол ғаминг кўнглум уза наъл узра наъл,  
Ончаким бўлди ҳазин кўнглум санубар кўнглидек.

Кўнглум ул хат шавқидин юз захмлиқ жисм ичра бор  
Ўт ичинда анбар эткан дуди мижмар кўнглидек.

Неча захм этсанг қизиқ кўнглумни, ўтдур — қон эмас,  
Хумратиким анда зоҳир бўлса ахгар кўнглидек.

Гарчи Лайли маҳмилидин нола кўп чеккай дарой,  
Савти муҳлиқ бўлмағай Мажнуни музтар кўнглидек

Мужда дайр аҳлики, соқий акси эрмиш жилвагар,  
Ҳар киши берса сафо кўнглига соғар кўнглидек.

Ҳажр тифидин Навоий қону захмин кўрки, бор  
Кўнгли мамлу жисмидек, жисми саросар кўнглидек.

### 338

Дарду меҳнат тошин, эй маҳзун кўнгул, жонимға ўқ,  
Ҳар не афзун келса андин, жисми вайронимға ўқ.

Чун басе кўпдур чиқиб жон, жисм уйи емрулгали  
Етса, хирман-хирман ул тошларни ҳар ёнимға ўқ,

Ишқ ўти ахгарлари таскин берур чун дардима,  
Ёққали марҳамдек ани доғи пинҳонимға ўқ.

Хузну меҳнат юклари кўнглум уйин қилмиш тўла,  
Эй фалак, эмди аларни байтул-эҳзонимға ўқ.

Юзу зулфи ёдидин мажлис тузарман, эй рафиқ,  
Боғдин гуллар териб, ҳар ён шабистонимға ўқ.

Хонақаҳда тийрамен, дайри фано туфроғини  
Ҳам супур кирпик била, ҳам чашми гирёнимға ўқ.

Ғам била андуҳ ғизосидин бўлубмен мумтали,  
Эй Навоий, гўшаларда ани зиндонимға ўқ.

### 339

Субҳи иқболу саодат келди ул фархунда энг,  
Тонг бошида муҳтариқ қавқабдек ул энг узра менг

Сарвким, тенг тутмас ўз қадди била ҳар нахлни,  
Эътидол ичра эмастур сарви қаддинг бирла тенг.

То мени саргашта чиқтим, даштдин ҳар ён қуюн  
Пўя айлар тинмайин, невчунки топмиш ерни кенг.

Кўнглак ўрпиға елак кийдинг ҳамоно, эй қуёш  
Ким, яди байзоға монеъ бўлмағай ҳар сари енг.

Форати ислому дин ёлғуз қилурсен гўйиё,  
Буйла яғмоларда йўқ ҳожатки, бўлғай кимса ҳенг.

Бода истаб зуҳд тарки айладим, олғаймусиз,  
Хирқаву сажжода раҳн этсам, харобот аҳли денг.

Доғу қон бирла Навоий кўнгли бўлди лолаким,  
Бу тақозо айлар ул мушкин менгу гулранг энг.

### 340

Эй, жафо пешангу бедод ишинг, жавр фанинг,  
Ҳар бири марҳами роҳат кеби кўнглумга менинг.

Кўпдуурур кўнглум аро ниш магар қилди нишон,  
Варзиш айларда ани ғамзай новақфиканинг.

Хўблар хатларидин тийрадуурур чехралари,  
Сенсен ул гулки, юзунг гулшанида йўқ тиканинг.

Лутф кўрким, суда гул акси масаллик кўрунур,  
Хулла нозуклигидин ҳар сари нозук баданинг.

Эй кўнгул, ғам юзининг кўзгусидурсен гўё,  
Кўзгунинг икки юзи ёнггию эски туганинг.

Мендек, эй лола, сени қилмади гар ишқ шаҳид,  
Нега ғам доғи аён айлади қонлиғ кафанинг.

Давр андуҳи мени қилди ҳалок, эй соқий,  
Шиша софий йўқ эса, йўқму экан дурдининг.

Йўқтуурур аҳли замон қасрида жуз нақши жафо,  
Чиқма, гар худ йиқилур бошинга байтул-ҳазанинг.

Эй, Навоий, чу фалак тоқидин офат ёғадур,  
Чиқмаким, бўлса керак майкада боғу чаманинг.

## 341

Бировки, қўнди кеча ўзга ерга ёри аниng,  
Кўзидин уйқу ўчарға не ихтиёри аниng.

Кишики, дилбари ағёр бирла тутти қарор,  
Ажаб эмастур, агар бўлмаса қарори аниng.

Замона хўбларидин вафо тамаъ тутқан,  
Ўт истагайки, су қилғай аён шарори аниng.

Вафоға чунки жафодур эваз, хуш ул фориғ  
Ки, ишқ кишвариға тушмамиш гузори аниng.

Кўнгул ҳавоси мени бузди, шукрдур ангаким,  
Тузулди оғият авжида рўзгори аниng.

Ҳаёт гулшанидин қайда бар егай кўнглум  
Ки, ғам ҳазониға бўлмиш бадал баҳори аниng.

Замона боғида нахли вафо эмас сарсабз  
Ки, жаври жоласидин тушти баргу бори аниng.

Қувонма давлати ҳуснунгға, эй паривашким,  
Замона давлатидек йўқтур эътибори аниng.

Навоий этса фифон, хўблар, ториқмангким,  
Не қолғусидур ўзи, не фифони зори аниng.

## 342

Ошиқ ўлдум, панд берманг — чорам асбобин тузунг,  
Ишқ зор этганга зулм этманг — тараҳҳум кўргузунг.

Эйки, дерсиз ишқ аро сабринг уйин обод қил,

Мундоқ этгунча ҳаётим қасри бунёдин бузунг.

Сарвинозимким борур кўз боғидин, қилмон қабул,  
Гар анинг ўрнида тўби нахлини ўлтурғузунг.

Онсизин, эй дўстлар, не заҳру не оби ҳаёт  
Ким, мусовидур манга гар ўлтурунг, гар тиргузунг.

Гар ажал турғузмади жисмимни ул ой кўйида,  
Дўстлар, наъшимни боре анда бир дам турғузунг.

Дурд келтурдунг дебон ёзғурмангиз, эй аҳли ишқ,  
Бок йўқ, зуҳдум ридоси кунжига солиб сузунг.

Чун Навоий кўнглини қилди гириҳ бир тори зулф,  
Дўстлар, сарриштаи уммидни андин узунг.

### 343

Чун латофат кўзгуси бўлмиш сафо ичра ул энг,  
Ё раб, оҳим дуди зоҳир қилмасун ул энгда менг.

Илгим ўтин дафъ этар енг суйи, баским, элтурам  
Оҳ манъиға илик ё ашкнинг дафъиға енг.

Қоматинг бирла латофатда ўзин teng тутса сарв,  
Бордур ул янглиғки, бўлғай сарв бирла соя teng.

Мен бало чоҳидаву Мажнун фароғат даштида  
Лофи ишқ урса, ажаб йўқким, топибдур ерни кенг.

Судрабон элтур қазо илги мени майхонаға,  
Маст бўлмай чора борму, эй насиҳат аҳли, денг.

Турктоз айлаб кўнгул олдинг ажалдин бурна жон,

[www.ziyouz.com](http://www.ziyouz.com) kutubxonasi

Ҳисса ойирма анга,nevчунки эрмас эрди ченг.

Эй Навоий, гар кўнгул кетти, малолат кўрма кўп,  
Сен чу бедилликка қойилсен, эрур ул телба тенг.

### 344

Қуюндеқ васл даштидин гар, эй Лайли, мени сурдунг,  
Дегач саргашта Мажнуnum, бошимни кўкка еткурдунг.

Сотарлар дашт уза мен телбани ким тутса ҳинду деб,  
Танимни ҳажр дуду шуъласиға баски куйдурдунг.

Тегиб туфроққа андин секреган тошлар ҳалок этти,  
Неча бошимға қолқон тутқунг, ар ғам тоши ёғдурдунг.

Ҳазин кўнглум қушининг парлари чурканди, ул қунким,  
Бузуғ тан ошёниш шуълаи ҳажрингға куйдурдунг.

Нетиб нахли умидимдин гули васл орзу айлай  
Ки, ҳажринг илгидин ани қўнғардинг, йўқки синдурдунг.

Бошимға келди ғам тифи, бало тоши, ажал захми,  
Кўр, эй ҳижрони золимким, нелар бошимға келтурдунг.

Яса, эй дайр пири, бодаким, келгум кафоратға,  
Эшиттимким, мени айлабтуур деб тавба ёзғурдунг.

Бу гулшан гулларининг чун вафоси нўқтур, эй булбул,  
Не очилғай тутайким, сен фифонинг кўктиш ошурдунг.

Навоий, йўл йироқ, мақсад нопайдо, қадам урғил  
Ки, қолдинг корвондин, гар тинарға бир нафас турдунг.

### 345

Зихи қути ҳаётим ҳажр мухлик дардида ёдинг,  
Агар лутфунгға лойик бўлмасам, йўқтурму бедодинг.

Манга лаззат сенинг зикринг, манга қувват сенинг фикринг,  
Манга ишрат сенинг васлинг, манга тоат сенинг ёдинг.

Агар хуршиди раҳшон орзу қилсан гули рўюнг,  
Ва гар тўбию ризвон майл этсан сарви озодинг.

Бағир қонин лаболаб айлаган ошом ики лаълинг,  
Кўнгул сайдин дамо-дам бисмил этган икки сайёдинг.

Улусни тиргизур қатл айламактин оби ҳайвонинг  
Ва лекин ўлтуур қатл айламастин бизни жаллодинг.

Муҳиқдур, эй кўнгул, буқим ул ой фарёдинга етмас  
Ки, ёлқибдур, нединким, етти кўп ул ойга фарёдинг.

Демон девона, балким дев ўлубмен ул париухдин,  
Не тонг, эй шайх, акс этсан тахайюл барча иршодинг.

Улусқа софийи ишрат тутуб, эй соқийи даврон,  
Ҳамоно заҳри меҳнатни менинг жонимға асроринг.

Навоий Каъбай мақсад сари гар қадам қўйсанг,  
Тажарруд басдуур ҳамроҳингу бетўшалиғ зодинг.

## 346

Раҳм этиб, эй дўстлар, мажруҳ кўксумни ёринг,  
Кўл ёланг айлаб солиб, ҳар ён ичимни ахторинг.

Учраса юзи қора кўнглум тутуб, тортиб, узуб,  
Ўтқа солиб ўртабон, жонимни андин қутқоринг.

Кетган эрса чоклик кўксум тикиб, воқиф бўлуб,  
Келса бу жониб, синонлар бирла санчиб қайторинг.

Чун ўлармен — ёрни истанг, бошимға келмаса,  
Бош ёланг айлаб, қўюб туфроғ уза юз, ёлборинг.

Келса айтурда ошуқмангким, фараҳдин ўлмайин,  
Нуктадонлиғ бирла ул сўзни қошимда ўткоринг.

Бошима етса, чу ўлгумдур неча фарёд этиб,  
Бир нафас тенгри учун ҳар қайсингиз бир ён боринг.

Гар мұяссар бўлмаса бу иш, Навоий хастани,  
Қўлдабон ё судрабон майхона сари бошқоринг.

### 347

Ҳажрдин кўзумга оламни қоронғу айладинг,  
Умрдин кўз юмғаним ул тунда уйқу айладинг.

Жону кўнглум муддате саргаштадур кўюнг аро,  
Бошларин айландурурға буйла жоду айладинг.

Ҳолима қолур таажҷубдин эл оғзи очилиб,  
Йўқса аҳволим жаҳон аҳлиға кулгу айладинг.

Ашк сиймобимудур ҳажрингда, ё кўз оқини  
Ҳал қилиб, кўздин равон ул навъким су айладнинг.

Қолди маҳмизингдин ой юзинда, эй чобук, нишон,  
Гўйиё жавлон куни ани тепингу айладинг.

Шоҳиди давронға гўё, эй тараб машшотаси,  
Бодадин гулгунаву соғарни кўзгу айладинг.

Буки айтурсен замон аҳлнға йўқ эрмиш вафо,  
Ани маълум, эй Навоий, бу замонму айладинг.

### 348

Нил тортиб, оразинг оройишин фан айладинг,  
Шуълаи қўкурд бирла шамъ равshan айладинг.

Сарвдин зоҳир йўқ эрди жуз ниёз, эй сарвноз,  
То хиромон жилва бирла азми гулшан айладинг.

Ҳазл бирла дўстлуқ изҳори айлаб, оҳким,  
Жўмлаи олам элин жонимға душман айладинг.

Дуд солмиш бошима ҳажр, эй бало тоши, магар  
Жисм унининг гунбади бошини равзан айладинг.

Жуз шарап не дона ҳосил айлагаймен, чунки сен  
Мазраи жоним аро ўт бирла хирман анладинг.

Чун қадаҳ бердинг лаби хандон била, эй муғбача,  
Жонға лаъли оташинни шуълаафкан айладинг.

Эй Навоий, хирқа зайдидин ариттинг дурди хум,  
Бизни бу дайри фанода покдоман айладинг.

### 349

Айрил, эй заъф, эмди моҳи нотавонимдин менинг,  
Кам қил андуҳ ўтини озурда жонимдин менинг.

Чок кўксумдек тикинг оғзимни ҳамким, кечалар  
Ҳар замон сесканмагай бехуд фифонимдин менинг.

Садқа вожиб бўлса, эй қўзу кўнгул, айланг нисор,  
Дур била лаъл оллиға бу баҳру конимдин менинг.

Эй фалак, жилванг учун айлай равонимни фидо,  
Жилвагар лек олмағил сарви равонимдин менинг.

Жисм аро ҳар дам ҳарорат фаҳм қилсанг, эй қуёш,  
Фофил ўлма жон доғи руҳи равонимдин менинг.

Соқиё, гар лаългун май тутса бўлмас ёрға,  
Итларин сероб қилғил бори қонимдин менинг.

Хурдаи жоним нисоринг, эй Навоий, гар десанг  
Сиҳҳат ойин нукта шоҳи хурдадонимдин менинг.

## 350

Не бийми ҳажрдуурким, ниҳояти йўқ анинг,  
Висол умиди кеби ҳадду ғояти йўқ анинг.

Не суд хорани гар қилса дуди оҳим мўм  
Ки, кўнгли ичра шаарча сирояти йўқ анинг.

Агарчи шаҳдуру ушшоқ анинг ранятидур.  
Вале раняти сари риояти йўқ анинг.

Не зулмдур буки, ҳажр этса қасди жон ногах,  
Анга мададдуру бизга ҳимояти йўқ анинг.

Жафову жаври дамо-дамдур, эй кўнгул, демаким,  
Асиру шифталарға инояти йўқ анинг.

Бу дайр аро бирав осудадурки, муғбачадин  
Не келса, шукур этар, аммо шикояти йўқ анинг.

Навоий илгидаги не сабру не умиди висол,  
Кишики бўлмаса нақди, кифояти йўқ анинг.

### 351

Қилса кўксум чок тифи заҳрпарварди анинг,  
Кўймангиз марҳамки, ўлтурсун мени дарди анинг.

Кўйи туфроғи аро ўлдум, дам урма, эй Масиҳ  
Ким, ҳаёт истаб юзумдин учмасун гарди анинг.

Гул юзунгдин айру боғедур кўнгулким, очилур  
Ҳажр ўти учқунларидин оташин варди анинг.

Оҳим андоқдурки, лаълинг шавқидин бир қатра қон  
Тўқса кўз, ёқутдек бағландуур барди анинг.

Буйлаким солди самандин пўяға, ваҳ, не ажаб,  
Оlam ичра солса ўт барқи жаҳонгарди анинг.

Сотма, эй гул, ноз кўп, боққил хазон боғиғаким,  
Бор эмиш гулранг бир кун чеҳраи зарди анинг.

Бер Навоий комини ё жонин ол, эй умрким,  
Зулмни элга фифони ҳаддин ўткарди анинг.

### 352

Не ажаб, сарви сиҳига инмаса бошинг сенинг  
Ким, эмастур қадду раъноликда бўйдошинг сенинг.

Гар ниҳони фитна таълим айламас, бас не учун  
Бошини чекмиш баногўшунгғача қошинг сенинг?

Сангборони ғамингдин бош не янглиғ ёшурай

Ким, саодат гавҳаридур бошима тошинг сенинг.

Оби ҳайвон бирла гўё қилди лаъли ранг ҳал,  
Суврат ичра чун лабингға етти наққошинг сенинг.

Ўта олмас хонақаҳи қудс эли, эй муғбача,  
Дайр эшикинда чу тузгай базм авбошинг сенинг.

Дема, эй носиҳки, қилмайсен сўзум бирла амал,  
Хотиримда қайда қолмиш мунча қолмошинг сенинг.

Эй Навоий, бўлди қонлиғ душманингким, ёшуур  
Ёрдин сариф юзунг рангини қон ёшинг сенинг.

### 353

Юзунг оқ, эй ғамки, ашким рангини ол айладинг,  
Жон фидонг, эй дардким, жисмимни помол айладинг.

Ҳолатим халқ англамас, ё раб, сен-ўқ раҳм айлагил,  
Чун ғаме бердингки, айтурдин тилим лол айладинг.

Сен тараҳҳум қил, худоё, бу қотиғ ҳолатдаким,  
Мени зору дилбаримни фориғулбол айладинг.

Сафҳаи руҳсор уза хатким чиқардинг — фитнадур,  
Фитна узра нуқталардурким, отин хол айладинг.

Шарҳи ишқинг ёзғали жисмим қуруттунг хомадек,  
Ҳар тараф жон риштасин ул хомаға нол айладинг.

Вах, не ҳол эрдики, мажлис ичра лаълинг жомидин  
Элни хушҳол эттинг, аммо бизни беҳол айладинг.

Элга жавлон ичра солдинг тиғ, юз минг войким,  
Ҳар қачон етting Навоий сари, ихмол айладнинг.

### 354

Ичмадинг май — то бурунроқ бизни расво қилмадинг,  
Чунки расво қилдинг — андин сўнгра парво қилмадинг.

Майни захри ҳажр соғиндинг магарким, тотқали  
Бир фидойи мен кеби давронда пайдо қилмадинг.

Май ичардин қасдинг эрмиш бизни расво айламак,  
Айш фикрин мундин ўзга ишга гўё қилмадинг.

Шаҳр бадноми мени айлаб, ўзунг ишрат аро  
Ваҳки, бу бадномни бир ёд қатъо қилмадинг.

Шоҳ базми ичра чун лойиқ эмас эрмиш гадо,  
Эй хирад, невчун бурунроқ бизга имо қилмадинг?!

Эй кўнгул, раҳмат сенга, ҳар нечаким кўрдунг жафо,  
Оlam аҳлидин вафо ҳаргиз таманно қилмадинг.

Эй Навоий, шукрким, гарчи сени шаҳр ичра ёр  
Шухра қилди, сен анинг сиррини ифшо қилмадинг.

### 355

Оразинг гулдур, гул узра сунбули тар коқулунг,  
Оллоҳ-Оллоҳ, гул юзин қилмиш муанбар коқулунг.

Қоматингдур шамъу рухсорингдур анинг шуъласи,  
Шуъланинг дудидур, эй шўхи ситамгар, коқулунг.

Очқанингда нега ҳар тори ародур юз гирих,

Гар кўнгуллар банд қилмайдур саросар кокулунг.

Не ажаб, ҳусн аҳлиниңг султони бўлсанг хоссаким,  
Мушқдин қўйди қуёш бошиға афсар кокулунг.

Сунбуледурким, саросар чирмашибдур сарв ила,  
Нахли қаддинг бирлаким бўлмиш баробар кокулунг.

Истасангким, бўлмағай ошуфтаю дарҳам, дегил,  
Қилмасун бизни паришонҳолу абтар кокулунг.

Гар Навоийға димоғ ошуфта бўлса, тонг эмас,  
Чун сепар ҳар дам юзунг ўтиға анбар кокулунг.

### 356

Ишқ ўтидин қисматим дарду балому қилмадинг,  
Дуди бирла хонумонимни қарому қилмадинг.

Куймакимга барқи офат қилмадингму оҳни,  
Ўлмакимга ашкни сайли балому қилмадинг.

Зулм тифидин танимни қилмадингму банд-банд,  
Фурқатингдин банд-бандимни жудому қилмадинг.

Дема, эй қўзким, не қилдим, гар сени кўр истасам,  
Бир боқиб, юз минг балоға мубталому қилмадинг.

Эй кўнгул, ҳолимни қилдинг арзу афзун қилди зулм,  
Билмадингму ё билиб яхши адому қилмадинг.

Шиква қилсак сендин, эй гардун, раво эрмас дема,  
Бизни беком айлаб, эл комин равому қилмадинг.

Баҳри ишқ ичра, Навоий, ошнолиғ топмадинг,  
То бу бир кўзни Арас, ул бирни Ому қилмадинг.

### 357

Не бўлди дардима, эй бевафо, даво қилсанг,  
Вафоға ваъда қилиб, ваъдаға вафо қилсанг.

Танимни қурб физосида хоки раҳ эттинг,  
Бошимни васл эшикига ошно қилсанг.

Сунуб қўлумни юзунгга, мурод этиб ҳосил,  
Очиб юзунгни, кўзум ҳожатин раво қилсанг.

Висол авжи бийик, эй кўнгул қуши, сен паст,  
Етишмак анда не мумкин, агар ҳаво қилсанг.

Жаҳон ғамин чу олур, бер қадаҳни, эй соқий,  
Олурмен, икки жаҳон мулкига баҳо қилсанг.

Замона аҳли жафосин тағофул айларсен,  
Алар тағофул этиб, кош сен жафо қилсанг.

Агарчи аҳли наводур вале ул ой боқмас,  
Навоиё, неча булбул кеби наво қилсанг.

### 358

Оташин рухсора очиб, хонумоним ўртадинг,  
Хонумоним худ не бўлғай, жисму жоним ўртадинг.

Дема, не қилдим, не қилдим, жону кўнглунгни олиб,  
Ўртадинг, эй қотили номеҳрибоним, ўртадинг!

Дилраболик бирла чун ёқтинг жамолинг шуъласин,

Хаста кўнглум олғач-ўқ, эй дилситоним, ўртадинг.

Тўлғаниб куйсам, ажаб йўқ, ўтқа тушкан риштадек,  
Чун фироқ ўтиға жисми нотавоним ўртадинг.

Ўтқа солднг сабру ақлу жону кўнглум барчасин,  
Йўқу борим кўйдуруб, яхши-ёмоним ўртадинг.

Соғаринг жону жаҳондин ортуғ эрмиш, соқиё,  
Лекин ул ўт бирла-ўқ жону жаҳоним ўртадинг.

То Навоийдек белу оғзинг хаёли бирламен,  
Ушбу йўқ савдода пайдову ниҳоним ўртадинг.

### 359

Элга ишқидин ғараз меҳру вафосидур аниng,  
Гар мени ўлтурса, мақсудим ризосидур аниng.

Бўлмас ул бегонаваш чун ошно, бўл, эй кўнгул,  
Бир кишига ошноким, ошносидур аниng.

Новаки захмин кўзумдин чиқмасун деб, захмини  
Кийр ила туттум, соғинмангким, қорасидур аниng.

Ўқи суфори кўнгулда гар қизарди, не ажаб  
Ким, бағир парголаси ҳар дам ғизосидур аниng.

Сабр хайлин кўнглум ўз гирдинда қўймас, гўйиё  
Кирпику қошинг хаёли ўқу ёсидур аниng.

Даҳр бўстонида буқим чок эрур гул кўнглаки,  
Булбул аҳволиға гўёким азосидур аниng.

Шод ўлубтур фақр кўйида Навоий, уйлаким,  
Салтанат фарши гадолиғ бўрёсибур анинг.

## 360

Зулфиким, боғлиқдуур ҳар жонға бир тори анинг,  
Тандин эл жонин, ажаб йўқ, чекса рафтори анинг.

Тиғи захминким тикармен, сиҳҳатим эрмас ғараз,  
Чиқмасун дермен ҳазин кўнглумдин озори анинг.

Дона-дона хол ила ғунчангни истаб, кўрки бор  
Тоза-тоза доғ ила кўнглум намудори анинг.

Лабларинг шавқида ўлган халқдин кўюнгда зоғ  
Тўъма айлабдурки, бўлмиш лаъл минқори анинг.

Мумкин эрмас ул парий мажнуниға ҳуш, эй ҳаким  
Ким, жунун хаттидуур бўйнида тумори анинг.

Эй мусулмонлар, фифонким, кофире кўнглумдадур  
Ким, эмас жон риштасидин ўзга зунори анинг.

Ташнамен, соқий, шафақгун май тўла тут соғаре  
Ким, фалакни нуқта қилғай давр паргори анинг.

То қуюб оғзимға андоқ сипқарай ул майниким,  
Қолмасун ул навъ соғар ичра осори анинг.

Айта олмон, асрай олмон ишқ сиррин, оҳқим,  
Саъб эрур ихфосию мушкилдур изҳори анинг.

Эй Навоий, фард бўл, васл истасангким, халқдин  
Ҳар кишиким ёслиғ узгай, худо ёри анинг.

Мужда, эй толибки, ердин олмағи мумкин эмас,  
Бир қадам матлуб бошқармай талабори анинг.

## 361

Оҳимни сарсар айлабон, ашкимни тўфон айладинг,  
Бу сарсару тўфон била оламни вайрон айладинг.

Бир дам юзин кўрган замон маҳрум этарга васлидин,  
Эй йиғламоқ, зўр айлабон, эй ашқ, туғён айладинг.

Эй ҳажр, ашким қонидин ер гўйин эттинг лаългун,  
Бу гўй шаклин уйлаким бир қатраи қон айладинг.

Ҳар қатра ашким қонидин хирқамни айлаб доғ-доғ,  
Жисмимда ҳар ердин нишон бир доғи ҳижрон айладинг.

Гардун балият ўқларин отқанда, эй гул, гўйиё  
Пурхори ҳажринг даштидин ҳар бирга пайкон айладинг.

Чун жону кўнглум хирманин кул айладинг, эй барқи ишқ  
Асрарға ҳажр ўтин магар ул кулда пинҳон айладинг.

Эй муғ, зулоли ҳажр эди жоми Жам ичра дайр аро,  
Синған сафол ичра солиб, дурдига эҳсон айладинг.

Давр аҳлидин, эйким, вафо мумкин эмас, дединг, санга  
Туттуқ мусаллам, ҳар нечаким манъ имкон айладинг.

Эй кўнглум, иршодим билаким туттунг ойини фано,  
Кавнайн ранжидин халос ўлдунг, не нуқсон айладинг.

## 362

Кўрган эл бедоди ҳижрондин мени ер бирла тент,

Кўрсангиз ишқ аҳлини, мендин ўпуб ер, ишқ денг.

Сарв тенг тутса ўзин қаддинг била, ул навъдур  
Ким, гиёҳ ўлғай қад ичра сарви раъно бирла тенг.

Гунча ичра жола лоф урса тишинг бирла не тонг,  
Бу адам кунжига қолиб, ул топибдур ерни кенг.

Турфадурким, куфр шоми рафъ ўлуб, қилғай тулуъ  
Субҳи имон зулфин очиб, ошкор этса ул энг.

Турфароқ буким, саодат субҳида чиқмиш дегай  
Тийра баҳтим ахтариким, кўрса ул энг узра менг.

Ақл васвоси хароб этмиш мени ҳужжат била,  
Соқиё, бир айш жоми тут мангаву ани енг.

Эй Навоий, енгда пинҳон этма ул ой руқъасин,  
Чун санга улдур ҳамиша ашқ оритмоғ бирла енг.

### 363

Менинг фироқиму анинг висоли тун била тонг,  
Бу навъ даҳрда йўқ эҳтимоле тун била тонг.

Фариб зулфу юз эрмасмуким, жаҳон элига  
Кўрунмамиш бу икининг мисоли тун билан тонг.

Тонгим ёруғу тунум тийрадурки, чирмашадур  
Кўнгул аро юзу зулфунг хаёли тун била тонг.

Не тунда айш насими, не тонгда меҳр, магар  
Ки, бўлди зулфу юзунг поймоли тун била тонг.

Тунунг ҳужаста, тонгинг қутлуғ ўлсун, эй маҳваш

Ки, икки банда санга бўлди холи тун била тонг.

Бирачки, тонгу тунин бода бирла ўткаргай,  
Яқинки, бўлмағай анинг малоли тун била тонг.

Навоий этмади зулфу юзунг висолин кашф,  
Валек эрур ғамининг иттисоли тун била тонг.

## **ЛОМ ҲАРФИНИНГ ЛУЪБАТЛАРИНИНГ ЛАТОЙИФИ «БАДОЕЪ»ДИН**

### **364**

Эй кўнгул, бир навъ ўлубмен аҳли даврондин малул  
Ким, эрурмен кимки андии яхши йўқ, андин малул.

Ҳажр агар будур, нетай мен жонни, жон нетсун мени  
Ким, эрур ҳар лаҳза мендин жону мен жондин малул.

Тенгри халқ этмиш мени гўё малолат чеккали  
Ким, даме йўқим, эмасмен халқи нодондин малул.

Неча диним узра титрай дилраболар кўйида,  
Эй, мусулмонлар, бўлубмен кофиристондин малул.

Истасанг мақсад, қадам кўй, таън тошидин не бок,  
Каъба топти бўлмағай хори муғилондин малул.

Эй кўнгул, фикрингни қилким, дўусту душманлар юзун  
Кўрмас эрди, бўлмаса сен зори ҳайрондин малул.

Эй муғаний, тут «Ироқ» оҳангию кўргуз «Хижоз»  
Ким, Навоий хотири бўлмиш Хурросондин малул.

### **365**

Эй қўнгул, мен тарки ишқ эттим вале фош этмагил,  
Мен сенга сиррим дедим, сен элни сирдош этмагил.

Эй кўз, эмди айладим ҳар чехрадин қатъи назар,  
Қил таҳаммул доғи атрофимни қон ёш этмагил.

Соқиё, қўйдум аёғингға сиришким лаълини,  
Лутф этиб, бу майға жоми ҳажр подош этмагил.

Риштай меҳр уздум, эй машшота, зулфи қиссасин  
Кўп узатиб, нотавон кўнглумга чирмош этмагил.

Гар десанг қаддинг бўлуб хам, қолмағайсан фитнаға,  
Кўз солиб хусниға, майли ул кўзу қош этмагил.

Ҳажр тошин ёғдурубким қавди, ўлсам, эй рафиқ,  
Қабрим устида тўкар тошинг жуз ул тош этмагил.

Эй Навоий, факр йўлинда ер ўпкил ҳар қадам,  
Яъни ул йўлда қадам сайр ичра жуз бош эгмагил.

## 366

Қосидо, оллинда аҳволи харобимни дегил,  
Муфрит андуҳ бирла муҳлик изтиробимни дегил.

Ишқи ичра заъфлиғ жисмим шиканжи шарҳин эт,  
Тору зулфидек ўт узра печу тобимни дегил.

Кўйи сайрида кўруб ани мулойим ғайр ила,  
Равзай жаннат аро дўзах азобимни дегил.

Тан тирикларнинг ҳисоби топмағанни доғи айт,  
Жонда ҳам дарду балойи беҳисобимни дегил.

Ҳажр дардидин вужуд уйида бир дам тўхтамай,  
Ҳар замон мулки адам сари шитобимни дегил.

Сўрсаким, ғам базмида менсиз тузарму базми айш,  
Қон ёшимдин бода, бағримдин кабобимни дегил.

Эй Навоий, ғам била бехудлуғумдин нукта сўр,  
Ёр ҳажринда бу янглиғ хўрду хобимни дегил.

### 367

Эйки, ишқ ошубида ҳолим сўрарсен, сўрмағил,  
Кўзларимда су кўруб, кўнглум аро ўт англағил.

Эй парий девона деб кўнглумни қавма ҳар замон,  
Даъвойи дилдорлиғ қилсанг, кўнгулни асрағил.

Эй, баҳори ҳусн, барқи васл ила кул қил мени,  
Нотавон кўнглумга лекин доғи ҳижрон қўймағил.

Шўхлуқтин буки боғ ичра тиларсен ўйнамоқ,  
Кўзларимнинг боғи серобинда бир ҳам ўйнағил.

Телба кўнглумни ҳамиша қилма мажруҳ, эй парий,  
Тифи кин юз қатлаким сурсанг, бирор ҳам алдағил.

Кирди ишқ аҳли фано даштиға, эй мажнун кўнгул,  
Истасанг йўл озмағайсен, корвондин қолмағил.

Эй Навоий, дайр аро бўлсанг гадолиғ бирла масть,  
Бош қўяр бўлсанг, сафолингни бошингға ёстағил.

### 368

Не атову не ўғул, сен шаҳ йигит, мен қори қул,  
Ҳеч ато кўрмайдур эркин сен кеби бадмеҳр ўғул.

Ишқинг оташгоҳиға ҳар нечаким қилдим назар,  
Шуъласи ўтлуқ нафасдур, ахгари қонлиғ қўнгул.

Рўзгорим ҳажр даштида қорараЊан, айб эмас  
Ким, анинг мушкин насими дуд эрур, туфроғи кул.

Доми ишқингдин гар озод айласанг кўнглум қушин,  
Ўзга ён қилса ҳаво, синған пару болини юл.

Неча қилғай дарди дил ҳар дам санга жон, эй ажал,  
Раҳм этиб, андин мени қутқар, ўзунг доғи қутул.

Истасанг маҳлас қора қайғудек андуҳ шомидин,  
Субҳдек оллингға даврондин неким юз берса кул.

Эй Навоий, саъй ила чун васл ҳосил бўлмади,  
Ёр лутфиға тикил эмдию ғайридин тўнгул.

### 369

Гаҳ-гаҳ, эй шўх, мени бошинг учун ёд этгили,  
Ё бошингдин эвуруб бир йўли озод этгили.

Бийми ҳижронинг ила неча қилурсен ғамнок,  
Нетти бир муждаи васлинг била ҳам шод этгили.

Бордингу узр буким тузмади бедодимға,  
Кел доғи ончаки мумкин эса, бедод этгили.

Ноладин ишқи кўнглумни йитиб, етти фироқ,  
Эмди, эй телба, фифон чеккилу фарёд этгили.

Базмдин сурдингу кетмакка эрур мониъ заъф,  
Соқиё, бир-икки соғар била имдод этгил.

Фақр даштида десанг фориғу озода борай,  
Кир таваккал билаю ваҳмни барбод этгил.

Эй Навоий, тиласанг ишқда эмганмагасен,  
Ўзни ҳижрон ғамию дарди била муътод этгил.

### 370

Қошларингдинким эрур қонлиғ кўнгул ичра хаёл,  
Ул қизил коғазда нундур, бу шафақ ичра ҳилол.

Тутмайин кўнглумда таскин қадди васлин истамон,  
Қайда пайванд этсалар, тутқай ўзи, тутмай ниҳол.

Сарвнинг сени кеби бошинда дастор узра чин,  
Наргис узра нуқта монанди кўзунг устида хол.

Заъфлиғ жисмимдадур ҳар ён бўғинлардин гирих,  
Нол ториға эрур гарчи тугун тугмак маҳол.

Лолагун май тобидин ул ой қизармиш ё магар  
Шўхлуқтин лолазор устида ағнаптур ғизол.

Давр элида гар вафо йўқ, сен вафо қилғил, валек  
Кимни хушҳол этсанг, андин тут ўзунгга юз малол.

То Навоий зулфи янглиғ пойбўсин истади,  
Гаҳ паришонҳол эрур ул зулфдек, гаҳ поймол.

### 371

Дўйстлар, ул сарвқад ҳажринда чун бўлдум қатил,  
Сарв экинг, гар қўймоқ истарсиз мазорим узра мил.

Кўхи ҳажр эгнимда истармен ани суръат билан,  
Шавқдин хасдек танимға эрмас андоқ юқ сақил.

Заъф аро сунбулни гар зулфунг дедим, тонг йўқки, бор  
Хастаға жавзо туни ялдо туни янглиғ тавил.

Рашқдин бир-бирга қиймас меҳрини жону қўнгул,  
Рост андоқким ҳасуд эл молиға бўлғай баҳил.

Буки ҳижрон тиғидин қўксумни юз чок айладинг,  
Юз далилим бор, агар ҳар чок бўлса бир далил.

Дайр жаннат, хури айндор хўблуқтин муғбача,  
Май зулоли бирла кўп айнан тусаммо салсабил.

Гар юзунг истаб Навоий қўзларингга хордур,  
Не ажаб, дин аҳли куффор оллида бўлмоқ залил.

## 372

Ҳажринг кунин бир йилчаву ҳар соатин бир ойча бил,  
Ҳайрат маҳалли бўлмағай ўн икки ой гар бўлса йил.

Ул ишвагар чун очти юз — қўзга назар йўқ, тилга сўз  
Ким, ашқдин боғланди кўз, ҳайратдин ул янглиғки тил.

Чун шаҳсуворим отланур, андин фалак лаъб ўрганур,  
Ишқида жисмим тўлғанур, ул навъким ўт узра қил.

То чиқмас ул гул боғдин, бўлмиш бу дарду доғдин,  
Дардим оғирроқ тоғднн, хошоқдин жисмим енгил.

Эй ҳусн аро сохиб ғино, хуршид отангдур, ой ано,  
Истар эсанг нисбат яна, ҳам сарв оғо, ҳам гул сингил.

Кўк меҳридин айёрроқ, Баҳромдин хунхорроқ,  
Сен ё фалак ғаддорроқ, эй меҳри йўқ моҳим, дегил.

Кўрди Навоий жон аро ғам шуъласи ҳирмон аро,  
Кўз мардумидек қон аро, кўргач лиbosингни қизил.

### 373

Ул гули раъноға номам хўб эмас яксон қизил,  
Сафҳаси бўлса керак бир ён сариғ, бир ён қизил.

Ҳажр ўтидин қони кўнглумнинг қурубтур, гар ул ўт  
Зор кўнглумни қизитмайдур, недур пайкон қизил.

Сарвға гулнор баргидин либос эткан кеби,  
Чекти гулгун ҳулла нахли қаддиға жонон қизил.

Бесутун Фарҳод қабридур қизарған лоладин,  
Ё анинг қонидин ўлмиш туфроғи ҳар ён қизил.

Оrimas ашким била кўзниң қизарған раглари,  
Баҳр мавжидин оқарғудек эмас маржон қизил.

Қон ёшим сероб қилди боғни, мундин нари  
Анда тонг эрмас кўкармак сабзаву райҳон қизил.

Гар кўзунг захмин кўнгуллар қонин этмайдур ғизо,  
Бас, недин қон тўйкали бўлмиш начукким қон қизил.

Чарх баҳридин бу янглиғ бўлса қон ютмоқ мудом,  
Йўқ ажаб, эмди садаф бермак дурри ғалтон қизил.

Лаъли шавқидин саросар лолагундур кўз ёшим,  
Эй Навоий, ким кўрубтур баҳри бепоён қизил.

### 374

Ёр ҳижронида сарвақтимға еттинг, эй ажал,  
Жон фидонг этсам ҳануз оздурки, келдинг дармаҳал.

Жон талашмоғлиққа қўйма лаъли ҳажридин мени,  
Чун эрур таъхир аро офат, кўп қилма ҳаял.

Жонни бот олмоқ санга мушқул эса, жон чекма кўп,  
Кўйки, бу мушқулни бот айлар анинг ҳижрони ҳал.

Ҳажридин ўлмай висоли нўшидин топсам умид,  
Айлагумдур саъй ўлмактин тирилмак фильмасал.

Ҳажр bemoriға қотил заҳр эрур ҳайвон суйи,  
Эй Масих, асра нафас бу нуктада, қилма жадал.

Сўнгғи кундин халқ тарсон, мен бурун кундин ваҳим,  
Элга ғам шоми абад келди, манга субҳи азал.

Ич Навоий, ғусса таҳлилиға гулгун бодаким,  
Бир пиёла лаъли маҳлул ўлмади андин бадал.

### 375

Жонға зулмунгни нечаким кўнглунг истар, онча  
Қил, Мен чека олғанча демон, сен қила олғанча қил.

Кўзғади кўнглумни бедод айлабон хайли ғаминг,  
Гар риоят айласанг, ул мулк қўзғолғанча қил.

Жонима минг дард солдинг, айла мингдин бирни дафъ,  
Айтмон анда даво ҳам дардни солғанча қил.

Ғам юки остида тавшалдурди ҳижронинг мени,  
Илтифот этсанг доғи мен зор тавшолғанча қил.

Жавру бедодинг туганмай қолған эрса жонима,  
Чархдин ҳам унтуж олсанг, ол демон, қолғанча қил.

Ваъдаи меҳрин манга юз қатла ёлғон этти чарх,  
Сен доғи бемехрлик қилсанг, юз ул ёлғанча қил.

Эй Навоий, навҳа оҳангода кўп қилдинг фифон,  
Эмди мажлис мутриби бу нағмани чолғанча қил.

## 376

Бу не қомат, бу не рафтору на шаклу на шамойил  
Ким, этар ақлни мадҳуш, доғи хушни зойшк

Юзи куйдурмакима ўт, сочи йиғлатмоғима дуд,  
Кўзи торожима соий, қоши хунрезима қотил.

Жонфизо ҳусни ниқоб ичра, доғи эл талашиб жон,  
Қолмағай эрди тирик бир киши, ул бўлмаса ҳойил.

Тифин эгнимга тушурмакни ҳамойил тилайолмон,  
Қайда ул баҳтки, бўлғай қўли бўйнумға ҳамойил.

Эй ҳабиб, этма Масиҳ оллида изҳори фасоҳат,  
Чун эрур дам ура олмасқа лабинг оллида қойил.

Ақлу ҳушу хираду жонни анинг йўлида қўйдум  
Топмадим васл муҳайё қилибон мунча васойил.

Чунки ушшоқ уни ёқмас эмиш ул гул қулоғиға,  
Эй Навоий, неча булбул кеби бу наъраи ҳойил.

### 377

Эй мусаввир, оразин кўр, меҳри рахшон чекмагил,  
Жондин ортиқдур лаби, зинҳорким жон чекмагил.

Келди ул миръоти ҳусну учмоқ истар жон қуши,  
Эй кўнгул, бир лаҳза урма оху афғон чекмагил.

Новакидин жон топиб эрдимки чектинг, эй рафиқ,  
Эмди боре заҳмидин бир лаҳза пайкон чекмагил.

Эйки, бўйнум боғладинг қўйида журми ишқ ила,  
Асра гарданбаста қулни, лек ҳар ён чекмагил.

Гамза тифидинки кўнглумни қоворсен ошкор,  
Чин эса қуллоб, зулфунг бирла пинҳон чекмагил.

Мумкин эрмас қисмат ўлған ризқнинг афзунлиғи,  
Бас халойиқ миннатин, то бўлғай имкон, чекмагил.

Эй Навоий, хонаقاҳ шайхи қўп эткай зарқу макр,  
Йўқлуқ асбобини муғ дайридин осон чекмагил.

### 378

Начукки дард қироғи аёғинг остида дол,  
Узор нуқтаси янглиғ узоринг устида хол.

Алиф кеби қадинг ул икки ломи зулғ ичра  
Кўрунгач, ўлдум алар васфин айламактин лол.

Танингки мовийи беҳол ҳулладин кўрунур,

Танимни су кеби, тонг йўқ, гар айласа беҳол.

Гариб ҳолим агар ёр сўрмаса, не ажаб  
Ки, оғзи йўқлуғидин йўқтуур маҳалли савол.

Малолат этти мени гард, лек қўрқармен  
Ки, еткай, ани десам, хотирингға гарди малол.

Бу боғ гуллари чун бевафодур, эй булбул,  
Хуш ул қушеки, тааллуқдин ўлди фориғбол.

Навоий, истаса дилбар сени фироқ ичра,  
Мурод топма, агар худ муродинг ўлса висол.

### 379

Ики қўз манзилинг, эй моҳи маҳмил,  
Кўнгулга азм қил манзил-баманзил.

Кўзунг қотилдур, аммо заҳр чашминг  
Эрур ўлтурмакимга заҳри қотил.

Эшикингда ёзармен оҳлар, лек  
Бўлур, бир оҳ чексам, барча зойил.

Мени мажнун деди лайливашим,вой  
Ки, бу девонани соғинди оқил.

Кўзунг чун нимхоб эрди, не тонг, гар  
Кўнгул сайдини қилди ним бисмил.

Эрур бир хол бирла мабдаи файз,  
Санга гар етмас, айла ўзни қобил.

Навоий, ўзлуқунг рафъ этким, ул бут  
Эрур мақсад рухсориға ҳойил.

## 380

Ёқинг ўт бергали, эй ишқ, ҳаётимға халал,  
Доғи ҳажр ўртагучча ўртаса нодоги ажал.

Деб эмишсенки, фироқимдағи ушшоқ ичра  
Нечасин айлагум охир, мени бори аввал.

Номай ҳажрим аро сафҳай тақвим кеби  
Ашқ қони била ҳар сари чекилмиш жадвал.

Барқи тифингки вужудум хасини куйдурди,  
Дудидин тийра гар ўлса, кулидин бер сайқал.

Бошима шуълаи ҳижрон туташибдур, не осиғ  
Ким, ёрутмас қора ҳажрим кечасин бу машъал.

Зоҳидо, бода гунаҳ бўлсаву лекин не гунаҳ  
Бизга бу ишни насиб этти чу қассоми азал.

Ишқдин кўп гала назм этти Навоий, билмон,  
Найлагай, турфа ғазолиға етушса бу ғазал.

## 381

Гўё лабу хаттингни тарҳ этканда наққоши азал,  
Шингарфу зангор ўрниға лаълу зумуррад қилди ҳал.

Фош этти гоҳи риққати кўз қони томған ҳайъати  
Ким, кўз қорасин фурқати қон бирла айлабтур бадал.

Доғи фироқ, эй дилрабо, андоқ кўзум қилди қора

Ким, кўз қорасидек манга матлуб эрур доғи ажал.

Сен фурқат истаб кин ила, мен ер ўпуб тамкин ила,  
Қатл аҳлига таскин ила қилмоқ намоз эрур ҳиял.

Ҳажринг ўтидин ҳар замон андоқ куяр озурда жон  
Ким, соғинур боғи жинон дўзахқа кирса фильмасал.

Юз йилға умр ўлсун қарин бир дам кўрар аҳли яқин,  
Бас недур, эй хилватнишин, мунча санга тули амал.

Васлу замони бул-ажаб, соқий, қадаҳ тут лаб-балаб,  
Мутриб, тузат савту тараб, ўткар, Навоий, бир ғазал.

## 382

Ишқинг ўтидин таним кул бўлди, эй бадмехр, бил,  
Мехр уйи қилсанг бино, ул кул била тарҳ айлагил.

Гар бузуқта чуғз нолон кўрмамишсен, захми кўп  
Тан аро афғон чекар кўнглум қушин наззора қил.

Келди чун оҳимдин ўт олмоққа Мажнуни заиф,  
Тўлғаниб чурканди ул ўт ичра ул янглиғки қил.

Ғам туни заъф эттим андоқким сахар ул кўйдин  
Субҳ анфоси учурғудек таним бўлмиш енгил.

Кўнглаки гулгун беҳол ўлди чун жисмин қучар,  
Найласун беҳол бўлмай, эн кўнгул, охир дегил.

Умрға ҳеч эътимоде йўқтур, эй ғофил кўнгул,  
Ою йилни неча маст ўткаргасен, бир ҳам ойил.

Неча ул кирпик синониға Навоий қўнглини,  
Ҳар замон илғайсен, эй бадмехр, ани бир қўзга ил.

### 383

Ким деди меҳрингни ул маҳвашқа равshan айлагил,  
Куч била жонингға жононингни душман айлагил.

Ул парий чун борди, хоҳи телбалардек дашт тут,  
Хоҳ зуҳду офият кунжини маскан айлагил.

Чун бўлур ул турфа қуш кўпрак рамида, не осиф,  
Ҳар замон юз қатла гар фарёду шеван айлагил.

Эй қуёш, ишқингда гар саргашта бўлди заррае,  
Гарм ўлуб куйдурма, балким меҳр анга фан айлагил.

Бўлмаса ул сарви гулрух, эй қўнгул, дўзахча бор,  
Хоҳи азми дашт қил, гар майли гулшан айлагил.

Ҳар не даврондин келур, таслим хуштур, эй рафиқ,  
Нафъ чун йўқ, ўзни гар юз қатла тавсан айлагил.

Ғам сипоҳи қатлиға майхонадур дорул-омон,  
Эй Навоий, зинҳор ул уйни маъман айлагил.

### 384

Эй парий, юз ёралиқ қўнглум сари нazzора  
Қил, Ёрасиз ҳар қайдаким топсанг, ани ҳам ёра қил.

Пора-пора айлагач бир-бир анинг ажзосини,  
Юзларин борининг оҳим дуди бирла қора қил.

Хайли ҳиндудекки, душман илгида бўлғай асир,

Ҳар бирисин олам ичра бир тараф овора қил.

Чун алар овора бўлди, кўзларимни ҳам ўюб,  
Ўтқа ташлаб, уйларин ҳам тош била юз пора қил.

Ул икавдин бошима келган балову ғуссани  
Айлабон мундоқ уқубатлар замоне чора қил.

Кўзу кўнглум бўлмаса неткунг агарчи, эй сипеҳр,  
Хўбларға сарвдин қад, меҳрдин рухсора қил.

Эй Навоий, ўйнағунг йўқ ишқ то юз кўрмагунг,  
Узр айтиб, ер ўпу сўз таркини яқбора қил.

## 385

Эй кўнгул, ҳижрон қунидур, тортиб афғон йиғлағил,  
Вай кўз, айрулғунгдур ул гулчеҳрадин, қон йиғлағил.

Кўз тутармен, эй булатким, ўтсанг ул гулшан сари,  
Чун соғинсанг бизни, ун тортиб, фаровон йиғлағил.

Ростлиқ ҳаққи учун, эй шамъ, бир тун базмида  
Чиқса сўз мендин, куюб беҳадду поён йиғлағил.

Эй қадаҳ, қон ютмағимни мажлисинда соғиниб,  
Чекса гулгун бода ул гулбарги хандон, йиғлағил.

Кўнглум олған чоғда, эй кўз, манъи ашқ эттим, валек  
Қасди жон ҳам қилди чун ул кўнглум олғон, йиғлағил.

Йўл қотиқ, мақсад мубҳам, яъс ғолиб, эй кўнгул,  
Ун чекиб бу ҳолинга, то бордур имкон, йиғлағил.

Эй Навоий, белу оғзидин санга йўқтур насиб,  
Хоҳ пайдо нола чеккил, хоҳ пинҳон йиғлағил.

## 386

Ҳажр ўқидин, эй кўнгул, ҳар ён қанотлар соз қил,  
Ул парий васли ҳавосин истабон парвоз қил.

Истасанг бир қисса, эй ровийки, эл қўп йиғлағай,  
Ишқ аро кўрганларимнинг шарҳидин оғоз қил.

Биз ниёз аҳлию сен ноз аҳлисен, раҳм эт гаҳе,  
Қўй ниёз этмакка бизни goх, ўзунг ҳам ноз қил.

Гар десанг қатлим сўзинким йўқ дегум йўқ, эй Масих,  
Ўлгум армон бирла, бир дам ҳам мени ҳамроз қил.

Раҳм озу жавр кўп қилмоқ санамлар даъбидур,  
Гар қила олсанг ани кўпрак, бу бирни оз қил.

Берма, эй зоҳид, тааюндин ўзунгга имтиёз,  
Ўзни элдин бетааюнлуқ била мумтоз қил.

Гар бегонамассен Навоийнинг ниҳоний дардини,  
Ёна, эй ишқ, оҳи бирла ашкини ғаммоз қил.

## 387

Тифи хижронинг била кўнглумни юз парканд бил,  
Ҳар бирин юз ёралиқ бағримға бир пайванд бил.

Дема ҳар торида зулфининг нединдур юз гирих,  
Ҳар бирин ул торлардин юз кўнгулга банд бил.

Ою кун гар волидайи ўлса ул афзун ҳусн аро,

Айб эмас, икки садафқа дур кеби фарзанд бил.

Ёлғон аҳли ишқ янглиғ қатлим этма, чеҳра оч,  
Бир кўруб ишқ ичра ўлмакка мени хурсанд бил.

Хусниға ўхшаттинг, эй гардун, қуёшингни, валек  
Он анга монанддек, ани мунга монанд бил.

Эйки шаҳсен, лек қилмайсен раво эл ҳожатин,  
Ўзни ҳам ўздин улуғроқ шаҳфа ҳожатманд бил.

Эй Навоий, панд эшитмай телба қўнглунг бўлди гум,  
Десанг андоқ бўлмай, аҳволин ўзунгга панд бил.

## 388

Хулласин ул сарв қилди нахли раънодек яшил,  
Лек оҳим дудидин ваҳм айлаб осродек яшил.

Эврулур бошиға булбуллар кеби парвоналар,  
Қилғали ул шамъ кисват сарви раънодек яшил.

Ранги лаъли гар дуур қонлиғ мужам, токим эрур  
Вусма бирла қоши мино туслуқ ёдек яшил.

Истамас бўлса қора эл рўзгорин ул қуёш,  
Хулласин бас невчун этмиш чархи хазродек яшил.

Гар муаллим лавҳи мино жаврин ўргатмас, недин  
Лавҳаи таълимин этти лавҳи минодек яшил.

Реву ранг аҳли муриди бўлмағилким, Хизр эмас,  
Хирқасин ҳар аҳмақ этса бақли ҳамқодек яшил.

Эй Навоий, юз гул очти жонинга ул сарвиноз,  
То либос этти баҳори оламородек яшил.

### 389

Юзига, англамадимким, ниқоб эрур ҳойил,  
Қуёш жамолиға ёхуд саҳоб эрур ҳойил.

Узори устида кокилму бўлди ошуфта,  
Йўқ эрса гул юзига мушки ноб эрур ҳойил.

Ўқунг қўрунмас эса пора-пора қўнглум аро,  
Не тонгки, сих қўрарга кабоб эрур ҳойил.

Бузуғ кўнгул аро ул ганжи хуснур, юз шукр  
Ки, эл қўзидин анга бу хароб эрур ҳойил.

Фифонки, турфа муғаний уни била хушмен,  
Вале нетайки, юзига китоб эрур ҳойил.

Кўрарсен ани, гар ўзлук ҳижобин этсанг рафъ,  
Агарчи кўргали юз минг ҳижоб эрур ҳойил.

Навоий, айлама кўрмак хаёл ул гулни  
Ки, баргдин юзига беҳисоб эрур ҳойил.

### 390

Оразингни боғ аро чун кўрди, ҳайрон бўлди гул,  
Баргиз қолди, нединким, бас паришон бўлди гул.

Бодадин гул-гул кўруб ул юзни, анинг ҳажридин,  
Чок-чок ўлған қўнгулдек тах-батаҳ қон бўлди гул.

Гулузорим кишвари хусн ичра бўлди подшоҳ,

Рост андоқким, чаман мулкида султон бўлди гул.

Сайри боғ айларда даврон чашми захми дафъиға,  
Ҳар тарафтин чобукум даврида қалқон бўлди гул.

Лаъли комимдур, қошимда келса ул гул хирмани,  
Май тилар қўнглум, чу базмимда фаровон бўлди гул.

Кечакундуз қилма гулбонгингни бас, эй андалиб  
Ким, санга беш кун бу гулшан ичра меҳмон бўлди гул.

Гул чоғи ёри сафар айлаб, Навоий жониға  
Ҳар бири бир тоза қонлиғ доғи ҳижрон бўлди гул.

## 391

Оташнн гул ғунчасидур ўтлуғу қонлик қўнгул,  
Зор булбул тумшуғи чокидин афғонлиқ қўнгул.

Бўстонафрўз эрур ҳар ён ниҳон тухми анинг,  
Ҳажр хуноби аро юз доғи пинҳонлиқ қўнгул.

Хаста жоннинг сўгида девонаедур мотами,  
Кўкрагимнинг захмидин чоки гирибонлиқ қўнгул.

То бўлуб юз пора, ҳар бир пора зулфунг торидин  
Бирга боғланди, басе топти паришонлиғ қўнгул.

Бирки ҳайрон бўлди ул оразға, кўрди халқдин  
Ҳар нафас юз қатла ўз ҳолиға ҳайронлиғ қўнгул.

Ғунчалар эрмас тиконлар ичраким, ушшоқдек  
Чархдин кўргузди ул ҳам неча лайконлиғ қўнгул.

Эй Навоий, кўнглунг олдурма, йўқ эрса сен ўлуб,  
Не осиғ, юз қатла гар қилса пушаймонлиғ қўнгул.

## 392

Юзини қўрди бадан чокидин хароб қўнгул,  
Узулди, баски аён қилди изтироб қўнгул.

Чу бўлди жилвагар ул ганжи ҳусн ҳасратидин,  
Хароблиғ қиладур ҳар замон хароб қўнгул.

Магар шиканжай зулфунгға қолдиким, урди  
Ўзига ғунча кеби мунча печу тоб қўнгул.

Балодуур ғами ишқинг сенинг vale юзвой  
Ким, ул балодин эта олмас ижтиноб қўнгул.

Шарори оҳ масаллик ул ой ҳавосида кўр  
Ки, пора-пора қилур қўк сари шитоб қўнгул.

Риоят айла судек соф халқ қўнглиниким,  
Синар нафас била ул навъким ҳубоб қўнгул.

Навоий онча лабингдин дедики, бўлди анга  
Тешилмаки била қон ичра лаъли ноб қўнгул.

## МИМ ҲАРФИНИНГ МАҲБУБЛАРИНИНГ МАЛОҲАТИ «БАДОЕЪ»ДИН

## 393

Борму ул икки ўрулгон гесуйи анбар шамим,  
Ё этак солмиш Муҳаммадда ёзилған икки «мим».

Ҳамд важҳида бири сарчашмаи оби ҳаёт,

Ҳадди лутф ичра бири сархалқаи аҳли наъим.

Ул биридин руҳпарвар топти анфоси Масих,  
Бу бирисидин асосин аждаҳо кўрди калим.

Жаҳл аро ўлган кўнгулларга дами Исо бўлуб,  
Чун эсиб танлар қубуриға риёзингдин насим.

Кўрмаган бўлсанг ато, маъни анга бу бўлдиким,  
Сен кеби чиқмай нубувват баҳридин дурри ятим.

Турфа буким, бул башар келди атоларға ато,  
Лек Булқосим деди фарзанд ани беваҳму бийм.

Қидмат ичра барчадин бўлдунг муқаддамроқ, валек  
Улки сендиндур муқаддамроқ, эрур ҳайи қадим.

Ё набииллоҳ саломатдин бўлуб мен мунҳариф,  
Бир иноят бирла аҳволимни қилғил мустақим.

Тонг эмастур, гар наво бўstonида топқай мақом,  
Чун Навоий ўзни наъting кўйида қилди муқим.

### 394

Неча ҳижрондин бузуғ кўнглумда бўлғай дам-бадам  
Ғам уза ғам, дард уза дарду алам узра алам.

Ёр ҳижрони, ватан таркию ғурбат шиддати,  
Чарх бедодию даврон меҳнати, эл жаври ҳам.

Сабр озидин азоб, андуҳ кўпидин изтироб,  
Ашқдин сайли бало, оҳ ўтидин ҳар дам алам.

Субҳу шом эмгак кўпидин кўнглума юз минг бало,

[www.ziyouz.com](http://www.ziyouz.com) kutubxonasi

Шом то субҳ уйқу йўқтин жонима юз минг ситам.

Барча бир сари, мангаву ёр заъфи бир сари,  
Кош анга сиҳҳат бўлуб, бўлғай манга юз мунча ғам.

Садқа айларга анга лойик, манга йўқ тухфае,  
Хаста жоним нақди бордур элт, эй пайки ҳарам.

Эй Навоий, шарҳи ҳолимни дедим ирсол этай,  
Сўзидин ҳам сафҳаға ўт тушти, ҳам куйди қалам.

### 395

Субҳидам гул ёқти шамъу лола зоҳир қилди жом,  
Яъни ёқиб шамъ, ол жоми сабуҳий бирла ком.

Жоми гулгун хуштурур бир сарвқад шўх илгидин,  
Ул нафаским, тонг елидин гулга сарв айлар салом.

Субҳким булбул мақоми «рост» тузгай сарв уза,  
Базм учун тут сен доғи бир сарв аёғинда мақом.

Субҳ невчун умрдин май бирла коме топмағай,  
Кимсаким, умриға йўқтур эътимод ўлғунча шом.

Соқие хуштур сабоҳатлиғ сабуҳи вақтида,  
Лек андин хушроқ улдурким, бу айш ўлғай мудом.

Гул арусиға берур зийнат чаман машшотаси,  
Су била ҳар субҳ то бўлмиш зилол ойинағом.

Сен доғи бир гул иси бирла димоғингни қизит,  
Васл савдосин пишур, гарчи эрур савдои хом.

Мен худ ул сарви хиромонни дедим, умри азиз,

Ваҳқим, ул сарви хиромон бас итик айлар хиром.

Эй Навоий, умр ишида худ кўп иҳмол айладинг,  
Қилмасанг дунё ишига ҳам бўлур кўп иҳтимом.

## 396

Холи хатting уза, эй турфа санам,  
Айладинг нуқта хат устида рақам.

Тушти кўз зулф ила оғзингға, не тонг,  
Айласа ишқ вужудумни адам.

Ўт солиб бошима ишқу тан аро,  
Шамънинг риштасидек печ ила хам.

Ўқи захми уза қуйдурдум доғ,  
Қораси захм уза бўлди марҳам.

Ўзига қилмаған ўзлукни ҳаром,  
Ҳарами ишқ аро бўлмас маҳрам,

Соқиё, ойинагун жом била  
Бир дам этгил мени Искандару Жам

Ки, на Жам қолдию не Искандар,  
Итти ул жом ила ул кўзгу ҳам.

Шод бўлким, икки олам коми  
Арзимаским, егасен бир дам ғам.

Эй Навоий, санга саъб ўлса хирад,  
Телбалик силсиласин тут маҳкам.

## 397

Ёрға еткач алам, тутти кўнгул хайлини ғам,  
Шаҳға чун ранже етар, ранжур ўлур мулк аҳли ҳам.

Ёр уйдин чиқмаса, олам кўзумга тийрадур,  
Чун қуёш чиқмас, жаҳондин муртафиъ бўлмас зулам.

Не ҳароратдур сангаким, куйди андин оламе,  
Уйлаким ўрттар жаҳонни меҳр ўти урғач алам.

Не аракдурким, ичинда ғарқадур нозук танинг,  
Барги гулдекким, гулоб ичра чўмар сар то қадам.

Сарвға боғ ичра ҳар ён жилва қилмоқ хуштуур,  
Соядек невчун ётибдур сарви гулзори Эрам.

Сенсиз ичмак уйладурким марг жоми ичра заҳр,  
Оби ҳайвон бирла гар бўлса лаболаб жоми Жам.

Эй Навоий, садқаси бўлғил алам дафъи учун,  
Мен ўлуб, гар ул саломат бўлса, ҳеч эрмас алам.

## 398

Ер узра тим-тим қон ёшим гўёки томмас дам-бадам  
Ким, нақди васлинг байъиға кўзлар санар бир-бир  
дирам.

Ишқингда бўлғач хоки раҳ, бўлдум балоқашларға шах,  
Ғам хайлидин тортиб сипах, оҳ ўтидин чектим алам.

Бир қатла кўрсанг ани, бас, таън этмагай эрдинг ҳавас,  
Ишқиға, эйким, ҳар нафас бизни қилурсен муттаҳам.

Эй сарв қадди маҳлиқо, тенгри қачон кўргайраво  
Мендин вафо узра вафо, сендин ситам узра ситам.

Йўқ фикри бу девонанинг, титрар ичи ҳамхонанинг  
Ким, сақфи бу вайронанинг ашким суйидин бўлди нам.

Мутриб, навое ком тут, муғ дайрида ором тут,  
Соқий, лаболаб жом тутким, қасди жоним қилди ғам.

Берганга ғам даҳри дани майхона басдур маскани  
Ким, бода дафъ айлар ани, етса кишига ҳар алам.

Дайру ҳарамда сар-басар, ул юздин истарлар хабар,  
Кўп ҳам низоъ этма агар ул дер самад, бу дер санам.

Дединг топиб жонон иси, топтим лабидин жон иси,  
Келур бу сўздин қон иси, тинма, Навоий, асра дам.

### 399

Тутқали бодаи гулгун қади савсан моҳим,  
Савсани хонадуур ҳар кечаке манзилгоҳим.

Ваҳки, васфида тилим лолдуур савсандек,  
Савсани тўён ила то жилвагар ўлмиш моҳим.

Кўргали қаддини савсан сари туз боқмаймен,  
Ушбу сўз тузлугига тенгри эрур огоҳим.

Манга дилҳоҳ анинг қадду юзибур, гарчи  
Савсану гул сари кўп майл қилур дилҳоҳим.

Қоматинг хижлатидин савсан ўлубтур неча ранг,

Ё бу навъ этмиш ани шуълаву дуди оҳим.

Бу чаман савсану сарвиға бақо чун йўқтур,  
Бўлса гул гаштидин анинг, не ажаб, икроҳим.

Эй Навоий, нетайин сарв ила савсанки, эрур  
Савсани тўн била ул сарви равон ҳамроҳим.

## 400

Қачон кўрсам ул ойни, куйдуур жонимни афоним,  
Агар кўрмак муюссар бўлмаса, мискин менинг жоним.

Кўзум ёши таним захми била кўюнг йўлин туттум  
Ки, бир сари борур ашким, яна сари борур қоним.

Танимда буки пинҳон доғлардур, айлагай пинҳон  
Танимни, ҳар тарафдин бўлса пайдо доғи пинҳоним.

Қуюндеқ дашт уза саргаштадур хоки таним, ёхуд  
Либос этмиш қуюннинг пардасидин жисми урёним.

Танимға келмади овора кўнглум кўйидин, гўё  
Унутмиш хонумонин ул алохону аломоним.

Ёнимға келди ул маҳваш, дам урмон, лек найлайким,  
Кўнгулнинг изтиробидин тешилгудекдуур ёним.

Аёқчи маҳвашу май дилкашу аҳли тараб сархуш,  
Қадаҳ келтурки, қилмоқ порсолиқ йўқтур имконим.

Замон асҳобининг ҳажри қошимда васлидин хушроқ  
Ки, хушроқдур висолимдин алар оллида ҳижроним.

Навоий ишқ аро зуннор боғлаб кирди дайр ичра,  
Муғона бир қадаҳ бермас ҳануз ул номусулмоним.

## 401

Не ғам, кўргузса кўксум ёрасин чоки гирибоним,  
Кўрунмас бўлса кўнглум ёрасидин доғи пинҳоним.

Бағирдин ўзга йўқтур тўъма, кўксум чокидин ерга  
Ичимга бошини солиб итинг гар бўлса меҳмоним.

Бўлубтур заъфим ул янглиғки, боссам мўрни ўлмас,  
Вале ул жисмим узра чиқса, дардидин чиқар жоним.

Танимға мунча заъф ўлдики, рангин ашқ ифрати,  
Не тонг заъфим, чу икки захмдин турмай борур қоним.

Сабоҳи васл ул ой истаб мени туфроғ аро топмас  
Ки, шоми ҳажр кўп гарди фано ёғдурди вайроним.

Чамандин ел равоносо келур ҳар дам, ажаб эрмас  
Ки, гулгашти чаман айлар бугун сарви хиромоним.

Тиярмен оҳу ашкимни улус бедодидин, йўқса  
Олур додим алардин ушбу сарсар бирла тўфоним.

Мени мақсаддин маҳрум этибсен, эй кўнгул, ҳар дам  
Жафо доғи била куйдурмаким, бас доғи ҳирмоним.

Қилибтур ваъдаи васл, эй Навоий, вах, не хуш бўлғай,  
Сўзин бир қатла гар чин айласа ул аҳди ёлғоним.

## 402

Саҳар кўрдум юзин — ақшомғача куйди ҳазин жоним,

[www.ziyouz.com](http://www.ziyouz.com) kutubxonasi

Бу эрди субҳи васлим то не бўлғай шоми ҳижроним.

Қўёш кулбамға ингандин манга юз қатла хушроқдур  
Қора шомимни равshan айлаган шамъи шабистоним.

Не янглиғ ёшурай ҳижрон ғаминким, фош этар ҳар дам  
Оғиздин шуълалиқ оҳим, назардин ашксиз қоним.

Ажабтур тоири васл истамак кулбамға қўнмоқким,  
Яқиндур насли воқиъни учурғай қўқтин афғоним.

Қадинг нахли хаёли кўздадур, эй навбаҳори хусн,  
Маозоллоҳ, агар ани қўнгарғай сайли мужгоним.

Дедим, сўзон кўнгулдин чекмагил бир дам хадангингни,  
Дедиким, қолса бир дам су бўлур ул ўтда пайконим.

Балият тоши ёғдуруған кеби вайронима гардун,  
Мазаллат гарди ҳар дам ёғдурур бошимға вайроним.

Қадаҳ даврин эвур, эй дайр пири, токи мумкиндур  
Ки, даврон ранжини тортарға эмди йўқтур имконим.

Дема жоми фано ичра эзилмиштур ажал заҳри,  
Навоий, жон бериб, ул жомни чекмақдур армоним.

## 403

Суда кўрмак юзунг душвор эди, эй хусн аро моҳим,  
Хусусанким, анга таҳрик бергай сарсари оҳим.

Не янглиғ ул қуёш қўйига ёлғуз азм қилғаймен  
Ки, бўлмоқ истамон ул ён борурға соя ҳамроҳим.

Кўнгулни истади ул, ани кўнглум истади, юз шукр

Ки, ҳоло даст бермиш ҳар неким бор эрди дилхоҳим.

Биравни кўз кўруб, кўнглум асир ўлғанни ёшурсам,  
Гаҳ ашким имтиоди фош этар, гаҳ оҳи ногоҳим.

Гар ўлсам итлари ҳамкосаси, аҳбоб, таън этманг,  
Алар икроҳи гар йўқтур, менинг худ қайда икроҳим.

Неча доғ истарам кўнглум аро, тенгри учун ўрта  
Ки, сойилмен, бу икки-уч дирамдур шайалиллоҳим.

Мавокиб гарди ул ёндин, бу ёндин халқ наззора,  
Магар йўлинида мен ўлган, тамошоға келур шоҳим.

Ажаб йўқ пирларнинг нуктасидин бўлмоғим оғах,  
Фано йўли сулуки ичра бўлса пири огоҳим.

Танимни, эй Навоий, ҳар тараф кўйида оҳ элтур,  
Тилааб ул хирмани гулни, учар ҳар ён пари коҳим.

## 404

Жунундин уйла туфроғ ўлди жисми ранжпарвардим  
Ки, ҳар тош урсалар атфол жисмимға, чиқар гардим.

Неча ҳажринда ўлсам оҳу ашкимдин солиб тўфон,  
Вале қўйманг, кўтарга келса сарви нозпарвардим.

Йўлида баски қўйдум чеҳра санчилған хасу хошоқ,  
Сомонлар билки чекмиш каҳрабодек чеҳраи зардим.

Паёпай не экин абри баҳордин чоқин тушмақ,  
Булут узра бир учқун солди гўё шуълаи дардим.

Қуюндеқ гар талаб даштида йўқ мен етмаган водий

Не ғам, саргашталиқда учраса моҳи жаҳонгардим.

Вафо бўйтонин ашким бирла сероб айладим, умре  
Эрур ғам новаки-сарвим, бағир парголаси вардим.

Муҳиқдур, эй Навоий, ул парий мендин малул ўлмоқ,  
Нединким, кўйида девоналиғни ҳаддин ўткардим.

## 405

Эй, юзу қаддинг ошиқи гулу сарви равон ҳам,  
Мунунг ичида ўқдур, анинг бағрида қон ҳам.

Кўюнг эрур ул равзаки, хижлат топиб андин,  
Гум бўлди гулистони Эрам, боғи жинон ҳам.

Оғзинг била лаълингни тилар жону қўнгулким,  
Гунчангға қўнгул садқа, фидо лаълинга жон ҳам.

Кўнглум кебидур ғунча, экан лолаки бордур,  
Пайдо тошида қон, ичида доғи ниҳон ҳам.

Гаҳ бул-ажаб аҳволима, гаҳ дардима бўлмиш  
Ул кўйида ҳар кечаки ғавғову фифон ҳам.

Мен телбаки кўргач ани фарёд этиб ўлдум,  
Гар яхши эмас эрди, эмас эрди ёмон ҳам.

Ғам хайли ҳужум этса, югур майкада сари,  
Невчунки, эрур ҳисни ҳасин дори омон ҳам.

Тут муғтанам, ўлдунг эса хушҳол замоне,  
Невчунки, замон ҳосид эрур, аҳли замон ҳам.

Ҳар ён борур ул шўху Навоийға ҳам уммид  
Ким, саҳв ила шояд қилғай майл бу ён ҳам.

## 406

Ишқ ўтидин танда андоқ саъб ўлубтур куймаким  
Ким, шаарлар торидин гўё тўқилмиш кўнглаким.

Бағриму кўнглум итига тўъмалиқ душвор эди,  
Шукрим, чок ўлди ишқинг тиғи бирла қўкрагим.

Зальфдин кўюнгга бордим сурганиб атфолдек,  
Раҳм қилғилким, бу йўлда ҳаддин ошди эмгаким.

Дема уйқусиз кўзунг ҳажрим туни очилмади,  
Не қила олғай ажал уйқуси бирла сергаким.

Бир қадам вайронима қўйким, ғамингдин туну кун  
Юзга илгимдур сутун, туфроққа ботиб тирсаким.

Дард қўрким, дев сийратлар биландур ул парий,  
Гарчи бор андин малак хайлиға доғи тергаким.

Эй Навоий, ҳажридин йиллар қуюб, ул бевафо  
Демадиким, найлар ул ушшоқ ичинда эртаким.

## 407

Ҳажрингда қону ғуссадур ичмак-емакларим,  
Ишрат суруди нолай зор айламакларим.

Махфий ғаминг ёзарда йигилған битикча бор  
Дардинг ниҳон тутардин оқарған сўнгакларим.

Жону кўнгул фироқ ҳужумида иттилар,

Мендин забуну зорроқ әрмиш қўмакларим.

Ўпмак изингни йўқ ҳаддим, аммо хаёл ила  
Лаълингни ёлқитур мутаоқиб мучакларим.

Гарди бало бошимға ёғар ончаким, магар  
Чамбарларидин айлади гардун элакларим.

Юз пора бағрима тиш ураг мен ютарда қон,  
Бу бўлса май, не тонг, алар ўлмоқ газакларим.

Оғзинг гумони эрди Навоийда, шукрким,  
Нутқунг яқинға қилди бадал барча шакларим.

## 408

Йиғларимни, эйки, кўп манъ айладинг, йўқтур шаким,  
Ашкинг ўлмоқда садим гар бўлса дардинг садъяким.

Ул қуёш васлин тиларда пўям ул ғоятдадур  
Ким, эмас мумкинки, бир кун соя бўлғай ҳамтаким.

Жон бериб, васлингни байъ этканни ёздим кўнглума,  
Дарду ишқ икки гувоҳим, чоклик кўнглум чаким.

Шоми ҳажр уйғоқмен беҳад келурдин кўзга ёш,  
Уйқуға қўймас югурмақдин бу хайли гўдаким.

Кўнглума жузв ўлди пайконингки, чиқмас тортибон  
Жузв-жузв ўлса кўнгул, ул жузв эрур лоянфаким.

Соқиё, миръоти идрокимни майдин равшан эт  
Ким, эмас бу коргахда бир саримў мудраким.

Эй Навоий, оғзидин кўнглумда гар бор эрди шак,  
Қатлима чун демади сўз, бартараф бўлди шаким.

## 409

Киши ҳам эрмас эмиш ишқ сирриға маҳрам,  
Тахайюлиға кўнгул ҳам, ҳадисиға тил ҳам.

Насиме ғунча ичидин чу ёйди гул атрин,  
Димоғларға етардин неchora, эй ҳамдам.

Ёшурди одам агар тенгри сиррини, кўрунгуз  
Ки, халқ сиррини тутмас ниҳон бани одам.

Таашшуқум сўзини, эй рафиқ, кўп сўрма  
Ки, бу фасонанинг авлодур ўлмағи мубҳам.

Агар гуноҳим эса дарду ишқ изҳори,  
Бу сўзда яхши ёмоннинг қошида мен мулзам.

Ҳаёт бўлса қилилғай талофийи мофот,  
Фигонки, умр биноси эмастурур маҳкам.

Хуш улки, маст ўлуб ўлғай халос оламдин  
Ки, келди олами бехушлуқ ажаб олам.

Мен ўлмадим эса ғамсиз dame, ғам эрмастур  
Ки, ғам хужум этар, ўлған замон dame хуррам.

Не тонг, Навоий улустин гар ўлди озурда  
Ки, кўрди кўп алам узра алам, ғам устида ғам.

## 410

Фурқати заъфида қон ёш ичра ётмиш пайкарим,

Гулузоримдек қизил атластин ўлмиш бистарим.

Юз била ашким оритти ёр, шод ўлсам не тонг  
Ким, тулуъ этти саодат матлаъидин ахтарим.

Оташин лаълинг ғами қонлиғ танимға солди ўт,  
Учқунум гулбарг ўлуб, лаъл ўлғусидур ахгарим.

Оҳ шояд кўйи сари элтгай деб шодмен,  
Гарчи гард ўлди йўлинда жисми меҳнатпарварим.

Уйла ҳижрон бирла хўй эттимки, гар дерлар бирав  
Ёри бирла васл топиштур, эмастур боварим.

Итларинг синған сафоли ичра бўлдум дурдкаш,  
Бўлмасун ҳаргиз тиҳи ул бодадин бу соғарим.

Эй Навоий, ҳажр ўқидин пар чиқармоғ не осиғ,  
Чун парий рўюмға етмакка ярамас бу парим.

## 411

Кўнглуму жоним фидо оғзиға, гуфториға ҳам,  
Куфриму диним доғи зулфиға, рухсориға ҳам.

Итти қонлиғ кўнглум, узгил ғунчаларни, эй сабо  
Ким, анга кўз солмайин, балким намудориға ҳам.

Зор кўнглумга агар боқиб ани зор айладинг,  
Жони беморимға ҳам боқ, жисми афгоримға ҳам.

Борғач ул сарви равон, жисмимда жон қолғаймуким:  
Қаддиға жон риштаси боғланди, рафториға ҳам.

Мен киму дин, эй мусулмонларки, бир коғир кўруб,

Жон фидо қилдим чалипосиға, зуннорига ҳам.

Даҳр боғининг гули ўтдур, бийик ашжори дуд,  
Елга бер ул гулни ҳам, ўт солғил ашжорига ҳам.

Эй Навоий, даҳр йўқу бори тинмаслиғдуур,  
Тингасен, гар қилмасанг парво йўқу борига ҳам.

## 412

Эмас жунундин, агар тоғларда бўлса қарорим  
Ки, қолди баҳри сиришким тубида мулку диёrim.

Жамолинг ойинасин хат чу тийра айлади — ўлдум,  
Не айб, қилса қуёш кўзгусини тийра ғуборим.

Чу итларинг ялади қонларимни захмларидин,  
Фарид марҳам эди буки топти жисми афгорим.

Сиришк қони чу нақш айладим, нигор етишти,  
Биҳишт қилди бузуғ манзилимни нақшу нигорим.

Ҳалоким ул қаду юздин чу бўлди, туфроғим узра  
Бўлур, чу сарв уза гул эгилса, шамъи мазорим.

Қадаҳ олиб лаби жон баҳшинга, қуй оғзима, соқий  
Ки, жонни айлагудекдур ҳалок ранжи хуморим.

Навоиё, су агар қилса тошни, не осиғдур,  
Нигор кўнглига қилмас асар чу нолай зорим.

## 413

Не рафиқеким, давосиз дарди ҳолимни десам,  
Не шафиқеким, ниҳоятсиз малолимни десам.

Етти чарх авроқи тўлғай, етти баҳр ўлса мидод,  
Ул қуёш васлиға бир дамлиқ хаёлимни десам.

Истимоъ ўлса хирад савдои ўлғай шаммае,  
Зулфи занжирида савдои муҳолимни десам.

Чунки козибдур мунаҷжим ўкса меҳрин ордур,  
Ўтруда ул ахтари фархунда фолимни десам.

Дема тўбидинким, ул эски дараҳт ўтрусида  
Номуносибдур, агар наврас ниҳолимни десам.

Ринд эмасмен дайр аро, гар жоми Жамдин ўтса сўз,  
Май гадолиғ қилғали синған сафолимни десам.

Эй Навоий, хўблар ичра менинг моҳимдадур  
Табъи мавзунни десам ё зиҳни солимни десам.

## 414

Фироқ ўтидин анингдек қизибтуур баданим  
Ким, ани сокин этар жонни ўртаган туганим.

Ғамингдин уйла ўлуклар ҳисоби бўлмишмен  
Ки, хужра мадфану идбор гардибур кафаним.

Сиришқ баҳри аро уйла хўй қилмишмен  
Ки, су кишисидек ўлмиш тенгиз аро ватаним.

Фаришталиғ тиламон, истарам итинг бўлсам,  
Агар бўлур эса зулфунг камандидин расаним.

Агарчи юз тикан ул ғамза тики бағримға,  
Юз очсанг, очғуси юз гул бағирда ҳар тиканим.

Хуш улки, йиғлар эдим зор-зор дайрда маст,  
Санам ғамидин ўлуб чок-чок пираҳаним.

Навоиё, қани ул файз хонақоҳ ичра  
АЗИМАТ этки, эрур хушроқ анда-ўқ эканим.

## 415

Ишқ таркин қилдиму чиқти кўнгулдин ёди ҳам,  
Сизга васлининг нишоти, ҳажрининг бедоди ҳам.

Ишқ бузсун деб кўнгул мулкини обод айладим,  
Ер қуи эмди анинг вайрони ҳам, ободи ҳам.

Зор эдимким, шод эмас ишқ ичра кўнглум хотири,  
Эмди кўнглум қолмади, ул хотири ношоди ҳам.

Кўрса Лайли бирла Ширин руҳи жаврин, раҳм этиб,  
Куйгай анинг хаста Мажнуни, муунунг Фарҳоди ҳам.

Даҳр боғидин, кўнгул, нафъи вафо кўз тутмаким,  
Бесамардур сарв ҳам, саркашдуур шамшоди ҳам.

Мен вафо кимдин топай, бу шевани чун топмади  
Офаринишда парий жинси, башар авлоди ҳам.

Ёрсизлиғдин Навоийни яна қўрқутмангиз  
Ким, бу саъб ишга юрак бости кўнгул тўқтоди ҳам.

## 416

Келди тиргузгали заъфим кўруб ул Исо дам,  
Келгани ҳам ўз ишин қилди, вале кетгани ҳам.

Келмаки жон берибон қайтури ўлтурди яна,  
Гўйиё қайтғали бошима еткурди қадам.

Бориб ўлтурмади жон нақд нисор этти кўнгул,  
Уйлаким, халқ сочар, шоҳ аёғиға дирам.

Шоми ҳижроники, ғоятсиз эрур тийралиги,  
Адам иқлимиға ул келди саводи аъзам.

Кўзни суртуб, гар итингнинг тобонин реш эттим,  
Ҳал қилиб кўз қораю оқини айлай марҳам.

Ваҳ, не янглиғ бу харобот аро ҳушёр бўлай  
Ки, дақойиқдур анга бир-бирисидин мубҳам.

Мен киму васл, ани хосларингға еткур  
Ким, Навоийға етар ҳажр аро бедоду ситам.

## 417

Ҳажр қоним тўккудекдур, буйлаким зор ўлмишам,  
Бот қутулғум гарчи бас қоттиғ гирифтор ўлмишам.

Уйлаким, урён танимға ёғди тош ҳижронида,  
Эй Масих, асра дамингким, беҳад афгор ўлмишам.

Кеча тегранг айланиб, кундуз юзум девор уза,  
Уйдаги парвонадин гўё намудор ўлмишам.

Мумкин эрмас мен қори сойилға кўюнг фурқати  
Хоссаким, ишқ оғатидин саъб бемор ўлмишам.

Кўйи девориға орқам ёпишиб, мен волиҳи  
Суврати наззорасида нақши девор ўлмишам.

Гар кўрунмас ул парий, истаб анга якранглик,  
Зъофдин мен телба ҳам эмди паривор ўлмишам.

Эй сабуҳ аҳли, мени бир жом бирла тиргузунг  
Ким, ўлум ҳоли хумор илгига бедор ўлмишам.

То мулозим пири дайр ўлди, муродим муғбача,  
Сокини дайру муқими кўйи хаммор ўлмишам.

Эй Навоий, сарв бирла гулни найлай, чунки мен  
Волаи бир гул узори сарв рафтор ўлмишам.

## 418

Қариған чоғда бир маҳваши йигитга мубтало бўлдум,  
Ўзум ўз жонима бедод қилмоқтинг бало бўлдум.

Манга ҳам ошно бегона ҳам бегона хасм ўлди,  
Ҳам ул чоғдинким, ул бегонавашқа ошно бўлдум.

Жунун сахросида деманг қачондин бўлдунг овора,  
Анинг ишқида токим ақл мулкидин жало бўлдум.

Юзумга чарҳдин юз кожу ул ой оллида мардуд,  
Қорарған рўзгоримдек ажаб юзи қора бўлдум.

Хино ёқған кеби жисмимға марҳамни сувадиклар  
Ки, боштин то оёқ ҳажр ўқлари бирла яро бўлдум.

Манга дорул-қазойи ишқ аро қон даво этти шавқ,  
Анга хунрез кўз бирла бу давоға гуво бўлдум.

Муғона нағма бирла муғбача май тутти оллимда,  
Чу бир иршоди бирла сокини дайри фано бўлдум.

Мураққаъ бас манга юз доғлиқ тан, чунки дайр ичра,  
Сафол илгимда дурди бода истардин гадо бўлдум.

Навоий барча эл бир ёну сен бир ён, ёмон эрмас  
Гар аҳли ишқ топтилар наво, мен бенаво бўлдум.

## 419

Кўнгул жароҳатиға васлидин даво кўрсам,  
Назар муродин анинг ҳуснидин раво кўрсам.

Бу номурод юзин бир назар кўруб ҳар дам,  
Муродим ушбудуурким, ани ёно кўрсам.

Не навъ эл кўзи оллида кўрмакига чидай,  
Эрур чу мардумидин рашк кўз аро кўрсам.

Қора кўруб, не бало кўзғалурлар эл манга ҳам,  
Не айбу ҳам хатидин қора бало кўрсам.

Улус жафосидин этмон шикоят улча келур,  
Не шиква, ул улус ошу bidin жафо кўрсам.

Қошимда жоми Жаму салтанатча бор ўрни,  
Сафол алимда харобот аро гадо кўрсам.

Бу коргаҳда хато келмади чу бир саримўй,  
Хато менинг назаримдандуур, хато кўрсам.

Қачонғача бўлай ўзлук музийқи ичра батанг,  
Хуш улки, жилвагаҳим водийи фано кўрсам.

Навоиё, мени гар ёр бенаво қилса,  
Кўп ортуғ андинким, ғайрдин наво кўрсам.

## 420

Жонға кўксум чокидин жононни меҳмон айладим,  
Гавҳаре топтим, ани қўнглумда пинҳон айладим.

Кавкаб эрмас, паҳталар тиқмиш қулоғиға сипеҳр,  
Ул қуёш ҳажрида тунлар, баски, афғон айладим.

Жонға, эй гул, хори ғам кўп урдуңг, эт ваҳм эмдиқим,  
Ҳар бирин бир новаки оҳимға пайкон айладим.

Кўксум узра ҳар не марҳам эрди, ашқ оқизди,вой  
Ким, саломат тарҳин ул су бирла вайрон айладим.

Фитна тоши ё саломат соҳили тенгдур манга  
Ким, ҳубоби ашқдин бошимға қолқон айладим.

Боиси мақсад— зоҳид зуҳд қилди, мен — фано  
Фақр иқболидин ул мушкулни осон айладим.

Эй Навоий, боғлаб эрди Каъба эхромин кўнгул,  
Кўйидин бир нукта шарҳ айлаб, пушаймон айладим.

## 421

Бодадин жон иси касб этти машом,  
Гўйиё лаълинга етмиш эди жом.

Кўрмаган Хизр суйининг боришин,  
Келу кўр оби ҳаётимға хиром.

Тўлин ойни недин эл васф қилур  
Ки, мушобиҳдуур ул юзга тамом.

Ким, эрур қўзга юзунгдек гулфом.

Қадам, эй рухи равон, бошима қўй,  
Негаким, руҳ бийик топти мақом.

Холу зулфиға кўнгул бермангким,  
Қушни бандур этар ул донау дом.

Оғзи васфида Навоий сўз дер  
Мухтасар, чунки эрур хайр қалом.

## 422

Лахза-лаҳза қундуз анинг зулмини ёд айларам,  
Кеча ўз жонимға бедод узра бедод айларам.

Ақл ёд айлаб, яна ҳижронида бўлсам ҳамуш,  
Чун жунун туғён қилур, бехост фарёд айларам.

Бўйни боғлиқ қул қилур, кўргач агарчи ҳажрида,  
Ўзни юз таъкид ила ишқидин озод айларам.

Ишқ сайли чун ўтар, топмон тилаб осорини,  
Ҳар неча кўнглумга тархи сабр бунёд айларам.

Қуш қочар сайёд домидин, ажаб қушменки, мен  
Зулфин истаб орзуи доми сайёд айларам.

Ақлу хуш, авроқу ажзосин жунун оҳи била  
Девбод ўткан кеби борини барбод айларам.

Соқиё, мұхлиқдуур қайғум ушул уммид ила  
Ким, майи жонбахш тутқунг, хотирим шод айларам.

Фақрдин юз йилчилиқ йўл мен йироқ, аввал далил

Буки, фақр ойинини ўзумга иснод айларам.

Эй Навоий, зулмким, номеҳрибон моҳим қилур,  
Мехрибон шоҳимни кўргач, қичқириб дод айларам.

## 423

Дардоки, лаҳза-лаҳза фузундур малолатим,  
Ҳижрон малолатидин эрур саъб ҳолатим.

Бошимки, тифи касрати еткач, тушар қуийи,  
Алтофи ўтрусида бу эркан хижолатим.

Десамки, эй жамол элининг шоҳи, қилма зулм,  
Дер, шоҳлиқ тариқидадур бу адолатим.

Менда мақол қуввати нўқ заъфдин, валек  
Ҳар анжуман орасида йўқ жуз мақолатим.

Кўнглум ўтинки шарҳ қилурмен, бўлур самум,  
Ул гулга тонг насими гар этса рисолатим.

Дашти жунунға кирмангиз, эй аҳли ишқим,  
Гум айлар анда халқни дуди залолатим.

Ёр этмай илтифот Навоийға бўлса яъс,  
Не ғам, чу қатл ваъдаси бор истимолатим.

## 424

Бўлғанда ҳажр тунлари беҳушшуғ ишим,  
Кўз мардумидуур юзума су урап кишим.

Демангки, ёр очса узор, айла жон нисор,  
Не ҳожат айтмоқ, ул эрур худ менинг ишим.

Ҳажрида уйла телба бўлубменки, телбарар  
Ҳар итни ёр кўйидаким захм этар тишим.

Кўп сурди тифи қатл фироқ, эмди сен доғи  
Бир қатл тифи сур, етишибдур чу варзишим.

Жонон муроди қатлим ўлуб, қилса жон ибо,  
Жонимға қарғишимдуру жононға олқишим.

Ул гул ҳарими гулшанида бир гиёҳ эдим,  
Навъе қўнгарди ҳажрки, қолмади қиртишим.

Деманг, Навоий асру тирик қолди ҳажр аро,  
Васли уммиди бирладурур мунча қолмишим.

## 425

Куяр ҳажрингда жисми нотавоним,  
Не жисми нотавонким, хаста жоним.

Гар ўлтурсанг мени, қил тиф ила қатл  
Ки, бўлсун кўюнга оғушта қоним.

Фироқинг сўзидин бир шуъладурмен,  
Ўти ул шуъланинг сўзон фиғоним.

Мени қовма эшиқдин, чун итингмен,  
Ажаб йўқ, гар эрур кўюнг маконим.

Ёриб қўксум, сени жонимға тортай,  
Тараҳҳум қил, кўруб доғи ниҳоним.

Амон бермас эди даврон жафоси,  
Харобот ўлмаса дорул-амоним.

Анинг кўйида қил қабрим, Навоий,  
Дер эрсангким, етушсун ерга ёним.

## 426

Фироқ даштида туфроқ бўлуб эди бошим,  
Кўтармаса эди туфроғдин ани ёшим.

Бошимни гўй қилибмен йўлунгда, эй чобук,  
Оting аёғи қаён бўлса, андадур бошим.

Йўл уйла қатъ этарам ул қуёш ҳавосинда  
Ки, соя қилғудек эрмас ўзини йўлдошим.

Ҳаёт нақдини найлайки, майфуруш олмас,  
Ушанча майғаки очқай хумор қаллошим.

Юзунг хаёлида оҳим шарар сочар ҳар ён,  
Самуми ҳажрдуур бу насими гулпошим.

Кетур пиёлаки, ҳар нечаким вафо қилдим,  
Жафодин ўзга улустин йўқ эрди подошим.

Навоиё, агар иккинчи Одам эрмасмен,  
Недин жаҳон юзини тутти сар-басар ёшим.

## 427

Қориган вақтда бир тифлға шайдо бўлдум  
Ким, ғамидин қориу тифл аро расво бўлдум.

Хайли атфол аро тош ёғдуруборон қовларлар,  
Ҳар қаёндинким анинг кўйида пайдо бўлдум.

Қайси Мажнун соғолур, кўрса мени телба бўлур,  
Телбалар хайлиға сармояйи савдо бўлдум.

Итлари силсиласида кечалар нола чекиб,  
Хайли аҳбобқа сарҳалқайи ғавғо бўлдум.

Гоҳи энг узра, гаҳ тим-тим кўрунур кўз ёшим,  
Ишқ боғи аро шоҳи гули раъно бўлдум.

Демаким, тавбаю тақвони қачон тарк эттинг,  
Соқийи гулрух даме шифтаси то бўлдум.

Лаби васфида Навоий дами тиргузди ўлук,  
Файзи қудс чу мадад қилди — Масиҳо бўлдум.

## 428

Эй парий, раҳм этки, кўнглум зор эрур, бечора ҳам,  
Ишқу савдо даштида Мажнун эрур овора ҳам.

Тандағи пайконлару ашким ёрутмас уйниким,  
Дуди оҳимдин қорармиш событу сайёра ҳам.

Захми қўп бағримни тикмак мумкин эрмас, эй рафиқ  
Ким, эрур гоз пораву мажруҳ эрур ҳар пора ҳам.

Васли иқболию мен, ҳайҳотким, рухсорини  
Тоқатим йўқтур йироқтин қилғали наззора ҳам.

Уйла су қилди бало кўҳсорини оҳим ўти  
Ким, олиб кўқсумга урғунча топилмас хора ҳам.

Чарх макру фитнасидин ғофил ўлманг зинҳор,  
Чунки бу шоҳид басе фаттон эрур, маккора ҳам.

Телбараб иттим Навоийдек жунун саҳросида,  
Қилмади ёдимни ҳаргиз бир парий руҳсора ҳам.

## 429

Ҳажр ароким, ўзни май бирла фасона айларам,  
Йиғламоққа бода ичмакни баҳона айларам.

Лаългун ҳар майки ичтим ул майи лаб ҳажридин,  
Кўздин ашки лаългун янглиғ равона айларам.

То ичармен май, қадаҳдек йиғларам бехуд бўлуб,  
Топмасам бир дам, фифони бехудона айларам.

Заврақи май бўлмаса, билким, ўлармен, эй рафиқ,  
Ғусса баҳридин анинг бирла карона айларам.

То тўла тутсун дебон соқий манга еткач қадаҳ,  
Тошқи даври хаттини анинг нишона айларам.

Соқиё, тут бодаким, кўпрак мени мабҳут этар,  
Нечаким андишай бу корхона айларам.

Не осиғ, чун ёр қўнгли айламас бу ён қашиш,  
Эй Навоий, нечаким дилкаш тарона айларам.

## 430

Хирқаи зуҳд ўртамак кўнглум шиори айладим,  
Субҳа торин уздуму кўкурд тори айладим.

Чун туташти ўт, бир овуч донасин тасбихнинг  
Устига сочмоқ била ул ўт шарори айладим.

Дафтари сажжодаву наълайнни ҳам дам-бадам

Ташламоқ бирла равон ул шуъла сари айладим.

Зуҳду тақво, балки чун ўзлук нишони қолмади,  
Расм сайр айлаб, фано дайри гузори айладим.

Ичмайин бир журъа андоқ жилва қилди муғбача  
Ким, қошинда сажда қилмоқ ихтиёри айладим.

Мунча давлат касбиким айлаб экин олам аро  
Ким, фано иқболидин мен хаста боре айладим.

Эй Навоий, менда бир жон нақди қолмиш эрди бас,  
Шукр, ани ҳам маю мутриб нисори айладим.

## 431

Эй, хилолингға нигун қад била пайвасталиғим,  
Дилкушо ғунчай хандонингга дилбасталиғим.

Тушкали жонима бемор кўзунг ҳижрони,  
Ўлгудекменки, басе саъбурур хасталиғим.

Чун фано аҳлиға қайд ўлди сочинг силсиласи,  
Қилмади нафъ тажарруд била ворасталиғим.

Юз шикаст ўлди жунун тошларидин жисмим аро,  
Гарчи кўнглумда эрур онча юз ишқасталиғим.

Ишқ саҳросидаким пўя уруб секрермен,  
Бу экин зумрақ ушшоқ аро баржасталиғим.

Истиқомат чу замон табъида йўқтур, не ажаб,  
Бир замон тезлигим, бир нафас оҳисталиғим.

Юз балиятқа Навоийдек ўлуб шойиста,  
Не балодурки, анга бўлмади шойисталиғим.

## 432

Нома ёздим ёр учун, лекин жавобе топмадим,  
Жисмима ул номадек жуз печу тобе топмадим.

Ҳар кишига жон бериб, қилдим тамаъ меҳру вафо,  
Бу гунаҳ подоши жуз нозу итобе топмадим.

Дарди келди қасдима, итмиш эди вайрон кўнгул,  
Қўйғали бу ганжни, ваҳқим, харобе топмадим.

Чирмадим жон риштасин новакларингға най кеби,  
Уйла қушлар қайдига мундоқ танобе топмадим.

Чун хаёлинг кўзда меҳмон ўлди, май қон ёш ўлуб,  
Бағлаған кирпикда қонлардек кабобе топмадим.

Нечаким матлуб рухсорин дедим айлай назар,  
Ўзлугумдин ўзга ул юзга ҳижобе топмадим.

Эй Навоий, ҳажр аро қил ишқ бирла машварат  
Ким, мен истаб ақлдин ройи савобе топмадим.

## 433

Хилвате топиб, сени жисмим аро жон айласам,  
Балки жон хилватсаройи ичра меҳмон айласам.

Хилват элдин ёшурун, хилват аро тан ёшурун  
Танда жон янглиғ сени жон ичра пинҳон айласам.

Анда ҳам жон пардасин ҳар сари осиб сатр учун,

Васлинг ихфосин нечаким, бўлғай имкон, айласам.

Чун бу хилват ичра не ўзлук эрур маҳрам, не мен,  
Ҳар не номаҳрам дурур, ўздин паришон айласам.

Дафъ ўлуб ағёр, топсам бор ул хилват аро,  
Безабонлиғ бирла шарҳи дарди ҳижрон айласам.

Умри боқий топқамен, бир лаҳза ушбу ҳол аро  
Ўзни бехуд, кўзни рухсорингға ҳайрон айласам.

Эй Навоий, дема иқрор айла ишқи таркини  
Ким, инонғай, гар ўзумга буйла бўхтон айласам.

## 434

Кимга қилдим бир вафоким, юз жафосин кўрмадим?!  
Кўргузуб юз меҳр, минг дарду балосин кўрмадим?!

Кимга бошимни фидо қилдимки, бошим қасдиға  
Ҳар тарафдин юз туман тифи жафосин кўрмадим?!

Кимга кўнглум айлади меҳру муҳаббат фошким,  
Ҳар вафога юз жафо анинг жазосин кўрмадим?!

Кимга жонимни асир эттимки, жоним қатлиға,  
Файр сари хулқу лутфи жон физосин кўрмадим?!

Кимга солдим кўз қораву оқини ишқ ичраким,  
Қон аро пинҳон кўзум оқу қоросин кўрмадим?!

Сен вафо ҳусн аҳлидин қилма таваққуъ, эй рафиқ  
Ким, мен ушбу хайлнинг ҳусни вафосин кўрмадим.

Эй Навоий, тавба андин қилмадим шайх оллида  
Ким, бу ишда дайр пирининг ризосин кўрмадим.

## 435

Сочинг саводига ҳаргиз назора айдамадим  
Ки, дуди оҳ ила оламни қора айламадим.

Йўлунгда кимса бошин қўрмадимки, ғайратдин  
Бошимни ерга уриб, пора-пора айламадим.

Бағирни чоклар эткандин айлама инкор,  
Мен ани тиғ ила худ мунча пора айламадим.

Манга ғаминг аро бечоралиғдуур чора,  
Не ғам, агар мени бечора чора айламадим.

Ёранг ҳисобини касратдин англамон, эй ишқ,  
Санаб туганмади, йўқким, шумора айламадим.

Таваккул айлаю кир ишқ йўлиға, эй шайх  
Ки, мен қилурда бу азм истихора айламадим.

Навоий оҳни ифшой ишқ учун ёзғур  
Ки, кўнглум ўтини мен ошкора айламадим.

## 436

Орзу тухмиға бар ҳирмон эканни билмадим,  
Васл нахлиға самар ҳижрон эканни билмадим.

Ҳажр водийсиға кирган чоғда билдим тўли бор,  
Лек мунча беҳаду поён эканни билмадим.

Англадимким, саъб эмиш bemori фурқат ранжи, лек

Шарбати захру ғизоси қон эканни билмадим.

Бистари ҳижронда билдим санчилур хори фироқ,  
Ҳар саримў танда бир пайкон эканни билмадим.

Чарх афсун бердиким, бот ўлғуси ҳажрингға васл,  
Мунча анинг ваъдаси ёлғон эканни билмадим.

Фам туни билдим бўлур ошиқнинг оҳу ашки, лек  
Ул бири сарсар, бу бир тўфон эканни билмадим.

Эй Навоий, васл агар топсанг, ғанимат билки, мен  
Рўзгори васл хуш даврон эканни билмадим.

## 437

Шоми васлингни кўруб, субҳи дилафрўз дедим,  
Субҳи ҳажрингға етиб, шоми жигарсўз дедим.

Тенг кўрунди кўзума васл аро қаду зулфунг,  
Кеча кундузни кўруб тенг, ани наврўз дедим.

Ишқидин тонди кўнгул, солди қора кунга фироқ,  
Ажаб эрмас, гар ани қалби сияхрўз дедим.

Чини зулфунг ғами муҳлик дедим, ўлтурма мени,  
Чин дедим, ҳар неки мен зори ғамандўз дедим.

Янги ўрганди кўнгул булбули ул гул юзига,  
Тонг эмастур, агар ул қушни навъомуз дедим.

Тикти панд игнасидин даҳр эли кўнглум ярасин,  
Халқ нишини бу маъни била дилдўз дедим.

Эй Навоий, ёруди шомим ул ой партавидин,  
Не таажжуб, гар ани моҳи шабафрӯз дедим.

## НУН ҲАРФИНИНГ НОЗАНИЛЛАРИНИНГ НОЗИ «БАДОЕЪ»ДИН

### 438

Эй, келиб минбаринг уч поя била сидрағасен,  
Сен чу анда тутуб ором, бўлуб сидранишин.

Ул сафар ичраки сен сидра сари айлаб азм,  
Маркабинг руҳи равон, пайкинг ўлуб руҳул-амин.

Сидрани минбар этиб, нукта десанг эрди, русул  
Жамъи бўлған эди эшиткали оёти мубин.

Үйлаким, сидра кеби минбар уза гоҳи ҳадис,  
Йиғилур ҳар сари асҳоби рисолат ойин.

Даргаҳинг аршдуур, анда малойик, не ажаб,  
Зикру тасбих дебон суртса ҳар сари жабин.

Сен чу арш узра чиқиб, чарх нисорингға ясаб  
Бу тўқуз хон ичида анжум ила дурри самин.

Журму исён қўпидин бўлди Навоий бехуд,  
Бир назар айла анинг сарики, бор асрү ҳазин.

### 439

Бизга ул ой ҳажридин бир йилчадур ҳар тийра тун,  
Кундузин англа бу тундин ҳам қоронғу, ҳам узун.

Балки йўқтур бу туну кунда тафовут, лек бор  
Ҳар бирида бир ғами муҳдлик бу маҳзун жон учун.

Гар ўтар юз минг суубат бирла қундуз меҳнати,  
Вою юз мингвой, мен бекасга бўлғач кечқурун.

Гар бутун эрмас ёқам, эй дўст, ҳайрат қилмаким,  
Тош уардин кўксум ичра бир сўнгак эрмас бутун.

Ҳажридин ўртанса жисмимда сўнгаклар, тонг эмас  
Ким, эрур ўт асру итиқ, доғи бас қоқшол ўтун.

Ишқ нахлининг бари ҳижрон эмиш, эй дўстлар,  
Бу насиҳатдин енгиз бар ошиқ ўлмастин бурун.

Неча тун ҳижрон аро олди Навоий жонини,  
Кимга етса васл, тутсин муғтанам бир неча кун.

## 440

Ишқ даштин ҳеч ғурбаткаш мусофири кўрмасун,  
Мен ғариб ул дашт аро кўрганни кофири кўрмасун.

Ёрмангиз Фарҳоду Мажнун оллида кўксумниким,  
Ботинимнинг дарду доғин аҳли зоҳир кўрмасун.

Даҳрни қил тийра, ё рабким, аниң туфроғидин  
Ҳар не кўз мумкин эса бўлмоққа нозир, кўрмасун.

Ҳар боқиша қатли ом айлар кўзунгким, даҳр эли  
Ҳеч кимни сен кеби бу фанда моҳир кўрмасун.

Воизо қўп васф қилдинг сомирининг сеҳрини,  
Ҳозир ўлғилким, сени ул кўзи соҳир кўрмасун.

Кимки ошиқлик асиридур, тахайюл бирла ҳам  
Ишқ кўйида ўзин осуда хотир кўрмасун.

Ким, Навоийдек фано водийсида истар ҳузур,  
Кечсун ўздин, балки худ ўзлукни ҳозир кўрмасун.

## 441

Субҳ чун борғунг, келиб кулбамға пинҳон кечқурун,  
Ҳажр ўқин жонимға сен отма тонг отмасдин бурун.

Неча эл мендин ёшурғайлар сени, вах, бир кеча  
Нетти кулбам сари келсанг, барча элдин ёшурун.

Жон магар чиққай ва ёхуд сайли ашким кўйидин  
Чиққудекмен, бори ул қўй ичра тутмай мен ўрун.

Жилва қилғанда кўрунмаслар кўзумга шўхлар,  
Эй парий, сен бори бу девонаға гоҳи кўрун.

Нолам андоқ бўлди, бағрин ёраси исланғали  
Ким, ёнимдан ўтмас, эл тутмай қулоқ бирла бурун.

Чирмабон беркит суроҳи оғзини, эй пири дайр,  
Қайда кўрсангким, узулмиш чоки хирқамдин бурун.

Эй Навоий, тифллар қовғон замон мажнун дебон,  
Бу баҳона бирла ўз лайливашинг сари урун.

## 442

Боғладим афғонға бел найдек, сени кўрган замон.,  
Заъфдин қилдинг мени охир бели боғлиқ сомон.

Эмди руҳунг тоза эт ул оташин рухсордин  
Ким, мени маҳҷур ани кўрмак ҳамон, куймак ҳамон.

Кўз юмулмиш ҳажрдин, ул юзга очмоқ истарам,  
Лек ҳижрон кўз юмуб очқунча ҳам бермас омон.

Дашт аро дерлар мени Мажнун, ани мен кўрган эл,  
Чарх золи бизни гўёким кетирмиш тавъамон.

Яхшилардин яхшидур ёrim, не навъ айлай тамаъ  
Васлин анинг, менки бордурмен ёмонлардин ёмон.

Қил зулоли васл ила булбулни, эй гул, шодким,  
Бу чаманда доимо шодоблиқ йўқтур гумон.

Азм этиб эрмиш Навоийни сўрарға ул Масих,  
Эй ажал, жонинг учун жонимға раҳм эт бир замон.

### 443

Маҳвашеким чеҳра давринда қирон этмиш аён,  
Даврнинг маҳвашларида улдурур соҳибқирон.

Не қийиғ эркин ул ой тўнидаким, тиккан чоғи  
Мехр анга зарришта еткурмиш, фариса осмон.

Тугма гулгун деклайдида лаъл пайкони эмас,  
Гулга боғлабтур кўнгул булбуллар, аммо барча қон.

Титрагуч эрмас мурассаъким, қуёш боши уза  
Хўши парвин шиои хат аро қилғил макон.

Вўсмаю гулгунадин ул орази зебо эрур,  
Сабзаю гулдин начукким зеб топқай бўстон.

Оллоҳ-Оллоҳ, англамонким, ҳурсен ёхуд парий,  
Одами бу шакл ила ҳаргиз киши қилмас гумон.

Эй Навоий, яхши эрмас эрди ул ён борғанинг,  
Чун бориб ўтлуқ юзин қилдинг тамошо, эмди ён.

#### 444

Гунчай хандон уза холингмудур, эй маҳжабин,  
Ё магар шаҳд истай ул гулбарг уза қўнмиш чибин.

Дашт уза Мажнун кеби саргаштадурмен, то эрур  
Ул мусофири маҳвашим Лайли кеби сахронишин.

Чин-бачин зулфунг тушар эл бўйнига, юз войким,  
Бизни чун кўрдунг — тушар қошинг уза чин узра чин.

Корвони мушк эрур зулфу бапогўшингда хол,  
Нофаи мушк ўғриси бир гўшада қилған камин.

Юзунг узра зулфу зулфунг ҳалқасидин юз эрур,  
Кишвари дин ичра куфру ҳалқаи қуфр ичра дин.

Юз ўтидин ўртадинг булбул кеби кўнглумнн, лек  
Гар тўкулмас, хуштур ул гулким очилмиш оташин.

Уйла маҳзундур Навоий ёр ҳижронидаким,  
Гар чекар ишрат суруди ҳалқни айлар ҳазин.

#### 445

Доғи қўп танники хирқам ёпмишу эй сийминбадан,  
Англа ҳар теврук юрун остида бир теврук туган.

Эй қуёш, онча шаҳидинг бордуурким, етмагай  
Пардаи афлоктин гар қилсалар йиртиб кафан.

Буки руҳуллоҳ қуёш чархиға руҳум кўйига

Бўлдилар мойил, не тонг, ҳар ким қилур майли ватан.

Юзу зулфунг ҳажридин ҳар тун сиришким кавкаби  
Чарх янглиғ кўргузур сунбул уза барги суман.

Ашк ила кирпикни кўп юрменки, бўлғай нисбати,  
Тутса бир кун ногаҳон ул пок этакни бу тикан.

Хонақаҳ ичра риёй зуҳддин бўлсанг малул,  
Эй кўнгул, шод ўлки, йўқлуғдур фано дайрида фан.

Ҳар қаён азм айласанг, қолмас Навоий, негаким  
Тори зулфунгдин анинг бўйниға боғлиқдур расан.

## 446

Лабингда нилгун холингдур, эй жон,  
Начукким шарбат ичра тухми райҳон.

Қизил раглар кўзумда ҳажр ўтидин  
Бало баҳрида буткан шоҳи маржон.

Юзунгким, майдин ўлмиш гул уза гул,  
Кўнгул боғланмиш андин қон уза қон.

Сени бармоғ била кўрсатмас элким,  
Билиб ўлмакни арз айларлар имон.

Кўнгул сайди кўзунгдин чун қутулмас,  
Не мунду туздилар ул хайли мужгон.

Вафо аҳли эсанг, ич давр аёғи  
Ким, асрุ бевафодур аҳли даврон.

Сену гулбонг, эй булбулки, тортар  
Навоий гулрухидин айру афғон.

**447**

Хизрваш хат бирла чун ҳуснунг самандин сургасен,  
Юз Скандарни суға элтиб, сусиз келтургасен.

Ўртанурмен, ғайр ила ҳар кеча ичсанг, вах, неча  
Шамъи базмингни ёрутмаққа мени куйдургасен.

Бўйнума еткурдинг илгин тиф урапға, эй сипеҳр,  
Мен худ ул эрманки, илгим бўйнига еткургасен.

Йўқки кўрмайдур, кўриб умдо назар солмас парий,  
Бир боқиш уммидидин, эй кўз, неча телмургасен.

Ул жамол авжида сен мунглуғ не мумкин, эй қўнгул  
Ким, фусун бирла қуёшни чархдин индургасен.

Ашк ила қўнглум ўти ўчмас, қадаҳ тут, соқиё  
Ким, бу су бирла магар ул шуълани сўндургасен.

Телбалик айлар Навоий, эй сабо, ҳолин магар  
Ул парийға ҳазл тақриби била билдургасен.

**448**

Вах, неча тортай ул ой дарду ғамин,  
Ё ғаму дарди йўқ элнинг ситамин.

Манга ортуқсидур ағёр алами,  
Торта олсам бас эрур ёр аламин.

Халқ қўнглини паришон қилди,

Тонг ели тарқатиб ул турра хамин.

Ишқ ёрутти тамуғ ҳиймасини,  
Етқуруб оҳим ўтининг аламин.

Эй фалак, бу кеча ул ой биламен,  
Субҳнинг бир нафасе аспа дамин.

Адам истар чу вужудумни сипеҳр,  
Тенг кўрай эмди вужуду адамин.

Пири дайр оллида кам хидмат эсам,  
Тенгри бор айласун аниng карамин.

Истаган Каъбаи мақсад васли,  
Олмасун фақр йўлидин қадамин.

Қил Навоий кеби тинмоғни ҳаром,  
Истасанг ёр ҳарими ҳарамин.

## 449

Ғамингда бузди кўнгул хонумонини ҳижрон,  
Тараҳҳум айламадинг хонумонинг ободон.

Кўнгул шикофи эмаским, яқосин айлади чоқ,  
Яқода тугмалар ўрнида ҳар тараф пайкон.

Не айб, оҳим ўти кўнглунг ичра қилса асар  
Ки, барқ тошқа ҳам тегса, қолур анда нишон.

Қиличинг элга тегиб, рашқдин мен ўртандим,  
Не лаъб эрурки, су ичра қилибсен ўт пинҳон.

Фироқ заъфида сиҳҳат манга не мумкинким,

[www.ziyouz.com](http://www.ziyouz.com) kutubxonasi

Ғизо ерида бағир бўлди шарбат ўрнида қон.

Май ички, муғбачалар сухбати ғаниматдур,  
Бир-икки кунки бу дайри фанода сен меҳмон.

Навоиё, неки олам ишида мушкилдур,  
Десангки қилғасен осон, ўзунгга тут осон.

## 450

Қани улким, кўзум кўргай жамоли оламоройин,  
Кўзумни суртмак қилсан ҳавас, сунғай кафи пойин.

Мени мундоқки захри ҳажри анинг талхком этмиш,  
Эмас инсоф, ўпмак истасам лаъли шакархойин.

Менинг васлим қунин чун ҳажри шоми айлади тийра,  
Не суд ар ёр ораздин олур зулфи сумансойин.

Тараб шамъи, ажабким, нур зохир айлагай бу навъ  
Ки, мен кўрдум қоранғу ҳажр шоми меҳнатадзойин.

Келур чун ризқ иси, рози эмастурмен, агар зоҳид  
Ридо бирла олишса дайр пири бодаполойин.

Буким андишаву ғам ёмғури майхонадин ўтмас,  
Сувар гўёки пири дайр томи узра кўп лойин.

Навоийға дединг ҳижронда бир ўқ ёдгор отқум,  
Тирик қолсан, алифдек ани жоним ичра асройин.

## 451

Қизил ёхуд қора ё кўк тўнунг ҳар бир эрур мавзун,  
Нечукким ой либоси ҳам шафак, ҳам кеча, ҳам гардун.

Чу мен кўргач сени бехуш ўлуб, шафқат била элтиб,  
Кириб икки қўлумға йиғлаю Фарҳод ила Мажнун.

Ғамим хайли туз этти тоғни, тоғ этти сахрони,  
Бу ҳомун бирла тоғ эрдики, бўлмиш тоғ ила ҳомун.

Юзунг шавқида оҳимдин булутларға туташмиш ўт,  
Саҳоб эрмас қуёшнинг партавидин ҳар тараф гулгун.

Гар эрмас наssi қотиъ қатл учун ҳар кўз била қошинг,  
Начук бас зоҳир этмиш ҳар бири сод устида бир нун.

Тўлуб, лаълинг хаёли оқизур кўз шишасидин қон  
Анингдекким, тўкулгай бода бўлса зарфдин афзун.

Эшит майхона ичра дайр пиридин ҳақ асрори  
Ки, воиз хонақаҳда гоҳ дер афсона, гаҳ афсун.

Соғинма бодаға машъуфмен, эй муғбача, биллаҳ  
Ки, усрук кўзларингнинг фитнаси қилмиш мени мафтун.

Навоий, олам аҳли гар вафосиз келди, май ичгил,  
Анга чун чора йўқ, боре ўзунгни тутмағил маҳзун.

## 452

Эрур саргашта хоки тан аро мажнун кўйгул ҳар ён,  
Тўн эткандек қуюндин жисмиға Мажнуни саргардон.

Ёланг жисмим кўруб онча бало тифини ёндурудунг  
Ки, захмим боғламоқтин эмди эрмастур таним урён.

Жунунум ҳайратиға ваҳш даврумға уруб ҳалқа,  
Мушаъбид лаъбиға ҳангома аҳлидек бўлуб ҳайрон.

Менингдек тоза доғи захмидин қон ғарқидур лола,  
Магарким доғини бағриға қўйди шуълаи ҳижрон.

Тузалди Нуҳнинг тўфонидин сўнг даҳру ашкимдин  
Қиёмат ошкоро бўлди ул тўфону бу тўфон.

Ичиб гардунча соғар, кош андоқ бехуд ўлсамким,  
Икинчи сурдин ҳам бўлмағай уйғонмағим имкон.

Жаҳон осойишин оллингда мушкил қилмаким, бордур  
Тутай мушкил десанг — мушкил ва гар осон десанг —осон.

Кўп, эй гул, урма булбул жониға бедод хоринким,  
Сену мендек гулу булбулни кўп ўткарди бу бўстон.

Навоий, қилма айб афғону фарёдимки, даврондин  
Не бир фарёду ўн афғонки, юз фарёду минг афғон.

## 453

Ишқинг ўтиға қуруқ жисмим ўтун,  
Кўнгул ахгардур анга, ох-тутун.

Тиф ила ёрдиму қўксунгни, деманг,  
Айламас тиф ила худ ани бутун.

Рўзгорим қорариб зулфунгдин,  
Тори умрумға тугун узра тугун.

Васл аро дебсен олурмен жонин,  
Ҳажринг олмаймудуур угла бурун.

Ваъдаи васлин этар тонгла нетай,  
Интизори мени ўлтурса букун.

Бода зарфи бошиға тиқмақ учун,  
Соқиё, қолмади хирқамда юрун.

Ўйнаб ўлтурди Навоийни, кўринг,  
Чини не эркин, агар будур ўюн.

## 454

Кўйида итлар мени гаҳ тирмабон, гаҳ тишлабон,  
Заъфдин ўлганда бир-бирдин узарлар судрабон.

Мен киму қилмақ ҳавас анинг қўлидин муттако  
Кўйида бас ётсан илгимни бошимға ёстрабон.

Не жунундур, ваҳ, буким йиртуқ яқони чок этиб,  
Ашким оққанда кулуб, турған замони йиғлабон.

Элни ғофил айлабон ўзни солурмен қўйига,  
Ҳар тарафдин урсалар тош, ит масаллик қавлабон.

Тифли мактабдек қочиб борур яна ул ой сари,  
Телба кўнглумни неча топиб кетурсам албадон.

Умр ўтуб бир учрабон ҳолимни сўрса,войким,  
Айта олмасмен жавоб, ошуфта кўнглум тўхтабон.

Ҳазл кўнглум била ул шўху кўнглум тортар оҳ,  
Тифлдекким, дуд этар ўт бирла ҳар дам ўйлабон.

Ақл учуб бехудлуғ айлармен, йўлуқсанг ногаҳон,  
Кимсадекким, телбалик қилғай парийға учрабон.

Соқиё, муҳлиқ хуморим узриға солма қулоқ,  
Бир қадаҳни оғзима қуйғил қулоғим тўлғабон.

Умр торин чун кесар даврон жафо тифи била,  
Жазм билгилким, анга бўлмас кўнгулни боғлабон.

Эй Навоий, чун замон аҳлиға асло йўқ вафо,  
Топмағунг ҳаргиз вафо аҳли, аларни танлабон.

## 455

Жилваи қаддинг кўруб, сарви равондин ким десун?  
Жавҳари лаълинг боринда нақди жондин ким десун?

Дўст кўюнда ватан чун туттилар аҳли висол,  
Мен кеби овораи бехонумондин ким десун?

Кўп дема воизки, ул қадду лабу юз оллида,  
Тўбию қавсар била хури жинондин ким десун?

Оғзи васфида дейилгай хурдадонлар, эй кўнгул,  
Сен кеби маъдум, беному нишондин ким десун?

Бордуур ани юзунгдаким, қуёшта онча йўқ,  
Сен боринда худ қуёшким бўлғай андин ким десун?

Ёрға ҳолин демакка онча яхши ёри бор,  
Эй кўнгулким, яхши боқсанг, мен ёмондин ким десун?

Шайх анда жуз фано йўқ ҳар қаёндин ким десун?

Гаҳ замондин шиква, гаҳали замон жаврин дема,  
Бода ич, аҳли замон бирла замондин ким десун.

Гар Навоий деса ул юз гулшанидин қилма айб,  
Демайин булбул ҳикоят гулситондин ким десун?

## 456

Буки зулфунг домиға кўнглум қуши урмиш ўзин,  
Кўрмакинг эрди муроди, тикмагил боре кўзин.

То сени кўрдум, кўзумдин ўзлугум бўлди ниҳон  
Ким, сени кўрса, яна қўрмас эмиш ҳаргиз ўзин.

Йўқки ошиқлик, сўзумдин фаҳм ўлур маъшуқлук,  
Баски, дермен ўз-ўзум бирла анинг бир-бир сўзин.

Субҳи давлат талъати бошида дурри шабчароғ,  
Тонг бошида кўр тулуъ эткан саодат юлдузин.

Хони хусни ичра сабзи хатти сабзу туз лаби,  
Сен не огаҳ ул наими равзадин, тотмай тузин.

Бахра хўрду хобдин ул топти, бу даврондаким,  
Қилди эҳё кечасин, сойим кечурди кундузин.

Кўнглини истай Навоий бу сабабдин иттиким,  
Ўз била қилғай икавлон ул ғариби ёлғузин.

## 457

Манга ҳар нечаким йўқ захра дам урмоқ висолингдин  
Ва лекин ком олурмен улча мумкиндур хаёлингдин.

Вафо боғида туфроғ ўлдум, аммо, войким, тушмас  
Гаҳе бир гул бу туфроғ устига саркаш ниҳолингдин.

Висолингдин кўнгул навмид эса, дардинг чекар невчун  
Ки, андин доғи кўп навмидрокдур чун мисолингдин.

Ики зулфунг кўнгул доми, не янглиғ асрай ул қушни,

Ани тутмоққа жидд маълум ўлур чун «жим»у «дол»ингдин.

Начукким бўлса дил лафзиға нуқта «зул», бўлур ҳосил  
Мазаллат икки айрилғон қўнгулга етти холингдин.

Латофат суйи ул юз, «жим» или «лом» икки ёндин зулф,  
Бу сўзни фаҳм айлар баҳравар бўлғон жамолингдин.

Тамаъ элдин вафо қилғон, судин ўт истадинг чиқмоқ,  
Агар топсанг, доғи куйгунг бу савдои маҳолингдин.

Дуруст меҳр зарфида тўла ҳайвон суйи ичмак  
Эмас ичканча дурд, эй муғбача, синған сафолингдин.

Навоий, гар бошинг гўй этса ул чобук, ёмон эрмас,  
Ёмон будурки, эрмас воқиф ул саргашта ҳолингдин.

## 458

Қўнгулки, ҳар сари чок ўлди тиғи ҳижрондин,  
Бир уйдууртки, топибдур шикаст ҳар ёндин.

Сиришким айлади афлок жавфини мамлу,  
Киши не сўз дегай анинг қошида тўфондин.

Яқоси чокини Мажнуннинг асрุ қўп ўкма,  
Уял бу қўкси уза чок жисми урёндин.

Хаёли қўнглум аро сокину паришонмен  
Ки, ғайри гарди фано ёғмас ушбу вайрондин.

Бало ўқи қўзи ёғдурди, эй мусулмонлар,  
Нелар келур манга ул икки номусулмондин.

Етур қўнгулга неча давр аёғи бирла нишот,

Неча малол санга етса аҳли даврондин.

Навоий, айтма, гар жон керактур, андин ўт,  
Нединки ўтсам юз жондин, ўтмагум андин.

## 459

Ҳажр шоми баски сайли ашк оқиздим қайғудин,  
Кўздин ўлдум ноумид ул навъким, кўз уйқудин.

Уз кўзунг бирла ўзунгни гарчи кўрдунг кўзгуда,  
Кўзгу аксиdek ва лекин музтарибмен кўзгудин.

Чок этиб ёнимки, кўргуздунг сўнгак дандонасин,  
Бул-ажаб ҳолимға қилди заъф жисмим кулгудин.

Кўюнга борурда гоҳи ваҳм, гаҳ рашқ ўлтуур,  
Соя тебранса кейиндин, меҳр чиқса ўтрудин.

Қон ёшим сайлики тутмиш дашт бирла тоғни,  
Арғувону лоладин ўзга не буткай ул судин.

Чарх мино соғаридин истама нўши ҳаёт,  
Не учунким, бодаси мамзуж ўлубтур оғудин.

Масти ишқ ўлмиш Навоий, бермагил панд, эй ҳаким  
Ким, магар соқий айилдурғай бу майнинг бехудин.

## 460

Чарҳдин жонимғадур юз тиғи қотил ҳар замон,  
Даврдин жомимда минг заҳри ҳалоҳил ҳар замон.

Асру мушкилдурки, юз мушкил ғамимдин бирни чарх  
Қилмайин ҳал, еткуур юз онча мушкил ҳар замон.

Умрида Фарҳоду Мажнун ҳосил этканча бало,  
Ишқдин бордур мени маҳзунға ҳосил ҳар замон.

Ҳар замон кўнглумга ишқ афсонасин ёзмоқ не суд,  
Чайқалиб дарёйи ғам айлар чу зойил ҳар замон.

Жаннати васл истаманг, ахбобким, сахросида  
Бир томуғ эрмиш сафар аҳлиға манзил ҳар замон.

Сиҳҳатим тутмоқ вужуд имкони йўқтур, эй табиб  
Ким, эрур жоним адам кўйига восил ҳар замон.

Деманг осойиш ҳадисинким, бўлур афлоқдин  
Юз балият ояти шаънимға нозил ҳар замон.

Даҳр аро йўқ нўшу юз минг ниш ҳар дам, эй рафиқ,  
Етмагай йўқ нўш учун юз ниш оқил ҳар замон.

Бўлса юз жоним бериб ўлмакни олсан, муфт эрур,  
Жонға мундоқким етар юз тифи қотил ҳар замон.

То абад бўлсун жаҳон мулки анинг фармонида,  
Юз жаҳонча мулк бу мулкига доҳил ҳар замон.

Эй Навоий, назм мулки чун сенингдур айлагил,  
Шоҳ Ғозий васфи ичра тилни қойил ҳар замон.

## 461

Дема гулгундур либосим ашкнинг хунобидин,  
Шуъладурким, ўртанурмен ҳажр ўтининг тобидин.

Кўзларин кофир десам йўқ, эй мусулмонлар, ажаб  
Ким, иковлон юз эвурмишлар қоши меҳробидин.

Ғунчай сероби ҳайвон чашмасидур гўйиё,  
Анда су инмиш оқиб ҳар ён гули серобидин.

Қуш солиб сайд этмагилким, махласи йўқ беркишиб,  
Жон қуши бошингға санчилған гажак қуллобидин.

Хўблар ошиқлариға меҳрин эткан чоғда арз,  
Лофтур, ҳар неки сен дерсен муҳаббат бобидин.

Бодай соғу, ҳарифи содаю мушфиқ рафиқ,  
Гар мұяссар бўлса бас, оламда айш асбобидин.

Уйқудин кўз очмадинг, гўё ани баҳтим кеби  
Айладинг яғмо Навоий дидайи бехобидин.

## 462

Ҳар қатра қонки томди қўнгул тоза доғидин,  
Бир тоза лола очти ғаминг ҳажр тоғидин.

Демон, ичинда хурда ниҳон қилди ғунчаким,  
ЛАълинг ғамида ўт чиқар анинг димоғидин.

Тенгдур шаҳу гадо хатиким, дуда бирдурур  
Шаҳ базми шамъидин, доғи гулхан ҷароғидин.

Эрмас учук, шакарга ёпишти чибин пари,  
Икки лабим била ани олсам дудоғидин.

Маст уйқу ичра топсаму бир кеча олмасам  
Икки кўзумни тонгғача анинг аёғидин.

Гулда вафо йўқин қаю бир қушки англади,  
Ҳаргиз вафо гули тиламас даҳр боғидин.

Доим юзунг хаёли Навоий қўзиндадур,  
Гойиб эмастурур пари анинг булоғидин.

## 463

Сиришким лаъли оташноку хатти мушкборидин,  
Чиқарди дуд жоннинг ўт туташқан рўзгоридин.

Ел элтур хорнию сел хорони бил, эй булбул  
Ки, ғам йўқ, дашту тоғ аҳлиға Мажнун раҳгузоридин.

Сариф коғазда жадвал машқидур шингарф ила ёхуд  
Юзумда чекти хатлар ишқ гулгун ашқ торидин.

Танимда доғ ила қонму экин ёхуд бу Мажнунни  
Вухуш ўткарди судраб ишқ дашти лолазоридин.

Дема кун тушкача уйқуға қолмишким, оча олмас  
Кўзин ё ноздин ёхуд сабуҳи май хуморидин.

Малойик ишқсиз гар эрди сен бор улки ҳажрингда,  
Туташти барчаға ўт шуълаи ишқим шароридин.

Аёқ иззат била бос ергаким, ҳар сабзаву лола  
Нишон бир юз гулидин айттуру бир хат ғуборидин.

Ажаб йўқ, дашт аро Мажнун қуюндек садқаси бўлмоқ,  
Қаён бир ноқа кўрса соғиниб Лайли қаторидин.

Навоий истаган ёр ихтиёри бирла мақсудин,  
Магарким кечкай ўз мақсуди бирла ихтиёридин.

## 464

Вафо йўлинда, эйким, топмадинг истаб асар мендин,  
Дегайсен билганинг ул бевафо сўрса хабар мендин.

Танимда қаддингу лаълинг фироқи тийри боронин  
Киши кўрса, гумон қилғайки, бутмиш найшакар мендин.

Жигаргун бўлди қасринг тоши лаълинг ҳажрида баским,  
Сиришк ўрниға ҳажр оқизди қон бўлған жигар мендин.

Анингдек солди ишқинг шуъла жоним ичраким, шаксиз,  
Малойик барча куйгай, кўкка тушса бир шаар мендин.

Бўлубмен ул париваш фурқатидин телба ит янглиғ,  
Қаён юзлансан, эй аҳли салоҳ, айланг ҳазар мендин.

Килиб Фарҳоду Мажнун ишқи ўтин шарх, эй ровий,  
Бўлуб гарми такаллум фориғ ўлмишсен магар мендин.

Не тонг, сиймоб янглиғ оқса қўздин сиймгун ашким  
Ки, сиймоб айламиш хушу хирад бир сиймбар мендин.

Амал сарриштасин қилма мутаввал, келганин хуш кўр,  
Тутунг аҳбоб, ёд ушбу каломи муҳтасар мендин.

Жаҳону жонни тарк айлаб, анинг кўйига азм эттим,  
Навоий, бас муносиб эрди бу янглиғ сафар мендин.

## 465

Йўқтуур мажлисда айше фурқатинг бедодидин  
Юз фифон, гар бўлмасам хурсанд васлинг ёдидин.

Нечаким тушсам йироқ бу маслаҳатқа, яхшиким,

Тинғасен ҳар кеча қўнглум нолаву фарёдидин.

Зулфу қаддинг фурқатидин неча қилсан гашти боғ,  
Овуна олмон чаманнинг сунбулу шамшодидин.

Панд ила сабрим уйин, эй ақл, маъмур истама  
Ким, қўнгармиш қўз ёшим сайли ани бунёдидин.

Деб эдинг жононсиз ўлсанг, жонинг олғум, эй ажал,  
Жон фидонг, ар ваъдани ўткармасанг мийодидин.

Савмдин қўнглум қуши майл этти сую донаға,  
Лекин оғзин боғладим, қўрқиб ажал сайёдидин.

Эй Навоий, кимдурур бу дайр аро аҳли најот,  
Улки чиқмас дайр пири амрию иршодидин...

## 466

Кўзгу ҳар дам судур ул рухсори оламсўздин,  
Муз анингдекким эрир меҳри жаҳонафрўздин.

Юз очиб, билдириди қад бирла сочи teng эрканин,  
Зоҳир ўлғондек туну кун тенглиги наврўздин.

Истасангким, тиккасен юз пора қўнглум чокини,  
Яхшироқ ҳеч игна йўқ ул новаки дилдўздин.

Ишқ гард эткан танимдин ҳажр ўти учқунлари,  
Тир ҳар ён ламъа кўргузган кебидур тўздин.

Овладинг қўнглум, чу соид кўргузуб қовмақ недур,  
Жавр ила кетмак чу келмас сайди дастомуздин.

Соқиё, даврон ғамидин ранжамен, қўнглум аро

Паст қил андуҳ ўтин жоми нишот андуздин.

Кеч, Навоий, жону кўнглунгдинки, йўқтур ишқ аро  
Чора оҳи жонгудозу нолаи дилсўздин.

## 467

Эй мусулмонлар, фифон ул кофири худкомдин  
Ким, чиқарди кўкка афғон лашкари исломдин.

Лаъли рухафзосидин бир бўса пайғом айлади,  
Гарчи ёлғон эрди, мен жон топтим ул пайғомдин.

Зулфу рухсорингдин айру гарчи йўқ шомимға субҳ,  
Шамъдек ҳар кеча то субҳ ўртанурмен шомдин.

Зулфидин кўнглумки маҳлас топти, бор ул телбаким,  
Банддин қочмиш ваё қушким қутулмиш домдин.

Фурқат айёмидаким ёд этмас ул маҳваш мени,  
Васл топсам, мен доғи ёд этмай ул айёмдин.

Жоми майда бўлди чун ул бут жамоли жилвагар,  
Кофири ишқ ўлғамен, гар бош кўтарсан жомдин.

Дайр аро, эйким, Навоийдин тиласен ному нанг,  
Билким, ул бу ерга қочиб келди нангу номдин.

## 468

Васл этти ёр ваъда лаби жонфизосидин,  
Гўё бу сўзни айтти жоним аросидин.

Гар кўрмадинг шафақ уза хуршид, эй кўнгул,  
Эҳсос қил ани юзу гулгун қабосидин.

Мунглуғ қўнгулнинг оҳидин этмас рақиб ваҳм,  
Йўқ итка бок ишқ гадойи асосидин.

Ишқ ичра ўлдум, оҳки, кутқармади мени,  
Давр офати ул офати даврон жафосидин.

Оlamни ҳажр зулмати тутқай, совурса ел  
Куйган фатилани янги доғим қоросидин.

Чарх данида бодаи ғам тўлмиш, эй рафиқ  
Жуз ҳажр заҳри қилма тамаъ давр косидин.

Сабт ўлмаса, Навоий, ани назми зайдида,  
Фаҳм айлар аҳли дард каломи адосидин.

## 469

Яна не чехраға ўт солди майки, ҳайронмен,  
Яна не туррани ел очтиким, паришонмен.

Учурки, эй қуюн, ул ой бошиға эврулайин,  
Бу дамки йўлида туфроқ бирла яксонмен.

Бири фусуну бири симёға ҳамл этарлар эл,  
Чу заъфдин келибон кўзларига пинҳонмен.

Вуҳуш аро мени дашт ичра кўрди чун Мажнун,  
Тасаввур эттиким, ул хайлға нигаҳбонмен.

Чу халқдин қочибон дайр сари юзландим,  
Рафиқлар, билингиз, ваҳшийи биёбонмен.

Чу билмай элга вафо айладим — жафо кўрдум  
Не суд эмди, агар нечаким пушаймонмен.

Навоий эмди қилурмен Ҳижоз оҳанги,  
Софинмағил янаким азими Ҳуросонмен.

## 470

Шаҳру кишвардин илик юб, хонумондин кечкамен,  
Хонумондин ким десун, икки жаҳондин кечкамен.

Ҳар замон бошимға юз тиғи бало айлаб қабул,  
Умрдин тортиб этак, биллаҳки, жондин кечкамен.

Шаҳру кишвар, хонумон, икки жаҳону, умру жон,  
Худ не бўлғай, мунча юз ком ўлса, андин кечкамен.

Гар Скандар мулки бирла Хизр умри берсалар,  
Уйла мулқу буйла умри жовидондин кечкамен.

Мумкин эрмастур валек, эй меҳрибонларким, даме  
Қиласа юз бедод, ул номеҳрибондин кечкамен.

Воизо, айлаб енгиллик, нечаким кавсар майин  
Мақтасанг, ҳошоки мен ратли гарондин кечкамен.

Эй Навоий, қон ёшим баҳр ўлди бу дам истасам  
Ким, етай ул қотилимға, эмди қондин кечкамен.

## 471

Ҳар тарафким борур ағёр ила жонон талашурмен,  
Чун ажал қасд қилур ўлмакима, жон талашурмен.

Ҳажр тиғ урса, талошимни ўлум хавфи соғинма  
Ким, шаҳидинг бўлайин деб мени ҳайрон талашурмен.

Бошоқ устида талашқон кеби мазраъда гадолар,  
Дашти ишқинг аро ушшоқ ила пайкон талашурмен.

Эй парий, чун кийик ўхшар ики кўзунга биайниҳ,  
Бу жиҳатдин мени девона биёбон талашурмен.

Гарчи ағёрдин олмоғлиғ эмастур сени мумкин,  
Турмоғумдур боқибон, ончаки имкон, талашурмен.

Аччиғим келгали кавсарни ачиғ бодаға таржих,  
Хирад аҳли чу қилурлар мени нодон, талашурмен.

Қўл солиб ҳажр ўтида ул киши янглиғки су ургай,  
Эй Навоий, чу ошар шуълаи ҳижрон, талашурмен.

## 472

Оразинг нақшин кўнгул лавҳида тасвир эткамен,  
Бўлмаса тақдир ани кўрмак, не тадбир эткамен.

Эй қора кўз, бўлмас ул юз шавқидин юздин бири,  
Кўз қорасидин агар юз нома таҳрир эткамен.

Ёшурун қолғайму ишқим, буйлаким ул шўхдин  
Чиқса бир сўз бехабар, юз қатла тақрир эткамен.

Не жунундур буки, ҳар тун ул париваш васлиға,  
Юз хаёл айлаб, яна бориға тағийир эткамен.

Эйки, дерсен васл коминг бўлса, жон қилғил фидо,  
Ул мұяссар гар бўлур, мен худ не тақсир эткамен.

Ишқ азалдиндур насибим, носиҳо, манъ этмагил,  
Манъ қилсанг ҳам, нетиб мен манъи тақдир эткамен.

Эй Навоий, нақди жон бергил дединг савдосиға,  
Буйла савдо гар мұяссар бўлса, тавфир эткамен.

### 473

Базм ичинда андоқ ул маҳваш хаёли бирламен  
Ким, хаёл андоқ қилурменким, висоли бирламен.

Сўзлашурда ўз-ўзум бирла жунун аҳли кеби,  
Ул париваш белу оғзи, қили қоли бирламен.

Гаҳ қулуб, гоҳики йиғлармен хаёл айлаб ани,  
Васли уммидию ҳижрони малоли бирламен.

Демагил майдин юзум рангин, қулоғимдур қизиқ  
Ким, бу янглиғ ҳажр кожу гўшмоли бирламен.

Оғзию зулфи ғамидинким эрур ноламда мад,  
Буйла мад тортарда анинг «миму» «доли» бирламен.

Соқиё, бир жоми май бирла мени девона қил  
Ким, мушавваш ақл савдойи муҳоли бирламен.

Эй Навоий, ақл сари эмди бўлма раҳнамун  
Ким, бўлуб девона, ишқи лоуболи бирламен.

### 474

Бир юзи ўтлуқ шарори ишқидин маҳрурмен,  
Дўстлар, ўртансам, этманг айбким, маъзурмен.

Ишқини не суд пинҳон тут демактин, эй рафиқ,  
Эмдиким ишқ ичра расволиқ била машхурмен.

Мен киму уйқуға кўз юммоқ, чу йўқтур тоқатим,

Оразидин кўз юмуб очқунча гар маҳжурмен.

Не ажаб Фарҳоду Мажнун зикриким, бўлмиш унут,  
Ким, мен эл ичра жунуну ишқ ила мазкурмен.

Оби ҳайвон ичмагаймен истабон дафъи хумор,  
Менким ул майгун лаби жонбахшдин махмурмен.

Кимсага чун йўқтуурур бу коргаҳда ихтиёр,  
Йўқ манга айбу ҳунар, гар маст, агар мастурмен.

Эй Навоий, васл умидин ёқмоғил тўҳмат манга  
Ким, мен ул маҳвашни бир кўрмак била масурмен.

## 475

Азимат айлама, эй ўшхи бехабар, ҳар ён,  
Мени фироқинг аро қилма дарбадар ҳар ён.

Фироқ шомида анжум эмаски, оҳимнинг  
Ўти шафақ бўлуб, ўлди жудо шарар ҳар ён.

Дема танимда янги доғларки, ишқинг ўти  
Чу тушти кўнглум аро, айлади асар ҳар ён.

Юзунгда холлар эрмас, кўзунг ғазолидур  
Ки, тушти нофасидин қатра мушки тар ҳар ён.

Кўрунг заиф таним теграсида жаври тошин,  
Яғоч тубида сочилғон кеби самар ҳар ён.

Қадамни факр тариқида ҳар тараф урма,  
Туз уйла қатъки, бордур басе хатар ҳар ён.

Навоий учқали шавқунгда тифи ҳажрингдин,  
Алифлар англама жисмида, чиқти пар ҳар ён.

## 476

Соқиё, очтинг чу май тутмаққа жоми Жам юзин,  
Юз ғамим дафъ айладингким, кўрмагайсен ғам юзин.

Уйла руҳафзо лабинг анфосидин топтим ҳаёт  
Ким, гар ўлсам, кўрмагаймен Исою Маръям юзин.

Ёр меҳмон бўлмоқ эрмиш, боринг, эй жону кўнгул,  
Истарамким кўрмагай, албатта, номаҳрам юзин.

Гар вафо аҳлиға олам зулм қилмас, бас недур,  
Дуди оҳимким қора айлабтууролам юзин.

Тун эмас, баским, фалак жонимға қўймиш доғи зулм,  
Ул тугонлар дуди тутмиш нилгун торам юзин.

Эйки, кўнглунг чоки бутти васлдин, шукр айлагил  
Ким, менинг захмимдур улким кўрмамиш марҳам юзин.

Онча юзсизлик улустин кўрмишам, гар берса даст,  
Истарамким, кўрмасам ҳаргиз бани одам юзин.

Баски, кўрмишмен қуёш юзлук улустин тийралик,  
Дермен оҳим тийра қилса найри аъзам юзин.

Эй Навоий, тушса маст илгингга бир кун, ўпкасен  
Ҳам қабоғин, ҳам сақоғин, ҳам дудоғин, ҳам юзин.

## 477

Минг ўтум бор, айлай олмасмен аён мингдин бирин,

Даҳр қуйгай, зоҳир этсам ногаҳон мингдин бирин.

Минг тугон жисмимда кўрсанг, кўп таажжуб қилмаким,  
Ичдагидин зоҳир айлабмен аён мингдин бирин.

Дема дардингни ниҳон тутқилки, юз минг дардни  
Махфи этсам, қилмиш ўлғаймен ниҳон мингдин бирин.

Уйла юз минг пора кўнглумни паришон этти ҳажр  
Ким, топа олмон тилаб мен нотавон мингдин бирин.

Гарчи қилди ҳажр ўти ўртамакимни бирга минг,  
Оlam ўртангай, агар қилсам баён мингдин бирин.

Оҳким, аҳбобдин ҳар кимга айлаб минг вафо,  
Топмадим яхши ўзумга мен ёмон мингдин бирин.

Эй Навоий, даҳр эли гар мингу гар бир тонима  
Ким, вафолиғ айлай олмасмен гумон мингдин бирин.

## 478

Лабинг майи ҳавасидин мудом йиғлармен,  
Пиёладек бўлубон талхком йиғлармен.

Ғаминг тунида куюб шамъдек сахарға дегин,  
Ўзумга уйқуни айлаб ҳаром, йиғлармен.

Ўзумни ҳар нимага кундуз айларам машғул,  
Фарив ҳолима, чун бўлди шом, йиғлармен.

Ториқти чарх йигимдин, магарки билмас эди  
Ки, дарди ҳажр замонин тамом, йиғлармен.

Хаёл ила анга деб, дам-бадам саломимни

Бериб ўз-ўзума, андин паём йиғлармен.

Бўлуб ичим тўла қон давр эли нифоқидин,  
Сариф узор ила андоқки жом йиғлармен.

Навоиё, яна бир лоларух фироқинда,  
Кўзум ёшин қилибон лолафом, йиғлармен.

## 479

Гар деса кўз бирла рухсорин тамошо қилмайин,  
Васлини найлаб кўнгул бирла таманно қилмайин,

Гавҳари ишқиға кўнглумни нетиб қилмай садаф,  
Мунча баским кўзни ифшосига дарё қилмайин,

Оҳ ўтию ашк сайлидин бўлур ер-кўк тўла,  
Неча дермен ишқ асрорин хувайдо қилмайин.

Ўт тушуб кўнглумдаву кўксумда равзан захмидин,  
Дудини анинг не янглиғ ошкоро қилмайин.

Ул парий ҳар жилвасида ақли кул шайдо бўлур,  
Телбалиқдиндур, десам кўнглумни шайдо қилмайин.

Қилмағил, эй шайх, усруклар унидин шикваким,  
Маст ўлуб майхонада бўлмас алоло қилмайин.

Соқиё, андоқ тўла тут бодаким, бехуд бўлай,  
Токи давр ошувиға бир лаҳза парво қилмайин.

Қилди ул кўз ёдидин кўнглум кийиклар сари майл,  
Неча мен Мажнун дедимким, азми саҳро қилмайин.

Эй Навоий, оламоро ҳусн невчун очти ёр,  
Бўлмас эмди ўзни олам ичра расво қилмайин.

## 480

Қил бу ён жавлонки, жонни хоксоринг айлайнин,  
Бошинга эврулгали қўпқон ғуборинг айлайнин.

Бу баҳона бирла чунким жонни садқанг айладим,  
Ақлу ҳушу сабр нақдин ҳам нисоринг айлайнин.

Юз агар очсанг, назарнинг қушларин сайдинг қиласай,  
Ўқ агар отсанг, кўнгул сайдин шикоринг айлайнин.

Қочиб эл наззорасидин гар киравсен аксдек,  
Кўзгудек кўнглумни темурдин ҳисоринг айлайнин.

Сен лабингдин жон бериб, васлингдин элнинг қўнглин ол,  
Мен ҳазин жону кўнгулни хору зоринг айлайнин.

Хонақаҳда, эйки, ўзлук жомидин махмурсен.  
Кир фано дайриғаким, дафъи хуморинг айлайнин.

Тўлса паймонинг, Навоий, дайр аро май бирла юб,  
Бошининг хум кирпичин хишти мазоринг айлайнин.

## 481

Оху вовайлости, олам аҳлининг бадҳолимен,  
Ҳар нафас бир дарду меҳнат хайлининг помолимен.

Кўздин оққон тийра қоним зоржисмимни бўяб  
Ким, қурубтур хома янглиғдурмен анинг нолимен.

Токи кўнглум иттию фориғ бўлубмен дардидин,

Ишқ аро кўнглин итурган хайли фориғболимен.

Баски бедодинг юкин тортиб қадим бўлмиш нигун,  
Гўйи ул бедоднинг остида қолғон долимен.

Руҳи Мажнуннинг магар жисмим аро қилмиш хулул,  
Буйлаким, заъфу жунун бирла анинг тимсолимен.

Ишқ аро васл истамон, қонимни то қилдим ҳалол,  
Ҳар неким ишқ ахлиға мушкулдуур, ҳаллолимен.

Ёр ила ушшоқу мен маҳжур ҳолим сўрмаким,  
Эй Навоий, бу жамоатнинг хароб аҳволимен.

## 482

Жонға ҳар дам ишқидин юз минг бало қам истамон,  
Ўзгага минг йил ўтуб, юздин бирин ҳам истамон.

Ёр чун истарки, ғамнок ўлғамен ҳижронидин,  
Не ажаб гар васлидин кўнглумни хуррам истамон.

Тифи ишқинг захмидин жоним бир осойишдадур  
Ким, агар юз қатла ўлсам, доғи марҳам истамон.

Дев сийратлар била кўрсам не ҳол ўлғай манга,  
Ул парийға чун малак хайлини ҳамдам истамон.

Не таҳаммул, гар юзига тушса номаҳрам кўзи  
Ўз кўзумни айни ғайратдин чу маҳрам истамон.

Онча эл жаврин кўруб менким тилармен фардлик,  
Бўлса ёре ҳам вафолиқ, жинси одам истамон.

Эй Навоий, ишқагар оламфа расво қилмаса,  
Мен худ ўзни қуч била расвойи олам истамон.

## 483

Ўлтуур кўйида ишқаҳлин алолоси учун,  
Шоҳ қатл эткан кеби итларни ғавғоси учун.

Тийра зулфидин кўнгул рухсорин айлар орзу,  
Гўйиё равшан су истар дафъи савдоси учун.

Чун бўлур ҳар тун шабистон ичра шамъи анжуман,  
Хайли анжум эврулур ул ой тамошоси учун.

Қаддида гулгун либос эрмаски, устоди азал  
Барги гулдин ҳулла қилмиш сарви раъноси учун.

Зулфи занжирига ҳаддим йўқ, ити занжири ҳам  
Яхшидур, қайд этса бу мажнуни шайдоси учун.

То тириқдурсен, қадаҳ даврин ғанимат тутки, чарх,  
Эврулур тегрангга нақди умр яғмоси учун.

Эй Навоий, тарки дунё айла, иззат истасанг  
Ким, мазаллат келди саъй анинг таманноси учун.

## 484

Масканим ҳижронда бўлса эрди Марви шоҳжон,  
Бергай эрди ҳажрдин ўлсам, танимфа шоҳ жон.

Рашқдин жону кўнгул бир-бирга душман бўлдиким,  
Гоҳ васлингни кўнгул айлар таманно, гоҳ жон.

Нома сабт айларда чиқти жон, вале куйди кўнгул

Ким, қошингға нома бирла бормағай ҳамроҳ жон.

Жон била кўнглумни асрармен фидо айлай дебон,  
Йўқса эрмас ҳам кўнгул матлубу ҳам дилхоҳ жон.

Гайдарин холи висолингни тилармен, оҳким,  
Кўрмагай қўз, бўлмағай воқиф кўнгул, огоҳ жон.

Фурқатингда бода қўймас ўлгаликим, қайтарур,  
Чиққали оғзим сари майл айласа ногоҳ жон.

Эй Навоий, уйла жон оғзимга етмишким, чиқар,  
Фурқатида ҳар неча оҳиста чексам оҳ, жон.

## 485

Йўқ дамеким, ул қуёш ёдида фарёд айламон,  
Айламон фарёдким, гардунни барбод айламон.

Нола қилмонким, халойик кўнглини қилмон ҳазин,  
Навҳа чекмон эл ароким, элни ношод айламон.

Оразу қадди хаёли бас менга, эй боғбон,  
Гул сари қилмон тамошо, майли шамшод айламон.

Кўйма юз ҳуру парий васфиға, эй ровийки, мен,  
Қиблиай жон ғайри ул ҳури паризод айламон.

Айламон маъмур ақлу сабр ила кўнглум уйин,  
Чун мени бузди, мен ул вайронни обод айламон.

Ҳар неча қилдим вафо, кўргуздилар жавр, эй кўнгул,  
Айб қилма, гар замон абносидин ёд айламон.

Эй Навоий, тарки ишқ этким, қутулсан мен доғи,  
Кимсага қўнглумни мундин нари мұйтод айламон.

## 486

Кўз била қошинг аро ул холи мушки нобдин,  
Нуқта кофир узра тушмиш ё қўйи меҳробдин.

Ул оғиз оллидаким ҳар лаълидур оби ҳаёт,  
Номуносидур демак сўз ғунчай серобдин.

Уйлаким, зулфунг ғамин оламға тарқатмиш насим,  
Не ажаб, судралса юз жон бўйни ҳар қуллобдин.

Нуқтаи мавхум эрур оғзинг, нетиб ком истайин  
Ким, таматтуъ қасб қилди жавҳари ноёбдин.

Ҳажр тобу пецидин қисқарди умрум риштаси  
Тор ул янглиғки бўлғай қисқа печу тобдин.

Олам асбобидин ўт, гар истасанг кўнглунгни жамъ  
Ким, паришонлиғдин ўзга етмас ул асбобдин.

Эй Навоий, ёр қўйида қора туфроқ аро  
Қолибон ортуқ қўрармен бистари синжобдин.

## 487

Неча ғамим ўтин аҳли замонға еткурайин,  
Шарору дудидин анинг осмонға еткурайин.

Қадам бошимдин этиб қўйи азми қилдимким,  
Бу макр ила ани ул оstonға еткурайин.

Лабингға май била нўши ҳаёт еткандек,

Анинг хаёлини мен доғи жонға еткурайин.

Кўнгул чу кўйида гум бўлди, не кўнгул бирла  
Ўзумни ком тилай гулситонға еткурайин.

Кўнгулни истаю вайрон баданға элтурмен  
Ки, хонумонини бехонумонға еткурайин.

Жаҳонда фитнадур айлаб суроғ майхона,  
Ўзумни саъй ила дорул-амонға еткурайин.

Навоий оҳи санга заъфдин чу етмас, кел  
Ки, васлдин мадад ул нотавонға еткурайин.

## 488

Ишқ ичра қани мен кеби зеру забар ўлған  
Ҳар кимки йўқ андин батар, андин батар ўлған.

Чун дилбари кирпиклар ўқи ҳар сари отқан,  
Аъзоси аро ҳар саримў ништар ўлған.

Менмен лаби жонбахшинг учун лаъл масаллик,  
Бағри тешилиб, ғарқаи хуни жигар ўлған.

Дехқон деки, мендек яна даврон чаманида  
Ким кўрди вафо нахлиға ҳижрон самар ўлған.

Жисми шарап айрилмоқ ила билки туганди,  
Кўнглида муҳаббат шааридин асар ўлған.

Маст улки, жаҳон меҳнатидин топти фароғат,  
Давронға келиб кетканидин бехабар ўлған.

Фақр ичра, не тонг, ўзлукидин кечса Навоий,  
Фард ўлди фано шевасидин баҳравар ўлған.

## 489

Ой ботти мунфаил бўлубон ул жамолдин,  
Шоядки, чиқмағай яна бу инфиолдин.

Зулфунг хаёли кўнглум уйи ичра тўлғали  
Холи эмастурур нафасе ул хаёлдин.

Ким кўрди ҳусн боғида сарве қадинг кеби  
Ҳаргиз тажовуз айламаган эътидолдин.

Сабрим уйини йиқса қадинг нахли, тонг эмас,  
Ҳаргиз сутунким айлади наврас ниҳолдин?

Дардоки, ўлдуму анга дардимни демадим,  
Кўнглин мукаддар айламайин деб малолдин.

Юз жон бериб, вафо бани одамда топмадинг,  
Кеч эмди, эй кўнгул, бу хаёли маҳолдин.

Хурсандлиқ Навоийғадур бу умид ила  
Ким, васли тошқори худ эмас эҳтимолдин.

## 490

Рахшингки, хиром ичра ўтар кабки даридин,  
Истармен анинг наълини товус паридин.

Ўтган йўлида наълидин ўт жонима тушти,  
Жонимға нелар келди анинг раҳгузаридин.

Гулгунмудуур ё жулини айлади ул навъ,

Хайёти фалак санъати гулбарги таридин.

Гулрухлар аро чунки сўрарсен, хабар айтур  
Эскан гулу сарв узра насими сахаридин.

Отинки, парий чехра дединг, сенدادур ул от,  
Англар кишиким, ори эмас табъ асаридин.

Неҳожат эди суръат анга, мунчаки ошиқ  
Кўзни юмубон очқучча ўткай назаридин.

Мужгон била истар қашиғай суртуб анга кўз,  
Фаҳм ўлса Навоийға ризо сиймбаридин.

## 491

Куйдум ғами ишқимни аён айламакимдин,  
Чеккай эдилар кош тилимни кўмакимдин.

Бир лоладурурким, ичида доғи ниҳондур,  
Ҳар қонки томар доғи ниҳони юракимдин.

Дашт ичра жунун аҳлиға бўлди алами ишқ,  
Ҳар хор уза парголаки қолди этакимдин.

Ишқ ичра тириклиқда паришонлиғим англар,  
Кўрган киши сахрода ёйилғон сўнгакимдин.

Мажнундек элармен этаким бирла чу туфрок,  
Гўёки фано гарди ёғар ул элакимдин.

Ҳасрат иликин тишлиб ичармен ғамидин қон,  
Айшимни хаёл эт бу майю ул газагимдин.

Ҳажрида Навоий кеби матлубум эмас умр,  
Ҳар кимни тилармен чу йироқмен миракимдин.

## 492

Киши ойирса бир бедилни ёри дилпазиридин,  
Умид улким, айирғай tengri ани ногузиридин.

Агарчи мен асири бўлдум ул бадмехрнинг, ё раб,  
Жудо қилма асирин андину ани асиридин.

Деб эрмишким, замиримда анга зулм айламак йўқтур,  
Чиқарғил, ё раб, ушбу зулмни ани замиридин.

Димоғим топмасун мақсад иси, гар кўни туфроғин  
Топиб, ани муаттар истасам жаннат абиридин.

Мену, қон ютмоғу майхона туфроғи, деманг зинҳор  
Манга Жамшид жоми бирла Афридуң сариридин.

Очилди чун эшиклар дайрға, май ичмай ўлдум масти,  
Нечукким аҳли раҳмат жаннат аввоби сариридин.

Навоий шодмондур барча, гар ўлтургали ул шах  
Қилибтур ёд аҳли ишқ аро ушбу фақиридин.

## 493

Келса бир қун, неча қун келмаслигидин лолмен,  
Бир қун ўз ҳолимда бўлсам, неча қун беҳолмен.

Неча кунким келмаса, айлар ўлум ҳоли мени,  
Келса бир қун ўлтурур, бу ишвалардин лолмен.

Йўлида туфроғ агар бўлдум, ғараз побўсидур,

Бўлса бу комим рано, ғам йўқ агар помолмен.

Дилбарим Ширин била Лайлиға гар ақрон эса,  
Мен доти Мажнун бирла Фарҳодға амсолмен.

Хинду ўлдум, ҳажр эткач рўзгоримни қора,  
Ё балоға нуқта, ё андуҳ юзига холмен.

Соқиё, ҳижрон ғами түғёндадур, лутф айлаким,  
Дам-бадам ошуфтаи бир жоми моломолмен.

Эй Навоий, бошима кўрким нелар келтурди ишқ,  
Пири ақл эрдим, бу дам бозичаи атфолмен.

#### 494

Ул парий маҳжуб бўлғай деб мени девонадин,  
Чуғзек чиқмон туну кун гўши вайронадин.

Ошнолар таъни ишқида ҳалок айлар мени,  
Мунча шиддатлиқ эмас, неким келур бегонадин.

Айтсамким, садқанг ўлдум, нега куйдурдинг мени?  
Дерки, бу мушкулни фаҳм эт шамъ ила парвонадин.

Ёр меҳмон бўлса, бермасмен ризо, чун бир нафас  
Меҳнату ғам хайли чиқмаслар бизинг кошонадин.

Чунки ёйилди ҳаводис фитнаси ҳар гўшада,  
Маслаҳат эрмаски чиқсан гўши майхонадин.

Мен ичиб майхонада май, жаннату қавсар сўзин  
Воиз айтиб, бўлмади кўнгли малул афсонадин.

Бир парийдин гар санга банди жунун тушти, не тонг,  
Эй Навоий, қочмағай девоналар зулонадин,

## 495

Неча қўрган сойи ажзим жавр оғоз эткасен,  
Англаған сойи ниёзим шиддатин ноз эткасен.

Мумкин эрмас чун қуёш васли кеча хуффошқа,  
Эй кўнгул, ул ён неча ҳижронда парвоз эткасен.

Бўлса ҳаддим, дер эдим оллингда кўнглум розини,  
Файрни рағмимға гарчи маҳрами роз эткасен.

Лаъли ул кофирнинг элга жон бағишлар, эй Масих,  
Неча анфосинг била даъвою эъжоз эткасен.

Дам-бадам шавқум санга кўпракдур, аммо сабрим оз,  
Гарчи сен бедодни кўп, меҳрни оз эткасен.

Эй фалак, зулму ситам ичра ўз овозинг учун,  
Неча бизга ҳар замон бир иш саровоз эткасен.

Эй муғаний, баски йиғлатғайсен элни базм аро,  
Гар Навоий оҳи бирла нағмани соз эткасен.

## 496

Қориған чоғда бир маҳваш йигит шайдоси бўлмишмен  
Ки, ишқидин қари бирла йигит расвоси бўлмишмен.

Қуюндеқ пўяда майдон манга гах тоғ эрур, гах дашт,  
Магар Мажнун била Фарҳоднинг ҳампоси бўлмишмен.

Бағирдин итларига тўъма қон ёшимни май қилдим,

Жунун базми аро ул хайли базми ороси бўлмишмен.

Мени кўргач бўлур ишқ аҳли мажнун, берма панд эй ақл,  
Чу мен девонларнинг мояйи савдоси бўлмишмен.

Бўлур ишқ аҳли таълим олсалар девоналиғ мендин,  
Нединким, мен бу нодон хайлнинг доноси бўлмишмен.

Деманг аҳли хирад ишқу жунун савдосидин чиқким,  
Мени бехонумон бу даштнинг насноси бўлмишмен.

Навоийдек қориғанда йигит бўлсан тонг эрмаским,  
Қориған чоғда бир маҳваш йигит шайдоси бўлмишмен.

## 497

Кеча асру музтар эрдим, ваҳки, шайдомен буқун,  
Тун худ ўтти, лек онсиз ношикибомен буқун.

Не сўзумни фаҳм этарлар эл, не мен элнинг сўзин,  
Билмон элнию ўзумни — асру расвомен буқун.

Рўзгорим зулфу, холу хаттидин бўлмиш қора,  
Эй хирад аҳли, билингким, маҳз савдомен буқун.

Элга жон бермакка чиқти, гўйиёқим рашқдин,  
Ўлмагай оллида анинг кимса иллоҳ мен буқун.

Мултафиттур элга, мен маҳрум, бу дамким чекиб  
Тиф, истар бир киши қатлин, мен овлимен буқун.

Эй кўнгул, сен онсиз эрмассен даме, бу дамки мен  
Васлиға еттим, сен ўлғунг оллида ё мен буқун.

Йўқтуур Фарҳод ила Мажнун магарким билдилар,

[www.ziyouz.com](http://www.ziyouz.com) kutubxonasi

Тоғча андуҳи бирла даштпаймомен буқун.

Ул парий ишқида ўзлук тарки туттим, соқиё,  
Бодаким, девона бўлмоққа муҳайёмен буқун.

Дўстлар, қочинг Навоийдинки, зулми ҳажр аро,  
Дарди дил айтурдин элга меҳнатафзомен буқун.

## 498

Тугун бир-бир демон, юз-юз мусалсал зулфи торидин,  
Нишондурлар саросар мўр хайлиниң қаторидин.

Юзи гул, зулфи сунбул, оғзи ғунча, қомати савсан,  
Назоҳатда уятлиғдур беҳишт аниңг баҳоридин.

Ҳаводис шоми солса рўзгор ичра паришонлиғ,  
Нишон бил зулфида кўнглум паришон рўзгоридин.

Ани кўргач неча ишқим ёшурсам, халқ англарлар  
Кўнгулниң изтиробидин, баданинг изтиоридин.

Мен онсиз туфроғ ўлдум, эй сабо, сен раҳм этиб боре,  
Қотиштур кўйининг туфроғиға жисмим ғуборидин.

Мени ишқ ила расво қилдиким, эмас менинг сари,  
Насиме келса ногаҳ оғият мулку диёридин.

Бу дайр ичра фано расмин биравким ихтиёр эткай,  
Кушод имкони йўқтур кечмайин ул ихтиёридин.

Майи вasl, эйки, нўш айлаб, ўзунгни айладинг сархуш,  
Гуворо бўлсун, ар бийм ўлмаса бу май хуморидин.

Навоий сабру ишқидин ул ой фориғдуур, яъни  
Хабар йўқтур анга бу бенавонинг йўку боридин.

## 499

Кўрса не фикри таним захмию кўнглум куйганин,  
Улки наълу доғдин ҳайф этмас ўз нозук танин.

Қайда кўрсун, кўрса не қилсун ёқам чоки асар,  
Мастлиғдин улки ҳар дам чок этар пироҳанин.

Хирмани сабрим куярдин не ғам ул кофирғаким,  
Ўт солибтур бодадин, кўргил жамоли ҳирманин.

Гарчи ранжим саъб эрур, вах, қайдা парво айласун,  
Қотилеким, кўрди тиргузмакча ўлтурмак фанин.

Англағач қатл айлар эрди, шукрким, билмас киши  
Базми ғавғоси аро аҳли мусибат шеванин.

Неча тавсанлиқ сукун андин бурунроқ кўзлаким,  
Олмағай коме, неча сурсанг йигитлик тавсанин.

Гулшани ишратқа сиз азм айлангиз, эй аҳли айш  
Ким, Навоий бас оғир олмиш мазаллат гулханин.

## 500

Кирпикимдур ашқ қони бирла шоҳи арғувон,  
Раҳм қил, эй арғувони ранг тўнлуқ навжувон.

Ул ики кўздурму ё ишқингда айни заъфдин  
Гўшаи гулзор аро ётмишлар икки нотавон.

Дуди оҳимни шаарлар бирла кўрган соғинур

Ким, етишти дард мулкидин юз ўтлуғ корвон.

То лабинг нақши кўзумда лаългун ашким кеби  
Тутти ер, ҳайвон зулоли юз сари қилдим равон.

Шод эдим хусн аҳли онидин, қани ул аҳли хусн,  
Эй кўнгул, мен ғофилу эрмиш ғанимат ул авон.

Эй висол аҳли, сизу иззат бисоти узра айш  
Ким, етибдур бизга қисмат ишқдин ҳажру ҳавон.

Эй Навоий, ёр агар зулм этса, шахфа қил дуо  
Ким, анга тобиъдурур адл ичра юз Нўширавон.

## 501

Ёзарда ишқинг ўтин секрир оҳимдин шарап ҳар ён,  
Варақда нуқталар ийнак шаарлардин асар ҳар ён.

Рақиб илги жафо тоши кўп отса, боис оҳимдур,  
Анингдекким, итик ел шохидин сочқай самар ҳар ён.

Дам урмассен, лабинг ширинлиғин васф айласам, гўё  
Ики лаълингни бир-бирга ёпиштурди шакар ҳар ён.

Кўкарган доғидур ғам тошларининг хаста жисмимда,  
Қуруғ шох узра чирмашиб очилғай нилуфар ҳар ён.

Суда гул барглар оққон масаллик лаъли ҳажринда,  
Оқар ашким аро ҳар қатра қон бўлған жигар ҳар ён.

Кўнгулда ўҳларингдин бар есам бир кун, ажаб эрмас,  
Мунунгдекким бу боғ атрофида эктинг шажар ҳар ён.

Белинг сарриштасиға мубтало бўлғон кўнгул сайди,  
Кийикдекдурки, маҳкам айламиш йўлин камар ҳар ён.

Не муҳлиқ водий эрмиш Каъбаи мақсад биёбони  
Ки, адно мўрдин бор аждаҳоларға хатар ҳар ён.

Навоий риштаи зуҳди узулса, қилмангиз ҳайрат.  
Мунунгдекким ани усрук чекар бир сиймбар ҳар ён.

## 502

Ичимдаги ёшурун ғамки, айта олмасмен,  
Бир ўт солур манга ҳар дамки, айта олмасмен.

Фамики, ўлсам эмас айта олмағи мумкин.  
Агарчи ўлтуурп ул ҳамки, айта олмасмен.

Десамки, дардини дей, ишқи илги бўғзумни  
Тутар анинг кеби маҳкамки, айта олмасмен.

Не нукта ишқдин айтай десам, мени ул шўх  
Қилур анинг кеби мулзамки, айта олмасмен.

Фаминг нихон мени ўлтурди зулм тифи била,  
Эрур букун манга мотамки, айта олмасмен.

Кетур пиёлаки, иш сиррини ҳакими азал  
Анингдек айлади мубҳамки, айта олмасмен.

Навоий айтсун ўз дардиники, дард мени  
Қилибтур ул сифат абкамки, айта олмасмен.

## 503

Кўнгул тошлар қорасин доғларким, қўйди ғам ҳар ёнг

Жунун ифратидин девона сочқондек дирам ҳар ён.

Мен ашк ичра чўмуб, ҳар тун қилиб ҳамсоялар ошуб,  
Менинг ҳолимға йўқ ўткан учун уйларга нам ҳар ён.

Эрур ҳар сари ушшоқ оҳидин, мендин эмас буким,  
Бўлур нахли қадига жилва айлар чоғда хам ҳар ён.

Булутқа хумрат эрмас меҳрдин, балким тутошибур,  
Момуқдек баски чиқти оҳим ўтидин алам ҳар ён.

Бўлур қон мушки, ишқинг мушкини қон эттиким, бўлмиш  
Қора шанжарф, ҳолим ёзғали қўйсам қалам ҳар ён.

Итибур телба кўнглум ҳар тараф, эй ишқу дард, истанг,  
Сўрайин ул париваш кўйида мен хаста ҳам ҳар ён.

Не водий қатъи қилмоқдур, фано дайрида сокин бўл  
Ки, қай равзанға қўйсанг кўз бўлур маръий ҳарам ҳар ён.

Даме ўксутмагил, ё раб, харобот аҳли ғавғосин  
Ки, ул ундин кудурат қушлариға бўлди рам ҳар ён.

Навоийдек қадам майхонада беркит сутун янглиғ,  
Десанг оллингға юз ғам келмагай, қўйсанг қадамҳар ён.

## 504

Аҳд қилдим, ишқ лафzin тилга мазкур этмайин,  
Тил неким, хомам тилидин доғи мастур этмайин.

Барча элга фитна бўлған кўзга мафтун бўлмайин,  
Ҳар киши наззора айлар юзни манзур этмайин.

Ишқ куфри бирла тақво хонақоҳин бузмайин,

Бут хаёлиднн қўнгул дайрини маъмур этмайин.

Ҳар кеча бир лаб майи васлидин этмай жонни масти,  
Ҳар кун анинг ҳажрида қўнглумни маҳмур этмайин.

Гар чидай олмай қўнгул берсам бировга ногаҳон,  
Бори эл ичра чидай олғанча машҳур этмайин.

Ишқу май анжоми чун ҳажр ўлди, қўй, эй шайхким,  
Ўзни бу иқболдин куч бирла маҳжур этмайин.

Зулм ила эл жонифа ўт ёқма, эйким, шоҳсен,  
Гар десанг дўзах ўтиға жонни маҳрур этмайин.

Гарчи маъзур ўлди маъмур, эй Навоий, ўзни мен  
Дўст маъмур айлаган хидматда маъзур этмайин.

## 505

Музайян қилма мармар тоши бирла туфроғим бошин  
Ки, қўнглум дуди Машҳад тоши айлар машҳадим тошин.

Булут бирла ёғин эрмаски, ул ой ҳажрида ҳар дам  
Тия олмон дамим дудин, йиға олмон қўзум ёшин.

Азал наққошиким чекти янги ой нақшини, гўё  
Қалам соғ айлар эрди сизғали ул дилрабо қошин.

Қувонди шайх зикри ҳалқасидин найласун мискин,  
Алоло ичра кўрмайдур маломат кўйи авбошин.

Халойик ўлганимни баҳтим уйқуси соғинмишлар,  
Нечукким тонимаслар тавъамоннинг кўрса қардошин.

Сочинг фикрига то туштум, мусалсал бўлди ул савдо,

Қачон билдим мен ул сарриштанинг бу навъ чирмошин.

Жаҳонни куйдуур, эй муғбача, паймонаи лаълинг,  
Магар кўнглум ўти бирла қизитмишлар анинг дошин.

Ажаб меҳру шафақ эрмасмудурким, топмади ҳаргиз  
Хирад бу тоқ меъморин, назар ул шамса наққошин.

Навоий, хонаقاҳда хирқаву сажжоданг ўлмиш қайд,  
Булардин маҳлас истарсен, фано дайри сари ёшин.

## **ВОВ ҲАРФИНИНГ ВИЛОЯТ АФЗОЙЛАРИНИНГ ВАҶОЕЙИ «БАДОЕЪ»ДИН**

### **506**

Сужуд этар қуёш оллинда уйлаким ҳинду,  
Юзунг қошинда қуёш ло илоҳа иллоҳу.

Қуёш юзига боқардин назар эрур ожиз,  
Юзунгдин этти магар акс зоҳир ул кўзгу.

Юзунг нишониға ҳар зарра гар эмас толиб,  
Қуёш жамолиға заррот невчун этти ғулу.

Магар тажаллий ҳуснунгға мазҳар ўлди қуёш  
Ки, зоҳир айлади онча жило била ёғду.

Юзунг хижолатидин меҳр ила сарғормиш  
Ки, субҳ айлар анинг заъфаронидин кулгу.

Юзунгни тушта кўрар мумкин ўлса, истармен  
Анингдек уйқуки, андин сўнг ўлмағай уйқу.

Навоий, иста висолин, биҳишт истамагил,  
Киши биҳишт боринда тамуғни истарму?

## 507

Не ажаб, гар қилмасам гул рангу бўйин орзу  
Ким, эрур андин димоғим ичра ўт, кўзумда — су.

Сарвни ҳам истамонким, кўзга андин ўқдуурур,  
Кимса бир ўқни кўзига қайда қилғай орзу.

Гулжабинлик сарвқад моҳим керак, йўқ сарву гул,  
Ул юзу қадсиз манга не ул кераклиқдур, не бу.

Қомату рухсори комимдур, йўқ эрса боғ аро  
Ҳар тараф кўп саф тузатгай сарву гул қилғай ғулу.

Сарвқадлар бирла гул рухсорини кўп истадим,  
Ул қаду юздин йироқ кўнглумга таскин бўлдиму?

Азми дайр этсанг, қилиб ғусли тариқат, гом қўй,  
Лекин аввал дин ила исломдин илгингни ю.

Эй Навоий, даҳр бўстонида кўптур лавну атр,  
Лек йўқ меҳру вафодин анда мутлақ рангу бў.

## 508

Юзунга ошуфта қошлар бўлмаса ошиқ нағу,  
Бўлдилар ҳар қайси бир девонаи жўлида мў.

Бўлмаса девона, бас, не важҳдин занжир этиб,  
Келтурубтурсен аёғи сари зулфи мушкбў.

Ул арақнок оташин рухсоринга майл эттилар,

Телбалар мойил бўлурлар, кўрсалар ўт бирла су.

Телба эрмас, балки икки ҳиндуи соҳирдуур,  
Бош қўшиб афсун учун гўё қилурлар гуфтугў.

Ё тамошо қилғали, ё сеҳр таълим олғали,  
Зулфининг ҳиндулари ҳар саридин қилмиш ғулу.

Шўхларнинг қошлариға, эй кўнгул, майл этмаким,  
Офият кўйига ҳожиблардур икки рўбарў.

Қошиға тушкан гириҳлар бирла кўнглунг боғламиш,  
Эй Навоий, ишқини тарк айладим деб бўлдиму?

## 509

Рўзада лаб ташналиғдин қилди заъф ул моҳрў,  
Жон берурмен лаълиға то бўлғуси жонимда су.

Лаълиға су орзу бўлмиш сусизлиғ тобидин  
Ким, кўрубтур чашмайи ҳайвон су қилмоқ орзу.

Истарам ул гулни серобу буқим беоб эрур,  
Хаста кўнглум ғунчадек қон боғланибдур тўбатў.

Мен солай оҳим била оламға зулмат, эй Хизр,  
Сен су кинича югур чашманг сари олиб сабу.

Заъфдин ҳар дам қуёшим ҳушидин ғойиб бўлур,  
Кўз солинг тенгри учун хуршид ғойиб бўлдиму.

Риндлиғдин зоҳид ҳушк ўлди ул ой рўзада,  
Гарчи зуҳд аҳлин харобат ичра қилди кўбакў.

Эй Навоий, ҳар дам ул ой заъфдин беҳол эрур,  
Ҳеч билмон ким не қилғаймен ажаб ҳол ўлди бу.

## 510

Хатинг эрмас, гул узра сабзаи боғи Эрамдур бу,  
Не сабза, кун юзида тун саводидин рақамдур бу.

Гар оҳим шуъласи ўтти қуёштин, тонг йўқ, эй маҳваш,  
Сен аҳли хусн аро шаҳлиғ учун чеккан аламдур бу.

Латофат суйидин тўлмиш занахдонинг чаҳи гўё,  
Тарашшух айлаган кун чашмасидин барча намдур бу.

Жафо доғин қўйибким жоним олдинг, асрасам, тонг йўқ,  
Ниҳон қўксум ароким, жон бериб топқан дирамдур бу.

Иложимдин бўлуб ожиз дедилар ҳикмат аҳликим,  
Фарибу хаста йўқким, ошиқу девона ҳамдур бу.

Бутеким куч била чекти бошимни саждаға эмди,  
Вафодин бош чекар, қўргилки, не саркаш санамдур бу.

Олиб дин нақди пири дайрким, қилди мени сархуш,  
Кўрунг, охир не камлик ўтрусида не карамдур бу.

Қадаҳ даврини хуш тут, чарх жаврин боқма, эй соқий  
Ки, ул тутқоч вужуд, албатта, билким калъадамдур бу.

Навоий, ғофил ўлма, ул санамнинг қасрин айлансанг,  
Самад зикрини мазкур айлаким, тавфи ҳарамдур бу.

## 511

Кўп қочар ёр, ани кўп қилсан мени зор орзу,

Анда бисёр ижтинобу менда бисёр орзу.

Куфри зулфи орзусидин берурмен нақди дин,  
Ким кўрубтур, эй мусулмонлар, бу миқдор орзу.

То кўзунг айни таносибдин манга қилғай назар,  
Кечаю кундуз қилурмен ўзни бемор орзу.

Чун эрур ҳар тори зулфунг риштаи жон, бас не тонг,  
Жон қушин ул дом аро қилсан гирифтор орзу.

Жаннат ўлса масканим қўюнг тилармен уйлаким,  
Дўзах аҳли айлагай жаннатқа изҳор орзу.

Боғ тавфидин ғараз андоқки бўлғай сарву гул,  
Бизга кўюнг ичра бор ул қадду руҳсор орзу.

Соқиё, айлар хуморим қасди жон, қилсан не айб,  
Хаста жонимни муқим кўйи хаммор орзу.

Кундаи дўзахдуур бу равзада бир барги шох,  
Айларам савсан кеби ўзни сабукбор орзу.

Андин ўлдум озими дайри фано, эй муғбача  
Ким, қилибмен ҳалқаи зулфунгни зуннор орзу.

Зоҳидо, боштин аёғинг зарқ эрур, қўй пандким,  
Бесаруполарға бўлмас кафшу дастор орзу.

Орзу айлар Навоий қўюнг ичра оразинг,  
Зор булбул айлагандек боғу гулзор орзу.

Жон иси гулдин келур, ороми жоним келдиму.

Бехуд эрдим айткали кўнглум, чу келдим ҳолима,  
Айтинг: ул овораи бехонумоним келдиму.

Қолмиш эрди хаста жон, кирганда мен майхонаға,  
Англамонким, ул заифи нотавоним келдиму.

Демангизким, келди маҳвашлар сени ўлтургали,  
Муни денгким, қотили номеҳрибоним келдиму.

Ҳажридин ўлдум демангим, бошима келмиш  
Масих, Айтинг, ул осойиши руҳу равоним келдиму.

Кўюнга ушшоқ келгандин хабар туттунг валек  
Демадинг ул зори беному нишоним келдиму.

Зухд кўйига кўнгул бирла дедингким, келмадинг  
Эй Навоий, неча айтиб ул ёмоним келдиму.

## 513

Вах, бу не ҳусну, жамолу не латофатдур бу,  
Дема ишқ аҳлики, дин аҳлиға офатдур бу.

Шиша янглиғ кўрунуб бода ўтар бўғзингдин,  
Хилқатинг жавҳарида, вах, не латофатдур бу.

Меҳрнинг оразини буки қусуф этти қора,  
Куллуғунг айламаса, айни касофатдур бу.

Манга тиғ урса ризо бердиму ағёрға, йўқ  
Мен туруб ўлтуур ани, не зарофатдур бу.

Ул парий ҳозири кўзлардин эрур ғойиб ҳур,

[www.ziyouz.com](http://www.ziyouz.com) kutubxonasi

Шайх ани васф қилур, кўр, не хурофатдур бу.

Ёрнинг манзили жон ичраю сен ани тилаб,  
Азими Каъба, ажаб қатъи масофатдур бу.

Демаким, бўлди жунун даштида жўлида сочинг  
Ул қуёштин бошима сояи рофатдур бу.

## 514

То тушта юзин кўрдуму бўлмиш манга ком уйқу,  
Лекин ғамидин бўлмиш кўзумга ҳаром уйқу.

Кўнглум не учун еткач зулфунгға бўлур бехуд,  
Маъхуд эмас элга чун аввали шом уйқу.

Эл кўзларидин ул кўз уйқуни тамом олмиш,  
Бу иштин экин охирким, бўлди тамом уйқу.

Ё тушта кўрай ани, ё ғайрни кўрмай деб,  
Кўз очмайин истармен ҳажринда мудом уйқу.

Бу марҳалада солик кўз юмса, қолур йўлдин,  
Йўл ахли қачон айлар айларда харом уйқу.

Чун сайли сиришкимдин кўзнинг қораси бормиш,  
Не навъ тута олғай ул ерда мақом уйқу.

Уйқуси Навоийнинг гар ўчти, ажаб эрмас,  
То дона сиришк ўлмас, бўлмас анга ром уйқу.

## 515

Тиф тортиб чу келур қатлима жонон ўтру,  
Ҳар дам оғзимға етар чиқмоғ учун жон ўтру.

Кўнглума келса хаёлинг, чиқар ўтрусиға жон,  
Эл чиқар, уйга кирап вақтда меҳмон ўтру.

Истабон васл қачон кўйига озим бўлсам,  
Келмас оллимға бажуз новаки ҳижрон ўтру.

Ул қуёш ҳажрида отсам кечалар новаки ох,  
Холадин чарх тутар дафъиға қалқон ўтру.

Дашт девонасиға мен қилурам истиқбол,  
Чиқса Мажнунға, не тонг, ғули биёбон ўтру.

Майда соқий юзи чун жилвагар ўлмиш, не ажаб,  
Тутсам ул кўзгуни оллимға фаровон ўтру.

Келадур эрди ҳабибим, мени кўргач ёнди,  
Эй Навоий, нега чиқтим мени нодон ўтру.

## 516

Сочинг ранги анбармудур, мушки Чинму,  
Лабинг таъми шаккармудур, ангабинму.

Сочинг бўлмади куфр элигаму зуннор,  
Бўюн тавқиға кўймади аҳли динму.

Куярга кўнгул лаълинг эрмасму ўтлук,  
Гулунгни қадаҳ қилмамиш оташинму.

Кўнгул ганжиға қуфл эмасму бошоғинг,  
Янги доғ эмас анда нақши нигинму.

Дединг, маству ошиқни қатл айламишмен,  
Дегил, қолди бир шайхи хилватнишинму.

Мени боғ гулгаштиға чекма, дехқон,  
Вафолиғ, дегил, гулмудур ё саминму.

Навоий, анинг кўнглига кор қилмас,  
Фифон тортмон, йўқса оҳи ҳазинму.

## 517

Не билгай улки қилур худи узра жилва ялов,  
Менинг ўтумники, бошим уза ёнар лов-лов.

Бало аро чу мен ўлдум, бало қиличларини,  
Не тонг ититкали лавҳи мазорим ўлса билов.

Қўлумда банди жунун тасмаси, не фикр эткай  
Паривашеки, миниб дев, қўлға олса жилов.

Фироқ ўтида қорордим, магарки бу ўтни  
Ёрутғали мени даврон илиги қилди кўсов.

Соқоли шайхи риёйға гарчи келди ҳаром,  
Вале куларга эшак бўинига керак ғужғов.

Юз узра хай, гул уза шабнамин ҳавас қилма,  
Баёзи шайб ила чун ёғди бошинг узра қиров

Навоий айлаб эди гарчи раз қизини талоқ,  
Ҳалола бўлса ҳам ул қизни олғуси бу қуёв.

## 518

Жонона тушубтур мени bemордин айру,  
Жон уйлаки тушкай бадани зордин айру.

Кўз олма кўзумдинки, ўлармен, агар ўлсанг  
Бир кўз юмуб очқунча бу bemордин айру.

Гул рашки парий кўйида бошимға ёғар тош,  
Атфолдин айрудурур девордин айру.

Жон кимсада қолғайму бу янглиғки олурсен,  
Гуфтодин айру, қаду рафтодин айру.

Зулмунгни кам эткилки, вафо аҳли топилмас,  
Ул зулфи хамида бу гирифтодин айру.

Матлубдин айру гила қилма талабингдин,  
Матлубни ким кўрди талабгордин айру.

Ранжурдур ул кўйи фироқида Навоий,  
Булбул не ажаб ғамзада гулзордин айру.

## 519

Пок ишқ аҳли нечук васл айлагайлар орзу,  
Номуносидур балокашларға бўлмоқ комжў.

Лолагун рухсору мушкин зулфидин ком истаган  
Ишқ ойинида гўё билмади жуз рангу бў.

Кўнгли пок эл гар маломат рангида қилса сулук,  
Бок эмастур, бода бўлмас ранг қилғон бирла су.

Пок ошиқ ўртаниб парвонадек дам урмаған  
Бўлғанидин яхшироқ булбул кеби бисёр гў.

Ишқ таврида кўнгул бирла тилин забт айлаган,  
Ўту суни жамъ этар, кимга мусассар бўлди бу.

Рутба лекин бўлса пок элга булат янглиғ бийик,  
Барқ ўтун ёмғир аро асрар зеҳн покиза хў.

Эй Навоий, ишқ даъвосинда қўп лоф урмаким,  
Фаннида соҳибкамол эл бир тараф қилмас ғулу.

## 520

Дема юзким, Хўтан гулзоридур бу,  
Дема хат — нофай тоторидур бу.

Кўзи ўлтурса, лаъли жон бағишлар,  
Ажойиб муддао изҳоридур бу.

Десам зулфунгму кўнглум айлади банд,  
Дер, эй мискин, анинг бир торидур бу.

Сўзи гар асру шириндур, тонг эрмас,  
Ҳадиси лаъли шаккарборидур бу.

Ўғурлар жон занахдонинг аро хол  
Ки, Бобул чоҳининг айёридур бу.

Кўнгул ўзлукни бир соғарға сотти,  
Магар дайри фано хамморидур бу.

Навоийға,— десам,— қил, эй йигит, раҳм,  
Кулуб дер, не ҳаёсиз қариидур бу.

## ХЕ ҲАРФИНИНГ ҲУМОЮНВАШЛАРИНИНГ ҲАЛОҚАНГЕЗЛИҒЛАРИ «БАДОЕЪ»ДИН

## 521

Бу навъ ўлдум жамолинг мусҳафининг сирридин оғах,

Ки, фиҳрастида келди икки қошинг икки бисмиллаҳ.

Жамолинг буки мусҳафур, ҳадисинг ҳақ қаломи ҳам,  
Дей олур мусҳафи нотиқ сени ҳар ким эрур огаҳ.

Ходиси поку нутқи жонфизоингдин топиб Исо  
Ки, анфоси қилиб ибро, агар абрас гар акмаҳ.

Гар ўлса тахти жоҳинг аршу фарш узра русул хайли,  
Тонг эрмаским, алар бори мулоғим келдилар, сен шаҳ.

Ҳазизи арз агар бўлди маконинг, фақр эди боис.  
Агарчи ломакон авжи эди раҳшингға жавлонгах.

Русулдин ҳеч раҳрав ҳамраҳинг бўлмоқ эмас мумкин,  
Малойиктин чу сайрингда не раҳрав келди, не ҳамраҳ.

Қошингға «қоба қавсайн» оядидин йўқ нима аляқ,  
Сочингға йўқ саводи лайлутул меъроғдин ашбаҳ.

Занаҳдон чоҳию гесу каманди гар бу янглиғтур,  
Эрур васфиға берсам тул Юсуф қиссаси кўтак.

Сенинг ишқинг Навоийға ики олам аро бастур,  
Ҳабибуллоға ошиқлиқ анга гарчи ҳад эрмас, вах.

## 522

Юзун кўр, қилмағил мужгону хатту холидин нола  
Ки, бўлмас хорсиз гул, дудсиз ўт, доғсиз лола.

Чу мен дур тишларинг ҳажридин ўлдум, не осиғ гар чарх  
Нужум ашкини ёғдурса бошимға уйлаким жола.

Эмас бир-бир сиришким қониким, кўз мардуми солур

Иting оллида бағримни узуб паргола-паргола.

Лабинг оби ҳаётин Хизри хаттинг нўш этар соат,  
Хубоб ўлмиш ушоқ бир-икки, ани дема табхола.

Юзунгдур уйла даври чатр аро, эй хўблар шоҳи  
Ки, бўлмайдур қамар даврида ҳаргиз уйла бир ҳола.

Юзига, эй фалак, не зеб бер, не ҳусн сотқилким,  
Қуёш ҳусниға не машшота ҳожатдур, не даллола.

Пиёла бирла май оғзимға куптин қуйма, эй соқий  
Ки, ул жавҳарға гўёқим муносиб кайл эрур кола.

Басе муштоқинг эрдуқ дайр аро, кеч келдинг, эй мутриб  
Ки, созинг таркидин бизга янги ой бўлди ҳар тола.

Бу базм аҳлиға, билким, офият жуз бевафолиғ йўқ,  
Навоий хоҳ лаҳни айш туз, хоҳ айлагил нола.

## 523

Яна шуълалиқ кўнгулни ғаминг этти пора-пора,  
Буки бутрашур, эрур поралари, эмас шарора.

Улус ичра оразингдин назар онча асрадимким,  
Ола олмоғум кўз, ўлгунча гар айласам наззора.

Бадалу сафар эрур чораси ишқининг демишлар,  
Бадалинг йўқу сафардин ғамим ортадур, не чора.

Мени телба бирла Фарҳод орасида фарқ кўптур,  
Анга хора қазмоқ иш, ваҳки, ёғиб бошимға хора.

Дема бўлғай ўқларимдин танинг ичра неча пайкон,

[www.ziyouz.com](http://www.ziyouz.com) kutubxonasi

Қатаротини ёғиннинг ким этибдуур шумора.

Бу чаман аро гаҳи овла ҳазор кўнглин, эй гул  
Ки, тешкуси хазон чопқуни уйлаким ҳазора.

Буки дайрдин Навоийни ҳарамфа шайх истар,  
Нетайинки, йўл кўрунмас, неча қилсан истихора.

## 524

Кўнглаким қон ила ҳар доғки бўлмиш тоза,  
Тоза доғим била қонидин эрур андоза.

Ҳажрдин қуймиш эдим, яна дединг ҳажр сўзин,  
Эски доғимни янги доғ ила қилдинг тоза.

Дерки, ишқимни ёшур, вах, нетибон ёшурайин,  
Эмдиким тутти бари даҳрни бу овоза.

Лаъли авсофини гул барглари узра ёзай,  
Айлайн ҳифзиға жон риштасидин шероза.

Зеб учун юзунга гул барги эмастур ҳожат,  
Ҳожат ул навъики, гул баригига эрмас ғоза.

Оқибат қабр эшиксиз уйига чун киргунг,  
Эмди гирё сенга не суд, очуқ дарвоза.

Ул парий сувратини чекса Навоий, не ажаб,  
Қалами топса малойик юнгидин парғоза.

## 525

Оразинг холи недин қилди мени девона,  
Қушни сайд этмади чун суда кўрунган дона.

Кирибон оқ уй аро жон қушини куйдурдунг,  
Гарчи фонусда шамъ ўртамади парвона.

Тийри борони ғаминг бузди кўнгул масканини,  
Бизинг ўй бўлди ёғин касратидин вайрона.

Ҳажр заъфидин ўлубмен ташшасдек, не ажаб,  
Ошнолар манга бўлдилар эса бегона.

Бузди ул шўхи қадаҳнўш салоҳим уйини,  
Манга мундин нари манзил бас эрур майхона.

Соқиё, тўлғуча паймона ерим майкададур,  
Мени масти эткали кўп яхшидуур паймона.

Журм эса ёр бошим узра етиб ўлмаганим,  
Эй Навоий, мени ўлтурмак эрур журмона.

## 526

Бут оллида чу сужуд айлагум ичиб бода,  
Дирам йўқ эрса, гарав хирқа бирла сажжода.

Учурди ақлим ўтин, балки йиқти диним уйин,  
Не англадимки, не сайли бало эмиш бода.

Агарчи дайрда усрук йиқилдим, аммо шукр  
Ки, боре муғбача кўйида бўлдум афтода.

Етишмагай майи ваҳдат фуруғи бўлмағучा,  
Замир шишаси соқий узоридек сода.

Чу зуҳд келди риёю йўқ одамида вафо,  
Не бўлди тутса манга бода бир парийзода.

Қилур муболаға қўп ишқу бода таркида шайх,  
Мени ҳам истар ўзи янглиғ айлагай лода.

Навоий, ўлғил икки кун майлидин озод  
Ки, дўст ғайриға бўйлмас муқайяд озода.

## 527

Баски қон борди аламлар юзланиб ҳар доғима,  
Зъоф ифроти яқинлаштурди борур чоғима.

Базм аро ёдим била туфроққа гоҳи май тўқунг  
Ким, эрур ул ҳам яқинким, тўккасиз туфроғима.

Бу мараз ҳижрондин ўлмиш берма шарбат, эй табиб  
Ким, зулоли хизр етса, заҳр ўлур қурсоғима.

Жисм заъфидин тери қолмиш сўнгак узра яна,  
Ҳажр ўқи паррон ўтар, чун етса бу ярғоғима.

Белга мен зуннор боғлабмен, vale ҳайли ажал,  
Вахки, судрарлар, иликлар беркитиб белбоғима.

Маърифат боғида ул қушменки, ҳайрат айлагай,  
Тоири қудс айласа бир дам нишиман боғима.

Эй Навоий, дард тоғинда соғингай лолазор,  
Боққан эл ҳам тоза қонлик, ҳам қоралиғ доғима.

## 528

Хатинг саводиға сунъ илги йўнди чун хома,  
Ҳамул рақам била қилди мени сияҳнома.

Йиғилди, ваҳки, хатинг хайли даврасиғаю бас,  
Неча қизитти жамолинг қуёши ҳангома.

Кўзунг хаёли кўнгул маҳзанин тасарруф этиб,  
Магарки ҳифзи учун бости мухри бодома.

Кўнгул харобасида солди тархи меҳринг ишқ  
Ки, уй ҳаволиғ ўлур бўлди чун дуoshома.

Менинг кеби кечар эл кўнгли комидин ноком,  
Биравки, сендек эрур ёри маству худкома.

Маоли илмида мендин ҳам эрди жоҳилроқ,  
Қаюки тутти ўзин олам ичра аллома.

Навоий ўлса керак пири дайр базмида хос,  
Не десун ани ваъз ичиндаги ома.

## 529

Кўнгулни қилди минг қотилча ёра, .  
Жафо тигидин ул шўхи ҳазора.

Саманди ўт чақилғондек чу секрир,  
Ул ўттин секретур наъли шарора.

Итингга тұмалиққа бўлди осон,  
Буким бағримни қилдинг пора-пора.

Кўрунгач кўзга ул юз, хаста бўлдум,  
Ўлармен, яхши гар қилсан назора.

Не истар чора дарди ишқ учун эл,  
Чу йўқ бечоралиғдин ўзга чора.

Кўнгул олам уйига боғлама кўп  
Ки, байтидур санга ул истиора.

Фано йўли, Навоий, бас қотиқдур,  
Магар осонроқ ўлғай бора-бора.

## 530

Чоклик кўнглум нишони ғунчай хандонида,  
Мунда тоза доғ янглиғ холи анинг ёнида.

Йўқтуурур итларга сон кўйидаю кўргил мени  
Ким ул ой кўйида мен ҳам йўқмен итлар сонида.

Қон бўлуб бағрим оқар кўздин, тиласанг, топилур  
Лола ичра сабзадек пайкон сиришким қонида.

Уйладур раъно ғазолим ложуварди тоқ аро  
Ким, эмас андоқ ғазоли зар сипеҳр айвонида.

Асру нофармондур ул гулким, либосидур бинафш,  
Гарчи гулрухлар эрур бори анинг фармонида.

Ҳажрида барча азоб оятлари шаънимдадур,  
Барча раҳмат оятидек нозил анинг шонида.

Давр аёғидин вафо аҳлин унутма, соқиё.  
Ким, вафо йўқ жуз унутмоғлиқ фалак давронида.

Дониш аҳли каффасида келтуурур нодонни чарх,  
Фикри йўқим, рост келмас бу хирад мезонида.

Гар Навоий булбуле эрди, хуш илҳон, кўрки, ҳажр  
Навҳа ранги кўргузур ҳар дам анинг илҳонида.

## 531

Сен қора пар бошинг узра, кўргузуб мен дуди ох,  
Бу менинг ўтумдин, ул саркашлигингдиндур гувоҳ.

Хўблар анжум, сен ул хайл ичра меҳри анжуман,  
Меҳрни султон десам йўқ айбу анжумни — сипоҳ.

Эгма қад бирла тутуб кўксум шикофин келмишам,  
Ханжари ишқинг била дардинг юкига узrhoҳ.

Ўлгум эрди гаҳ-гаҳи ёдингдин ўлсам эрди маҳв,  
Эмди жон айлаб фидо, ёдингға кирмон гоҳ-гоҳ.

Баски бршимға ёғар атфол тоши, эй парий,  
Қилғали қасдим жунун хайли ул-ўқдур шоҳроҳ,

Хонақаҳда ўзлук аҳволи етибдур жонима,  
Йўқ ажаб, гар истасам дайри фано сари паноҳ.

Дайр пири соқию май бирла тиргузди мени,  
Хуру кавсар ҳасратидин ўлди шайхи хонақоҳ.

Бўйнума зуннор боғлаб келмишам, эй муғбача,  
Гар риёйи субҳадин бўйнумда бор эрди гуноҳ.

Эн Навоий, ҳасрат оҳи бирла ўлгум ҳажр аро,  
Ёр васли етмаса фарёдима, во ҳасратоҳ.

## 532

Тифидин захм едим, еткач ул ой қошинда,  
Ҳар не бошимда эди, бордим анинг бошинда.

Лаъли серобинга то кўз ўзини олдурмиш,

[www.ziyouz.com](http://www.ziyouz.com) kutubxonasi

Лаъл рангидин асарлардур анинг ёшинда.

Уйла қонлиғ кўнгул ичра туган ўртабсенким,  
Лоланинг ғунчасидек билгурадур тошинда.

Чарх тоқи гириҳидин кўп этар жавр, басе,  
Улки бедодим учун солди гириҳ қошинда.

Нақши ул ойнинг улус оллида беҳол айлар,  
Ваҳ, не ҳол эрди экан хомай наққошинда.

Не тажарруд уйидур дайрки, ўзлук ҳам йўқ,  
Қилғали майға гарав зумраи авбошинда.

Гар Навоий тани чирмашсаю тўлғонса, не тонг,  
Қолди чун сунбулининг чирмашув тўлғошинда.

### 533

Рангсиз холинг эрур ул орази дилжў уза,  
Занг ул янглиғки кўргузгай асар кўзгу уза,

Нашъя ёқути муфарриҳдин гар эрмас дам-бадам,  
Дуржи лаълингда недин кулгудуурур кулгу уза.

Хозини ҳикмат магарким хол бирла қилди муҳр,  
ЛАЪЛДИН чун солди қуфл ул ҳуққалиқ инжу уза.

Қоши ёсин қурғали эл қасдиға бўлмиш кериш,  
Фитналиғ чинким тушар ул наргиси жоду уза.

Анбарин зулфунг малойик шаҳпаридин соядур  
Ким, аён бўлди тажалли ақшоми ёғду уза.

Соқиё, ишрат майин бунёд ила соғарға қуй,

Не учунким, даҳр бунёдин кўрармен су уза.

Кўйи туфроғида қон ютса Навоий, яхшироқ  
Бодаи кавсар чекардин равзай мину уза.

## 534

Ўзгалар боғиндадур наврас ниҳолим бу кеча,  
Тонгға тегру ўзгадур ҳар лаҳза ҳолим бу кеча,

Ҳажр даштида юз ўтлуқ водию ҳар дам мени  
Ўзга водийға солур, ваҳқим, хаёлим бу кеча.

Сўрма қўнглум ҳолини, бедод ила ўлтургуси,  
Ўзин ул девонаи беэътидолим бу кеча.

Барча бир-бирдин совурмоқ биймидур, неким ўтар,  
Анжуму афлок бирла қийлу қолим бу кеча.

Юз қуёш қиласа тулуъ, эрмас ёруғлуқ еткудек,  
Андоқ этмиш тийра оламни малолим бу кеча.

Буйлаким, ҳар дам урармен жонға юз тиғи ҳалок,  
Тонгғача, вах, то қаён еткай маолим бу кеча.

Эй ажал, жоним фидонг ўлсунки, ботроқ эт халос.  
Чун кўрунмайдур тирилмак эҳтимолим бу кеча.

То қиёмат субҳ толиъ бўлмасун эмдики, бор  
Ҳашр субҳи сари майли интиқолим бу кеча.

Эй Навоий, ҳар не зулмиким қилиб эрди хаёл,  
Барчани жонимға қилди чархи золим бу кеча.

## 535

Ёқодек курб агар топмон сенинг сиймин сақоқингға,  
Этакдек ҳам ёмон эрмас туша олсам аёқингға.

Чучуклуктинму ё куйдурганидинму қабармиштур,  
Лабим то етти лаъли оташин янглиғ дудоқингға.

Кўнгул мужгонинг узра кирпигимда қатра қондектур,  
Бу янглиғ дашна ебтур то асир ўлмиш фироқингға.

Баногўшингни ўпмак кому, ваҳким, халқ биймидин,  
Де олмон ошкоро, гар десанг айтай қулоқингға.

Лабинг ўпмакка ҳаддим йўқ vale лутф айласанг онча  
Ки, мунглуғ кўзларимни суртсан қошу қабоқингға.

Санга ёндошмоқ истаб қоматим ё, оҳим ўқ бўлди,  
Ҳасаддин бир тараф қурбонинга, бир ён садоқингға.

Ажаб эрмас агар, эй муғбача, майдин кўтарман бош,  
Ўлубмен, ташна лабнинг боши бир етмиш аёқингға.

Жунундин тоғу сахро ичра айб этма фифонимни,  
Будур иш, эй парий, токим тушубтурмен суроқингға.

Навоий кўнгли қонин тўккали асрабсен, эй қотил,  
Умидим йўқ эди кўнглумни мунча асрамоқингға.

## 536

Тушда еткандек дуурмен сарви ҳуризодима,  
Кўр, ёмон толеъки, ул ҳам яхши келмас ёдима.

Софинурменким, топилмас бир кўнгул оламда шод,  
Шодлиғ ҳаргиз чу етмас хотири ношодима.

Йўқки, заъфимдин унум чиқмасда раҳм этмас ул ой,  
Кўкка ҳам етканда нолам, етмади фарёдима.

Айтсан, хуштур кўнгул боғи гиёҳи меҳр ила,  
Дерки, бу жавҳарни тенгри бермамиш пўлодима.

Дод султондин топарлар, ваҳки, ул султони хусн  
Азм етар ҳар лаҳза тифи кин чекиб бедодима.

Одат айлар ёр ҳижрон шевасин, эй дўстлар,  
Войким, неткаймен онсиз хотири мутьодима.

Мен чу бўлдум дайр пирининг муриди, не осиғ,  
Эмди шайхи хонақаҳ қўймоқ кўнгул иршодима.

Бир хароб ўлғайки, ҳаргиз топмағай ободлик,  
Кимки қиласа бир гузар кунжи харобободима.

Эй Навоий, телба кўнглум дарду ғам тоғин қозар,  
Кўрсанг, ахволим дегил Мажнун сифат Фарҳодима.

## 537

Халқ меҳрига яна, ё раб, мени зор айлама,  
Айласанг ҳам, меҳри йўқларға гирифтор айлама.

Меҳрибонларға доғи учратсанг, элнинг меҳрини  
Ногаҳон хотирлари ичра падидор айлама.

Эй парий, қатлимға майл этсанг, фидо жоним валек  
Ўзга сари хотирингнинг майлин изҳор айлама.

Лаълидин ким қиласа бир жонбахш сўз нақл, эй кўнгул,  
Оллида жон жавҳаридин ўзга исор айлама.

Тушда васли бўлса гар худ барча сўнгғи уйқудур,  
Эй Хизр, ҳайвон суйи ичмакка бедор айлама.

Ҳалқаи куфр ичра чун қўйдум қадам, эй пири дайр,  
Муғбача зулфи хамидин ўзга зуннор айлама.

Эй Навоий, дам-бадам афгор кўнглунг соғиниб,  
Иттиқ-иттиқ ун била эл кўнглин афгор айлама.

## 538

Томида эрмас кабутар хайли бу журъат била  
Ким, парийлар келди ошиқлиққа ул суврат била.

Ё малойик хайлидур томида парвоз айлабон.  
Эврулур бошиға ҳар кун юз туман ҳайрат била.

Ё кўнгуллар қушлари дур қўйини қилған ватан  
Ким, қўнарлар саъй этиб, қовған сойи шиддат била.

Ё кабутарлар кетурмиш номалар ушшоқидин,  
Ани кўргач қўйини айлаб ватан улфат била.

Соқиё, тортай кабутар дам, кетур бир бодаким,  
Бир кабутарбоз учун ўлдум ғаму меҳнат била.

Эй кабутар, нетти бир пардек қанотингда ниҳон  
Элтсанг номам ангаким, ёзмишам ҳасрат била.

Гар кабутардек Навоий ўлса ул ой қўйида,  
Юз муаллақ урғай ул хуррамлиқу ишрат била.

## 539

Иситқон, нозанин жисмингки, тердин тушти тоб ичра,  
Эрур бир оташин гул баргиким, ётқай гулоб ичра.

Иситма ранжидин, эй гул, бўлубсен ғунча андоқким,  
Ҳариру хуллалиқ жисминг тушубтур печу тоб ичра.

Исиғлиғдин танинг ўт бўлди, тонг йўқ, иеча толпинса,  
Ҳароратдин қолибтур шульга дойим изтироб ичра.

Қизил чодиршабу мовий тўшаклар ичра титрарсен,  
Анингдекким қуёш кўклар била гулгун саҳоб ичра.

Лабинг ёқути ичра қатра-қатра термудур, ёхуд  
Тушубтур дона-дона инжу икки лаъли ноб ичра.

Дедиларким, хароб ўлмиш иситмоқ бирла жононинг,  
Не ўтларким бу сўздин тушмади жони хароб ичра.

Не кун бўлғай янги ойдек танинг бўлғай тўлун ойким,  
Тўла соғар чекарга базм тузсанг моҳи тоб ичра.

Ўзумни, соқиё, соғ истамон, тутқил тўла соғар  
Ки, чархи мунқалиб давронни истар инқилоб ичра.

Навоий, ёрни топсанг саломат, хайрбод этким,  
Яна заъф этса ногах, қолмағай жонинг азоб ичра.

## 540

Узди мендин дўстлуқ ул шўхи сиймин тан яна,  
Ончаким мумкиндур, этгил айш, эй душман, яна.

Мазраъи жисмимда эрмастур қорарған тоза доғ,  
Токи, куймиш барқи ишқингдин қаю хирман яна.

Ишқим эрди ёшурун, фош этти гирён кўзларим,  
Қилдилар ғаммозлиқ бу икки тардоман яна.

Шамъ янглиғ ўт тутушиб бошима ҳижрон туни,  
Ёшурун ҳолимни элга айлади равшан яна.

Қочтилар аҳли жунун ҳар ёндин андоқким шарап,  
Баски тўлди ўтлуқ оҳим дудидин гулхан яна.

Даҳр раъноси фану макри била топсанг фириб,  
То не макр эткай аён бу даллаи пурфан яна.

Эй Навоий, чун замон зулмиға суд этмас жазаъ,  
Касб қил бу шеванию қўп шеван яна.

## 541

Менки ғам даштида иттим оҳи дард олуд ила,  
Истаган топқай кеча ўт бирла, кундуз дуд ила.

Инфиолингдин қуёш кирди қора туфроғ аро,  
Қилғанингда жилва ул рухсори гардолуд ила.

Ул оғиз маъдуму менда ўпмаки савдосидур,  
Судким истабдуур сармояи нобуд ила.

Не иting бўлмоққа толеъ, не иtingга тутьмамен,  
Тушкали қўйинг аро бу жисми ғам фарсад ила.

Ғам туни қилмиш қора босқан кеби музтар мени,  
Буйлаким, нокормен бу баҳти қир андуд ила.

Уйла маҳвунгменки, келмас хотиримға ҳажру васл  
Сен муродимсен, ишим йўқтур зиёну суд ила.

Эй Навоий, асру мақбул эл била хўй этти ёр,  
Хушлуғи гар йўқтуур, не айб, сен мардуд ила.

## 542

Фунча гул ичра гаҳе пайдо бўлур гулзорда,  
Бўлмади ҳаргиз аён оғзинг сенинг рухсорда.

Заъфдин қулбамда қўпмоқ истасам, айлар мадад,  
Анкабуте ришта осқон бўлса ҳар деворда.

Ким жунунумға ёзар таъвиз ийнак ашқу юз,  
Гар керак шингарф бирла заъфарон туморда.

Сайли ашкимдин демаким мулк эмас мардумнишин,  
Балки мардум қолмади бу дийдаи хунборда.

Дайр туфроғида бутмиш сабза дер кўрган киши,  
Занглик юз нўғи пайкон бу тани нокорда.

Ҳар бирисин англа бир коғир жафосидин ҳисоб,  
Бу гириҳларким, тугубмен риштаи зуннорда.

Синса ибриқи вузу, андин манга бас бир сафол,  
Май гадолиқ айламакка кулбай хамморда.

Чарх айвони мунаққашдур, vale наққоши сунъ  
Чекмади нақши вафо бу тоқи минокорда.

Эй Навоий, ер юзин ағёр тутса, ғам ема,  
Бир саримў гар сенинг фикринг бор эрса ёрда.

## 543

Заъфдин ингронғоним элнинг фифони зорича,  
Ҳар дамим ишқ аҳлининг бир оҳи оташборича.

Мехри рухсорида не қошдур, не кўз, не хат, не хол,  
Ваҳ, деса бўлғайму ани маҳвашим рухсорича.

Нуқтаи мавҳумни юз қисм фарз этсанг бирин,  
Деса бўлмас бор анинг йўқ оғзининг миқдорича.

Гул юзунгдин қатра тер ҳар ерда томса, ул судин  
Чарх ул ерни ясай олур Эрам гулзорича.

Дайр кўйи сокинименким, бу зангори сипеҳр  
Рифъат ичра эрмас анинг кулбай хамморича.

Бўлди муғ дайрида хирқамнинг чубулғон иплари  
Ҳар бири куфр аҳлиға бир барҳаман зуннорича.

Дайр пири не ажаб, гардунни соғар айламақ,  
Ваъда чун қилмишки, бергай бода майлим борича.

Факр атворида ё чиқмақ керак офоқдин,  
Ё керак тузланмак оғоқ аҳлининг атворича.

Эй Навоий, айладим ҳар кўй аро сайру сулук,  
Келмади оллимға ишқ ойинининг душворича.

## 544

Сарв қад гулрухлар ўтмас хотири ношодима,  
Сарву гул кўрсам, алар киргай магарким ёдима.

Уйла гардун зулми этмиш рўзгорим тийраким,  
Ёрута олмас қуёш кирса харобободима.

Нега фарёд этмайин, ёхуд нетай фарёд этиб,  
Буйлаким, фарёд этиб, етмас киши фарёдима.

Қазмаса қўнглум яна ғам Бестунин яхширок,  
Ҳеч Ширин лаб чу қилмас раҳм бу Фарҳодима.

Шўхлар мужгонидин зухдум қутулсин, вах, неча  
Игна бирла нақб тешмак қалъаи пўлодима.

Май қуёшин дайр аро ҳар дам чекар бўлсан, не ғам,  
Гар қуёш тифин фалак ҳар дам чекар бедодима.

Эй Навоий, оғият қўйи ғаниматдур валек  
Найлайнин, гар кирмаса шайдо қўнгул иршодима.

## 545

Бас ёмон ҳоле тушубтур, ёрлар, мен зорға  
Ким, ёмон ҳолимни зоҳир айлайолмон ёрға.

Эйки, дебсен ер юзини лолазор этмиш баҳор,  
Гўйиё кўз солмадинг бу дийдаи хунборға.

Тошлинигдин яхшироқ бўлмоқ танимда доғлар,  
Сиккаи беҳбуд ургондек дурур динорға.

Субҳи васлим, демасанг, қилғай ниҳон шоми фироқ,  
Нега ёптинг зулфи шабгун меҳрдек рухсорға.

Жонфизо қилмиш юзунг бўйстонини ҳар сари хай,  
Бу гул очғай берсалар ҳайвон суйи гулзорға.

Қатл майли қилмасанг, невчун яна миндинг саманд,  
Белга руст айлаб этак гул санчибон дасторға.

Эй насиҳатгў, кўзумни тийра айлабтур хумор,  
Раҳм этиб қил раҳнамунлуқ кулбай хамморға.

Жоми май тутқилки, тарихи биносин топмадим,  
Нечаким солдим назар бу тоқи минокорға.

Дайрдин гар бўлмасун ғойиб дер эрсанг муғбача,  
Эй Навоий, боғла зунноре учун зуннорға.

## 546

Ҳар гулки очибдур май ул орази дилжўда,  
Гулларму экин суда, гул аксиму кўзгуда.

Кўзгуда юзунг акси, гар яхши назар қилсанг,  
Бор уйла биайниҳқим қун акси тушар суда.

Ноз уйқусида ул кўз ошуби жаҳон ичра,  
Үйғонса кўзунг неткай олам бузуб уйқуда.

Оллимга юзунг келгач, ҳусн аҳлини қўрмасмен,  
Кўз англамас ашёни, бўлғач қуёш ўтруда.

Гар шаҳрни тарк айлаб, сахроға қўюбмен юз,  
Маъзур эрурменким, моҳим эрур урдуда.

Оlam иши сар-тосар ғам ерга кари қилмас,  
Соқий, тутубон жоме қўйма мени қайғуда.

Васл истасанг, ўл фоний андоқки Навоийким  
Ҳар ишки муунунг ғайри бордур, бори бехуда.

## 547

Тийралик хаттинг саводидин лаби хандон уза  
Хизр солди соя гўё чашмаи ҳайвон уза.

То ҳазин кўнглумни лаълинг ҳасрати қон айламиш,  
Анда холинг нақш ўлтурған чибиндур қон уза.

Жону кўнглум ноласидин икки ҳақѓў қуш кеби,  
Кечакул ой кўйида афғон эрур афғон уза.

Тоири меҳнат бузуқ кўнглумда тутмиш ошён,  
Чуғз андоқким нишиман айлагай вайрон уза.

Эй мусулмонлар, еting фарёдимаким, кофире  
Жону кўнглум олди, эмди сўз борур имон уза.

Чарх тоқидин топар кун чашмаси ҳар кун завол,  
Зарварақтин шамса чеккан не осиф айвон уза.

Эй Навоий, то деди дардим юкин кўнглунгга қўйиг  
Кўнглум узра қўйдум ул юкнию миннат жон уза.

## 545

Не ажаб, ушшоқ аро бўлсам мени зор ўзгача  
Ким, эрур маъшуқлардин ул ситамкор ўзгача.

Бошима аҳбоб бўлмиш жамъ, яъни итларинг,  
Гўйиёқим заъфдин бўлмиш бу бемор ўзгача.

Даҳр аро ошубдурким, чиқмиш ул бебок маст,  
Эгнида тўн ўзгача, бошида дастор ўзгача.

Ўзгача бўлди ўтум пайконларингдин, уйлаким,  
Қатра терлардиндур ул гулранги рухсор ўзгача.

Ҳолим ўлмиш ўзгача ҳар дамким, ул ой кўргузур  
Лабда гуфтор ўзгача, қоматда рафтор ўзгача.

Қил риоят, соқиёким, базмида бир дам бўлай  
Ким, манга ҳар дам бўлур ҳоле падидор ўзгача.

Жондин ойирмоқ эмас мумкин анинг зулфиниким  
Чирмашибур риштаи жонимға ҳар тор ўзгача.

Оlam аҳли ичра одам демак ўлмас аниким,  
Жоҳила бўлғай анга қонуни атвор ўзгача.

Эй Навоий, даҳр гулзоридин ўтким, ҳар гули  
Кўргузур юз хору ҳар хорида озор ўзгача.

## 549

Танимдур ҳалқаи зулфида не янглиғ дард қофинда,  
Йилондек тўлғаниб ҳар лаҳза бир хоро шикофинда.

Чиқориб қони бирла лаълдек бошимға тиккаймен,  
Аёғимға итинг тош урса кўйинининг тавофинда.

Нетай ой-кунни онсизким, эмас бир сабзаю гулча,  
Ҳам ой қолқони, ҳам кун найзаси ҳижрон масофинда.

Кўруб кўрмай қошин ушшоқ аро кўп баҳс воқеъдур,  
Хирад аҳли аро андоқки руъят ихтилофинда.

Салоҳ аҳлида гарчи қўймадинг сатру ифоф, аммо  
Сени ҳақ асрасин ўз пардаи сатру ифофинда.

Сабухи вақти гул очилғанин найлайки, ул ётмиш  
Ўзини ғунча янглиғ чирмабон гулгун лиҳофинда.

Не майким тутса пири дайр, олиб риндона сипқорким,  
Эмастур ринд улким, сўз дер анинг дурду софинда.

Дер эрдиларки, воиз ҳарза кўп дер, эмдиким кўрдум,  
Жунуну савт мункир ҳам музоф эрмиш газофинда.

Навоий мұттарифдур журмиға, ё раб, сен ўткарким,  
Қарам аҳлиға лозим афвдур журм эътирофинда.

## 550

Кўйида тоше тилармен қўйғали бош остиға,  
Токи ўлсам, қўйсалар бошимни ул тош остиға.

Кундузи хуршиди олтун хиштидин ўткай бошим,  
Остонинг хиштини қўйған кеча бош остиға.

Гўшадин тушмиш пўлак чекканда мушкин ёй аро,  
Анбарин холи саводи ул қора қош остиға.

Су кишисидур биайниҳ қўзларимнинг мардуми,  
Йиғларимдин қолғали дарё кеби ёш остиға.

Ҳажр аро байтулҳазандა қилмангиз ашкимни манъ,  
Емрулуб вайронга кулбам, қолғамен кош остиға.

Соф этинг май дурди сажжодамдаким, бордур ҳақир,  
Олиб эгним устидин солмоққа авбош остиға.

Эй Навоий, кўк қизиб бўлмиш қизил, эрмас шафак,  
Шуъла ўтлардинки, оҳинг айлади фош остиға.

## 551

Ёр агар базми аро ғамгинларин шод айласа,  
Рози ўлдум, кош мен ғамгинни ҳам ёд айласа.

Нахли қаддиға сабодин етса осеб ўзни бор,  
Садқаси юз сарв янглиғ банда озод айласа.

Боғбон қадду юзунгни кўрса боғ ичра, не тонг,  
Сарвини гар ўтға ёқса, гулни барбод айласа.

Кўнглум афғони анга эрмас ажаб, гар етмаса,  
Ўт уни етмас қуёшқа, гарчи фарёд айласа.

Эй кўнгул, чун олам аҳлиға вафо йўқтур, киши  
Авло улким, ўзни бекасликка мутьод айласа.

Шайх ила зухди риёйидин малул ўлсам, қани  
Дайр пириким, фано ойинин иршод айласа.

Эй Навоий, одамилиғдин йироқдур сен кеби  
Ёрлиққа кимки майли одамизод айласа.

## 552

Киши висол туни ёри бирла ётқунча,  
Жамоли шамъиға қилсун назар тонг отқунча.

Муяссар ўлмади жон бермаку лабин ўпмак,  
Нединки қолмади жоним ани унатқунча.

Мени йўқ эткан эрур ҳажри сангборони,  
Нединки ёғди таним тош ичига ботқунча.

Малолдин мени бир журъа бирла сотқун, ол  
Хурушу арбада бирла жаҳонға сотқунча.

Кўнгул жароҳатиға ёқ висол марҳамини,  
Фироқ хораси бирла бошим ушатқунча.

Салоҳ тўнини чок этса яхшироқ, эй шайх,  
Риё юруни била хирқани яматқунча.

Навоий, аҳли фано дайри ҳалқасин хуш тут,  
Ўзунгни зуҳду риё мажмаъиға қотқунча.

### 553

Манга бўлмағай ёр бегона ногаҳ,  
Мени қилмағай зору девона ногаҳ.

Басе ашк оқиздинг, эй кўз, бас этким,  
Йиқилмасун устунга вайронга ногаҳ,

Дединг чекма оху фифон,вой найлай,  
Чиқиб келса ул шўхи мастрона ногаҳ.

Мусалло юкин раҳн этарга чекармен,  
Агар масканим бўлса майхона ногаҳ.

Кўп усрукмен, эй дайр пири, уятдур,  
Қўлумдин тушуб синса паймона ногаҳ.

Замон аҳлидин, эй кўнгул, гар қутулсанг,  
Алар сари майл этмагил ёна ногаҳ.

Киёматқача ётса усрук, ажаб йўқ,  
Навоийға май тутса жонона ногаҳ.

### 554

Не суд гулшан аро ичмакинг ниҳон бода  
Ки, юзда гуллар очардин бўлур аён бода.

Кўзунг хаёли келиб қоним ичса хушдилмен,  
Биайниҳ уйлаки дилхоҳи меҳмон бода.

Лабиға бода олиб қилди нўшу жон топтим,  
Ул ичти, лек манга бўлди нўши жон бода.

Не мункир ўлмоқ эрур кеча бода ичкандин,  
Чу қўйди хулланг уза қатрадин нишон бода.

Агарчи тавба буюрдинг манга, бил, эй зоҳид  
Ки, синфуси, ёна чун тутса дилситон бода.

Кўзунгки қоним ичар майли қилди, маст ўлди  
Ки, ботроқ усрук ўлур, ичса нотавон бода.

Замона меҳнатидин бир замон десанг қутилай,  
Тўла-тўла қуюбон ич замон-замон бода.

Биравки яхши-ёмон ранжидин фароғ истар,  
Иcharда толғамадик яхши, гар ёмон бода.

Навоий айлади доруламоне майкадани  
Ки, берди даҳр ғамидин анга амон бода.

## 555

Тонгға солма ваъдаи васлингни боре бу кеча  
Ким, мени ўлтургуси тонг интизори бу кеча.

Чун ёшурди ул қуёш ўтлуқ жамолин, вах, кўрунг  
Ким, ўтар гардундин оҳимнинг шарори бу кеча.

Чарх уза ҳар ён шиҳоб эрмаски, қўкнинг ҳолима  
Ёш тўкар ҳар лаҳза чашми ашкбори бу кеча.

Субҳ агар урмас нафас, ўлгумдуур ё ул Масих,  
Бир нафас келмас мени дилхаста сари бу кеча.

Англатинг базмида, эй шамъу қадаҳ, йиглаб, куюб,  
Буки ўлтурди мени ҳажр изтиори бу кеча.

Соқиё, васлинг шафақгун жомидин тиргуз мени  
Ким, қилибтур қасди жон ҳажринг хумори бу кеча.

Эй Навоий, сен агар қундузга етсанг, беғам ўл  
Ким, ғамидин қолмади жон бизга боре бу кеча.

## 556

Сунбули шомида юз айлади гулрез яна,  
Бўлди ҳар учқунидин кўнглум ўти тез яна,

Гулнинг атрофида юз ғунча дегил зоҳир этар,  
Оразинг даврида ул зулфи диловез яна.

Оташин лаълу юзи шамъин очар, тонг йўқ, агар  
Куйса хошоку хас, тавбаю парҳез яна.

Не тароватдуур ул юздақи, хўйдин қилмиш  
Гулни шабнамзада, шабнамни гуломез яна.

Мени ҳижронда укар ҳалқ ва лекин онсиз  
Зор кўнглумга эрур бода ғамангез яна.

Англаған ишқ аро Фарҳод иши Ширинлиғини,  
Улса ҳам айламагай ҳашмати Парвез яна.

Эй Навоий, келур ул ҳусн баҳори бу тараф,  
Барки оҳингни бу кун қилма сабукхез яна.

## 557

Бода тобидин қизил раглар узоринг боғида,  
Обкашларнинг мисоли келди гул яфроғида.

Фурқатингда доғ ила қоним эмастур лоладек  
Ким, йўқ ўлтурмак анинг қонида, қуймак доғида.

Лутф кўрким, бир суроҳидекким ул бўлғай, биллур  
Бодаким нўш этти, зоҳирдур анинг курсоғида.

Кўр менинг ҳолимниким, ул тоғнинг остидамен,  
Ишқ аро Фарҳод агар қолмиш балият тоғида.

Топти жон ишқ аҳликим, ул кўй аро дағн эттилар,  
Гўйиё ҳайвон суйидур кўйининг туфроғида.

Қоридим исён аро, эмди пушаймонлиғ не суд,  
Кошки қилсан эди тақво йигитлик чоғида.

Борди тишлаб бармоғин, кўргоч Навоий ҳолини,  
Ҳам ҳаёту ҳам ўлум кўрдум анинг бормоғида.

## 558

Дардлар кўнглумга юзлансун, балолар жонима,  
Гар иккисин истамас бўлсан фидо жононима.

Ҳар жиҳатдин ўртанурменким, бағир бирла юрак  
Икки ўтдурларки, тушмишдурлар икки ёнима.

Аксини кўргай қизил кисват аро жаллоддек,  
Қатл вақти ногаҳон наззора қиласа қонима.

Кўрмагайлар бир-бирин ёғқон мазаллат гардидин,  
Кирсалар Фарҳод ила Мажнун даме вайронима.

Топқасен чархе нужуми муҳтариқ, қилсанг назар  
Тоза юз минг доғ бирла жисми саргардонима.

Сифлаға жон ўйнасанг меҳнат замоне тонимас,  
Даҳр эли бу навъ эрур, сен ҳам аларни тонима.

Тийри борони балодин чун таним бўлмиш зирих,  
Йўқ, Навоий, эмди андин ғам, тани урёнима.

## 559

Хаста кўнглум қушини бошинг учун шод айла,  
Ё бошингдин эвуруб ташлабон озод айла.

Лутф ё зулмки ғайримфа қилурсен, чидамон,  
Айлайолғанча менинг жонима бедод айла.

Ёр ўлтургали ишқ аҳлиға юз минг тухмат,  
Эй рақиб, айлама борин манга, иснод айла.

Эй кўнгул, халқ жафосин еткуурурдин ўлгунг,  
Эмди темон сени афғон чеку фарёд айла.

Бу чаман гулларида йўқ чу вафо, эй булбул,  
Зор кўнглунгни жафо хориға мұйтод айла.

Эй кўнгул, сайли сиришк ани тубидин қўнгарур,  
Нечаким сабр уйининг тарҳини бунёд айла.

Ҳажр кўп шиддат ила ўлтурадур, бир дам анга,  
Эй ажал, жонинг учун сен доғи имдод айла.

Тарки ишқ айла дединг, кеч бу сўзунгдин, эй шайх,  
Тенгри ишқи манга, ўзга нима иршод айла.

Соқиё, меҳнату ғам бузди Навоий кўнглин,  
Май суйи бирла бу вайронани обод айла.

## 560

Кўнглум итти зор хусни онининг түфёнида,  
Айлади ошиқ мени хусну малоҳат онида.

Юз туман тақво сипоҳин рахши айлар поймол,  
Маст айлар чоғда жавлон хўблуқ майдонида.

Қасри давлат ичра элдин жон олурнинг не ғами,  
Хастадинким жон талашқай заъфдин вайронида.

Неча ул ой итлари бор эрса сондин ташқари,  
Мен киму бўлмоқ аниңг кўйида итлар сонида.

Ваҳ, не коғир эркин улким, зулфининг зунноридин  
Солди юз минг уқда тақво аҳлининг имонида.

Эй хуш улким, гарчи тунлар ёни ерга етмади,  
Кўрди ўз шамъи шабистонини бир тун ёнида.

То Навоий телбарабтур сенсиз, эй гулрух парий,  
Бир тикан ҳар тук сою кўргил тани урёнида.

## 561

Не ҳаддим ёзмоқ битик ул меҳри оламтобға,

Чун ёза олмон жафосин заррае аҳбобға.

Номасиға ришта чирмабким юбордим рашқдин,  
Тори жисмим ришта янглиғ тушти печу тобға.

Борди қосид, бўлди шому келмади андин жавоб,  
Тонгғача то нелар ўткай дийдаи бехобға.

Ким ўқуғай нома доғи келса чун кўз баҳридин,  
Мен тушубмен номанинг печи кеби гирдобға.

Кимки истар номае сабру саломат боқмасун  
Хўблар холу хатдин нуқтау аъробға.

Бода мавжининг хутутидин кўзум топти жило,  
Соқиё, жон ҳам эрур мойил бу лаъли нобға.

Жонда ёшурғум алифдек, эй Навоий, номасин,  
Шояд андин заъф даф ўлғай тани бетобға.

## 562

Ҳалокингмен, чекиб тифи жафо ўлганни ўлтурма  
Чу ишқинг ўртади ҳажр ўтидин, қуйганни куйдирма.

Мени девона чун туфроғинг ўлдум, эй парий пайкар,  
Жафо тошини мажнун деб, бу туфроғ узра ёғдурма.

Ичиб қонин тилар кўнглум шикастин кўзларинг, дейким,  
Чу майни нўш қилдинг, шишиасин, эй шўх, синдурма.

Сени кўргачки фарёд айладим, беихтиёр эрдим,  
Ёзуқдин ихтиroz айлаб мени бу ишда ёзғурма.

Мен ар зулмунгдин ўлдум, лутф этарга ошиқинг кўптур,

Алар бирла ўзунгни шод тут, ҳолимға қайғурма.

Чу мен туфроғ бўлдум кўйида, эй сарсари ҳижрон,  
Эсиб ул ён дамо-дам туфроғимни боре совурма.

Қотиқдур ишқ, ул шўх этса жилва, боқма, эй оқил,  
Кўнгулни гар десанг олдурмай, аввал кўзни олдурма.

Майи лаълингдин аҳли базм усрукдурлар, эй соқий,  
Чу ичсанг бода, мендин ўзгага соғарни топшурма.

Наво гар еткуурсен, сен билурсен тиндурууб элни,  
Навоийни жафою жавр ўтидин боре тиндурма.

## 563

Кеча эл осудадур, қўнглум бирав қайғусида,  
Улки, мен қайғусида, осуда ноз уйқусида.

Ўлтурууб тун, субҳ тиргузмак мени зоҳирдуур,  
Шомнинг гирёнлигию субҳнинг кулгусида.

Оҳким, бу шоми ҳижронимға йўқ субҳи висол,  
Гарчи йўқ шомеки, йўқ субҳи анинг ўтрусида.

Уйқуда ором йўқ тун-кунки, аксин топмадим,  
Тун қамар миръотида, кундуз қуёш кўзгусида.

Мехр ёғдусида зарра бўлмағандек ошкор,  
Юз туман минг пинҳондур юзунг ёғдусида.

Кимса чун ўтканга етмас, ҳолни тут муғтанам,  
Умрни ўткарма, ўткан ҳайф ила афсусда.

Наъл кесмайдур Навоий қуллуғидиндур нишон,  
Ишқ айнидур аломат ёрнинг белгусида.

## 564

Эй хуш улким, гоҳи-гоҳи етса ёри қошиға,  
Ул мұяссар бўлмаса, эврулса кўйи бошиға.

Ишқ бемориға ҳам шарбат ясабтур, ҳам ғизо,  
Ҳажр аро қўшқан бағир парголасин қон ёшиға.

Бир саримӯ анда қолмайдур саломатдин нишон,  
То синуқ бошим нишон бўлмиш маломат тошиға.

Бас ажаб сувратдуур, қайсиға жон айлай фидо,  
Сувратинг нақшиға ё ул нақшнинг наққошиға.

Мен аёғ кўйида беркиттим жафодин қочмайин,  
Гарчи бошимға бало ёғди муунунг подошиға.

Пардадар келди нужумунг, эй фалак, йўқ пардадор,  
Йўқ анга ул ҳолким, дайри фано хуффошиға.

Қўлдар эрди соқий ул дамким Навоий бўлса маст,  
Лутф этиб, давр аҳли, ани еткуунг қўлдошиға.

## 565

Ёр ҳажридин агар заъф эрди жисму жонима,  
Заъфидин ҳажр ўлди жисму жони саргардонима.

Заъфи то қувват тутубтур, қувватимда заъфдур,  
Кўр нелардур ранждин ҳам жону ҳам жононима.

Гар кўзи бемордур, аммо басе қонлар қилур,

Кўзиdek ул ҳам биайниҳ киргудекдур қонима.

Хасталиғдин, ваҳки, бўлмиштур тўлун ойим ҳилол,  
То қачон бўлғай янги ойлиғ маҳи тобонима.

Нола пинҳон айларамким, синмағай кўнгли анинг,  
Ё раб, эткил раҳм анга ё нолаи пинҳонима.

Чун иситти тушти ул дам нотавон жонимға ўт,  
Нотавон жон ҳирқати ўт солди хонумонима.

Ул парий чун заъфдин эмди кишини тонимас,  
Эй Навоий, телба бўл, сен ҳам кишини тонима.

## 566

Бир қадаҳ май ичмадим сарви гуландомим била,  
Бир нафас эврулмади даврон менинг комим била.

Ҳар маеким онсиз ичтим топғали ғамдин амон,  
Захри ғам гўё эзилмиш эрди ул жомим била.

Тунга етмас кунни ўткардим ўлуб ҳижронида,  
Кунга еткайменму, вах, бу субҳи йўқ шомим била.

Қайда бўлсин музтариб кўнглумга ором, эй рафиқ,  
Тутмадим ором чун бир дам дилоромим била.

Эй сабо, ул гулга муҳлиқ фурқатим пайғомин айт,  
Балки жон нақдин анга еткур бу пайғомим била.

Кўнглум ичра бут ғами, куфр ичра ўлсам яхшироқ,  
Аҳли дин оллинда борғунча бу исломим била.

Эй Навоий, ўлсам армон элткимдур, ичмайин  
Бир сабухи гулузори бода ошомим била.

## 567

Кўнгулни хайли ғаминг қилди йўл убур била,  
Нечукки мўр сафи йўл ясар муурор била.

Гар учмақ итти сенинг кўюнг оллида, эй ҳур,  
Анга не навъ кўрунгай ўкуш қусур била.

Қуёш қошида эрур заррадек басе махфий,  
Юзунг қошида қуёш ғояти зуҳур била.

Хузури тоат этар шайх васф, вах, нетайин,  
Хаёли қўймаса тоат аро хузур била.

Шабобу ишқу баҳору фироқдур, эй шайх,  
Бўлурму зуҳд ила тавба бу навъ умур била.

Йўлида мен кеби юз хаста ўлса, қайдা ғами,  
Саманди ҳуснки жавлон берур ғурур била.

Бўлай рафиқ жунун даштидаю ҳуш илаким,  
Вафосиз элдин ўлубмен, басе, нуфур била.

Ўзунгни асрара бир лаҳза мутрибу майсиз,  
Десанг бу ғамкада ичра бўлай сурур била.

Навоий, истама назмингда работу жамъият  
Ки, кўнглунг ўлди замондин ўкуш футур била.

## 568

Биравким, рашқ элтурмен кечурмакка хаёл ичра,

Не кечкай кўнглума, гар эл била кўрсам висол ичра.

Бағирда юз бало ниши, кўнгулда минг фироқ ўти,  
Кишини солмағил ишқ аҳлидин, ё раб, бу ҳол ичра.

Кўнгул бир лаҳза эл бедод этардин юз суубатда,  
Замоне ёр бепарволигидин минг малол ичра.

Танимда касрати пайкони то тифини ёндуруди,  
Ҳамул дамдин эрур тифи, юзидин инфиол ичра.

Топилмас ком ила кўнглум лабингдин ўлди андоқким,  
Скандар оби ҳайвондин таманнои муҳол ичра.

Тун ақшом уйлаким бўлғай шафак ичра қуёш пинҳон,  
Кирап ҳар шом ул гулчехра шодравони ол ичра.

Белу оғзинг хаёлидин агарчи лолмен, лекин  
Жадал аҳли масаллик ўтти умрум қийлу қол ичра.

Халал йўл берма ишрат васфиғаю тут ғаниматким,  
Дамо-дам даҳр авзоин кўрармен ихтилол ичра.

Навоий топти муҳлиқ ноладин ул заъфким, сиққай,  
Қаламда нол андоқким, сиғар ул доғи нол ичра.

## 569

Не бир ёреки, васлим саъниға помардлиғ қилса,  
Не бир розеки, ҳажрим ранжида ҳамдардлик қилса.

Қизиғроқдурмен ул ой ишқида, ҳар нечаким носих  
Бу иш таркида ўзни гарм этиб дамсардлик қилса.

Фами бирла анингдек жуфтменким, ўлгум айрилсам,

Нечаким сарви озодим қўлидин фардлик қилса.

Менингдек ақлу динин елга берган топмағай ҳаргиз,  
Сабо ҳар нечаким сайр ичра оламгардлик қилса.

Фалак ул ойниким мендин йироқ солған била ўлдум,  
Тирилмак мушкил эрмас эмди бозовардлик қилса.

Фамидин топмағай мингдин бирин, гар ишқ юз минг йил  
Бало аҳлиға чоҳи ғамда ғампарвардлик қилса.

Агар кўюнгда ўлтурмоқ топар жониға юз миннат,  
Агар йиллар Навоий бу ҳавода гардлик қилса.

## 570

Бас тийра эрди субҳидамим шоми ғамғача,  
То шоми ғамда найлагамен субҳидамғача.

Оғзи хаёли буйлаки йўқлуғ сари чекар,  
Турмақ бўлурму кимсага мулки адамғача.

Эл рашикидин неким қилур ул, қилмишам қабул,  
Мехру вафову лутфини зулму ситамғача.

Кўйини кўрсанг эрди, йўлунг қисқарур эрди,  
Бир умр, эйки, пўя кўтардинг ҳарамғача.

Бот ўлғай, улки васл тилаб, минг йил урса гом,  
Айлаб жаҳонни қатъ қадамдин қадамғача.

Бир сарв қоматинг кеби, бир гул юзунг кеби  
Йўқ, кезса хулду равзани боғи Эрамғача.

Бўлмиш итинг сафоли Навоийға жому бор  
Кўп фарқ ушбу зарф била жоми Жамғача..

## 571

Бошимға шуълаи ҳижрон туташқандин эмас огаҳ,  
Висол авжи уза бошиға олтун тож қўйған шаҳ.

Биравким, юз парий девонавор эткай анга қуллуқ,  
Не билгай ҳолин анингким, парий девона этмиш, вах,

Бало чоҳи гирифтори ҳалокин, вах, қачон билсун,  
Сиёсатгоҳида тутқунлариға улки қозғай чаҳ.

Не огаҳ улки, ҳашматдин қуёшни заррача кўрмас,  
Қуёш ҳижронидин саргашта бўлса заррае ногаҳ.

Не воқиф васл Мисри ичра манзил айлаган шоҳе  
Гадодинким, анга вайронай ҳажр ўлди манзилгаҳ.

Мениким қатл учун хос этти фурқат қайдा мустанкир,  
Биравким, қатли ом этса, эмас кўнглига мустакраҳ.

Мангадур бир парий матлубу зоҳид ҳурға толиб,  
Қачон суҳбат чиқишқай, чунки менмен телба, ул абллаҳ.

Тут, эй соқий, фано жомики, ишқ оллинда яксондур,  
Агар фосиқ, вагар зоҳид, вагар бўлсун гадо, гар шаҳ,

Навоийни ул ойким, руҳи қудси келди анфоси,  
Деса бисмил қилурмен, не дегай ул ғайри бисмиллаҳ.

## 572

Йўл эрур юз манзил ортиқ мендин ул қотилғача,

Юз ўлум ваҳми бу манзилдин яна манзилғача.

Ваҳки, ҳар маҳфилда ишқим қиссасидур, йўлда ҳам,  
Гар киши азм этса бу маҳфилдин ул маҳфилғача.

Гар мени мажнунға ташбиҳ этсангиз, эй аҳли ҳуш,  
Не тафовут бўлди, бас, девонадин оқилғача.

Ваҳ, не кофирдурки, ногаҳ тиф тортиб чиқса маст,  
Қатлининг муҳтожи бўлғай шоҳдин сойилғача.

Улки ашким баҳри тўфонида қолди, етмагай,  
Нуҳ умри сурса жисми заврақин соҳилғача.

Тош отиб атфолким, ҳар ён сурар мен телбани,  
Кош боре қовсалар ул шўхи сангин дилғача.

Хўблар зулми кўнгул мулкин хароб айлар, бале,  
Кўп тафовут келди золим шоҳдин одилғача.

Ҳажр дарди буйлаким жондин малул этмиш мени,  
Фарқ ўлумдин йўқтурур бу умри беҳосилғача.

## ЛОМ-АЛИФНИНГ ЛОЛАРУХЛАРИНИНГ ЛОБАСИ «БАДОЕЪ»ДИН

573

Кўнглум олғач ул парий мажнуну шайдо қилдило,  
Ақлу ҳушумни жунун даштида яғмо қилдило.

Ўзгача зулму тааддилар била қоним тўкар,  
Турфа эрди, турфа ишлар доғи пайдо қилдило.

Хурмати тақво тутар эрди, вале маст отланиб,

Бошима чопмоқ била оламға расво қилдило.

Оҳким чектим, кўруб жавлонини беихтиёр,  
Ёшурун ишқим улусқа ошкоро қилдило.

Бир қадаҳ қуймоқ била оғзимғаю хирқамға ҳам,  
Хирқа майға раҳн ўзумни бода паймо қилдило.

Дайр аро жоми лаболабким ичурди, ҳолима  
Хонақаҳ аҳли келиб бир-бир тамошо қилдило.

Бехуд ўлғач, зулфи зуннориға дин нақдин бериб,  
Ишқ бозорида кўнглум турфа савдо қилдило.

Менмен эмдию фано дайрида бўлмоқ майпараст,  
Муғбача ишқи улусқа сиррим ифшо қилдило.

Гар ватан дайр ичра топтим, кимсага йўқ ҳеч айб,  
Дайр пиридин Навоий бу таманно қилдило.

## 574

Муниси жон деганим офати жон бўлдило,  
Жонима бедодидин шева фифон бўлдило.

Деди, кўзунг қонини васлим ила турғузай,  
Войки, бағрим доғи ҳажрида қон бўлдило.

Гар юзи май тобидин гул-гул эрур қон ёшим,  
Юз уза тим-тим томиб, лоласитон бўлдило.

Кўзу кўнгул қонини ёшурай элдин дедим,  
Ҳар биридин юз сари юзда нишон бўлдило.

Зухд аро ҳар мушкилимким бор эди, эй фақих,

Жомға май қуйғоч-ўқ, барча аён бўлдило.

Кимки замон аҳлидин айламади ижтиnob,  
Бир қун ани ҳам дегунг аҳли замон бўлдило.

Яхшилар ичра ватан тутса Навоий, не тонг,  
Кимки ёмонлар била бўлди, ёмон бўлдило.

## Ё ХАРФИНИНГ ЯҒМОЙИЛАРИНИНГ ЮЗ КЎРГУЗМАКЛАРИ «БАДОЕЪ»ДИН

575

Зулму бедод айлаб андоқ бузмамиш даврон мени  
Ким, топа олғай ўзи тузмакка ҳам имкон мени.

Тузмакимдин чарх ожиздур, нединким қилмамиш,  
Лутфи тутқан чоғда обод этгудек вайрон мени.

Кофири ишқ ўлмишам, тонг йўқ, сиёсатгоҳ сари,  
Бўйнума зуннор боғлаб, чексалар урён мени.

Ашқ мавжида ушалса пайкарим, ваҳ, не ажаб  
Ким, ураг бир тоғ уза ҳар лаҳза ул тўфон мени.

Истадим кўнглумга тифин, ғарқа бўлдум қониға,  
Чун мен анинг қониға кирдим, тутубтур қон мени.

Ашқ баҳри игримиға тушмамишмен чиққудек,  
Ишқ ул дарёда қилмиш асру саргардон мени.

Кўп суубат бирла олма халқ жонин, эй ажал,  
Чунки мен муштоқмен, ўлтүр келиб осон мени.

Толиъимнинг қувватин кўрким, балият тошлари

Кимга кўқтин инса, айлар ер била яксон мени.

Минг бало захми била ўлди Навоий, қиласа халқ  
Ишқ сари майл, судраб кўргузур ҳар ён мени.

## 576

Не май хуштур манга, не гул керакликтур, не гулзоре,  
Керак майдин гул очқон ёрнинг гулзори руҳкоре.

Не май хуштур манга, не гул керакликтур, не гулзоре,  
Керак чун ул ҳаётим гулшанинг сарв рафтore.

Жунун туморида зангору шингарф айлама зоеъ  
Ки, дафъ айлар ани ул лаълу хат шингарфу зангоре.

Менинг худ рўзгорим тийра бўлди шоми хижрондин,  
Қилинг субҳи висоли шукрин, эй айш аҳли, сиз боре.

Не суд эмди аёғимдин тикон чекмаклик, эй мушфиқ  
Ки, тошлар бирла кўксумга қоқилмиш ҳажр мисморе.

Ниҳони юз ярам бор ҳажр тиғидинки, шарҳ этсам,  
Қилур озурда бир олам элин ҳар бирнинг озоре.

Анингдек мастилиғ уйқусидин очқай Навоий кўз,  
Сабоҳи ҳашр ул ҳам ёвар ўлса баҳти бедоре.

## 577

Неча кўйидин чиқарға йўл сари боқиб турай,  
Чиқса эл ёқин талошиб, мен йироқтин телмурай.

Неча ул шўхи бало юз ишва айлаб ҳар тараф,  
Мен фиғондин бошима ҳар дам балолар келтурай

Неча эл рахши совурған гард ила кўз ёрутуб,  
Мен йироқтин бошима туфроғларни совурай.

Неча ул юз ўтидин эл равшан айлаб шамъи васл,  
Жон қушин ул ўтқа мен парвона янглиғ кўйдурай.

Неча базми айш аро ҳар ким бўлуб ҳамдам анга,  
Мен ютуб қоп қулбай ҳижронда ҳар дам оҳурай.

Васли жомидин хумори ҳажр чун дафъ ўлмади,  
Ўзни ўлмастин бурун майхона сари еткурай.

Эй Навоий, гар манга топшурса шўхи майфуруш  
Лаъли май, тутқоч майи лаълин, эваз жон топшурай.

## 578

Ўлукка жон берур чун нукта айтур лаъли гуеси,  
Масиҳо мимидин гўё чиқар жонбахш анфоси.

Қади нахли ҳаётимдур, магар топмиш ҳавову су,  
Дами Исо била ҳайвон сунидин сарви раъноси.

Тилар мунглуғ қўнгул ҳар лаҳза ишқинг бир янги доғин  
Гадо янглиғки, бир эски дирам бўлғай таманноси.

Эрур аҳбоб базмингда, мени мардуд неттимким,  
Йироқтин ҳам муяссар бўлмағай ҳаргиз тамошоси.

Деманг жисмингда печу рўзгоринг тийра невчундур,  
Бу ҳолим бор то тушмиш бошимға зулфи савдоси.

Хумори ҳажр ичинда саъб аҳволимни ул билгай  
Ки, ичкай андин айру майни шўхи бодапаймоси.

Тиконлар ҳажр нишидин, чечаклар ашк қонидин,  
Ажойиб дашт эмасму, Оллоҳ-Оллоҳ, ишқ саҳроси,

Саримёе эмас оғаҳ фано ойинидин улким,  
Жаҳон бору йўқидин бир саримў бўлса парвоси.

Кўнгул мулки аро солик не жамъият топа олғай,  
Агар ҳар дам анга етса хавотир хайли яғмоси.

Мену, муғ дайрию жоми фано, зоҳидға манъим йўқ,  
Яшиб кавсар суйидин, боғи жаннат бўлса маъвоси.

Навоий заъфи ғолиб эрди бу кўй ичра ул ақшом,  
Агар ўлмайдурур, не эрди итлар шўру ғавфоси.

## 579

Ҳар неча жавр қилса ноз аҳли,  
Тортмай найлагай ниёз аҳли.

Оғзи рамзию нутқи вақтида  
Ажзға қойил ўлди роз аҳли.

Кўйи даврида бенаво ушшоқ,  
Тавф аро уйлаким Ҳижоз аҳли.

Бузди хусн аҳли кўнглум андоқким,  
Ёғи мулкини турктоз аҳли.

Риштай жоним узди мутриби базм,  
Узса торин начукки соз аҳли.

Мену ишқи мажози, элтур эса  
Йўл ҳақиқат сари мажоз аҳли.

Шамъ янглиғ Навоий ўртанса,  
Тонг эмас, буйладур гудоз аҳли.

## 580

Боғдин келди насиму гул исин келтурмади,  
Не тиконларким бу ғам қўнглум аро синдурмади.

Лаъли ёдидинки юттум дам-бадам ҳасрат суйин,  
Оллоҳ-Оллоҳ, қайси қонларким бу ғам юттурмади.

Шоми ҳажрим тийрадур андоқки, кундуз ҳам бўлуб,  
Ҳар нечаким эҳтиёт эттим, қуёш билгурмади.

Ҳажр зулмидин дедим айлай ажалға дарди дил,  
Оқибат жонимға раҳм айлаб, анга еткурмади.

Васл аро кўп истади жонимки бир дам тинмайин,  
Ҳажр то жонимни тандин олмади, тиндурмади.

Қайси гул бедоди бир булбул парин совурдиким,  
Чарх зулми ҳам анинг яфроғларин совурмади.

Эй Навоий, бевафодур хўблар, бўлди халос,  
Улки баъзиға кўнгул, баъзиға қўз олдурмади.

## 581

Демаки, қатлима ушшоқи нотавон яхши  
Ки, буйла жаврунга бир мен кеби ёмон яхши.

Хуш улки, қатлға ушшоқ аро ёмонлардин  
Ул ой мени соғиниб дедиким, фалон яхши.

Кишики васл тилар, ғурбат ихтиёр этсун,  
Ул орзуға бурун тарки хонумон яхши.

Анинг висолида жону кўнгул эмас маҳрам,  
Гар ул мұяссар ўлур, ғайрдин ниҳон яхши.

Қадаҳни ташлаки, бас ташналабмен, эй соқий,  
Менинг сумурмакима баҳри бегарон яхши.

Не айб, муғбачаға дайр томи узра хиром,  
Ёреки қилса қуёш жилва, осмон яхши.

Ажаб малоҳат эмасму юзунгаким, кўрунур  
Сенга, сенга чу боқармен замон-замон яхши.

Агарчи келмади бемеҳр ёр жаври ёмон,  
Чу яхши боқсанг, эрур ёри меҳрибон яхши.

Навоиё, ёмон элтур чу ноладин ул гул,  
Не суд, булбул агар айласа фифон яхши.

## 552

Яна ҳижрон ўти жонимға тушти  
Ки, анинг тобидин қоним қурушти.

Хумори ҳажрдин, эй соқийи базм,  
Қадаҳким, чиққалн жоним ёвушти.

Илик бер, кўзга суртай бушмас, эй шўх,  
Қафи пойингниким ўптум, не бушти.

Менинг ҳолимға афғон чекти аҳбоб,  
Кеча кўюнгдаким итлар улушти.

Азалда ринд хушҳол ўлди майдин  
Вале хилват аро зоҳид тумушти.

Сафар ранжи кўнгулдин чиқтиким, ёр  
Мени кўргач, равон истаб кўрушти.

Навонй ҳажр ўти урғанда тугён,  
Чу урдум бодадин су, ўлтурушти.

## 583

Қирқиб эрди қошин ул бодапараст худрой,  
Тоза чиқмиш, не ажаб, гар десам ани янги ой.

Қирққандин ики-уч кун ўтубон бўлмиш эди,  
Уйлаким ханги пай эткайлар ики дилкаш ёй.

Ёпти қаввоси қазо ҳар бирига мушкин қавс,  
Отқали кирпик ўқин жон била кўнглум сари,вой

Кошки хаттиға еткурмаган эрди поки  
Ким, бу тўти бўлур ул кўзгу била болқушон.

Лўли ўлмоқ тонг эмас, бор эса шаҳларға ҳавас,  
Гар бу юз кўзгусига илги бўлур ошшасой.

Не ажаб, бўлса ерим кунжи қаландархона  
Ким, қаландарваш эрур ул санами бепарвой.

Эй Навоий, етилиб қоши анинг, шукр дейким,  
Хусни қасриға аён бўлдн яна тоқи намой.

## 584

Муддаилар бетарахҳум, ёр бепарво, басе,

Ҳам алар кўп зулм этарлар, ҳам бу истиғно, басе.

Зулфи занжирн магар бўлғай иложим, эй ҳаким  
Ким, димоғимни паришон айламиш савдо, басе.

Мен ўлар ҳолатдаю мотам эди аҳбоб аро,  
Буки ақшом қилди кўюнг итлари ғавғо, басе.

Турфа менмен ишқ дашти ичра, йўқса анда бор  
Вомиқу Фарҳод ила Мажнун кеби шайдо, басе.

Мен киши эрмон жунун ичра, йўқ эрса кўргузур  
Одамилиқ ул парий пайкар, малаксиймо, басе.

Эй сабо, кўйида итти қўнглумниким, айлар эмиш  
Бул-ажабвашлиқлар ул ошуфтаи расво, басе.

Хастамен даврон жафосидин, кетургил бодаким,  
Нофиъ эрмиш ул маразға соғари саҳбо, басе.

Бода ичким, чарх рифъат аҳлини кўп қилди паст,  
Пастларни кўмди туфроғ остиға дунё, басе.

Эй Навоий, гар десанг кўп инжимай давр аҳлидин,  
Ҳар не дерлар ё қилурлар, қилмағил парво, басе.

## 585

Эмас фироқ туни, эй кўнгул, нақора уни,  
Эрур замона уни ҳолима фироқ туни.

Бу тийра шомим ила Наҳси анжумин ҳар ён  
Фироқ дўзахининг бил шароралиқ тутуни.

Не навъ этай мени саргашта васл йўлин қатъ

Ки, ҳар замон совуур ҳажр даштининг қуюни.

Танимни заъф қилиб субҳа торидек ҳалқа,  
Бирин-бирин кўрунуб муҳрадек бўғун-бўғуни.

Фироқнинг ўти гар бот туташса, тонг эрмас  
Ки, аҳли дард қуруқ жисмидур анинг ўтуни.

Ҳисоб асрари дин аҳли қатлин ул кофир  
Ки, беҳисобдуур зулфи торининг тугуни.

Агарчи сарвға гул қилди боғбон пайванд  
Ва лек сарв қади гулрухумча йўқ йўсуни.

Кўнгулни бузсаю синдурса ишқ, бок эрмас  
Ки, хўб эмастурур анинг тузуклугу бутуни.

Чу хирқам ўлди гарав майға, кийма бодафуруш  
Ки, доғи ҳажр қўяр ҳар дирам кеби юруни.

Замона аҳлиға гарчи ўюнчилиқдур иш,  
Енгар ҳам охир аларни замонанинг ўюни.

Навоий олмади кўз анбарин ҳилолингдин,  
Нединким ул тилабон кўкта, ерда топти муни.

## 586

Олача ҳошиялиқ тўн кийиб ул рашки пари,  
Ол этук бирла хиром этса, эрур кабки дари.

Барча гар умр чароғин ўчуурур, хушдилмен,  
Ғам тунидин мени қутқарса насими сахари.

Англа ҳар қайсини ишқ аҳлиға бир ҳажр ўқича,

Чиқса ҳажрим ўтининг ҳар сари юз минг шарари,

Рутаб лаъликим эрур қомати нахлиға самар,  
Не чучук мева эмиш нахли малоҳат самари.

Гул рухсорики май суйи била топти фуруғ,  
Суда гул аксимудур ё юзида май асари.

Дўйстлар, кўкси шигофини тикардин не осиғ,  
Уйла мажруҳки, юз порадур анинг жигари.

Йўл хатарлиқдур, илик чекма таваккулдинким,  
Йўқ бу йўл соликиннинг мундин улуғроқ ҳунари.

Эй хуш ул риндки, то келгаю кетгай бир дам,  
Бўлмағай дайри фано ичра ўзидин хабари.

## 587

Онча кўнглумдадуур гулшани ҳижрон тикани  
Ки, назар солмас анга ғамзай новак фикани.

Кўзга сарриштай тавфиқ хати улдурким,  
Судралиб ерга тишон келди итингнинг расани.

Кўз қорасин ўюбон ташлағаним саъб эрмас,  
Ончаким солса қорасин ғами ишқинг тугани.

Фарқи май кўнглак эрур ҳушида йўқ мастингда,  
Ё шахидингнинг эрур қонға бўялған кафани.

Лолазореки тўкар жола, эрур зорингнинг  
Дам-бадам тиш била парголалар эткан бадани.

Гарм меҳр ўлған ила золи фалак топма фириб

Ким, бу айёратнинг асру кўп эрур макру фани.

Эй Навонй, қаддинга солди шикаст узра шикаст,  
Чун санга бўлди ватан зулфи шикан баршикани.

## 588

Кош бўлса ҳар туган жисмимда жавшан яфроғи  
Ким, ўқи кўнглумга еткач, ўтмаса тандин доғи.

Ишқ абвобин чекар дафтарларинда ахли дард,  
Буйлаким, шингарфгун бўлди шаҳиднинг туфроғи.

Сунбулунгга бир хитое бандадур мушки Хўтан,  
Гар далил истар эсанг, бордур либоси ёрғоғи.

Гўё ул шўхнинг кўнглин олибтур ўзга шўх,  
Гар эмас бедил, недур элдин кўнгул олдурмоғи.

Ваъда қилдинг ҳам вафо, ҳам қатл, парво қилмадинг,  
Қил вафо ваъдангға, ёхуд бурнағи, ё сўнгроғи.

Эйки гул фасли йигитсен, бир нигорнинг доғи бор,  
Келса илгингдин май ичкилким, будур ишрат чоғи.

Зулфи савдосида билмаслар Навоий нуктасин  
Ким, жунун гуфторидур ёхуд йilonнинг арбоғи.

## 589

Кўз била кўнглумга бўлмиш гўйиё васлинг чоғи  
Ким, кўзумнинг учмоғи тез ўлди кўнглум солмоғи.

Дема кўнглунг мулки қай чоғдин бу навъ ўлмиш хароб,  
То бу кишвар ахлиға тушти фироқинг булғоғи.

Эй қўнгул, қилма аёғи туфроғи ҳаққин қасам  
Ким, кўзумнинг ҳаққидур анинг аёғи туфроғи.

Ғам туни қўнглум харошиа гар истарсен далил,  
Ийнак-ийнак чарх таҳрикию анжум тирноғи.

Қатл ҳангоми шаҳидингким кўтарди бармоғин,  
Гўйи анинг оти мундиндур шаҳодат бармоғи.

Даҳр гулзориға, эй қўнглум қуши, майл этмаким,  
Анда булбул қонидин рангин эрур гул яфроғи.

Ҳажр аро қўйдум дирамдек доғлар кўксин ёриб,  
Васл эрур мумкин, Навоийнинг чу қўптур ёрмоғи.

## 590

Уйқу ҳамсояларимдин кетарур ҳажр туни,  
Гаҳ бошим ерга уруб, гаҳ юраким солмоқ уни.

Ғам туни тийра доғи анжуми рахшон демаким,  
Ер юзин тутти шаарлар била оҳим тутуни.

Мени саргашта эмон водийи ҳижрондаки, бор  
Ғусса туфроғио андуҳ елининг қуюни.

Риштай жонима ҳар ён тугун андоқдурким,  
Тори жисмим аро фарсада сўнгаклар бўғуни.

Ишқ расвоси деб ўзни тикар эгнига тироз,  
Дайр аро тушса фалак энгига хирқам юруни.

Даҳр боғида нечук васл гули бутсунким,  
Ҳажр ўқидур ёғини, ашқ суйидур жувуни.

Гар Навоий сўнгакига туташур кўнглидин ўт,  
Не ажаб, ишқ ўтидур улу бу анинг ўтуни.

## 591

Ул қуёш оқўйдаю мен музтарибмен ҳар сари,  
Уйлаким, фонусдин парвона қолғай ташқари.

Садқаси бўлмоқ эрур мақсад мен саргаштаға,  
Оқўйи давриға буким айланурмен ҳар сари.

Ичкари ул гул тувурлуғни кўтармаслар, нетай,  
Эй сабо фарроши, бир лутф айлабон ул ён дари.

Парда кетгач, мен заифи зорға осон эрур,  
Йўлларидин чиғнинг солмоқ ўзумни ичкари.

Оқўй ичра ҳар недур, зоҳирдур ул юз тобидин,  
Шамъ бўлса уйда, ташқардин бўлур зоҳир бари.

Гар фалак хиргоҳи бўлса пешхонанг, не осиг,  
Умр хайли чунки кундин-кунга келмас илгари.

Эй Навоий, ул маҳи хиргаҳнишин ҳифзи учун  
Кўзанак эрмаски, ҳар сари тикилмиш кўзлари.

## 592

Хаста жоним риштаси кўргандა ҳажр озорини  
Гар узулди, қил анга пайванд зулфунг торини.

Дема оғзин ғунча, қаддин сарвким, эл кўрмамиш,  
Сарвнинг рафторини ё ғунчанинг гуфторини.

Гулда холу меҳрда хат йўқ, не янглиғ ўхшатай,  
Мехру гулга хол ила хатлиғ ики рухсорини.

Ёғмади ҳаргиз чу шабнам инжуси гул баргидин,  
Анга ташбиҳ этса бўлмас лаъли гавҳарборини.

Не қилурдин қасди сунбул, не этар жон санди дом,  
Айламон монанд аларға зулфининг зуннорини.

Чарх қасринда қуёш узра қўнгул майл айламас  
Ким, ғанимат тутмиш аниңг сояи деворини.

Сайридин пайконларинг кўнглумда топмишдур сабот,  
Кўзга илмасмен фалакнинг событу сайёрини.

Давр сирри пардасин гар очмамишсан, соқиё,  
Бода тутким, дей санга бу парданинг асрорини.

Эй Навоий, дахл қилма, гар тилар эрсанг наво,  
Ҳар неча хориж наво кўрсанг сипеҳр адворини.

## 593

Зиҳи нахли қаддингдин хижил сарв бўстони,  
Хат ичра лабингдин мунфаилроҳи райҳони.

Тушумга юзунг кирди ҳам яхши толиъдин,  
Кўз очтим, тулуъ айлаб эди субҳи нуроний.

Ғаминг доғи жонимға лабинг холи янглиғдур  
Не бўлди сурушсоқ биз муни доғи, сен они.

Фироқ ичра рухсоринг қуёшиға бер жилва  
Ки, бас тийра айлабтур мени шоми зулмони.

Дема, ёшурун доғим сенинг ичингда йўқтур,  
Ичим ёру кўр улким, эрур нақди пинҳони.

Бақо чун эмас мумкин, мудом ўзни хуш тутқил  
Ки, қайғурғали қилмас гари олами фоний.

Навоий, беҳишт ичра фароғат йўлин сўрдунг,  
Намудоридур анинг Ҳирининг хиёбони.

## 594

Сиёsat этти сочинг мушк чун хато қилди  
Ки, борча жисми қорариб терига тортилди.

Қадингға қуллуғи аҳдини найшакар бузмиш  
Ки, буйла бир-биридин банди-банди айрилди.

Бошинда тож зар ўлди, аёғи остида натъ,  
Чу шамъ хидматинг айларда поясин билди.

Магарки кўз юмуб очқунча ноз ўқин оттинг  
Ки, бир ажаб тикони кўнглум ичра сончилди.

Кўзи хаданги бало ёғдуурни фаҳм эттим  
Ки, рахши наълидин ўтлар кўзумга чоқилди.

Қадаҳ кетургилу дам урма даҳр сирридин  
Ки, мубҳам ўлди бу сўз ҳар нечаки айтилди.

Жигари кабобға майл этмаган эса ул маст,  
Навоиё, нега бағрингни ҳар тараф тилди.

## 595

Сайлларким тўкар кўзум ёши,

Сойининг тошидур ядо тоши.

Даъво этгайму эрди қошинг ила,  
Бўлмаса ёйнинг икки боши.

Қаҳрдин чинки тушти манглайиға,  
Чиннинг остида нун эрур қоши.

Рангин эзмакка солмиш оби ҳаёт,  
Чеҳранг очқандা сунъ наққоши.

Қариған чоғда айлади расво  
Мени, гарчи кичикдуур ёши.

Не рафиъ ўлди дайр тоқики, бор  
Мехр анга шамса, кўк анга коши.

Гар Навоий қочар фано йўлидин,  
Не ажаб, чун йўқ анда йўлдоши.

## 596

Жон мазраида бўлса, не тонг, дард хирмани,  
Оҳимдин ўлди чунки фалак ел тегирмани.

Хаттинг хаёли қўнглум аро қилди юз тешук,  
Бу навъ ўлур бузуғда қолин мўр маскани.

Кўнглум ёрур, чу номасини кўздин олмасам,  
Уйдекки, зеб коғаз ила топса равзани.

Захми доғи фатилаға ўт тушти, эй рафиқ,  
Дард уйининг магар будуур шамъи равшани.

Басдур юзу қаддинг, гулу савсан, яна недуур

Гулгун йилакнинг устида такбанд савсани.

Булбулға, эй гул айла вафо тоза-тозаким,  
Серобу тоза доим эмас даҳр гулшани.

Фамдин Навоий ўлгусидур, кўнглин асрағил,  
Чун сенча кимса билмади дилдорлиқ фани.

## 597

Интизоридин ул ойнинг қўзки солдим ҳар сари,  
Кўз юмуб очқунча ўтти кўз ёшим андин нари.

Ёлиниб ул қўй ити бирла борурмен кўйига,  
Ваҳки, ул қўй ичра бормен мен кейин, ит илгари.

Дарду ғам турмиш ясовулдек кўнгул чоки аро,  
Кўймамоққа келса хушу сабр хайли ичкари.

Кўрмасангким ўтни су тез айлагай, бир-бир туурп  
Кўнглум ичра қатра-қатра су кеби пайконлари.

Лаб аро оғзинг чучук тил бирла гўё англасам,  
Шаҳдлиғ ниши била гул баргини тешмиш ари.

Зоҳиду ҳар лаҳза ўлмак хонақаҳ фикридаким,  
То тирикмен чиқмағум дайри фанодин мен бари.

Эй Навоий, дема ҳар дамким қадаҳни қуй тўла,  
Майни охир қуйса худ бўлмас қадаҳдин ташқари.

## 598

Не ишқ әдики, адам айлади вужудумни,  
Чу урди соиқа, гардунға чекти дудумни.

Не нукта буду набудумдин айтайнеким, ул  
Набуд қилди фано ўти бирла будумни.

Агар шикоф эса кўксум яқо кеби, не ажаб  
Ки, ҳажр бир-биридин узди тору пудумни.

Бу йўлда суду зиёндин такаллум этмангким,  
Тугатти ишқида савдо зиёну судумни.

Чу ишқ қуфри аро белга боғладим зуннор,  
Бут оллида яна айб айламанг сужудумни.

Юзунг мушоҳадаси қилмиш уйла мустағрақ  
Ки, ҳажр салб қила олмас ул шухудумни.

Навоий ўздин асар топмон ўлғали ошиқ,  
Не ишқ әдики, адам айлади вужудимни.

## 599

Тилармен ислаб-ислаб ғабғабингни,  
Гах ўпсам оразингни, гах лабингни.

Эрур бу бир таманно баски топсам,  
Юзум суртарга наъли маркабингни.

Юзу зулфин кўярарга борғум, эй чарх,  
Жудо қилғил қамардин ақрабингни.

Фалақдин ўтти гарди анбаролуд,  
Чу майдон ичра сурдунг ашҳабингни.

Юзи, эй чарх, бурқаъ очти терлаб,  
Булутқа чирма ою кавкабингни.

Қади боринда тўбидин дема сўз,  
Қил, эй зоҳид, бийикрак машрабингни.

Навоий, ёр раҳм эткайму, ё раб,  
Эшитса мунча «ё раб-ё раб»ингни.

## 600

Тушта сарву гулдин ис slab бирни, қучтум бирини,  
Айлагил, эй сарви гулрух, бу тушум таъбирини.

Англадик ўтлуқ юзи, кўнглум не янглиғ қилди су,  
Мўм ароким кўрмамиштур шуъланинг таъсирини.

Дўстлар, дафъи жунунум гар тиларсиз, боғлангиз,  
Ул парий кўйида бу девонанинг занжирини.

Сувратингдин ожиз эрса Моний, эрмастур ажаб,  
Қайда наққош айлагай килки қазо тасвирини.

Васл ила қилғил бузуғ қўнглум иложинким,  
Қилур Шоҳ адл этмак била вайроналар таъмирини.

Ишқу май, эй шайх, азалдин сарнавишт эрмиш манга,  
Вах, нетиб хуш кўрмагаймен тенгрининг тақдирини.

Эй Навоий, дерсен ул ой ишқини элдин ёшур,  
Оти мазкур ўлса, найлай ҳолатим тағъйирини.

## 601

Кўксумда наъл бўлди хадангинг нишонаси,  
Кўксум уйи эрур анинг омочхонаси.

Пайконларингки, тил кеби қўнглумдин урди бош,  
Гўё бир ўтдур улки, булардур забонаси.

Кўп сўз ясади Лайлию Мажнун сўзида халқ,  
Эрмас начукки хуснунгу ишқим фасонаси.

Деб эрди бир баҳона била сени ўлтурай,  
Ўлтурди, ваҳки, ҳар дам анинг бир баҳонаси.

Мехри руҳунгда меҳригияҳ сабзаи хатинг,  
Гўёки холинг ўлди ҳамул сабза донаси.

Муғ дайри пирининг қулименким, ғам этса қасд,  
Айлар халос бир тўла жоми муғонаси.

Ишқинг Навоий айлар улустин ниҳон, валек  
Фош айлар элга замзамаи бехудонаси.

## 602

Саҳар куяр ғами ҳажрингда хаста жисм хаси,  
Магар ўтумни қилур тез субҳнинг нафаси.

Кўнгулга онча хадангинг тикилди ҳар ёндин  
Ки, бўлди хаста қўнгул андалибининг қафаси.

Кўнгулки толпинадур танда, кўюнг истайдур,  
Қафасда секреса қуш, учмоқ ўлғуси ҳаваси.

Ул ойға етмаса қўл ўтлуқ оҳ ила, не ажаб,  
Чинор куйса, бўлурму қуёшқа дастраси.

Не ринд ўлса сочинг қуфрида етар зуннор,  
Жаҳон юзидаги дин аҳлиға анинг мараси.

Талаб йўлидағи овораларға мужда денгиз  
Ки, йўлға ҳодий эрур дўст маҳмили жараси.

Фифонки хасталарин ул Масиҳ тиргузубон  
Вале Навоий дилхастани унутти басе.

## 603

Ваҳки, ҳажринг ўти жисми нотавоним ўртади,  
Нотавон жиссимимға тушкан шуъла жоним ўртади.

Қўзғабон кўнглум алохону аломон айлади,  
Не алохону аломон, хонумоним ўртади.

Барқи ишқинг чунки тушти, хонумоним бўлди кул,  
Турфа ўт эрдики, пайдову ниҳоним ўртади.

Дема, ишқим найладиким рўзгорингдур қора,  
Ўртади, эй қотили номеҳрибоним, ўртади.

Лаъли маҳлул айлагандин ўт ёқиб хошок ила,  
Ҳажри жоним куйдуруб, жиссимимда қоним ўртади.

Бўлмаса ному нишоним, айб қилмангким, фироқ  
Рўзгор авроқида ному нишоним ўртади.

Шоми ҳажрида шафак кўрсанг, Навоий, бил яқин  
Ким, фалакни шуълаи оху фифоним ўртади.

## 604

Гул не бўлғайким, юзунг ҳажрида кўргаймен ани,  
Солсалар кулбамға, хас янглиғ супургаймен ани.

Базмидин бўлса насибим бир сўнгак, то умр бор

Ислагаймен, йўқки ит янглиғ кўумургаймен ани.

Жон чиқар ҳолатда келди ёру таскин топти жон,  
Эмди номаҳрам деб истармен итургаймен ани.

Кўнглум ўтидин ёрут меҳринг чароғин, эй сипеҳр,  
Сарсари оҳимдин ул дамким учургаймен ани.

Лабларинг ҳажринда гар худ бода хуро лаълидур,  
Мумкин эрмастурки, оғзимға етургаймен ани.

Уйла ҳижрондин тилармен бехуд ўлмоқ, эй рафиқ  
Ким, фалак жомин тўла тутсанг, сумургаймен ани.

Эй Навоий, телба кўнглум итти, эмди истамон,  
Неча тоғу даштдин истаб кетургаймен ани.

## 605

Йўқки, ёмғурдин мени ҳолимға даврон йиғлағай,  
Кўргузуб гулгун булат истар магар қон йиғлағай.

Анжум эрмаским, эрур афлок ашки донаси,  
Ҳар тун ахволимға баским чархи гардон йиғлағай.

Чок бағрим қону доғин кўз ёшим дафъ этмади,  
Лола нафъидур, нечаким абри найсон йиғлағай.

Кўз қурубтур ашқдин ул ой ҳавоий ишқида,  
Бас қилур охир булат чун улча имкон йиғлағай.

Парда ичра йиғлаб ашким, ваҳки, пинҳон қолмади,  
Шамъ фонус ичра элдин қайдা пинҳон йиғлағай?

Муътабар эрмас, агар зарқ аҳли кўп тўккай сиришк

Ким, мушаъбид оз дирам истаб фаровон йиғлағай.

Ҳажр тифидин не ғам ҳар дам Навоий йиғласа,  
Кимки бўлди пора-пора бағри, осон йиғлағай.

## 606

Гар баҳор эл топса бўстондин гулу райҳон иси,  
Келур ул райҳон ила гулдин манга ҳижрон иси.

Менки бир гулдин жаҳон боғида бўе топмадим,  
Найлайнин, қилса муаттар даҳрни бўстон иси.

Лаъли ҳажринда ниҳон ашким сўзин ағёр аро  
Деса бўлмаским, келур ул навъ сўздин қон иси.

Қайдаким жонбахш лаълидин Масиҳосо қалом  
Сурди, ул ердин келур юз қаридин сўнг жон иси.

Жон иси тутти жаҳонни, мен борурмен кўйига  
Ким, тилар эл жон иси, мен истарам жонон иси.

Эй гадо, олам элига шайалиллаҳ демаким,  
Бу чамандин келмади ҳаргиз гули эҳсон иси.

Чун Навоийға келур ҳижрон иси ҳар дам, не суд,  
Гар баҳор эл топса бўстондин гулу райҳон иси.

## 607

Тан қора туфроғ ўлуб, оҳ ўти охир бўлмади,  
Гарчи хас кул бўлғач, андин шуъла зоҳир бўлмади.

Хуснунга меҳр этти даъво, зулфдин чиққач юзунг,  
Тун ҳижобиға кириб мажлисқа ҳозир бўлмади.

Дема кўксунг чокини ёпқилки, кўп ёптим валек  
Чоклик кўнглак анинг чокига сотир бўлмади.

Орзу айлармен ўпсам, деб кўзумни ҳар замон  
Ким, сенинг юзунгдин ўзга юзга нозир бўлмади.

Ўртамакта фурқатинг шогирдибур дўзах, валек  
Пеша айлаб касб устодича моҳир бўлмади.

Вах, не манзилдур фано кўйиким, анда етмайин  
Кимса икки кавндин осуда хотир бўлмади.

Эй Навоий, қайғу етса чархдин, ич бодаким,  
Кетмади даврон ғами, то жоми доир бўлмади.

## 608

Кеча келгумдур дебон ул сарви гулру келмади,  
Кўзларимга кеча тонг отқунча уйқу келмади.

Лаҳза-лаҳза чиқтиму чектим йўлида интизор,  
Келди жон оғзимғаю ул шўхи бадхў келмади.

Оразидек ондин эрканда гар этти эҳтиёт,  
Рўзгоримдек ҳам ўлғанда қоранғу келмади.

Ул париваш ҳажридинким йиғладим девонавор,  
Кимса бормуким, анга кўрганда қулгу келмади.

Кўзларингдин неча су келгай, деб ўлтурманг мени  
Ким, бори қон эрди келган, бу кеча су келмади.

Толиби содиқ топилмас, йўқсаким қўйди қадам  
Йўлғаким аввал қадам, маъшуқи ўтру келмади.

Эй Навоий, бода бирла хуррам эт қўнглунг уйин,  
Не учунким бода келган уйга қайғу келмади.

## 609

Нозук ҳарир агар танингга ҳойил ўлмағай,  
Кўрса жамод мумкин эмас мойил ўлмағай.

Чун тору пуди лутфда жон риштасидуур,  
Тонг йўқтурур, агар танингга ҳойил ўлмағай.

Лаълинг хаёли жон аро бир нақш туттиkim,  
Оби ҳаёт ила ювсалар, зойил ўлмағай.

Осори ҳажр агар будурурким, кўрап қўнгул,  
Дўзах аломати бу сифат ҳойил ўлмағай.

Қилдим кумуш билакларидин бўсаи савол,  
Мендек жаҳонда хомтамаъ сойил ўлмағай.

Исботи жузви лоятажаззо қилиб хирад,  
Оғзинг вужуди нуктасига қойил ўлмағай.

Йиллиқ ибодат эрмиш аёғингда саждае,  
Бошин Навоий олмағуси то йил ўлмағай.

## 610

Чеҳра ўти бирла қўнглум хонумонин ўртади,  
Оташин гул ишқи булбул ошёнин ўртади.

Ишқ қўнглум боғин асраб тоза, охир солди ўт,  
Боғбони мастдекким, бўстонин ўртади.

Оташин лаълингда хол эрмаски, қўймиш тоза доғ,  
Ҳар баҳона айлабон ушшоқ жонин ўртади.

Ишқ ўтидин зор кўнглум ичра солдинг сўзи ҳажр  
Ким, бу янглиғ бирта куйган нотавонин ўртади.

Сўзи ишқим дафтариға ҳар кишиким солди кўз,  
Ўртаниб Фарҳоду Мажнун достонин ўртади.

Ишқ зуҳдум хайлиға ўт солса, тонг йўқким, бу барқ  
Даҳр аро кўп буйла тақво корвонин ўртади.

Хонақаҳфа солди ўт киргач Навоий дайр аро,  
Ҳирфавардек ганжким топти, дўконин ўртади.

## 611

Оҳким, номеҳрибоним азми бедод айлади,  
Бир йўли меҳру вафо расмини барбод айлади.

Қўрқарам, аҳли вафо оҳи анга қилғай жафо,  
Бу жафоларким вафо аҳлиға бунёд айлади.

Бўлмади ношод охир дам гунаҳ бўлғай дебон,  
Бегунаҳ аҳбобни мундоқки ношод айлади.

Бир дам нчра тунд сайле қаҳр ила қилди хароб,  
Ҳар вафо қасрики, йиллар ани обод айлади.

Дам урарға топмади ҳад кимса то ушшоқ учун,  
Шаҳна айлаб ғамзасин, кирпикни жаллод айлади.

Тинди абнойи замоннинг ихтилофи табъидин,  
Кимки ўз табъини бекасликка муътод айлади.

Кўнгли мулкин истар обод, вах, бузар хайли фироқ,  
То Навоий азми мулки Астробод айлади.

## 612

Гар яна бир қатла ўз васлингға еткурсанг мени,  
Истасам ҳажринг, биҳилдурмен гар ўлтурсанг мени.

Ул эшиқдин киргум уй тошини итдек айланиб,  
Бу эшиқдин тош ила юз қатла гар сурсанг мени.

Қолғуси бир доғ кўюнгда кулумдин ёдгор,  
Ёзғуриб ҳижрон гуноҳи бирла куйдурсанг мени.

Орзудур остоning туфроғида ўлмаким,  
Тоза жон топқум, гар ул туфроққа топшурсанг мени.

Гарчи журмум кўп, хушо ул журмким, таҳқиқ учун  
Сўрғали гаҳ-гоҳи ўз қошингға келтурсанг мени.

Тарки жон эттим, бошим бўлғусию ул остоң,  
Сен билурсен, лутф қилсанг, хоҳ ёзғурсанг мени.

Каъбаи кўйига юз қўйдум, бу йўлдин ёнмағум,  
Эй Навоий, ҳар нечаким йўлдин озғурсанг мени.

## 613

Чу ул ҳури париваш жилва айлар вақт, ноз эткай,  
Малак хайли кўруб андоқ балони иҳтиroz эткай.

Таолаллоҳ, не истиғнодур ул ҳусн ичраким, нозин  
Юз онча айлагай, ошиқ неча арзи ниёз эткай.

Ёрутқай эл кўзин барқи жамолинг ламъаси ҳар дам,

Вале мен хаста кўнглининг ишин сўзу гудоз эткай.

Кўпу озим фидосидур анинг, яъники шавқу сабр,  
Агарчи ул санам кўп жавр қилғай, раҳм оз эткай.

Ўзин пок айламай ошиқки, ёр оллинда қўйғай бош,  
Эрур ул навъ, зоҳидким таҳоратсиз намоз эткай.

Кўп ўлмиш бул-ажаблиқ ишқ аро ул жумладин бир бу  
Ки, шоҳи Ғазнавий маҳкум бўлғай, ҳукм Аёз эткай.

Чу ҳақ нури юзунгда зоҳир ўлди, бебасар улким,  
Ҳақиқат расми бор эрканда ишқингни мажоз эткай.

Ториқтим хонақаҳдин, хуштуур майхонаким, анда  
Аёқчи жоми май тутғай, муғаний нағма соз эткай.

Чу солсам эски хирқамни, ҳаробот аҳли, тонг эрмас  
Ки, ҳар бир-бир юрунни андин эгнига тироз эткай.

Эрур ҳисни ҳасин матлубу зикри бўлғали эмин,  
Хавотир хайли солик кўнглига чун турктоз эткай.

Навоий ёр ила бўлса, ҳарамдур анга дайр ичра,  
Агар майли Ажам қилғай, гар оҳангি Ҳижоз эткай.

## 614

Менинг баҳтим юзи ғам кочидин ул кун қора бўлди  
Ки, кўнглум ул кўзи, қоши қораға мубтало бўлди.

Қутулмиш эрди ошиғлиқ балосидин кўнгул, кетмиш  
Ул ой кўйига, билмон, ёна анга не бало бўлди.

Қошу киприкларинг кўнглум уйин қилди камонхона,

[www.ziyouz.com](http://www.ziyouz.com) kutubxonasi

Алифлардин ўқу ҳар наъл анга бир ҳалқа ё бўлди.

Бузулған хаста кўнглумдин ўқин зинҳор чекмангким,  
Ул уйга бу сутун, ул нотавонға бу асо бўлди.

Лабингға қайси тил бирла фидо дей хаста жонимни,  
Анга жоним фидоким, жони лаълингға фидо бўлди.

Ажаб муҳлик эмасму ишқ дашти, эй мусулмонлар  
Ки, бир мўриға ҳар кун туъма икки аждаҳо бўлди.

Фано истар эсанг, тут дайр пири илгидин жоме,  
Нединким хонақаҳ шайхи иши зарқу риё бўлди.

Вужудум фоний айлаб олди дин бир муғбача, тонг йўқ,  
Агар зуннор боғлаб, масканим дайри фано бўлди.

Навоий, ғуссадин маҳлас тиларсен, масту бехуд бўл  
Ки, даврон дарду ранжиға даво бу бўлди, то бўлди.

## 615

Бир кун мени ул қотили мажнуншиор ўлтургуси,  
Усрук чиқиб, жавлон қилиб, девонавор ўлтургуси.

Гар заъф ила ожизлиғим кўнглига раҳме солса ҳам,  
Бошимға еткач, секретиб беихтиёр ўлтургуси.

Васли аро гар ўлтурур, жонимға юз минг шукр эрур,  
Чун қолсам андин бир замон, ҳижрони зор ўлтургуси.

Ошиқ бўлурда билмадим, мен нотавони хастаким,  
Ҳажр ўлса, ғам куйдургуси, васл ўлса ёр ултургуси.

Майдон аро, эй аҳли дин, кирманг тамошосиғаким,

Юз кўрмайин ул кофири чобуксувор ўлтургуси.

Лаълинг закоти май тутуб тиргузмасанг, эй муғбача,  
Дайр ичра мен дилхастани ранжи хумор ўлтургуси.

Дерлар Навоий қатлиға гул-гул очибур оразин,  
Кўргунча ани, войким, бу хор-хор ўлтургуси.

## 616

Гар аламимға чора йўқ, бўлмаса бўлмасун, нетай,  
Вар ғамима шумора йўқ, бўлмаса бўлмасун, нетай.

Ранжима йўқ эса адади хост бу эрса найлайнин,  
Дардима гар канора йўқ, бўлмаса бўлмасун, нетай.

Жамъ эмас эрса хотирим, жамъ ўлуриға, зоҳидо,  
Хожати истихора йўқ, бўлмаса бўлмасун, нетай.

Ёрдин элга комлар, буки менинг сари гаҳи  
Кўз учидин наззора йўқ, бўлмаса бўлмасун, нетай.

Машъали васл ила улус шоми мунаvvару менинг,  
Бахтима бир шарора йўқ, бўлмаса бўлмасун, нетай.

Қисми азалға шодмен, буки фалак риояти,  
Холима ошкора йўқ, бўлмаса бўлмасун, нетай.

Дедим, эрур Навоий ўз дардиға чорасиз, деди,  
Гар аламимға чора йўқ, бўлмаса бўлмасун, нетай.

## 617

Ваҳш хайлин дашт аро мен телбай маҳзун сари,  
Ом ғавғоси хаёл эт шаҳр аро Мажнун сари.

Ҳам борурда, ҳам ёнарда ўткудекдур чархдин,  
Чиқса ул ой ҳажрида оҳим ўти гардун сари.

Шамъиға парвона майлидекдуур кўнглум қуши,  
Борса ногаҳ ул қаду рухсори оташгун сари.

Турфа кўрким, носихим Фарҳод ила Мажнун эрур,  
Бул-ажаб ҳолимға боқиб тоғ ила ҳомун сари.

Ҳар тун афзун бўлған оҳим ўтиға жоним сипанд  
Ким, газанде етмагай ул хусни рўзафзун сари.

Соқиё, куп кунжидин тут бизга лаъли нобким,  
Бу боринда майл бўлмас ганжи Афридун сари.

Эй Навоий, мажмаъул баҳрайн бўлғай ошкор,  
Майл қилса сайли ашким ногаҳон Жайхун сари.

## 618

Ашк хунобидин ўлмиш қўзларим уммон кеби,  
Қон ёш аритмоғдин илгим панжай маржон кеби.

Кўнглум ўтидин қизорған ҳар тараф пайконларинг,  
Су бўлуб эмди томарлар захмлардин қон кеби.

Танни гар дўзах ўти куйдурса, жонни ўртамас,  
Қилмағил ҳеч ўтни, ё раб, шуълаи ҳижрон кеби.

Ишқ даштида қуюн чекмас фифон, вах, бўлмасун,  
Хоксори бодпаймое бу саргардон кеби.

Сабзаи хат ёпқан оғзинг ўпсам, эй гул, не ажаб,  
Туфроғимдин ғунча бутса захмлиқ пайкон кеби.

Даҳр боғинда неча кунким тириксен, айш қил  
Ким, яна топмоқ эмас маълум бу бўстон кеби.

Эй Навоий, ишқиму хусни эрурлар ончаким,  
Мен анга ҳайронмену ул доғи мен ҳайрон кеби.

## 619

Бир парий пайкар ғами ошуфтаҳол этмиш мени,  
Элга аҳволим демактин гунгу лол этмиш мени.

Мен ҳавойини, не тонг, кўргузсалар бир-биргаким  
Эгма қошинг фикри андоқим ҳилол этмиш мени.

Ошкор этмас эдим ишқин, vale ӯткан кеча  
Бода зўр айлаб, йиғи беэътидол этмиш мени.

Ёр кўйи ичраким туфроғ ила тенг бўлмишам,  
Ишқ ғавғоси бу янглиғ поймол этмиш мени.

То танимға ўт туташмиш, барқдекдур ҳайъатим,  
Фурқатинг то заъфдин андоқки нол этмиш мени.

Ўт солурмен оҳ ила оламға мен ким, зуҳд ким,  
Зоҳиди афсурда оё не хаёл этмиш мени.

Дашти ваҳшиға аниш ўлсам Навоийдек, не тонг,  
Ул парий савдоси чун Мажнун мисол этмиш мени.

## 620

Ҳижрон куни ҳар хастаки жононға йўлуқти,  
Қил уйла тасаввурки, ўлук жонға йўлуқти.

Зулфунг қора қайғусида жононға йўлуққан,  
Зулмат ичида чашмаи ҳайвонға йўлуқти.

Қочти кўнгул ашкимдину оҳим аро тушти,  
Ёмғур суйидин қочтию тўфонға йўлуқти.

Мажнунға йўлуқти, манга ғам даштида иткан  
Мажнун демаким, ғули биёбонға йўлуқти.

Ҳайронлиғима ҳайрати мендин доғи ошти,  
Ишқ аҳлидин улким мени ҳайронға йўлуқти.

Давронда камол ичра қуёштин бийик ўлди,  
Ҳар зарраки бир комили давронға йўлуқти.

Ишқ аҳли иши топти бори васл ила чора,  
Бечора Навоий ғами ҳижронға йўлуқти.

## 621

Кимки бир кўнгли бузуғнинг хотирин шод айлагай,  
Онча борким, Каъба вайрон бўлса, обод айлагай.

Гарчи халқ озодасимен, ёр агар бандам деса,  
Андин ортуқ англаким, бир банда озод айлагай.

Ёрдин ҳар кимки бир сўз дер, туганмасдин бурун,  
Истарамким, аввалидин ёна бунёд айлагай.

Ёр ҳижронидин ўлгумдур, бу навъ эрмиш сазо  
Ул кишигаким, биравга ўзни мұътод айлагай.

Неча сабр авроқи ёзғай кўнглуму бир оҳ ила  
Сарсари ишқинг етиб, борини барбод айлагай.

Шайҳдин зуҳди риёйи касб ўлур, ё раб, қани  
Дайр пириким, фано расмини иршод айлагай.

Одам авлодида камдур одамилиқ шеваси,  
Одам эрмас, улки майли одамизод айлагай.

Не балодурким, фалак ҳар кимга чекса тифи кин,  
Ёнгилиб аввал менинг жонимға бедод айлагай.

Беша ичра девлар мақтули ўлсун, эй парий,  
Гар Навоий ёна азми Астробод айлагай.

## 622

Тифи ҳижронинг кириб кўнглумни ғамнок айлади,  
Ичкиридин кўқрагимни сар-басар чок айлади.

Айлади мен зори маҳзунни балову жавркаш,  
Улки дилдоримни мундоқ маству бебок айлади.

Хусн аро улким насибинг қилмади жуз поклик,  
Хотирим лавҳини ғайринг нақшидин пок айлади.

Зор жисмим ламъай ҳуснунгдин ўртамак не тонг,  
Чунки ишқ ул бирни ўт, бу бирни хошок айлади.

Дам уруб, гардимни еткур кўйига, эй субҳи васл  
Ким, танимни ҳажр бепоён туни хок айлади.

Маърифат нахлидин ул ориф ҳамоно топти бар  
Ким, тафаккур бирла фаҳми моарафонок айлади.

Носиҳо, ул ҳусндин қилмас Навоий манъини,  
Ҳар кишиким ишқ атворини идрок айлади.

## 623

Чун илик бермаски ўпсам, ул ситамкор илгини,  
Бир киши илгин ўпайким, ўпкай ул ёр илгини.

Чун аёғи туфроғин ўпқунча топмон эътибор,  
Сўяса ҳам ногаҳ, ўпарга не ҳадим бор илгини.

Жон сотармен хоки пойингға, нединким, аҳли байъ  
Туттуурлар сотқучи бирла харидор илгини.

Зулфидин, тонг йўқ, қалимуллоҳдек этса аждаҳо  
Ким, яди байдодин айлабтур намудор илгини.

Сўрғали келса Масиҳим бошима доманкашон,  
Ул этакдин ким олаолғай бу bemor илгини?

Доғу қондин бордуур улким очилмиш лолазор,  
Ҳажринг айёмида чексанг ошиқи зор илгини.

Эй Навоий, билки, ҳижрон даштидин бўлмас халос,  
Сайр аро матлуб агар тутмас талабгор илгини.

## 624

Биравки ишқ била қилди муттаҳам бизни,  
Не навъ йўқ дейликим, этти муҳтарам бизни.

Ғамингда бир-ики дам қолди, жонни ботроқ ол,  
Ҳаёт ваҳмидин ўлтурма дам-бадам бизни.

Кўнгул не мужда берурсенки, базм аро туно-кун  
Ҳарифлар аро ёд этмиш ул санам бизни.

Демангки, тиф суруб, бошимизни солди қуйи

Ки, қилди ҳажрда шарманда ул карам бизни.

Фироқ муҳлику васл ичра шодлиғ муҳлик,  
Фироқи ўлтуур эрмиш, висоли ҳам бизни.

Ичарда дурди май айлаб синуқ сафолни жом,  
Бўлур бу жоҳ ила давр аҳли деса Жам бизни.

Навоий айлади ҳижронда нолаю фарёд,  
Хароб қилди ул оҳанги зеру бам бизни.

## 625

Ваҳки, савдодур димоғимда, паришонлиғ доғи,  
Телба кўнглум ичра ўз ҳолимға ҳайронлиғ доғи.

Гар мени олам эли бедоди бузди, бок йўқ,  
Оламедур бу бузуғ оламда вайронлиғ доғи.

Хонумоним гаҳ бало тоғи, гаҳе ғам даштидур,  
Буйла ким кўрди алохонлиғ, аломонлиғ доғи.

Қатлим айлаб қонимаким кирдилар кўзу кўнгул,  
Иккиси душмандуурлар жонима, қонлиғ доғи.

Ёр келгумдур дебон бордию келмас, ваҳ, яна  
Бевафолиғ зоҳир этти, аҳди ёлғонлиғ доғи.

Ҳажрида ўлтурмадим ўзни агар кўрсам юзин,  
Инфиолим доғи суд этмас, пушаймонлиғ доғи.

Фурқати даштида ҳам саргашта, ҳам оворамен  
Ким, қуюнлуғдур ишим, ғули биёбонлиғ доғи.

Даҳр элининг зулми гар будурки етти жонима,

Қилмайин анда ватан биллаҳки, меҳмонлиғ доғи.

Эй Навоий, сен худ иттинг, кимса сендек итмасун,  
Шоҳидин ҳирмонлиғу моҳидин армонлиғ доғи.

## 626

Коми лаълингнинг хаёлидин кўнгул қозғонмади,  
Тушта су ичкан била лаб ташна ҳаргиз қонмади.

Оҳ саргардон кўнгулдинким, ул ой кўйи сари  
Борғали бир ҳам бизинг сари яна айлонмади.

Кўр, не ўт бўлғайкн ўртандим, қаёнким солдинг ўт,  
Ёлғиз ул ўтдинки мен куйдум, кўнгул ўртонмади.

Ҳажр аро ўлмакни хўй эттимки, чун топтим висол,  
Ўлмак эткач орзу оллинда жон эмгонмади.

Ҳажр ўлтургон қиёмат доғи қўпмас, кўрмадик  
Уйқуким, ғавғое рустаҳез ила уйғонмади.

Ўлмак осондур, кўнгул узмак бираудин саъб эрур,  
Эй хуш улким, кўнгли бир бадмехр ила ўргонмади.

Гар Навоий заъфи тебрангунча бор эрди, валек  
Ҳажр ўқи кўксигаким тегди, яна тебронмади.

## 627

Не чоғлиғ тошким Фарҳод ушотти,  
Фалак борин йиғиб бошимға отти.

Менинг афсонам эрди бул-ажаброқ,  
Неча Мажнун сўзин ровий узотти.

Таҳаррук қилмади ҳажр ақшоми чарх,  
Сиришкимдин магар болчиққа ботти.

Ўлум сардобаси эрдики, гардун  
Манга ором учун маскан ясотти.

Фироқ оллинда эрди шаҳд янглиғ,  
Мазоқимким ўлум заҳрини тотти.

Кўп эрди ишқ бозорида савдо,  
Мени гардун vale оламға сотти.

Навоий лаъли серобинг ғамидин  
Юрак қонини кўз ёшиға қотти.

## 628

Барча базм аҳлиға луъбатбоз ишининг ҳайрати,  
Келтуруб ҳайрат манга ҳар лаҳза ул Чин луъбати.

Чун қариғон чоғда мен луъбатқа бўлдум шефта,  
Вах, не тонг, атфол лаъбининг бошимға меҳнати.

Шайх пандидин не осиғким қилур луъбатни манъ,  
Менки, жонимни олур бир шўх луъбат ҳасрати.

Гарчи луъбат бирла бут бир-бирдин эрмаслар йироқ,  
Ваҳки, луъбатлар аро ул бут эрур жон офати.

Ҳам ани луъбат дейин, ҳам бут дейин, невчунки бор  
Зотида бут хуснию хуснида луъбат зийнати.

Чарх золиким ўзин луъбатдек оройиш берур,  
Қочқил андинким, эмас луъбат, эрур ҳақ лаънати.

То Навоий бўлди луъбат сари вола, ваҳки, бор  
Барча луъбатбозлар ҳангомасиға улфати.

## 629

Эй хуш улким, бағрима бир лоларухдин доғ эди  
Ким, ҳавосинда сабодек жилвагоҳим боғ эди.

Ўтқа ёғин гар берур таскин ва лекин шавқида  
Кўз ёшимнинг ёғини ўтлуғ кўнгулга ёғ эди.

Майдек икки лаълу ул мусҳаф кеби юздин кўнгул  
Усрук эрди икки соат, гар замоне соғ эди.

Тўтиёлардин кўзум айлаб эди қатъи назар,  
Сурмаси чун чобукум майдонидин туфроғ эди.

Риндлар, тавбам не тонгким, умр ўтуб исён била,  
Дўсти олий даргахиға азм айлар чоғ эди.

Барқи раҳмат чоқилурда тоғ эмас хошокча,  
Тавба вақти ғам йўқ, ар журмум нечукким тоғ эди.

Вақт чун етти, Навоий ҳаққа қилди бозгашт,  
Гарчи золи чарх иши юз лобаю минг лоғ эди.

## 630

Дашт аро дерменки Мажнунни ўзумга учратай,  
Хуш андин ўрганиб, девоналиғни ўргатай.

Зуҳду тақво аҳли пандимға агар жам ўлсалар,  
Ғам эмас, бир оҳ барқидин борисин бутратай.

Боғ гулгаштида беинсофлиғдур, гар десам  
Сарвни қаддингға, гулни оразингға ўхшатай.

Ул гул уйғонмас қуёш чиққунча, ҳар тун неча мен  
Нолаи шабгир ила тонг күшларини уйғотай.

Ул парийваш тифл маҳтабдин ториқмиш, пири дайр  
Қўйки, бир дам ани мажнунлуғлар айлаб ўйнатай.

Бўлсалар Фарҳоду Мажнун бул-ажаб ҳолимни деб,  
Гоҳ ани кулдурай, гоҳи бу бирни йиғлатай.

Деб эмишсен бир хаданг отқум Навоий кўнглига,  
Тўқта ончаким, қарори йўқ кўнгулни тўқтатай.

## 631

Ўқунгким жисми урёнимға етти,  
Танимдин ўтмайин жонимға етти.

Булут гар зоҳир этти барқ ила раъд,  
Қачон бу ўтлуғ афғонимға етти.

Чаманда жилва айлаб нахл ҳошо  
Ким, ул сарви хиромонимға етти.

Қочиб чиқсан, не тонг, ғам тоғи узра,  
Бало сайли чу вайронимға етти.

Дедим, невчун сабо келди паришон?  
Деди, зулфи паришонимға етти.

Бир ўққим элга отти ул қоши ё,  
Юз ўқ бу жони қурбонимға етти.

Навоий, бағриму кўнглум ўтидин  
Туташти, чунки бир ёнимға етти.

## 632

Ҳаво хушдуур, тут қадаҳ, ёр, ахи,  
Қадаҳни ўзунг бурна сипқор, ахи.

Чу сипқардинг, ани ёна қил тўла,  
Улуғроқ топиб жом зинҳор, ахи.

Ўзунг бирла тенг тутма соғар манга,  
Сен озодасен, мен гирифтор, ахи.

Хилолий қадаҳ бирла сен бода ич,  
Манга жом тут чархикирдор, ахи.

Ғамимдин бўлур чарх жавфи тўла,  
Муни ҳам қил андин намудор, ахи.

Майи соғ ҳам тутмасанг, яхшидур,  
Ғамим дафъига дурди хаммор, ахи.

Замон жаври бирла замон аҳлидин  
Замоне бу бедилни қутқар, ахи.

Манга гар бу навъ айласанг ёрлик,  
Санга доим ўлсун худо ёр, ахи.

Навоий жаҳондин кечиб иста ёр,  
Санга буйла ғурбатда не бор, ахи.

## 633

Келса ёру бўлмаса ҳамраҳ рақиби тийра рой,

Қилмаса гард имтизожи оби ҳайвонимни лой.

Келса ёру ҳамраҳи бўлса рақиб, озурдамен,  
Келмаса ёру рақиби келса сарвақтимға,вой.

Ёр чун ёлғуз қошимға келмаки мумкин эмас,  
Чорае йўқтур, агар шабгун булутдин чиқмас ой.

Гар иковлон келсалар ҳам бок эмастур, негаким,  
Бу бир этса ғамфизолик, ул бир ўлғай ғамзудой.

Даҳр боғида тикандин айру чун гул бутмади,  
Гар тикан жонкоҳдур, аммо эрур гул жонфизой.

Васл софи гар йўқ, эй соқий, манга тут журъае,  
То қуяй бир дам балойи ҳажринг устига лой.

Эй Навоий, юзига юз суртмак қилма ҳавас,  
Қониъ ўл, бўлсанг эшики туфроғиға чеҳрасой.

## 634

Сўра келмади ёр беморини,  
Бу иш қилди беморроқ ёрини.

Кўнгулсизлик андуҳидин, ваҳ, не ғам,  
Киши кўрса ёнида дилдорини.

Анингким қадин тубий этти худой,  
Биҳишт этти гулзор рухсорини.

Не ҳад кўнглакинг истамаклиқ, валек  
Ярам тиккали бир анинг торини.

Мусаввирға жоним фидо айласа,

[www.ziyouz.com](http://www.ziyouz.com) kutubxonasi

Эзиб лаъл ул лаб намудорини.

Юзунг даврида гўё наққоши сунъ  
Қуёш бирла тенг тутти паргорини.

Кўнгулни фироқ уйла зор эттиким,  
Магар васл дафъ эткай озорини.

Хумор олди жон, эй кўнгул, ишқ де,  
Чу кўрсанг фано дайри хамморини.

Навоийға жавр этма, кўр лутф ила  
Тани зорини, жони афгорини.

## 635

Поклар кўнглидур ул орази маҳваш сари,  
Ростлар майли ҳам ул қомати дилкаш сари.

Кўнглум ул ён чекадур, негаки Мажнун кўнгли  
Ё парий сари чекар, йўқса парийваш сари.

Зулф очиб, бизни мушавваш қилиб ўтти, лекин  
Илтифот этмади бир дам бу мушавваш сари.

Халқ майдон аро ҳар сари боқиб, ваҳки кўзум  
Рокиби маҳваш ила маркаби абраш сари.

Онча нақш ўйнади афлок менинг бирланким,  
Боқа олмон яна бу сақфи мунаққаш сари.

Ахтари наҳсдуур мухтасиб, ар бода тўкар,  
Зузанб дер, киши солса назар ул фаш сари.

Жонни бир дов ила гар хаста Навоий ўйнар,  
Ул муқаммир сифат, албатта, эрур ғаш сари.

## 636

Бизга етмас эрди бир номеҳрибон дарду ғами  
Ким, фузун ҳам бўлди ёри меҳрибоннинг мотами

Икки ёр эрди манга — номеҳрибону меҳрибон,  
Меҳрибон борди, қолиб номеҳрибон дарду ғами.

Борди улким бор эди ҳам маҳраму ҳам меҳрибон,  
Жон бериб бўлмон бу бир номеҳрибоннинг маҳрами.

Ҳар жароҳатким урап номеҳрибоним бағрима,  
Меҳрибоним бу жароҳатларнинг эрди марҳами.

Ваҳки, минг захм урса жонға эмди бу номеҳрибон,  
Йўқ иложиға кўнгулнинг меҳрибону ҳамдами.

Муғтанамдур, ул парий бор эрса ҳам номеҳрибон,  
Даҳр аро чунким топилмас меҳрибонваш одами.

Меҳрибоним чиқса оламднн, Навоий, чора йўқ,  
Ёрдин ҳам ҳуштуур номеҳрибонлиғ олами.

## 637

Ёр борған чоғда бормиш бедилин ўлтургали  
Келдию келган эмиш ўлтурганин куйдургали.

Оллоҳ-Оллоҳ, эй ҳаётим, ул боришқа бу келиш  
Ким, бири куйдургали бўлғай, бири ўлтургали.

Хоҳ ўлтур, хоҳ куйдурким санга бердим ризо,

Рози эрмасмен vale, жоно эшиқдин сургали.

Итларин анинг аяб бошимни қилмон туъма ҳам,  
Ишқ юз турлук балият бошима келтургали.

Хони васлингдин улусқа баҳра еткургилки, мен  
Яхшимен сойил кеби ҳасрат ебон телмургали.

Даҳр элидин иҳтиroz эт, эй қўнгулким, мен доғи  
Муҳтариздурмен вафосизлиғлари билгургали.

Эй Навоий, ишқ бизни гарчи расво айлади,  
Ул не қилса, пардаи китмонға ани чуркали.

## 638

Улус қўзғалур, гўё ёrim етишти,  
Улус офати, гул узорим етишти.

Яна гард кўзга эрур тўтиё ранг,  
Ҳамоноки чобуксуворим етишти.

Томар қатра-қатра қўзум ёши гул-гул,  
Магар боиси хор-хорим етишти.

Жаҳонга агар ўзга зеб ўлса, тонг йўқ,  
Жаҳон зеби бирла нигорим етишти.

Не тонг, нолада қолмаса ихтиёрим  
Ки, зулм ичра беихтиёрим етишти.

Очилса нишотим гули, йўқ ажабким,  
Бузуғ боғима навбаҳорим етишти.

Хуш улким, Навоий етишкач, деди ёр  
Ки, овораи бекарорим етишти.

## 639

Оҳқи, ишқай алади шайдо мени,  
Солди жунун кўйига савдо мени.

Ишқила савдо бўлубон муттафиқ,  
Айладилар даҳрда расво мени.

Дашт аро Мажнун демайнким, вуҳуш,  
Келдилар айларга тамошо мени.

Кимники ишқистади қатл эткали,  
Ҳажр равон айлади пайдо мени.

Кимки мени ўлтурур, ул тиргузур,  
Йўқса қочар, кўрса Масихо мени.

Дайр эмас эрди ерим, озғуруб,  
Солди буён бир бути тарсо мени.

Войки, ўлтургали қилмас писанд,  
Ишқяна кимсанни илло мени.

Соқийи гулчехрадин ошуфтамен,  
Демаки, масти айлади саҳбо мени.

Ёр Навоийни тилаб, эй кўнгул,  
Ё сени ўлтургусидур, ё мени.

## 640

Гулшан ичра жилваи ноз этса жонон қомати,

Туфроғ ўлған соядек сарви хиромон қомати.

Нозанин қаддинг тириклик гулшанининг нахлидур,  
Сарву туби сендек ўлмоқнинг не имкон қомати.

Сарвдек уксуни ахзар бирла Лайли қаддикур,  
Токдек юз хам била Мажнуни учён қомати.

Гарчи қомат чексалар, элга бўлур майли намоз,  
Ваҳки, дин қасди қилур ул номусулмон қомати.

Васл шоми равшан ўлди партави рухсоридин,  
Йўқ ажаб, десам эрур шамъи шабистон қомати.

Даҳр элидек эгридурлар шўхлар боштин аёқ,  
Тик назарда туз экин ул аҳди ёлғон қомати.

Эй Навоий, хўблар қаддида йўқтур эътидол,  
Нега ўхшар сарвдин ундурурак инсон қомати.

## 641

Ваҳки бир ғойиб хаёлидин паришонмен, басе,  
Хуш мендин ғойиб, ўз ҳолимға ҳайронмен, басе.

Ул қуёш борди бузуб кўнглумни, сен ҳам, эй сипехр  
Бир йўли бузма мени, невчунки вайронмен, басе.

Оллида жон бермадим васли замонин қизғониб,  
Фурқатида ул тириклиқдин пушаймонмен, басе.

Лаҳза-лаҳза буки йиғлармен ғамидин талх-талх,  
Айб эмаским, мубталои дарди ҳижронмен, басе.

Тоғ ила водийда, эй Фарҳоду Мажнун, сиз топинг

[www.ziyouz.com](http://www.ziyouz.com) kutubxonasi

Офиятким, мен алохону аломонмен, басе.

Васли комин сабру сомондин топарлар, ваҳки мен  
Ҳажр ошуби аро бесабру сомонмен, басе.

Ёрдин қосид келур дерлар, фироқу васлдин  
Не хабар келтурмакин билмай ҳаросонмен, басе.

Дину дониш аҳлиға бер тавба, эй носиҳки, мен  
Маст тун-кун дайр аро бебоку нодонмен, басе.

Эй Навоий, дашти ваҳши ичра бўлсам, шод бўл  
Ким, кириб ҳуш аҳлиға бу вақт инсонмен, басе.

## 642

Не қун ўлғайки, нигорим келгай,  
Боғи умрумда баҳорим келгай.

Умр боғида баҳор улдурким,  
Сарв қад лола узорим келгай.

Ўлмагаймен йўлида, гар бошима  
Секретиб шаҳсуворим келгай.

Ул гадо жониға ўт тушкайким,  
Олғали шамъи мазорим келгай.

Кўйида итти кўнгул, ваҳ, қачон ул  
Масти девона шиорим келгай.

Қани майким, чу ичиб маст ўлсам,  
Кўкка туз боққали орим келгай.

Эй Навоий, тиламон ҳуру парий,  
Шояд ул базмда ёрим келгай.

### 643

Юзи хуршидидин кўзлар қамошти  
Ва лекин тобидин жонлар тутошти.

Бу хуршид узра майдин гуллар ўлғон,  
Гул узра қатралар янглиғ ярошли.

Сочи савдосида ошуфта қиссан  
Тасалсул бирла бир-бирга улошти.

Ажални жон олурда енгди ҳажринг,  
Нечаким ул мунинг бирла ўчошти.

Қўлинин тўлғади ишқинг хираднинг,  
Агарчи ул муунинг бирла талошти.

Фалактин нолани, тонг йўқ, ошурмоқ,  
Фалак зулми чу бизга ҳаддин ошти.

Шафақдин кўк юзи гулгун эмаским,  
Фироқингдин Навоий қони тошти.

### 644

Боғ аро гўё сабо солмиш эди жонон иси  
Ким, етишкак гул иси, мен топтим андин жон иси.

Лаъли кўнглум қатлини қилмоққа бўлди нуктасанж,  
Эй кўнгул, дам асраким, келди бу сўздин қон иси.

Юзу хаттининг насимидин чу топтим тоза жон,

Ваҳ, не жонимға керак эмди гулу райҳон иси.

Борди ул ён зор кўнглум, бермагай ташвиш анга,  
Захми исланган кўнгулнинг етса ногоҳон иси.

Оғзию дур тишларидин рухума айтур хабар,  
Келса ногаҳ жола тўлған ғунчай хандон иси.

Ғунча атрин хушламасмен менки, кўнглум боғида  
Дарк этарга ўрганибмен занглиғ пайкон иси.

Холи савдосин дема кўнглунг нега фош айлади  
Ким, ёшурғон бирла бўлмас мушкнинг пинҳон иси.

Муҳтасиб гар аҳли фаҳм ўлса, йиқилғай маст ўлуб,  
Кўп ушатқондаки айлар боданинг туғён иси.

Гулдин ул гулрух исин топқач Навоий очти кўз,  
Уйлаким, Яъқуб кўнглакдин махи Канъон иси.

## 645

Бошни гар ерга қўя олмон, боқиб моҳим сари,  
Бошима туфроғ совурмоққа борай шоҳим сари.

Тун аро анжум тутунда учқун англар, солса кўз  
Кимса, кўнглум ўтидин бўлса аён, оҳим сари.

Мен кўнгулдин рашқ элтурмен, кўнгул мендин ҳасад,  
Истаса кўнглумки, қилсан азм дилҳоҳим сари.

Ул қуёш сари борурда соя ҳамроҳимдуурур,  
Рашқдин боқмон кейин бир қатла ҳамроҳим сари.

Жон лабинг шавқидин оғаҳ бўлғали айлар Масих,

Жон берур чоғда таважжуҳ жони огоҳим сари.

Эй кўнгул, ул ҳусн ганжидин гадолиғдур ишим,  
Гарчи йўқ парвойи аниng шайалиоҳим сари.

Ҳусни боғидур назаргоҳим, Навоий, зинҳор  
Солмағил гоҳи назар боғи назаргоҳим сари.

## 646

Бу сабабдин ёрумиш гўё Хурросон кишвари  
Ким, чиқибдур бохтардин офтоби ховари.

Бохтарға тегру ховардин ёритмоқ жуз қуёш,  
Равшан эрмас барча гар худ бўлса моҳу Муштарий.

Қайси моҳу Муштарий улким қуёш бир ламъадур,  
Нуридин, вах, буйла ким кўрмиш саодат ахтари.

Ул не юздурким, ёзарда васфини юз минг қуёш  
Сафҳа гар еткурса юз йилда туганмас дафтари.

Ҳуснини аниng қуёш ташbihи қилмоқ уйладур  
Ким, дегайлар хўблиқда девга ўхшар парий.

Бўлса ҳусни юз қуёшча, ишқим ўтидин эрур,  
Бир шаарар юз минг тамуғнинг шуъла бирла ахгари.

Эй Навоий, сен кеби ошиқ магар лойиқ экин,  
Ҳар кишиким, дилбарингдек бўлса аниng дилбари.

## 647

Истамон кўнглумни айларда хаёл ул моҳни  
Ким, тахайюл бирла сайр айлар, нетар ҳамроҳни.

Кўнглум истарни тилармен боринг, эй ою қуёш,  
Сизни кўнгли истамас, улким тилар дилхоҳни.

Ўқи захмин тан аро ул юз хаёли ёрутур,  
Уйлаким, Юсуф жамоли равшан эткай чоҳни.

Жону ақлу ҳуштин кечкил дединг, қилдим қабул,  
Тарк эта олмон, нетай наззораи гах-гоҳни.

Ғарқа бўлди нотавон жисмим сиришким баҳрида,  
Гарчи су неча теранг бўлса, чўмурмас коҳни.

Ошиқ эрсанг кўрмагил, эй шах, гадоларни ҳақир  
Ким, балолиғ ишқ фарқ этмас гадою шоҳни.

Эй Навоий, ёр эшиги покларга қибладур,  
Қилмағил кўз қонидин оғишта ул даргоҳни.

## 648

Заъфлиқдур, дедилар, ул бути маҳ сиймони,  
Жон фидою тан анга садқа, кўнгул қурбони.

Улки жонимдуурур, ул бўлса бу янглиғ ранжур,  
Қайда бўлғай мени бедилға ҳаёт имкони.

Кўр недек хуллаи гулранг уза ётмиш бемор,  
Ё эрур даврида қатл айлаган элнинг қони.

Дўстлар, оллида отимни тута олмасангиз,  
Нақди жонимни бошиға эвурунг пинҳони.

Барги гул узра дегай шаҳд ёpushмиш кўрган,  
Буки тутмишдур учук ул лаби шаккархони.

Садақа, чунки балоларни рад айлар, ё раб,  
Жон анга садқа қиласай манга бағишила они.

Эй Навоий, яна дам урмаким, ул ой дер эмиш  
Ким, кечача уйқуга қўймас мени ит афғони.

## 649

Не дилоромеки, сўрғай дарди ҳолимдин гаҳе,  
Не дил афгореки, қайғурғай малолимдин гаҳе.

Сарсари оҳимфа ўт тушсин, хушо, мушкин насим  
Ким, берур эрди хабар наврас ниҳолимдин гаҳе.

Эй Хўтан жайранлари, неткай бу мажнун кўнглума  
Нафхае еткурсангиз мушкин ғазолимдин гаҳе.

Тийра наҳсият дурур қулбамда, ани, эй сипеҳр,  
Равшан эткил ахтари фархунда фолимдин гаҳе.

Турфа кўргилким, лаби зикрин топармен жон аро,  
Айласам ғойиб маозаллоҳ хаёлимдин гаҳе.

Телба кўнглум итти, лекин ул парийга ёд бер,  
Эй сабо, девонаи беэътидолимдин гаҳе.

Фикр этармен васлини гоҳи, vale кирганда ҳуш,  
Асру кўп шармандамен фикри маҳолимдин гаҳе.

Ул қуёштин меҳру, мендин тийралик, вах, истарам  
Ер ёрилса, ерга кирсам имфиолимдин гаҳе.

Эй Навоий, зулми кўп эрса, пушаймонмен яна,  
Ўзни озод истасам ул шўхи золимдин гаҳе.

## 650

Ёйиб оразда мушкин холларни сунбулунг доми,  
Кўнгулнинг қушлари ул дому су донанинг роми.

Чаманда сарву гул бўлғай, не сарву қайси гул вах-ваҳ,  
Қачон бўлғай чаманнинг сен кеби сарви гуландоми.

Не янглиғ субҳи васлидин тутай уммиди равшанлиғ,  
Саҳардин чун эрур новмид ҳажримнинг қора шоми.

Дема парвона, де Жибрил, агар бир ғам туни ногаҳ  
Кишига берса бир шамъи шабистон васли пайғоми.

Кўнгул заъфи кам ўлмас фурқатингда, вах, ўнгалғайму  
Маризеким, қилур ҳар дам балият заҳри ошоми.

Аёғимға тикан синжобу хоро хулла, тонг эрмас  
Бу дамким боғламишмен Каъбаи қўйининг эҳроми.

Бу йўлда гармрўларнинг тонг эрмас гар чоқин янглиғ,  
Жаҳонпаймолиғ этса, ёрутуб оламни ҳар гоми.

Фано дайри доғи зуннор ила буттин уятлиғдур,  
Риёйи шайхнинг афсурда дини ботил исломи.

Навоий фарду бехуш ўлғанин деманг қачондиндур,  
Ҳамондинким, ани маст этти ваҳдат жомидин Жомий.

## МУСТАЗОД

Не вўсмаву не кесмадур ул зулфи сумансой,  
не ғамзай жоду,  
Машшота санга золи фалақдур магар, эй ой,  
хуршид анга кўзгу.  
Қош ёси била кирпик ўқин ҳар сари отсанг,  
имкони хато йўқ,  
Ҳар кимсаки, бўлғай анга бу навъ ўқу ёй,  
туз бўлғуси қобу.  
Масжид йўлин асраб неча дин аҳли йўлукса,  
раҳзанлиқ этарсен,  
Тенгри йўлини асрамоқ, эй кофири худрой  
бу навъ бўлурму?  
Гар истамади субҳи уммидимни ёшурғай  
меҳнат қора шоми,  
Ҳар ён сочилиб, бас, не учун бўлди сумансой  
ул турраи ҳинду.  
Ҳижрон туенининг тийраглиғин кавкаби ашкин  
дафъ айласа, тонг йўқ,  
Анжум сипаҳи кўпрак эрур анжуманорой,  
тун бўлса қоронғу.  
Ғам даштини қатъ айлабон ул кўйға етмон,  
кўрмон ани туш ҳам.  
Ким бўлса ҳарам шавқи била бодияпаймой,  
кўздин ўчар уйқу.  
Ул шўх Навоийни, дедиким, қиласайин қатл  
бир кўз учи бирла,  
Эй войки, бир ҳам анга кўз солмади, эйвой,  
қатл ушбуудур, ушбу.

## МУХАММАСЛАР

### 1

Шарбати юҳйил изом эрни майи нобинدادур,  
Сураи «вашшамс» тафсири юзи бобинدادур,  
Шарҳи мозоғулбасар наргислари хобинدادур,  
Лайлутул меърожнинг шарҳи сочи тобинدادур,  
Қоба қавсайн иттиҳоди қоши меҳробинدادур.

Ул қади тўбидин ортуқ юзи ризвондин жамил,  
Ким берур жон лаъли ҳар ким бўлса қўзидин қатил,  
Лаъли ра什кидин фифон айлаб, қилиб ашкин сабил,  
Кўп югурди равзада айнан тусаммо салсабил,  
Топмади ул чошниким, шаккари нобинدادур.

Жон берур эрди Хизр суйи халойиққа сарих,  
Исо ўлук тиргузур эрди деб алфози фасих,  
Лаълидин токим-такаллум қилди ул шўхи малих,  
Хизрнинг айни ёшунмиш кўқдин инмас ҳам Масих,  
Нетсун ул, муъжиз бу дам ёқути серобинدادур.

Хаттидин бўлди хижил сунбул била мушки татор,  
Қоматиға сарв ила шамшоддин юз қатла оп,  
Фарруҳ эрмас орази наврӯзидек ийду баҳор,  
Зулфиға қадру барот ўхшар вале юз фарқи бор,  
Сўз анинг ёниндағи хуршиду маҳтобинدادур.

Ҳар гадо эгнида бўлса эски тўн ё чоки жайб,  
Билмай асли ниятин қилмоқ ғалатдур шакку райб,  
Эй Навоий, чун санга маълум эмастур сирри ғайб,  
Лутфини майхонада ошуфта кўрсанг, қилма айб  
Ким, бу мажнун ихтиёри зулфи қуллобинدادур.

### 2

Неча, эй ой, мендин айру айлагай даврон сени,  
Бўлмағай йилларда кўрмак бир нафас имкон сени,  
Жон тилар, кўнглум уйинда айлагай меҳмон сени,  
Кел-кел, эй ороми жонимким, тилайдур жон сени,  
Чеҳра очким, кўрмак истар дийдаи гирён сени.

Борғали ул шўхким жоним суроғин олмади,  
Жисм ани истаб не саҳроким қадамни солмади,  
Йўқтурур бир дамки, бу водийда бағрим толмади,  
Эй ғазоли мушкбўй, келким, қуюндеқ қолмади  
Водие ахтармаған, истаб бу саргардон сени.

Фурқатингдин, эй парий, кўнглум хаёли заъфдин  
Фориғ эрмастур замоне қилу қоли заъфдин,  
Демаким, невчун кўрунмайсен малоли заъфдин,  
Сен парий пинҳон учун мен ҳам камоли заъфдин,  
Фойиб ўлдум эл кўзидин кўргали пинҳон сени.

Чиқти ул ой хуонига зийнат бериб, зевар тақиб  
Қатл этарга жонни зор айлаб, кўнгулга ўт ёқиб.  
Ани кўргач, кўзни дарё қилди қон ёшим оқиб  
Қон аро гар ғарқасен, эй кўз, не тонгким, бир боқиб,  
Зор кўнглумни чу қон эттинг, тутубтур қон сени.

Қани улким, соғари васлингни берсанг илгима,  
Ҳазл этиб гоҳи гулу гаҳ нуқл терсанг илгима,  
Ноумид эрмон, нечаким кирмас эрсанг илгима,  
Гарчи мумкин йўқ, vale бир қатла кирсанг илгима,  
Борса бош, элдин чиқармоқ ўзга не имкон сени.

Гарчи дей олмонки неткил, нетмагил, эй муғбача,  
Ҳажр ила жонимға ҳар дам етмагил, эй муғбача,  
Раҳм этиб ҳар дам қошимдин кетмагил, эй муғбача,

Кўз юзунгдин олмасам, айб этмагил, эй муғбача,  
Айлай олмон дийдадин ғойиб мени ҳайрон сени.

Гар мени мажнуни шайдо пўя қилсан баҳру бар,  
Йўқса шахру кўй аро ҳар ён югурсам бехабар,  
Демагилким, ҳар эшикка невчун айлабсен гузар,  
Эй парий, гар телбараб бўлмиш Навоий дарбадар,  
Будуурур мақсад ангаким, истагай ҳар ён сени.

## МУСАДДАСЛАР

### 1

Жоним ўртарга ул ўтлуқ чехра гулзори Ҳалил,  
Ани равshan айлаган кўкурд ўти ёнида нил,  
Ё раб, ул ҳусну жамол авжида юз минг ою йил  
Не жамолингға завол ўлсун, не ҳуснингга бадил  
Эй жамолинг лоязолу бебадал ҳуснунг жамил,  
Ой юзунгдур аҳсани тақвим учун равshan далил.

Турфадурким, юз уза икки лабинг гўё бўлур,  
Бир қуёш икки Масиҳоға қачон маъво бўлур,  
Кўнглум ичра қошлиарингдин ҳайратим пайдо бўлур.  
Ким, қачон бу навъ бир қурбонда икки ё бўлур,  
Зулфунгиз ҳайронименким, йилда бир ялдо бўлур,  
Ойда ким кўрди ики ялдо туни мундоқ тавил?

Ул оғиз пайдо эмастур нуктае айтилмайин,  
Бил доғи зоҳир эмас борикбинлик қилмайин.  
Ул аён эрмас адам сари назар очилмайин,  
Бу яқин бўлмас, вужуд асбобидин айрилмайин,  
Оғзингу белингнинг асрорин камоҳи билмайин,  
Мушкоғу хурдабинлар ичра тушти қолу қил.

Кўзларинг бодоми ҳажридин бўлуб жисмим сақим,  
Чиқти жоним, эй қора кўз, баски ҳажринг берди бим,  
Бу васийят қилмишамким, мушфиқу ёру надим  
Натъшима ул кўй туфроғини қилғайлар ҳарим,  
Чун қора бодом тобут узра расмидур қадим,  
Кўз жанозам сари солким, сенсизин бўлдум қатил.

Боракаллоҳ, эй сабо, аҳлан ва сахлан марҳабо  
Ким, хабар кўп бердинг ул гулчеҳрадин қилмай ибо,

Васлиға чун еттиму очти жамол ул дилрабо,  
Узлуқум борди фано елига андоқким ҳабо,  
Ишқ маҳв этти мени, сен чиқ ародин, эй сабо,  
Лима Оллоҳнинг мақомида не ҳожат Жабраил.

Нечаким сурсун Масиҳ анфоси жонпарвар калом,  
Ёки жаннат васфида Идрис қилсан эҳтимом,  
Чарх боғи бирла жаннат гулшанин қилман мақом  
Ким, манга ҳоло банақд, эй зоди сарви хушхиром,  
Сунбулунгдур уқтаи раъсу юзунг моҳи тамом,  
Оразинг фирмавсу, қад тўбию лаълинг салсабил.

Ул парийнинг чун эрур қон тўккали моҳир кўзи,  
Ул сабабдин ҳар нафас юз қатл этар зоҳир кўзи,  
Эй Навоий, сехр бирла чун бўлур нозир кўзи,  
Ҳар назарда ўлтуур мен хастани соҳир кўзи,  
Жон берур Лутфию қилмас бир назар коғир кўзи,  
Толеъимға, оҳким, усрук экач бўлди баҳил.

## 2

Ишқ зор этти халойиқ ибтилосидин мени,  
Ҳар замон бир таънагир муҳлик адосидин мени,  
Ҳажр худ куйдурди дарди бедавосидин мени,  
Ҳам ўлум қилғай халос анинг жафосидин мени,  
Эй ажал, озод қил ҳижрон балосидин мени,  
Бир йўли қутқар улуснинг можаросидин мени.

Ишқ боғи ҳолатин сўр ошиқи огоҳдин  
Ким, қазосинда тафовут йўқ гадоға шоҳдин,  
Ҳам суйи пайкон юраклар ичра қозғон чоҳдин,  
Ҳам ҳавоси ўтлуқ оҳи нолай жонкоҳдин,  
Зъғфим ошти ҳажр боғида сиришку оҳдин,  
Қутқар, эй васл, ул чаман обу ҳавосидин мени.

Неча ҳижрон ўтиға онсиз мени қўйдургасен,  
Жонима ҳар лаҳза фурқат шуъласин еткургасен,  
Нотавон кўнглумга ҳар дам юз бало келтургасен,  
Зор жисмимни ажал водийси сари сургасен,  
Эй ажал, қўрқутма ўлтургум дебон, ўлтургасен,  
Гар тирик топсанг фироқининг жафосидин мени.

Кофири ишқ ўлмишам, ишқингға имоним фидо,  
Бўлса юз имон санга, эй номусулмоним, фидо,  
Ишқ аро рашк айлади бу жисми вайроним фидо,  
Ҳажр худ қилди неким бедоду пинҳоним фидо,  
Ишқу рашку ҳажри муҳлиқ, ваҳ, анга жоним фидо  
Ким, чиқарғай бу балоларнинг аросидин мени.

Муддаий ким ҳар замон айлар жафо бунёду зулм,  
Сабру ҳушумни берур андоқ жафо барбоду зулм,  
Жон била кўнглумни айлар ул жафо ношоду зулм,  
Гарчи табъиға анинг бўлмиш жафо муътоду зулм,  
Ҳар неча ўткарса ҳаддин муддаи бедоду зулм,  
Ўткара олмас висолинг муддаосидин мени.

Дарди ҳижрон қасди жоним айлади бил, соқиё,  
Ҳажрдин жонимғадур ҳар лаҳза юз йил, соқиё,  
Уйла дард ичра эрур худ сабр мушкил, соқиё,  
Ушбу дардимға даво жоме карам қил, соқиё,  
Дерки, сабр эткил ҳакими ақл, қилғил, соқиё,  
Бир қадаҳ бирла халос анинг давосидин мени.

Чун Навоий жонини май орзуси куйдуур,  
Йўқ гадолиққа ажаб майхоналарда гар юрур,  
Журъаи дайр аҳли бергунча замоне телмуур,  
Шоҳ агар мундоқ гадони салтанатқа еткуур,  
Эй Ҳусайнний, салтанатдин онча фахрим йўқтуур  
Ким, дегайлар кўйининг хайли гадосидин мени.

## ТАРЖИЪБАНД

### I

Эй кирпики нешу кўзи хунхор,  
Жонимни неча қилурсен афгор.

Лаълинг ғамидин кўнгулда эрди,  
Ҳар қонки сиришким этти изҳор.

Ҳайҳотки, ҳажринг илгидиндур  
Жонимда алам, танимда озор.

Юзунгни кўруб мени рамида,  
Ишқ ўтиға бўлгали гирифтор.

Сен эрдинг мажлисим ҳарифи  
Ким, еди ҳасад сипехри ғаддор.

Юз ҳасрат ила мени айирди  
Васлингдин, аё, хужаста дийдор.

Эмдики фироқ аро тушубмен,  
Топқунча яна ҳариф, ё ёр.

Ёдингни қиласай ҳарифи мажлис,  
Фикрингни этай кўнгулга муnis.

### II

Жонимға қилур эсанг жафони,  
Гах-гоҳ арова кўр худони.

Дардинг била уйла шодменким,  
Ўлсам доғи истамон давони.

Сендин дер эдимки чора бўлғай,  
Ҳажр этса ҳазин бу мубталони.

Ҳар лутфки, мен тутар эдим кўз,  
Юз войки, сенда кўрмон они.

Васлинг била дедим айлайин шод,  
Бу шифтаи жони бенавони.

Қасдимға vale чекибдуур халқ  
Юз ханжару новаки жафони.

Мен доғи қачон зарурат ўлса,  
Бир гўшада ўлтуруб ниҳони,

Ёдингни қиласай ҳарифи мажлис,  
Фикрингни этай кўнгулга муnis.

### III

Гаҳ-гоҳ итим деб айлагил ёд  
Девона қулунгни, эй парийзод.

Бир лаҳзада бузди сайли ашким  
Ҳар тарҳки сабр қилди бунёд.

Ҳар руқъаки ёзди сабр ила ҳуш,  
Совуғ нафасимдин бўлди барбод.

Кўп истама кўнглум изтиробин,  
Қуш талпинурин нечукки сайёд.

Сен гарчи ғамимдин этмадинг фикр  
Ё телбалигимни қилмадинг ёд.

Султонсену йўқтурур санга хукм,  
Лекин мени дардманди ношод.

Бу ғуссаға топмасам чу тадбир,  
Ҳар лаҳза чекиб фифону фарёд.

Ёдингни қиласай ҳарифи мажлис,  
Фикрингни этай кўнгулга мунис.

#### IV

Билмонки, юзунг парийдек, эй жон,  
Невчун яна қўздин ўлди пинҳон.

То бўлди юзунг ниҳон қўзумдин,  
Ашқ ўрниға тинмайин оқар қон.

Лутфунг била бир кун этмадинг ёд,  
То тушти манга балои хижрон.

Ваҳ, қани бурунғи меҳру пайванд,  
Гўё унутулди аҳду паймон.

Бахтим кеби душман ўлдунг охир,  
Бу дардға юз нафири афғон.

Сендин манга чун ғараз сен-ўқ сен,  
Бас бўлди фироқу васл яксон.

Таҳқиқ чу англадимки, эмди  
Васлингға етарга йўқтур имкон.

Ёдингни қиласай ҳарифи мажлис,  
Фикрингни этай кўнгулга мунис.

V

Жисмингки эмас ҳаётдин кам,  
Не жисмики, руҳ эрур мужассам.

Бир-бир соғиниб лабинг ҳадисин,  
Қон йиғлар ики кўзум дамо-дам.

Фамгин тиласанг мени қутилмай,  
Фамдин тиласам ўзумни хуррам.

То бўлди бу зори хаста маҳрум  
Васлингдину ғамға бўлди маҳрам.

Чекти кўнгул андоқ ўтлуғ оҳе  
Ким, куйди шарори бирла олам.

Бу навъ шароралиғ ўтумнинг  
Таскини учун мени ҳазин ҳам.

Ранжингни тилай танимға роҳат,  
Нишингни дейин ярамға марҳам.

Ёдингни қиласай ҳарифи мажлис,  
Фикрингни этай кўнгулга мунис.

VI

Ул дуржи ақиқу лаъли сероб,  
Жузъимдин оқиздилар дури ноб.

То жоми муҳаббатингни тортиб  
Кўнглумга етишти ишқдин тоб.

Ҳам дўстлар ўлди манга душман,

[www.ziyouz.com](http://www.ziyouz.com) kutubxonasi

Ҳам тарки муҳаббат этти аҳбоб.

Сендин ажаб эрди бори, эй дўст,  
Душманлар учун тузатмак асбоб.

Маҳрум қулунгни маҳрам этса  
Васлинг ҳарамиға ҳайи ваҳҳоб,

Кўюнгни қиласай ўзумга қибла,  
Қошингни этай қўзумга меҳроб.

Ёхуд етибон хумори ҳижрон,  
Васлинг майи бўлди эрса ноёб,

Ёдингни қиласай ҳарифи мажлис,  
Фикрингни этай қўнгулга мунис.

## VII

Эй кишвари ҳусн узра ҳоким,  
Хўблар бори ҳазратингда ходим.

Буздуң бу қўнгулни ложарам мулк —  
Вайрон бўлур, ўлса шоҳ золим.

Ҳижрон мени чунки ўлтуур зор,  
Сен ҳам мадад этмагинг не лозим.

Ҳар нечаки беиноят ўлуб,  
Қилдинг мени бегуноҳ мужрим.

Уммид будурки, ёна тенгри  
Қилса мени мақдамингға азим.

Иқбол кеби туруб қошингда,

Бўлсан яна хидматингға жозим.

Васлингда ғазал тафаккур айлаб,  
Унутғамен ушбу байтниким.

Ёдингни қиласай ҳарифи мажлис,  
Фикрингни этай кўнгулга мунис.

## ҚАСИДА

Чун ниҳон қилди турунжи меҳр рахшон талъатин,  
Ошкор этти фалак бир тавқи ғабғаб ҳайъатин.

Бас хаёли равшани эрди vale андоқ дақиқ  
Ким, назаргоҳ англар эрди гаҳ йўқ аниңг диққатин.

Уйла зоҳир бўлдиким, қилғай ани кўрган киши  
Дилбарим қошиғаю менинг қадимға нисбатин.

Ё хуруси чарх қилди ошкоро шаҳпарин,  
Ёки Баҳром айлади зоҳир қиличи ҳиддатин.

Ё тушуб қолди алам устидаги рахшанда наъл,  
Чун нигунсор айлади хуршиди рахшон раъиятин.

Ё Уторуд килкида зарҳал туганди, кўкта чун  
Ёзди айни ийднинг аввалғи жузвий сувратин.

Ё фалак қаддин хам айлаб, келтуруб бир ҳалқа ёй,  
Иҳтиёр айлайдуур Доройи аъзам хидматин.

Бу ажойибдинки етти раҳбанинг аввалғиси,  
Зоҳир этти, солди туғёнға кўнгулнинг ҳайратин.

Мойил ўлди кўк тамошосиға ҳисси босира,  
Топти чун ҳар лаҳза бир аъжуба пайкар руъятин.

Бор эди иккинчи масканнинг муқиме нодире,  
Кўп билик аҳли дуруст эткан анга ўз ҳирфатин.

Су кеби ҳар зарф аро тутқан ҳам аниңг рангини,  
Ўз димоғиға солиб ғарро қасида фикратин.

Айламакка таҳният арзини байрам жашнида,  
Шаҳ вужуди чун мушарраф қилса тахти шавкатин.

Жилвагар учинчи гулшан ичра раъно шоҳиде,  
Бутратиб бўлмоққа ақл ошуфта зулфи накҳатин.

Соз этиб чангу тузуб ул унга руҳафзо суруд  
Ким, малак кўнглига солиб айш ила май рағбатин,

Чолибон нақшу амал боғлаб Навоий шеъриға,  
Ийд жашни хуш тутарға шоҳ базми ишратин.

Йўқ эди тўртунчи манзилнинг шабистонида шамъ,  
Бориб эрди ёрутурға шаҳ ҳарими хилватин.

Не учунким рўза юбсидин димоғ айларга ратб  
Айлабон майли сабуҳий, тузса базми ҳимматин.

Ҳар тараф шамъи муанбар дуди ногаҳ қилмағай  
Тийра ҳам нозук димогин, ҳам эрамваш суҳбатин.

Хукмрон бешинчи торам авжида бир қаҳрамон,  
Тифи қаҳридин томиб қон, сурса кину ваҳшатин.

Худ ила жавшан кийибу боғлабон тифу камар,  
Рустам ойин соз этиб парҳош ҳайжо олатин.

Ким, сахаргаҳ чун қабоқ майдониға отланса шоҳ,  
Оллида қилғай ясовуллуққа зоҳир журъатин.

Ўлтуруб олтинчи манзар узра бир фархунда зот  
Ким, вужуди айлабон зоҳир малойик исматин.

Руҳанглаб жабҳасидин нури тақво ламъасин,  
Ақл топиб зотидин илму саодат савлатин.

Айлабон иншоки минбар узра тангла хутбада,  
Зоҳир эткай шоҳ отидин сўнг дуою мидҳатин.

Мустиқан еттинчи дайр ичра муаммар ҳиндуе,  
Рангу сайри кўргузуб ушшоқ шоми фурқатин.

Сабрдек коҳил хирому ҳажр янглиғ тийрарўй,  
Кимса билмай жунбушу ороми тули муддатин.

Шоҳдин байрам шараф топқонни англаб, гум қилиб  
Оби ҳайвондек адам сари нухусат зулматин.

Секкизинчи соҳат узра юз туман сиймин бадан  
Зоҳир айлаб сабза узра жола ёққон ҳайъатин.

Йўқки гардун, ложуварди атласин ёпиб қазо,  
Гавҳару дур бирла соз айлаб саросар зийнатин.

Ёпқали шаҳнинг фалакваш тахтиға байрам куни  
Чун ёпар жинси башар хайлиға хони раъфатин.

Тўққузунчи боргах андоқки луъбат чодари,  
Ўйнатиб чархи мулоиб анда юз минг луъбатин.

Ким чу шаҳ байрам нашоти қилғали тузганда жашн,  
Ҳар ўюнчи зоҳир эткан чоғда лаъбу санъатин.

Шоҳнинг инъому эҳсонидин ўлғай баҳравар,  
Кўргузуб ўз фаннида ул ҳам камоли диққатин.

Бу таажжулуқ сафардин чун тааққул қилди уд,

Сайр аро қилған кеби зоҳир Уторуд ражъатин.

Чун Уторуд чархига еттим, табиат қилди майл,  
Кўргали назминки зоҳир қилди табъи жавдатин.

Ул худ эткан эрмиш ушбу шеърима фикри жавоб,  
Матлаъи бу эрди, кўрдум чунки назми риққатин:

«Эй, сенинг қошинг қилиб зоҳир янги ой хижлатин,  
В-эй, юзунг шарманда айлаб ийди акбар талъатин»

Чун бу матлаъни эшиттим, рашк туғён айлади,  
Фош қилмоқ истадим оллида табъим қувватин.

Шоҳ мадҳида бу матлаъни рақам қилдим равон  
Ким, қулоқ тутти Уторуд зоҳир айлаб ҳайратин.

«К-эй қошингнинг рашки айлаб хам янги ой қоматин,  
Ийди рухсоринг қилиб нобуд байрам зийнатин».

Чун Уторудни хижил қилдим нишоту завқ ила,  
Уйга кирдим, кўрдим анда сархуш ул жон офатин.

Келган эрмиш маҳвашим байрам ҳилолин кўргач-ўқ,  
Зойил айларга кўнгулдин савму тақво меҳнатин.

Ҳам ҳаёда кўргузуб ақли мужаррад пайкарин,  
Ҳам сафода англатиб руҳи мужассам сувратин.

Лафзи зоҳир айлабон ҳар лаҳза руҳуллоҳ дамин,  
Нутқи айлаб ҳар дам ифшо руҳи қудси ҳолатин.

Ҳам узори синдурууб хуршиди рахшон равнақин  
Ҳам дудоғи паст этиб лаъли Бадаҳшон қийматин.

Чун мени кўрдики, кирдим музтариб, қилди савол:  
Ким не ҳол ўлмиш санга, шарҳ эт анинг кайфиятин?

Юз тафохур бирла арз эттим Уторуд ҳолини  
Ким, бу матлаъ бирла синдурдум шукуху шавкатин.

Анингу ўз матлаъимни чун ўқудум оллида,  
Табъидин айлаб тамаъ кўнглумда таҳсин ғоятин.

Кулдию оллинда бор эрди қалам бирла давот,  
Ёзди бу матлаъни бир соатқа бермай муҳлатин:

«К-эй, юзунг зоҳир қилиб байрам сабоҳи сафватин,  
Анда қошинг айлабон пайдо янги ой ҳайъатин».

Мен бўлуб беҳолу масруъ уйлаким кўргай ҳилол,  
Оби ҳайвондек кўруб жонбахш лафзи лийнатин.

Ҳайратимдин шоҳ базмиға ўзумни еткуруб,  
Шарҳ этиб бу сўзни ҳайратқа солурға ҳазратин.

Ҳам Уторуд, ҳам ўзум, ҳам ул париваш назмини  
Бир-бир айлаб шарҳу айтиб ҳар бирининг риққатин.

Айлабон даъвоки, мумкин йўқ яна матлаъ демак,  
Шаҳ кулуб, зоҳир қилиб бу фанға табъи улфатин.

Филбадиҳа деб бу матлаъни ўқуб юз офарин,  
Хусраву Салмону Жомий руҳи англаб надратин.

«К-эй, ҳилолинг майли айлаб тоқ кўнглум тоқатин,  
Жон бериб, ёд айлагач ийди висолинг жаннатин».

Шоҳ чун қилди бу матлаъни адо, мулқу малак  
Чекти ун, деб офарин бирла дуойи давлатин.

Қайси шоҳ улким, азалдин ҳаққа ул эрмиш мурод,  
Халқ қилмоққа салотин гавҳарининг хилқатин.

Шоҳ Абулғозий саодат ахтари Султон Ҳусайн  
Ким, қуёшни зарра дер кўрган сипеҳри ҳашматин,

Шоҳлар шоҳи демай, ул шоҳларнинг шоҳиким,  
Ҳар бири юз шоҳлар шоҳича тутқай мукнатин.

Шоҳлиғда ғояти дарвешлиғдин кўрмайин,  
Бўрёйи фақрча заркаш сарири рифъатин.

Шоҳлар дарвешию дарвешлар шоҳики, ҳақ  
Шоҳ қилди сувратин, дарвеш қилди сийратин.

Эй жанобинг паст этиб гардуни воло поясин,  
В-эй, замиринг синдуруб фирдавси аъло нузҳатин.

Тифинга қозиб қазо «инно фатаҳно» сурасин,  
Туғунга ёзиб қадар «насрун миналлоҳ» ояти.

Жаннати лутфунг насими эсса, руҳуллаҳ дами  
Нисбатида кўргузуб дўзах духони хирқатин.

Дўзахи қаҳрингдин айрилса ҳавоға бир шарап,  
Айлаб анфоси Масиҳо барқи офат хислатин.

Зотинг ичраким эрур ҳар яхшилиғнинг жомиъе  
Ҳайи қодир зоҳир айлаб ўз камоли қудратин.

Ройинг ичраким келибдур ҳар ёруғлуғ манбаъи,

Фарди воҳид боҳир айлаб ўз жамоли раҳматин.

Чун саҳоват илги очсанг, даҳр чекмас заррае  
Зарфишонлиғда қуёш сарпанжасининг миннатин.

Чун зиёфат хони ёйсанг, жанбida топмас сипеҳр,  
Жашни луъбат Ҳотаму Бармак бисоти неъматин.

Табъинг оллинда саҳоб андоқ ҳаёдин терлабон  
Ким, ҳамул судин юб ўздин дурфишонлиғ туҳматин.

Ҳилминг оллинда жибол андоқ ўзин топиб хафиф  
Ким, таҳаттукда бегонмай барқи Хотиф суръатин.

Иш куниким кўк темур бирла таковар гардидин  
Ер фалак рангин тутуб, кийгай фалак ер кисватин.

Ер била кўкни совурмоғ бирла офат сарсари,  
Зоҳир эткай олам аҳлиға қиёмат шиддатин.

Чархи золим кийнаварлар тифин айлаб восита,  
Қатли ом ойинида тутқай ғанимат фурсатин.

Тиғлар пўлодидин парголаларни тоси чарх  
Жамъ қилғай, муздек эзмакка ажалнинг шарбатин.

Ҳар қизил воло ялов бўлғай сариф, баским қилич  
Бошқа келган чоғда, зойил қилғай анинг ҳумратин.

Шахс жисми лойи нафй ўлғай бақоси шонида,  
Хасми топқоч хасм илгидин балорак зарбатин.

Дулугодин тиғким ўт секретиб, рангин қилиб,  
Шуъласи Баҳром важҳин, дуди Кайвон жабҳатин.

Чарх миръотида аксидин шафақ қилғай зухур,  
Баски қондин лаългун қилғай қазо ер соҳатин.

Ул замон ҳар сари юзланса ҳумоюн мавкабинг,  
Солиб оғоқ ичра рустохез шайну ҳинжатин.

Тушса ҳар ён тифинг, олғай бениҳоят халқнинг  
Жисмидин бош заҳматин, боштин таманно заҳматин.

Разм майдонида тифинг чиқса ҳиндин бир нафас,  
Кимса тахмин айлай олмай хасм жисми касратин.

Ҳар бирига юз туман ётқон ўлук бўлғай насиб,  
Юз туман минг мўрнунг гардун айирса қисматин

Лаҳза-лаҳза рояти мансурунг ўлғай жилвагар,  
Эстуруб ҳақ фатҳ боғидин насими нусратин.

Разм аро ҳар шоҳнинг мулкинки олиб базм аро,  
Бир гадоға жуд этиб ани, кўруб чун зиллатин.

Хусраво, зотингни васф этмак Навоий ҳадди йўқ,  
Авло улким, зоҳир эткай бенаволар одатин.

Токи байрам шоми савм аҳли талаб қилғай ҳилол,  
Рўза ният айламай қилмақ май ичмак ниятин.

Ҳар кунунг байрам бўлуб, жоминг ҳилол ўлсун мудом,  
Кўрмагил беайш умрунг муддати бир соатин.

Лек умрунг тули юз навбат Зуҳал давронича,  
Фарз эта олса хирад минг йил анинг ҳар навбатин.

Янги ою ийд икки қуллуғчинг ўлсун, айлаган  
Сен ҳилол анинг отин, байрам бу ернинг кунятин.

## ҚИТЪАЛАР

1

### **БАДОЕЬ УЛ-ВАСАТ МУҚАТТАОТИНИНГ САРСУҲАНЛАРИ ТЕНГРИНИНГ ХАЗОНАИ КАРАМИН МАМЛУ БИЛИБ ЭЛДИН ТАМАЬ ҚИЛҒАН ДАРЕБОРИДА ХЎЙ СУЙИДИН ДУР ТИЛАГАН БЎЛҒАЙ**

Ҳақ таоло махзанин англабки холи бўлмамиш,  
Халқдин ҳар кимки жамъиятқа асбоб истагай.

Мехр оламни мунаvvар айлабон ул кулбасин  
Ёритурға тийра тундин гарм шабтоб истагай.

2

### **НАБИ ШАРЪИДИН АЁҚ ЧИҚАРҒАН КАЖРАВ ВА ҚЎЗИ ЗУЛМАТ БОДИЯСИДА ҲИДОЯТ ШАМЪИДИН БЕПАРТАВДУР**

Бу йўлда кимки наби шаръидин чиқарди қадам,  
Йўл озди чунки мутеъ ўлди ақли жоҳилиға.

Таваккул аҳлики чиқмас сафарда жодадин,  
Яқиндуурки, етар гом бирла манзнилиға.

3

### **ҲАДИС МАЗМУНИКИМ АЛҚОСИБ ҲАБИБУЛЛОҲ ҲАЗРАТ ХОЖАИ НАҚШБАНД ҚАДДАСА СИРРАҲУ МУНДОҚ БАЁН ҚИЛИБДУРКИМ:**

Нукта асносида Ҳабибуллоҳ  
Деди, алкосибу ҳабибуллоҳ.

Маъни айтур бу сўзга пири комил  
Ки, сўзи эрди ҳақ сари шомил.

Фараз эрмас бу касбдин дунё,  
Бал эрур касбдин мурод фано.

4

**ҲАДИС ТАРЖИМАСИ САҲИЙНИНГ ЎТДИН НАЖОТИ БОВУЖУДИ  
УБУДИЯТ ВА  
БАХИЛНИНГ ЖАННАТДИН ҲИРМОНИ БОВУЖУДИ СИЁДАТ**

Кирмагай жаннат ичра ҳеч бахил,  
Гарчи ул бўлса саййиди Қураший.

Бормағай дўзах ичра ҳеч саҳий  
Филмасал бўлса бандай ҳабаший.

5

**АМИРУЛ МЎЃМИНИН АЛИ КАРРАМАЛЛОҲУ ВАЖҲАҲУ СЎЗИГА  
ТАРЖИМАКИМ — УНЗУР ЛИМОҚОЛА ЛОТАНЗУР ЛИМАНҶОЛА**

Чун фараз сўздин эрур маъни анга,  
Ноқил ўлса хоҳ хотун, хоҳ эр.

Сўзчи ҳолин боқма, боқ сўз ҳолини  
Кўрма ким дер ани, кўргилким не дер.

6

**ТУЗЛУК ТАЪРИФИДАКИМ, ШИОР КИЛҒАНҒА САЪБ ИШЛАР  
ОСОНДУР ВА КУЛЛИ УМУР СУҲУЛАТ БИЛА ЯКСОН**

Тузлукка мойил ўлки, ишинг борғай илгари,

Юз мушкил ўлса йўқса минг оллингда ҳар забон.

Юз сафҳа бир қалам била котиб қилур рақам,  
Минг қўйни бир асо била ҳар ён сурар шубон.

7

**ҲУСННИНГ ЗОТИ ИСТИФНОСИ ШАРҲИДАКИМ, ТО ШАММАЕ  
АНДИН БОҚИЙДУР, ИШҚ АҲЛИФА АЖЗ ВА ЗАБУНЛИК  
МУЛОҚИЙДУР**

Таҳ-таҳ юрагим қон эди бир-бир ситамидин,  
Кўп-кўп келури чоғида келса эди оз-оз.

Кеч-кеч келури вақтида ҳам рози ўлибмен  
Бот-бот келурига қиладур анда доғи ноз.

8

**ФАНО АҲЛИНИ ЎЗ ВАҚТИНИНГ ПОДШОҲИ ДЕБТУР, БАЛКИ  
ВАҚТ ПОДШОҲИНИ  
АНИНГ ГАДОЙИ**

Гадолиғ яхшироқ аҳли фанодин  
Ки, олам ичра қилсанг подшолиғ.

Жаҳон аҳлиға, кўрким, шаҳ не айлар,  
Жаҳон таркини қилғандин гадолиғ.

9

Тирик чу охир ўлар, бас, укуш ғам муҳлиқ,  
Чекиб ажал мададига бу изтироб недур.

Чу ҳар кишики туғар, ўлмайин йўқ имкони,  
Не ишки бўлмайин имкони йўқ, шитоб недур.

**10**

Ажал чун муқаррардур ўлмак учун, бас тамаъдин  
Недур юз ғам ўтиға қуйдурмак ўзни,

Чу туғмоқдур ўлмак учун, бас не яъни  
Ўлардин бурун ҳар дам ўлтурмак ўзни.

### **ҲУКАМО ҚАВЛИНИНГ ТАРЖИМАСИ**

Уч кишидин уч иш ёмон кўринур,  
Санга арз айлай аҳли дунёдин:

Шоҳдин тундлуғ, ғанидин бухл,  
Молға майлу, ҳирс донодин.

**12**

### **ЎҒУЛҒА АНО ҲАҚҚИ АТОДИН КЎПРОҚ ЭКАН БОБДА АНДАКИ, ДУРҒА ДАРЁ ТАРБИЯТИ БУЛУТДИН ОРТУҒРОҚДУР**

Ано ўрнин ато тутмас ўғулға  
Ки, мумкиндур ўғул бўлмоқ атосиз.

Масиҳо бирла Маръямдин қиёс эт  
Ки, имкон йўқтуур бўлмоқ аносиз.

**13**

### **ГУЛШАНДА БИР САРВИ ГУЛАНДОМДИН АЙРУ БАҲРАМАНД БЎЛСА БЎЛУР КОМДИН ДЕБТУР, БАЛКИ НОКОМДИН ДЕБТУР**

Гулшан аро гул хадде агар йўқ,  
Гул, бас, кишининг тараб физойи.

Гар лоларух хитойи анда  
Топилмаса, лолаю хитойи.

**14**

**ЯХШИ ХОТУНЛАР САФОЙИ РЎЗГОРИ ҚУЁШ НУРИФА  
МИСОЛДУР ВА ШАМСНИНГ МУАННАС ЭКАНИ МУНГА ДОЛ**

Яхши хотунлар сафойи зуҳидин  
Оlam ичра гар ёруғлуқ бўлса фош,

Йўқ ажаб, чунким араб алфозида  
Истилоҳ ичра муаннасадур қуёш.

**15**

**ЎЗ МАНЗУРИНИНГ КАЖ НАЗАР ТАВОБИЪИДИН БАДҲОЛ ВА  
БЕБАСАР ЛАВОҲИҚИДИН ХОТИРИДА МАЛОЛ ИЗҲОРИНИ  
ҚИЛУР**

Бизинг ғазолаи мушкин тавобиъин кўрким,  
Қадим нигундурур ул хайл меҳнати юкидин.

Агарчи итча эмастурлар одамийлиғда,  
Бу турфадурки, қалинроғдурурлар ит тукидин.

**16**

**САБЗАИ ХАТНИНГ АВВАЛ ЧЕКИНУ УЛҒАЯ ҚИЁФ ЭКАНИ ВА  
АВВАЛ ЧЕКИЛУРИН ВА СЎНГРА КИЁДИН ДЕГАНИ**

Чекилур эрди сабзаи хатти,  
Кўнглум ичраки дедим ани чекин,

Бу чекин кўйи эмди бўлди қиёғ  
Ки, кўнгулни қияр қиёғ бикин.

17

**САЛОМАТ АҲЛИНИНГ МАЛАКВАШЛИҚҖА МАЙЛИ ВА ЎЗИДЕК  
МАЛОМАТИЙЛАРНИ ШАЙТОН ХАЙЛИ ДЕБТУР**

Малак атбоъидуурлар ул хайл  
Ким, алар келди саломат аҳли.

Мену шайтонға татбиғким, эрур  
Мендек ул доғи маломат аҳли.

18

**АРЗИ ҲОЛИНИ ҲИММАТИ ЧАРХ ПАЙВАНДЛАРҒА ДЕМАК ВА  
САВОЛНИ ЗАМИРИ ХУРШИД МОНАНДЛАРДИН ҚИЛМОҚ  
МУНОСИБ ДЕБТУР**

Бийик ҳимматлик элга арзи ҳол эт,  
Замири нурпош элдин савол эт.

Ки бор абри баҳоре гавҳарафшон,  
Чоқин ҳам олам ахлиға зарафшон.

19

**МУТАСАЙИДИ НОПОҚ, НОДОН, ФОСИҚ БОБИДА**

Сени сайиди пок, донойи зоҳид

Дедим, эй улусқа сўзунг фитна солғон.

Ажаб кимсасенким, ҳам аввалғи мисроъ,  
Сенинг давлатингдин дедим тўрт ёлғон.

20

**БОБОБЕК ЎҒЛИ ФАВТИНИ АДО ҚИЛИБТУР ВА УЛ ЎҒИЛ  
БОБОСИНИ ДУО**

Агар Бобобек ўғли айлади нақл,  
Ҳақ этсун равзани маъвоси аниng.

Ўғил гар борди тенгри раҳматиға,  
Яшасун қарилар бобоси аниng.

21

**МАХФИЙ РОЗНИ ХУҚҚА ИЧИНДАГИ МУШК ИСИ ДЕБТУРКИМ,  
ХУҚҚА ОЧИЛСА, УЛ ИСИНИ НЕ ЙИГИШТУРСА БЎЛУР, НЕ  
ЁШУРСА**

Розни асра, чунки фош эттинг,  
Яна пинҳон бўлурни қилма ҳавас.

Кўнглунг ичра нафас кебидур роз,  
Қайтмас, кимсадин чу чиқти нафас.

22

**МАЗЛУМ ОҲИ БАРҚИДИН ХАБАР БЕРУРКИМ, ЯШМ БИЛА  
ДАФЪ БЎЛМАС БАЛКИ ЛУТФ СУИИ БИЛА ЎЧУРМАГУНЧА ДАФЪ  
БЎЛМАС**

Эйки, истарсен ҷоқин дафъиға яшм,

Ўзга текмакка бериб имконға йўл,

Бехабар мазлум оҳи барқидин  
Ким, чоқиндин доғи сўзонроқдур ул.

Турфароқ буким, санга маҳсус эрур,  
Гар санга жонинг керак, огоҳ бўл.

23

**ДОНО НУКТАСИНИ НОДОН ЭШИТМАСА, ҚОЙИЛҒА НЕ ЗИЁН,  
ГАВҲАРЕКИ БУ СОЧАР, УЛ ТЕРМАСА, МУНГА НЕ НУҚСОН**

Биравқим хирадмандинг нуктасин  
Қулоғиға олмас, не нуқсон мунга.

Жавохирни термак анга саъб эса,  
Эрур сочмамағлиғ худ осон мунга.

24

**ШОҲИ ҒОЗИЙНИНГ КАРАМИ ДАРЁСИН ВА РАВШАН ЗАМИРИ  
ХУРШИДИ ОЛАМОРОСИН ДЕБТУРКИ, УЛ ЕЛ БИЛА ЛОЙ ВА БУ  
ГАРД БИЛА ТИЙРА БЎЛМАС**

Шоҳи Гозий эрур карам тенгизи,  
Поку софий замиру равшан рой.

Ҳарза қўп сўздин ўлмаса тийра,  
Баҳр ел касратидин ўлмас лой.

25

**НОДОННИНГ ҲАРЗАСИН АНКАР УЛ-АСВОТ ДЕБТУР ВА МУНИНГ  
ДАЛИР АЙТУРИН АНИНГ САВТИДА АНГА АДАМИ ИЛТИФОТ**

Агар нодон маҳалсиз ҳарзаким айтур, далир айтур,  
Қулоққа ёқмаса, манъиға танбиҳ айламак бўлмас.

Эшак савти қаломуллода келди анкар ул-асвот,  
Анинг савтиға тақрибу таҳоши истамак бўлмас.

**26**

**РАЗИЛИ БЕҲАВСАЛА МУКНАТ КЎРСА, ЎЗИН АЗИЗ ТУТМОҚ НЕ  
ФАРИБ ВА ЖОҲ МАЙИ НАШЬАСИДИН ЎЗИН УНУТМОҚ НЕ  
АЖИБ**

Чу разл ҳавсаласиздур, не тонг, агар ногах  
Етишса мукнат анга, аржуманд тутқай ўзин.

Чу сукр боиси нисён эрур ажаб эрмас  
Ки, жоҳ ани чу маст айлагай, унутғай ўзин.

**27**

**МАЙДИН ТАВБА ҚИЛҒАНГА НИҚУҲИШ ВА БАНГГА БОШ  
ИНДУРГАНГА САРЗАНИШ**

Совуқда қочибон ўт шуъласидин,  
Тезак дуди сари қилмоқдур оҳанг.

Киши зуҳд ичра майдин тавба айлаб,  
Нашот андин хаёл айлаб емак банг.

**28**

**ШОҲИ ҒОЗИЙ БИЛА НАВВОБИНИ АНБИЁ САРАФРОЗИ БИЛА  
АСҲОБИҒА ТАШБИҲ ҚИЛИБДУР**

Бизинг шоҳ ул сифатким бори шаҳлардин эрур мумтоз  
Эрур нойиблари ҳам буйла яъни давлат арбоби.

Ўзи шаҳлар аро хайли нубуватда Мухаммаддек,  
Ва лекин беклар анинг оллида пайғамбар асҳоби.

**29**

**ПОҚДОМАН ЗУАФОКИМ ЭТАКЛАРИДИН ЎРУННИ ЭРАНЛАР  
САЖЖОДАСИ МЕҲРОБИҒА ТИРОЗ ҚИЛСА САЗОДУР ВА УЛ  
МЕҲРОБДА НАМОЗ ҚИЛСА, РАВОДУР**

Поқдоман зуафодин неки зоянда бўлур,  
Рұҳпарвардуру жонбахш зиҳн хилқати пок.

Кўрки, Маръямға ўғил Исои руҳуллоҳ эрур  
Урса бу ҳолға нопок улус таън не бок.

**30**

**ЭРНИ ХУРУС ДЕБТУР ВА КУЛАҲ ГЎШАСИН АНИНГ ТОЖИ,  
НОМАРДНИ МОКИЁН ДЕБТУР ЕМАКТА НАЖОСАТ МУҲТОЖИ**

Эр уруб лаъл тож ила гулбонг,  
Зангваш эл қайси ҳарзаким демагай,

Вақтида тортибон хурус нидо,  
Не нажосатки мокиён емагай.

**31**

**ЎЗИН ФИСҚ ИЧИНДАГИ ҚОРИ КОФИР ДЕБТУР ВА АНИ  
ТАРЖИҲ ҲАМ ҚИЛИБДУРКИМ, ЎЗИДА БУ ҲОЛ НИҲОН ВА АНДА  
ОШКОР ЭРКАНИН БИЛИБТУР**

Эй Навоий, бир қори коғирни қўрсанг ишқ аро,  
Кўрма анинг ҳолатин ўз ҳолингдин кўп йироқ.

Сенда бу ҳолат ниҳоний келди, анда ошкор,  
Лекин ул якранглик бобида сендин яхшироқ.

32

**ШАҲНИНГ АДОЛАТИ ОЛАМНИ ҚУЁШДЕК РАВШАН ҚИЛУРИДА  
ВА ЗУЛМДИН ТИЙРАЛИК ЁЙИЛУРИДА АЙТИБДУР**

Қуёшдек шаҳ адолат пеша қилса,  
Жаҳон мулкини бир дамда ёрутғай.

Агар зулм этса ақшом зулматидек,  
Ҳамул дам тийралик оламни тутғай.

33

**ХЎБКИМ ШАМОЙИЛИДА ОНСИЗ БЎЛҒАЙ, АНИ СУРАТҚА  
ТАШБИҲ ҚИЛИБДУРКИ, ЖОНСИЗ БЎЛҒАЙ**

Хўбким, йўқтур шамойил бирла ширин сўз анга,  
Сайди бўлмас эл, нечаким бўлса зебо суврати.

Хилъатин зарбафт дебодин гар этсун бил яқин  
Ким, намудор ичрадур зарбафт дебо суврати.

34

**МУТОЯБА РУХСАТ БЕРГАН НАВКАР БОБИДАКИМ, ЯНА  
ИХТИЛОТИ БЕҲАМИЯТЛИФДУР ВА БЕҲИММАТЛИФ**

Чу навкарга бердинг ижозат, яна

Келиб, қиласа хидматқа қўлдошлиқ,

Бил андокки, жуфтунга берсанг талоқ,  
Яна истагай қилмоқ ўйношлиқ.

35

**МАНЗУРНИНГ ҲУСНИ БАҲОРИ ОЛУ ГУЛИДИН САПИДА ҚИЛИБ,  
ШАФТОЛУ ГУЛИДИН ГУЛГУНА ҚИЛГОНИ**

Ул баҳори ҳуснинг рухсорини деҳқони сунъ  
Арғувони тўн уза айлабдуур олу гули.

Турфа кўрким, бир чамандур оразиким, даврида  
Очилур олу гули, ўртада шафтолу гули.

Ҳусну раънолиқ била дастори узра сончибон,  
Ваҳки, шафтолу гулидур ё эрур солу гули.

Барча бир саридур, улким айлабон қаддимни хам,  
Ашким этти лаъл, эрур даклай уза долу гули.

36

**ТИЙРАЛАР ТАҚАДДУМИН АҲЛИ САФОҒАКИМ БУЛУТ БИЛА  
ҚУЁШДИН ЗОҲИРДУР, ДАЛИЛ КЎРГАЗМАҚ**

Гар тийралар тақаддуми аҳли сафоға бор,  
Бу нуктани муомаладин кўрма ташқари.

Даврон ароки кўрайи сўзу гудоз эрур,  
Шуъла эрур ҳамиша қуйи, дуд юқори.

37

**ШАҲ ЛУТФИ ОМ БЎЛСА ҲАМ, БАРЧАҒА ТЕНГ ТАРБИЯТ  
БЎЛМАСҚА ЖИҲАТ АЙТУР ВА ХУРШИДДИН РАВШАН ДАЛИЛ  
КЎРГИЗУР**

Шаҳ лутфи гарчи бўлса кўп қобил, топар нашву намо,  
Беважҳдур, бу нуктага ҳар кимсаким диққат тутар.

Гарчи қуёштин парвариш олам юзига омдир,  
Саҳрода қумғоғу тикан, бўстонда сарву гул бутар.

**35**

**ТОЖНИНГ ТАРКИН ИСТАБ, ДАРДИСАРДИН ШИКОЯТ ҚИЛУР**

Тож кўп дардисар берур бизга,  
Зулмидур ақлу хуш торожи.

Бошимиздин бу тожни гум қил,  
Барча гар бўлса салтанат тожи.

**39**

**ЎЗИ СЎЗИ БОБИДА ДЕРКИМ, МУҚОБАЛАДА ҲАР КИМ ИЛИК  
УРҒАЙ, АММО ҚАЛАМ СУРА ОЛМАҒАЙ ВА ОРЗУ ҚИЛҒАЙ ВА  
ЛЕКИН ТИЛГА КЕЛТУРА ОЛМАҒАЙ**

Эй Навоий, сўз ила онча гуҳар сочtingким,  
Баҳру кон кирди қора ерга сенинг килкингдин.

Бирига, ё ўниға, ё юзига, ё мингига,  
Дегай эл найлагай ортуғ эса эллик мингдин.

**40**

## **ЎЗ НАЗМИНИНГ РУТБАСИ ПОЯСИН ТИЪДОД ҚИЛУР ВА ҲАР БИРИГА МАРТАБАЕ ИСНОД ҚИЛУР**

Навоий шеъри тўққуз байту, ўн бир байт, ўн уч байт  
Ки, лавҳ узра қалам зийнат берур ул дурри макнундин.

Буким албатта етти байтдин ўксук эмас, яъни  
Таназзул айлай олмас рутба ичра етти гардундин.

**41**

## **ФАЛОКАТДИН АЁҒИҒА КАФШ БЎЛМАҒАНГА ЧУН КАФШ УЧУН АЁҒИ БОР ШУКР ВОЖИБДУР**

Улки, ифлосдин аёғинда  
Кафш йўли азми чоғи йўқтур аниng,

Шукр қилдик боқиб бирав сари  
Ки, юрурга аёғи йўқтур аниng.

**42**

## **МАСХ БОБИДАКИМ, МАСХАРАЕДУР БЕТАРИҚ ТАКАЛЛУМ СУРМАК**

Фалон масх агар чин десун, йўқса акс,  
Аниng асл зотиға не бокдур

Ки, коёкни акс ҳам қилсалар,  
Вуқуф аҳли оллинда коёкдур.

**43**

## **ЎЗИ ТАМАЪ ВОДИЙСИН ҚАТЪ ВА ТАЛАБ БОДИЯСИН ТАЙ ҚИЛҒАНИН АЙТУР**

Эй Навоий, олам аҳлида тамаъсиз йўқ киши,  
Ҳар кишида бу сифат йўқтур, анга бўлғай шараф.

Сен агар тарки тамаъ қилсанг, улуғ ишдур буким,  
Олам аҳли барча бўлғай бир тараф, сен бир тараф.

**44**

**ЎЛУМДИН АШРАФ ДИН ИЛМИДУР, АНДИН ҲАМ ҒАРАЗ АМАЛ,  
ЙЎҚ ЭРСА ДИН ВА ДУНЁДА ХАЛАЛ**

Илми дин касб қилки, суд эрмас,  
Чарх мушкилларини ҳал қилмоқ.

Лекин ул илм доғи нафъ этмас,  
Билибон бўлмаса амал қилмоқ,

**45**

**ШАҲНИНГ ҚУЁШҚА МУШОБАҲАТИНИНГ ДАЛОЙИЛИ ВА ҲАР  
ҚАЙСИНИНГ НАФЪ ВА ЗАРАР ЖИҲАТИДИН МАСОЙИЛИ**

Шаҳни доноким қуёш дебтур, анга будур далил  
Ким, қуёш янглиғ эрур файзи жаҳон аҳлига ом.

Ойдин ансаб йўқ нима хуршиддин файз олғали,  
Кўрки, ул доғи эрур гоҳи ҳилолу гаҳ тамом.

Бир кеча-кундузда даврон гаҳ қоронғу, гаҳ ёруқ,  
Чарх анинг бир даврасинда гоҳ субҳу гоҳ шом.

Чун қуёшқа будуур ҳолат, ажаб йўқ, шоҳ ҳам  
Бўлса ўз тобиъларидин гаҳ рамида, гоҳ ром.

**46**

**БИРАВ ДУНЁЛИК НАЖОСАТИГА ОЛУДА БЎЛСА, ДУНЁ АҲЛИ  
ТАМАВВУЛИ СЎЗИН ОРЗУ БИЛА ДЕРЛАР, БАЛКИ ҲАСРАТ ҲАМ  
ЕРЛАР**

Дунё аҳлидин агар топти тамаввул бириси  
Ўзгалар ҳасрат ила моли ҳадисин дерлар.

Бири худ ботти нажосат ичига бўғзиғача,  
Ўзгалар ушбу нажосатқа ҳасад ҳам ерлар.

**47**

**АМИРУЛ МЎЃМИНИН АЛИ КАРРАМАЛЛОҲУ ВАЖҲАҲУ  
КАЛОМИНИНГ ТАРЖИМАСИ**

Замона аҳли эмаслар атолариға шабих,  
Эрур замонға мушобиҳ аларға ҳар хислат.

Мутиъ эрурлар ангаким, замондин олғай ком,  
Аду ангаки, етишкай замонадин шиддат.

**48**

**РОЗ ГАВҲАРИН КЎНГУЛ МАХЗАНИДА ЁШУРА ОЛМАҒАНҒА, ЯНА  
БИРОВ ФОШ ҚИЛҒАНДИН ШИКОЯТ ТЕГМАСЛИКДА**

Ҳар кимки қўнгул махзанида ёшурга олмай,  
Сочқай тилига келтуруубон махзани розин,

Топшурғай эшиктангаки, фош айламагайсен,  
Ҳам нуктаи таҳқиқину ҳам сирри мажозин.

Чун ганж иёси нақдни ҳар ён ўзи сочқай,  
Бемузд ажаб йўқтур, агар сойғаса хозин.

**49**

**АБНОЙИ ЖИНСИМДИН ХАЛҚ ГИЛАМАНД ЭДИЛАРКИМ, ЭЛДИН  
НОМАҚДУР ОЛУРЛАР, НИМА БЕРМАС ДЕБ МЕНДИН ҲАМ  
ШИКОЯТ ҚИЛУРЛАР**

Менинг абнойи жинсимдин шикоят бу эди элга  
Ки, номақдур олурлар, бу шикоят худ ажаб эрмас,

Ажаб будурки, мендин ҳам шикоят зоҳир айларлар  
Ки, номақдур олам аҳли ҳар неким тилар, бермас.

**50**

**ХАТНИ ТАРОШ ҚИЛУРДИН Ё ЯРАМАСЛИҒНИ ИСБОТ ҚИЛУР ВА  
Ё ЯРАР ДЕМАКИН УЁТ БИЛУР**

Эйки, юз сафҳасида хаттинга юзланди тарош,  
Яна дерсенки, бу хат яхшилиғида йўқ шак,

Яхши эрса, не учун бас ҳар икки-уч кунда  
Тиф тортарсену боштин аёғ айларсен ҳақ?

**51**

**ИССИҚ ХАВОДА СОВУҒ СҮНИ ДЕРКИМ ДЎЗАХ АРО ЗУЛОЛИ  
КАВСАРДУР ВА АНИНГ ИЧИНДА МУЗ БИЛЛУРИ ТАР**

Хуш кўрармен даҳрни совуғ су бирлаким, бу ёз  
Бўлди иссиғдин қуёш кўзларга чатри санжари.

Бир аёқ музлуқ су жоми Жамдуур, невчунки бор  
Бир аёғ оғзича муз ойинаи Скандариј.

52

**ТАМАЬ ТУХМИН СОЧМОҒНИ МАНЪ ҚИЛУРКИМ, АНДИН  
ПУШАЙМОНЛИГДИН ЎЗГА БАР ЙЎҚТУР ВА МАЗАЛЛАТДИН  
ЎЗГА САМАР**

Навоий, тамаъ тухмини сочма кўп,  
Риё ашқидин анга су очма кўп,

Амал мазраъин эккали берма ер,  
Ҳавову ҳавас хирманин елга бер.

53

**РИЁ МАЗАЛЛАТИДА СЎЗ ДЕР АГАРЧИ КАЪБАДУР ВА ФАНО  
МАДХИДА НУҚТА СУРАРДА ГАР ХУД БУТКАДАДУР**

Риёйи Каъбадин дайри фаноға  
Кириб, гар бутка зоҳир қилдим имон,

Мени ёзғурма, эй шайхи риёйи  
Ки, гар кофур эдим, бўлдум мусулмон.

54

**ҚАЛАМ АДҲАМИ ХУШ ХИРОМИДИН ВАРАҚ КОФУРИ  
МАЙДОНИДА СҮРМАККА ТАСКИН ТИЛАР ВА ОҚУ ҚОРА МАДҲИ  
ТАРКИНИ ОЙИН ИСТАР**

Кофур уза мушк олиб кўп ҳарза рақам чектим,  
Эйки, кошки бу ишдин ҳақ берса манга тавба.

Оқу қора мадҳида ҳар неки дедим, ёқмас,  
Эмди бу мазаллатдин оқ тавба, қора тавба.

55

**РОЙИХА УЧУН ГУЛОБ ВА ОЛМА ҚАЗОНИНИГ КИЧИКЛИККА  
ЖИҲАТ АЙТУР ВА МУХТАСАРЛИГИФА МУНОСАБАТ**

Олмаву гулоб қайнатурға  
Табъи эрмас улуғ қазонға роғиб.

Демак бу қазон кичикдур асрү,  
Эрмас мунга ҳиммат аҳли толиб.

Ким руҳ ғизосининг қазони,  
Мундин ҳам улуғ эмас муносиб.

56

**ШОҲИДИ РАЪНДОИН ЛАЪБ АНДУЗЛИҚ ТИЛА ВА РИНДИ  
ФАРЗОНАДИН ЖОНГУДОЗЛИҚ ВА ДИЛСЎЗЛИҚ ИСТА**

Ҳарзагард ўлди шоҳиди раъно,  
Лек жонсўз ринди фарзона.

Ул парий рост уйлаким кўпалак  
Бу бир, аммо нечукки парвона.

57

**ЎЗ ИСЁНИНИГ ШИДДАТ ВА КАСРАТИН ДЕР ВА ҲАҚ ҚАРАМИ  
ОЛЛИНДА АНИ АФВ ҚИЛМОҚНИНГ СУҲУЛАТИН**

Қилибмен онча исёнким, агар дўзах аро кирсам,  
Менинг беҳад гуноҳим бирла дўзах сарбасар тўлфай.

Худоё, афв осонроқдуур, йўқса ғазаб қилсанг,  
Магарким ўзга дўзах, ўзга ўт, ўзга азоб ўлғай.

**58**

**ДЎСТДИНКИ ДУШМАН ХЎЙИ БЎЛҒАЙ, ДУШМАН  
ЯХШИРОҚДУРКИ, ДЎСТ РЎЙИ БЎЛҒАЙ**

Ниҳоний игна санчар ёрлардин  
Адувваш новакафганлар кўп ортуқ.

Мунофиқ шева золим дўстлардин  
Мухолиф табъ душманлар кўп ортуқ.

**59**

**АШҲАБНИНГ ТУВОФИ БЕРКЛИГИН ТЕМУРГА ЎХШАТҚОНДЕК  
ЎЗИН ҲАМ БЕРК ЭКАН ЖИҲАТДИН ТЕМУР БУЗ ДЕБТУР**

Фалоннинг сархун отики гар эрур берк,  
Қилур таъвил ақли нуктаомуз

Ки, гўё ғояти маҳкамлиғидин,  
Анинг отини дебтурлар Темур бўз.

**60**

**БАРЛОСБЕК БИЛА ХОЖА МАЖИД БОБИДА АЙТИЛИБДУР ВА  
ДУО ҚИЛИБТУР ВА МУСТАЖОБ БЎЛУБТУР**

Тутулмиш эди Мажид Барлос бекка  
Ким, айтур эдиким бу янглиғ қутулғай.

Қутулди улу бу тутулди, илоҳий,  
Тутулғон қутулғай, қутулғон тутулғай.

**ЧИСТОН  
(ЛУҒЗ)  
1**

**ҚАЛАМ**

Не лўлидурки, чун ҳангома тутса,  
Қадам боштин қилиб тортар навозир.

Бошин кескандин ортиб анга таҳрик,  
Тилин ёрғандин ўлуб анга таҳрир.

Қора суға бошин юз ғута берса,  
Тўлар оғзию бўлмас лек дамгир.

Киромул котибин андин қилиб сабт,  
Эл эткандин ямон-яхшини бир-бир.

Вале ошиқ била Мажнун ишига  
Қазо еткурмай андин ранжу ташвир.

Биҳамдиллаҳки, оллимда азалдин  
Жунуну ишқ ёзди килки тақдир.

**2**

**ТАНГА**

Не шўх эрурки, улус кўнгли ичра савдоси  
Анинг юзидағи хатлар кеби муҳаррардур.

Кумушдуур танию қиммати аниг лекин  
Ун икки ўз танидек важҳ ила муқаррардур.

Ишида ул ўн икки ҳар бирисидур динор

Ки, адл сиккасидин юзларида зевардур.

Магарки англади хумсул муборак асрорин  
Ки, сони бу адад ўлмиш, агарчи юз мардур.

Гадоға хумсидин ар салтанатдуур, не ажаб,  
Қачонки беклик анинг рубъидин мұяссардур.

### 3

#### ИГНА

Қайси айёр эрким улким, нақб ураг санъатда бор  
Бир синон янглиғ аёфдин, бош қотиқлиғдин тани.

Нозанинларнинг либоси нечаким сангин эрур,  
Тору пуди кўзларидин ичкари кирмак фани.

Пардаи исматда ҳар гулрухки урсун лофи зуҳд,  
Кўнглакининг дарз-дарзи ичра кўрмишлар ани.

Бу сифатким топти ул айёрлиқ сарриштасин,  
Тонг эмасдур, гар отин қўйғайлар анинг сўзани.

### 4

#### МИҚРОЗ

Не қушлар эркин аларким, бираардуур қаноти,  
Қанотининг учida ҳар бирисига минқор.

Бирор аёғлари ҳам бору турфароқ буким,  
Аёғ учida бирор кўз ҳам эттилар изҳор.

Қачон аёғларин олмаштуурлар, ул соат

Қанот урарға бўлурлар туюрдек тайёр.

Қанот кўп урмоқ ила қари учарлари йўқ,  
Учарда гарчи қаридуру аларға истизҳор.

**5**

**ЎҚ**

Не қушдуурки, учар уч қанот била, лекин  
Агар қўнгар ҳам, очиқдур қанотлари бори,

Қаноти саридур оғзи валек доим очуқ,  
Бу турфароқки, бўлур қўйруғида минқори.

Эрур анинг кеби туз қўнгли ошёнида ўқ,  
Сипехр жаъбасидин истасанг намудори.

**6**

**АНОР**

Не мажмардур, тўла ахгар, vale ул мажмар андоми,  
Эрур сунъ илгидин гоҳи мусаддас, гаҳ мусамман ҳам.

Чиқар равзандин ахгар дудиу бу турфаким, анинг  
Ўтиға дуд йўқтур, мажмариға балки равзан ҳам.

Ўту мажмар дема, бор ул садафким, дурларин анинг  
Эвурди қонға даврони мушъабат чархи пурфан ҳам.

Агар бу навъ эмас, бас не учун бормоқ кучи бирла  
Бўшар жисми, оқар қони, анга мажруҳ ўлуб тан ҳам.

Нечаким табъи норидур ва лекин меъда нориға  
Берур таскин, мунунг нафъин топибмен воқиан мен ҳам.

**7**

**БЕЛ**

Не навъ пайкари конидур ул узун тиллик  
Ки, оғзиға қоқилур бир узун ёғоч маҳкам.

Мунунгдек оғзини маҳкам қилиб эмас мумкин  
Ки, ул узун тилидин ҳеч навъ қилғай кам.

Тепарлар ончаки мақдур эрур ва лекин ул  
Бу тепмак ила қотиқ ерни чок этар ҳар дам.

Бу навъ ер ёра олмас жаҳонда ул кишиким,  
Йўқ эрса белида куч гар ани, дегил Рустам.

**8**

**ЮМУРТҚА**

Ул хуққаи ожким, қилурлар гулфом  
Ким, жавфи панири маскадин тўлди тамом.

Ким ани уруштироғидин истар ком,  
Ноком ани ушатғусидур ани ноком.

**9**

**ПОКИ**

Не пайкардурки, айлар ножиҳин тез,  
Ўзи бирладуур масофий.

Магар Баҳроми Чўбин наслидинdur  
Ки, аҳволида зоҳирдур хилофи.

Равондур тиғи эл бошида доим,  
Вале ўз кўксидур анинг ғилофи.

Бу ҳолатқа, тонуғдур эл бошининг,  
Сафоси, доғи ўз кўкси шикофи.

Чу мен қилдим аён поки нишонин,  
Керакким, топқай эмди табъи софи.

## 10

### ПАРВОНА

Ул қушки, таашшуқдуур андиша анга,  
Бир нахлғаким шомдадур беша анга.

Шохи учидин аён бўлуб реша анга,  
Гул очмақ ўшул решасидин пеша анга.

## ТУЮҚЛАР

1

Ё раб, ул шаҳду шакар, ё лабдуур,  
Ё магар шаҳду шакар ёлабдуур.  
Жонима пайваста новак отқали  
Ғамза ўқин қошиға ёлабдуур.

2

Жавр ўқин жонимға соқий ёзмади,  
Васл жомидин хуморим ёзмади.  
Килки қудрат сабз хатлар ишқидин  
Ўзга иш оллимға гўё ёзмади.

3

Ё қошингдин неча бир ўқ кўз тутай,  
Отки, ўтрусиға анинг кўз тутай.  
Неча қўргач ўзга маҳвашлар қошин,  
Янги ой қўрган кишидек кўз тутай.

4

Лаълидин жонимға ўтлар ёқилур,  
Қоши қаддимни жафодин «ё» қилур.

Мен вафоси ваъдасидин шодмен,  
Ул вафо, билмонки, қилмас ё қилур.

5

Бовужуд ул юз эрур гулгунасиз  
Ким, кўрунур оллида гулгунасиз.

Юз қизиллиқ йўқтуур, эй аҳли зухд,  
Токи мункирсиз майи гулгунса сиз.

**6**

Чарх тортиб ханжари ҳижрон бу тун,  
Кўймади бир зарра бағримни бутун.  
Тунга бориб бизни беҳол айладинг,  
Не балолиғ ер эмиш, ё раб, бу тун.

**7**

Ўткали ул сарви гулрухсоридин,  
Йўқ хабар ул сарви гул рухсоридин.  
Ҳажридин боғ ичра берур ёдима  
Қоматидин сарву гул рухсоридин.

**8**

Тиғи ишқинг ёрасидур бутмаган,  
Дардини ҳар кимга айтиб бутмаган.  
Ҳажр сахросидур оҳим ўтидин,  
Анда гул ёхуд гиёҳе бутмаган.

**9**

Ваҳ, қачонға тегру ишқинг кожидин  
Кўзума ҳар лаҳза ўт ҷоқилғуси.  
Басдуур қўнглумда ишқинг, ёқма ўт  
Ким, ҳарорат ул ҳам ўтча қилғуси.

**10**

Ул парий ишқида бу девонани  
Эйки истарсен, келиб гулханда қўр.

Бир қадаҳ ул гулни хандон айлади,  
Эй кўнгул, наззора қил, гулханда қўр.

**11**

Ёғди жаврунг ўқи ҳажринг тошидек,  
Қилди қон кўнглум ичин ҳам тошидек.  
Сочқали моҳим аёғиға сипеҳр,  
Кўз ёшимнинг лаълу дуррин тошидек.

**12**

Нақш тушмиш қўзда ул ёшим менинг,  
Уйлаким, бормас буён ёшим менинг.  
Комим ўлмоқдур ҳабибимдин йироқ,  
Гар худ ўлсун Хизрча ёшим менинг.

**13**

Неча дедим ул санамға бормағин,  
Қилмади ул тарқ охир бормағин.  
Мунчаким худройлиқ кўргузди ул,  
Ақл ҳайрат қилди, тишлаб бормағин.

## КЎРСАТКИЧЛАР

### ТАРИХИЙ, АДАБИЙ ВА МИФИК ШАХСЛАР НОМИ

**Аёз** — ғазал 613, 6.

**Афридун** — ғазал 492, 5; 617, 6.

**Бармак** — қасида 7, 4.

**Баҳром** — ғазал 372, 6; қасида 1, 4; 8, 2.

**Баҳром Чўбин** — чистон 9, 2.

**Бобобек** — қитъа 20, I.

**Булаҳаб** — ғазал 213, 6.

**Булқосим** — ғазал 393, 6.

**Вомиқ** — газал 16, 3; 79, 4; 142, 7; 155, 2; 200, 2; 202, 6; 296, 7; 584, 4.

**Доро** — қасида 1, 7.

**Жабраил (Жибрил)** — ғазал 290, 8; 650, 4; мусаддас 1, 5.

**Жам (Жамшид)** — ғазал 59, 5; 69, 6; 83, 7; 105, 13; 148, 9; 173, 6; 266, 8; 281, 7; 316, 6; 324, 3; 331, 6; 334, 4, 6; 361, 7; 396, 6, 7; 397, 6; 413, 6; 419, 6; 476, 1; 492, 5; 570, 7; 624, 6; қитъа 51, 2.

**Жомий** — ғазал 215, 7; 650, 9; қасида 5, II.

**Зол** — ғазал 141, 6; 215, 5.

**Идрис** — мусаддас 1, 6.

**Исо (Масих, Рахуллоҳ)** — ғазал 1, 3; 6, 2; 10, 2. 4; 22, 2; 31—3 33, 1, 2; 59, 4; 82. 5; 83, 2; 87, 4; 93, 4; 101, 2; 103, 1, 9 105, 6; 121, 3; 135, 4; 145, 4; 156, 6; 176, 1; 178, 2; 193, 2 196, 2; 203, 3; 227, 3; 234, 5; 235, 3. 4; 250, 1; 258, 3; 276, 3 285, 1; 324, 5; 326, 1; 351, 2; 374. 5; 376, 5; 386, 4; 393, 3, 4 416, 1; 417, 2; 442. 7; 476, 2; 495, 4; 512, 5; 521, 3; 555, 4; 578, 1, 2; 602, 7; 606, 4; 623, 5; 639, 5; 645, 5; мухаммэс 1, 3; мусаддас 1, 2; қасида 6, 11; қитъа 12, 2; 29. 2.

**Лайли (Лайло)** — ғазал 9, 5; 32, 1; 43, 4; 45. 6; 67, 2; 144, 7; 146, 4; 157, 3; 161, 9; 176, 2; 177, 5; 184. 5; 213, 5; 257, 5; 275, 1; 305, 4; 337, 5; 344, 1; 415, 4; 444. 2; 463, 8; 493, 4; 601, 3; 640, 3.

**Лутфий** — мухаммас I, 5; мусаддас 1, 7.

**Мажид барлос** — қитъа 60, 1.

**Мажнун** —ғазал 8, 5, 6; 9, 5; 12, 9; 15, 3; 23, 8; 43, 4; 45, 6; 53, 6 56, 4; 64, 1; 67, 2, 11; 73, 3; 79, 4; 83, 1; 86, 10; 89, 2, 5 96, 7; 133, 3; 137, 6; 142, 7; 146, 4; 155, 2; 157, 3; 160, 5 161, 9; 166, 4; 174, 6; 176, 2; 177, 5; 184, 5; 198, 3; 200, 2 211, 6; 213, 5; 220, 3; 231, 5; 235, 4; 239, 2; 243, 7; 247, 5 254, 4; 257, 5; 258, 7; 259, 5; 267, 1; 270, 5; 272, 3; 275, 1 296, 7; 299, 7; 305, 4; 308, 2; 314, 3; 337, 5; 343, 4; 344, 1 382, 3; 415, 4; 428, 1; 440, 2; 442, 4; 444, 2; 451, 2; 452, 1 458, 3; 460, 3; 463, 2, 4, 8; 464, 6; 469, 4; 474, 4; 479, 6 481, 5; 493, 4; 496, 2; 497, 7; 515, 5; 536, 9; 558, 4; 572, 3; 584, 4; 601, 3; 610, 5; 617, 1, 4; 619, 7; 620, 4; 627, 2; 630,

1, 6; 635, 2; 639, 3; 640, 3; 641, 5; чистон 1, 5. Маръям —ғазал 10, 4; 82, 5; 476, 2; қитъа 12, 2; 29, 2. Моний — ғазал 600, 4. Мусаи Умрон — ғазал 4, 4. Муҳаммад — ғазал 393, 1; қитъа 28, 2. Нуҳ — ғазал 132, 7; 452, 5. Нуширвон — ғазал 500, 7. Одам — ғазал 426, 7.

**Парвез** — ғазал 99, 6; 149, 3; 199, 6; 556, 6. Рустам — ғазал 141, 6; 215, 5; қасида 1, 9; чистон 7, 4. Сайд Жамолиддин — ғазал 91, 7. Скандар — ғазал 69,-1; 95, 1; 132, 8; 183, 1; 316, 6; 396, 6, 7; 447, 1; 470, 4; қитъа 51, 2. Солмон — қасида 5, 11. Сулаймон — ғазал 69, 2; 331, 6. Фарҳод (Кўҳкан) — ғазал 8,5; 15,3; 23,8; 53,6; 58,4; 64,1; 67, 2; 89, 2; 91, 2; 96, 7; 99, 6; 125, 5; 133, 4; 137, 6; 142, 7; 149, 3; 198, 3; 199, 6; 200, 1, 2; 202, 6; 211, 6; 218, 3; 220, 3; 226, 3; 243, 7; 272, 3; 279, 5; 292, 2; 296, 7; 314, 3; 315, 5; 373, 4; 415, 4; 440, 2; 451, 2; 460, 3; 464, 6; 474, 4; 493, 4; 496, 2; 497, 7; 523, 4; 536, 9; 544, 4; 556, 6; 557, 4; 558, 4; 584, 4; 610, 5; 617, 4; 627, 1; 630, 6;

**Халил** — мусаддас 1, 1.

**Хизр** —ғазал 31, 3; 74, 3, 4; 83, 7; 101, 2; 103, 1, 2, 3, 4, 5, 6, 7, 8, 9; 105, 8; 108, 5; 183, 1; 250, 1; 338, 6; 421, 2; 470, 4; 509, 4; 522, 4; 527, 3; 537, 5; 547, 7; мухаммас 1, 3; туюф 12,2. Хотам — қасида 7, 4. Хотиб — қасида 7, 6. Хусрав — ғазал 215, 7; қасида 5, 11. Ширин — ғазал 67, 2; 91, 2; 125, 5; 315, 5; 415, 4; 493, 4; 544, 4; 556, 6. Юсуф —ғазал 4,3; 19,5; 149,7; 191,2; 256,2; 257,4; 521,8; 644, 9; 647, 3. Яъқуб —ғазал 79, 7; 644, 9. Корун — ғазал 69, 3; 296, 6. Фазнавий (Маҳмуд) — ғазал 79, 7; 644, 9. Хусайн, сulton (Шоҳ

Абулғозий Боҳодирхон, Хусрави Ғозий) —ғазал 134, 9; 205, 13;  
мухаммас 2, 7; мусаддас 2, 7; қасида 5, 4; қитъа 24, I; 28, сарлавҳа.

## ГЕОГРАФИК НОМЛАР

**Адам** —ғазал 14, 3; 23, 3; 241, 2.

**Ажам** — ғазал 613, 11.

**Арас** — ғазал 356, 7.

**Астробод** — ғазал 611, 7; 621, 9.

**Бадахшон** — қасида 5, 1.

**Батхо** — ғазал 6, 7.

**Бағдод** — ғазал 99, 7.

**Бестун** — ғазал 544, 4.

**Биржис (Муштарий)** — ғазал 69, 5; 295, 2.

**Бобил** — ғазал 19, 5; 520, 5.

**Боғи жаҳон** — ғазал 105, 11.

**Бухоро** — ғазал 6, 7.

**Дажла** — ғазал 141, 3; 275, 5.

**Жайхун** — ғазал 141, 3; 275, 5; 617, 7.

**Зуҳал** — қасида 9, 2.

**Зухро** — ғазал 251, 3.

**Ироқ** — ғазал 364, 7.

**Кайвон (Сатурн)** — қасида 8, 2.

**Канъон** — ғазал 201, 1; 231, 1; 644, 9.

**Каъба** — ғазал 173, 4; 295, 9; 311, 8; 334, 6; 345, 9; 364, 5; 420, 7;  
448, 8; 501, 8; 513, 6; 612, 7; 621, 1; 650, 6;

**Қитъа** — 53, 1.

**Кобул** — ғазал 230, 7.

**Марв** — ғазал 484, 1.

**Машҳад** — ғазал 505, 1.

**Миср** — ғазал 571, 5.

**Ому** — ғазал 356, 7.

**Суҳайл** — ғазал 251, 3.

**Табриз** — ғазал 99, 7.

**Уторуд** — қасида 1, 6; 4, 1, 2, 6, 7; 5, 3, 9.

**Хито** — ғазал 204, 5; 249, 6.

**Хурросон** — ғазал 364, 7; 469, 7; 646, 1.

**Хўтн** — ғазал 588, 3; 649, 3.

**Чин** — ғазал 22, 1; 516, 1; 628, 1.

**Эрам** — ғазал 397, 5; 405, 2; 510, I; 543, 4.

**Ҳайбар** — ғазал 57, 3; 204, 5; 295, 7; 337, 1.

**Ҳижоз** — ғазал 364, 7; 469, 7; 579, 3; 613, 11.

**Ҳинд (Ҳиндистон)** — ғазал 37, 7; 230, 7; 266, 2.

**Ҳирий (Ҳирот)** — ғазал 295, 9; 593, 7.

## ЭТНИК НОМЛАР

**Лўли** — ғазал 166, 5; 185, 2.

**Турк** — ғазал 144, 9; 205, 5.

**Қиёт** — ғазал 73, 9.

**Қўнғирот** — ғазал 73, 9.

**Ҳабаш** — ғазал 249, 6.

**Ҳинду** — ғазал 166, 1; 181, 4; 308, 5; 344, 2; 506, 1; 508. 4, 5; қасида 3, 3.